


UTL AT DOWNSVIEW



D RANGE BAY SHLF POS ITEM C
39 11 09 03 03 001 5

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

BF

38


A36

1884

Ahmet Mithat

İlhāmāt ve tağlīṭāt
1 def.

HB 28-1-67



Ilhāmāt ve taḡlītāt

Ahmet Mithat

پسیقولوژی یعنی فن منافع الروحہ دائرہ

بعض ملاحظات

Ilhāmāt

ve taḡlītāt

—0—

محرری

اجلہ مدحت

—0—

«ترجمان حقیقت» غزتہ سنہ تفرقہ دن صکرہ

ایلاک دفعہ

اولہرق معارف نظارت جلیلہ سنک رخصتیلہ

کتاب اولہرق دخی باصلہ شد

استانبول

۱۳۰۲

BF
38
A36
1884

﴿ الهامات و تغلیطات ﴾

پسیقولوژی یعنی فن منافع الروح و حده دائر

بعض ملاحظات

—0—

مبحث

1 1015447

« خلقت بشریه ده تساوی و یا عدم تساوی »

منطقه یونک « قامتی مستقیم در یسی

چپلاق طرناقلری اکلی ایکی آیاغی اوزرنده

یورر بالطبع کولر « دیه عرضیاتیله تعریف

ایلدکاری مخلوق عجیبیدن بر یسی نیرده

کورسه کز « انسان » دیرسکز . تعریف

اغیارینی مانع افرادینی جامع اولدیغنه کوره

بو تعریف ایله معرف اولان ملی و نلرجه
 انسانلرک شو معرفیتلرنده کی تساویلری عجبا
 خلقتلرنده کی تساویلرنده کی نشأت ایدر ؟
 هر انسان دیکر ینک عینیمیدر ؟ هیات !
 علم قیافت ار بابی انسانلرک اشکال
 خارجیه سنی تدقیقه جملهدن ایلرویه
 کتشلردر . « ایکی انسان بولنه مزکه بریسی
 دیکر ینک عینیه شبیهی اولسون » دیمشلردر .
 اما بوسوزی او یله نوع بشر اوزرینه
 آنقلری لحاظه واحده ایله دفعه سویلیویر
 مامشلردر . تدقیقات و تبعاتی پک ایلرویه
 کوتوره رک انسانلردن هر بر ینک باشی
 قولاغی قاشی کوزی آغزی بورنی الی ایاغی
 و سائر هسی بولنوب بو اعضادن هر برینه
 مخصوص اولان اشکالار یله برابر اعضای



مذکورہ نك عمومك وضعیت طبیعیہ لرینہ
 نظراً اصحابہ « انسان » دینلدیتی حالده
 اعضای مذکورہ دن بر انسانده کوریلان
 هر بری دیگر انسانده کوریلان هر برینه
 شكلاً شبیه اولمدقندن ماعدا وضعیت دخی
 شبیه اولمدقنری کوریلوب آكلاشلدقندن
 صكره یكدیكرینه عینیله مشابہ ایکی آدم
 بولنده میه جغی حکم اولنمشدر .

علم قیافت ایچمه قدیم بر زماندن برو
 بر چوق ارباب تدقیقی اشغال ایتمشدر . بزجه
 ابراهیم حقی حضرتلری بو علمده معروفلر .
 دن اولوب اورو پا ترقیات جدیده سی علوم
 قدیمه دن بر چوغنی صرف او هامدن عبارت
 اولمق اوزره رد ایلدیکی حالده اس الاساسی
 تشریح کی فیزیک و لوژی کی علوم طبیعیه په



تعلق کو سترن علم قیافت رد اولند مامش
و بر چوق مدققین بو علمه اشتغال ایلمدکاری
کبی معاصریندن « ژول دوگران پره »
علم مذکوره دائر بش یوز شو قدر بیوک
صحیفه لی مصور و مکمل بر کتاب وجوده
کتیر مشدر • ایشته بو ذات کن دیسندن اول
علم قیافتده تفرد ایلش اولان « لا واته » نام
حکیم تدقیقه اتنی عیناً قبول و کنیدی
تدقیقه اتیله توسیع ایده رک دنیا ده یکدیگری نیک
شبییه تامی ایکی آدم بولنق شو یله طور سون
ایکی بورون و یا خود ایکی ال بیله بولنم دیغنی
حکم ایله علم قیافتک « کیر و مانسی » یعنی
فن احوال ایادی قسمنک مدخلنده دیمشدر که:
« انسانلرک چهره لرنده نه قدر فرق وار
ایسه لارنده دخی او قدر فرق واردر •

یکدیگر ینه تماماً بکزه یان چهره بولنه دیخی
 کبی ایکی ال دخی بولنه من که بری بر ینک
 شبیه تامی اولسون . یار مقلک اوزونلغنده
 قیصه لغنده قالینلغنده اینجه لکنده مدور ویا
 مر بعل کنده مفاصلده ال اوسه تنده آووج
 ایچنده کی جز کیلرده و الحاصل « ال » دیه
 بر هجا ایله تسمیه اید یویر دیکمز او عظیم و واسع
 میدان تدقیقک هر جهت تهنده او قدر تشابه
 وارد که ایادی عمومی بشریه دن بر یسنک
 دیگر ینه مشابیه تامه سنی قطعاً منع ایلر »

دها شور اچقده صانع ماهر مطلق
 عز جلاله حضر تکر ینک عظمت و اجلالنه
 انسان فصل حیران قالمز که میلیونلرجه
 میلیارلرجه ال تصنیع ایدرده هر برنده
 بر یسنک دیگر ینه بکزه میه جکی درجه لوده

اوسته لق آثاری کو ستر ؟

فکر مزی شو قدر جق بر جولا نلاند ر مق
اوزر یسه مجتمزك سر لو حده سنده سرد
اولان مسئله یه حل ایدیلوب بتش دیه
بیله جگهی بز ؟ انسانلر ك اشبو عدم تشابه
عمومیسنه نظراً خلقتلرنده دخی تساوی بولند
یغنه قناعت ایلیه جگهی بز ؟

تمهیدات واقعه مز هنوز بویله بر قناعت
حصوله کتوره جك قدر بسط و توسیع اید .
لما مشدر . انسان یالکز شکل خارجیسی
ایله می انساندر ؟ انسانی تشکیل ایدن شیلر
الذن آیا قدن بوروندن قولاً قدیمی عبارتدر ؟
انسانك ذاتیاتله تعریفنده « حیوان ناطق »
دیلدیکی زمان بونا طقیتمدن ذهن در حال اشکال
خارجیه دن اعضای داخلیه یه انتقال ایدر .

انسان اولادینه مخصوص اولان الاردن
 آیاقلردن هیچ بریسی دیکرینه شبیه اولمدقلری
 حالده عجباینه انسان اولادینه مخصوص
 اولان دماغلردن جگرلردن قلمبلردن بریسی
 دیکرینه مشابهیدر ؟

تمهیدات سابقه مزه استناداً در حال
 بو سؤاله نفی ایله جواب و یره بیلورز .

ار باب تشریح اشبو اعضای داخلیه نک
 دخی عدم تشابهلرینه تدقیقات تشریحیه لر یله
 قائل وقانع اولمشلردر . جگر کبی قلب کبی
 عضولر اوزرنده اجرا ایدی لان تدقیقاتک
 قارئلر مزه ارائه ماهیتی ایچون صدرلر ایچنده
 محفوظ اولان بو عضولره انظار دقتلرینی
 دعوت ایده مزایسه کده دماغ اوزرینه
 انظار دقتلرینی خارجاً جلب ایده بیلک

ممکندر . دماغ بشر قفا نك طاس، كيكی ایچنده
 مملو و محفوظ اولدیغندن شكل دماغ ذ كر
 اولنان طاس كيك نك شكليله آز چوق
 متشكلدر . ايمدی قفا طاس نك بيوك كيكی كو چك كيكی
 سيوريلكي يو وارلاقلی جبهه زاويه سنك
 آچيققلغی قپانقلغی اكسه نك و شاققلرك چو .
 قورلغی بومروالغی و سائر يك در لواحوال قفا
 طاسلرنده كی عدم مشابهي كوسترديكی كبی بوكا
 نظراً قفا داخلنده كی دماغك دخی يكديكرينه
 عدم مشابهي استدلال اولنور .

مع مافیه يالكز اعضای خار جیه نك عدم
 تشابه لريله خلقت بشر ده كی عدم تساوی بی
 همان حكم اید یورمیه جكمز كبی يالكز اعضای
 داخلیه نك عدم تشابه لريله دخی بوفقه دان
 تساوی بی حكمده استعجال كوسترمیه جكمز .

مسئله مزك بحق تشریحی ایچون برآز دها
تمهیداته لزومز واردر .

بورایه قدر اشتغال ایلدیکمز اعضای
خارجیه و داخلیه بحثی ساده جه و صافیجه
بر علم قیافت مبحثی اولوب مسئله بی هنوز
فیزیولوژی یعنی علم منافع الاعضایه بیه
تطبیق ایتمك . « کوز » دیورز و علم قیافت
نتایج تدقیقانه استناداً عموم نوع بشرك
کوز لرندن بریسی دیگرینه مشابه اولمدیغنی
دخی حکم ایدیورز . یا عجبا کوز دید .
یکمز اعضا کندیسی ایچون معین اولان خدمتی
ایفاده اولسون یکدیگرینه متشابه میدرلر ؟
هر کوز بر درلومی کورر ؟

احتمال که بوراده قارئلرمن شو سؤالاك
جوابنده تردد ایدرلر . بادی امرده حققری ده

وارد در . بز اشیا و اشباحی کندی کوز مزله
 کوره رک آنره بشقه لر ينك کوز لریله باقه بیلک
 احتمالندن قطعاً بعید اولدیغمز ایچون اشیا بی
 هر کسک ده بزم کیمی کوردکارینی در حال
 حکمه تردد مز معذور در . فقط تدقیقات فنیه
 و فنونک صنایعه جهات تطبیقیه سی بوم مسئله
 بی دخی نظر مزده حل ایتشدر . هیزک
 بداهه کوروب آنلایه بیله جکمز بر صورت
 وضوحه قویتمشدر . فیزیولوژی اثبات
 ایتشدر که کوزلرک بعضیسی یقینی ایی کو.
 روب اوزاغی کورمز . بوکا « میوپ »
 اسمی و یرلش و دیگر بعضیلری اوزاغی ایی
 کوروب یقینی ایی کورمز . بوکا دخی
 « رهز بیت » اسمی و یرلشدر . حال بوکه
 برمیوپ قاچ خط وهدن عبارت اولان

اوزاغی ایی کوررده قاج خطوه دن عبارت
 اوزاغی ایی کورمز؟ کذلک بر پره ز بیت
 کندیسنه نه قدر یقین اولان شیئی ایی کورر
 ده نه مقدار یقین اولانی ایی کورمز؟ یعنی
 بر یسی ایی کورمک ایچون اشباحی کندیسنه
 نه قدر یا قلاشدرمغه و دیگر نه قدر اوزا قلا.
 تدرمغه مجبور اولور؟ تعبیر فنیسنجه یعنی
 اشعه نظریه خطوطنک تشکیل ایلدکاری
 زوایای حاده نک نه قدر آچیلوب و یا نه قدر
 قیاسی لازم کلور که بر میوپ و یا خود بر
 پره ز بیت اوزاغی و یا خود یقینی ایی کوره.
 بیلسون؟ بومشکلی فنک و صنعتک نه قدر
 کوزل و ضوح ایله حل ایتدیکنی آ کلامق
 ایچون کوز لکجیلک صنعتنه دقت ایدرز.
 کوزک میو پلغنه پره ز بیتلکنه کوره ایکی

نوع کوزلك ياپلديغى كې هر قسمك كندى
 درجات منقسمه سنده كوره نومرولى تفریق
 اولنديغى نظر عبرته آلورز . ايکيسي ده
 ميبوپ اولان آدمردن بر يسه نه اون بش
 نومرولى کوزلك يارادىغى حالده ديكر ينك
 طقوز نومرويه محتاج اولديغى دوشونوب
 ايشته قواى رؤيتك بواختلافى اوزرينه
 قطعياً حکم ايدرزكه انسـانلرک کوزلى بر
 برينه مشابه اولمىقلى كې کوزلرک کورشلى
 دخی قطعاً متشابه دکلدر .

امادينه جك كه مثلاً يالکزاون نومرولى
 کوزلكه محتاج برچوق آدم بولنور و ايشته
 بولرک کورشلى متشابهدر . مقابله ديرزكه
 نومرولى بر امر اعتباريدر . بر نومرودن ديكر
 نومرويه قدر آرده برچوق مراتب دهـا

وارد در که نومر و لک اجزای منقسمه سی کسورا .
 تی اولد قلمی حالیده کوز لک جیلاک صنعتی
 بونلری نظر اهمیتدن اسقاط ایدر . فلان
 نومرولی کوز لکک فلانجه کوزده ممکن
 مرتبه یارادیغی حکمیله عمل اولنور .

بوراده کوز مسئله سنی بر مثال اوله رق
 ایراد ایتدک . سائر هر اعضا نلک قدر تلمی
 دخی بویله در . معدده قوه هاضمه قلبده
 قوه جولانیه دماغده قوه حافظه حاصلی
 هر اعضاده هر قوت بویله غیر متشابهدرلر .
 آنجق بوشابهتسنلک اوزرینه دخی خلقت
 بشر به ده کی عدم تساوی بی حکم ایدیور .
 میهرک پیسیقواوژی یعنی فن منافع الروحده
 دخی بر آزجیق اولسون تطبیق مسئله
 ایتلی بز .

طبایع بشریه نك مطرد اولیوب مختلف
 اولسی هر زمان ار باب تدقیق اشغال
 ایلمشدر . انسان کور یلور که بر جانانك
 سوداسیله دنیا و مافیهایه کوز یومدیخی
 حالدده انسان کور یلور که حس سودادن
 بالکلیه ماری اوله رق عالم امکانده کی حسن
 وجهالی شخص واحدده جمع ایده جاك
 اولسه لر حریفك یوز کی طوكمش اولان
 قلبنی یوموشاده من .

انسان کور یلور که بر قیاسك مقدماتندن
 نتیجه بی در حال استنتاج ایدر یعنی « لب »
 دیمه دن لبلی بی اكلار . انسان کور یلور که
 بر معادله ریاضیه بی کافه براهین هندسیه
 ایله نظرنده حل و اثبات ایدر لرده ینه بون
 بون انسانك یوز ینه باقوب اعتراف بلاهت

ایلو . بو آدمه « لب » دمه دن لبلی بی
آ کلامق شو بله طور سون لبلی بی بورنه
صوقسه لرینه بیخبر قالور .

اوته طرفده بر حکیم بر ادیب کو-
ر یلور که سانشاتندن کاغد اوزرینه قویه-
بیلدیکی مقداری انظار قیمت سنجانه عرض
ایلدکده علوفکرینه جمله بی حیران ایدر .
هر کس « نه بیوک آدم ایمش ! » دیر .
احتمال که او آدم جسماً اک چلمسز اک کوچک
بر معیدی نایدیر . فقط نه دن انسانیلردن
بر یسی ینه بنی نوعی نزدنده « بیوکدر »
دیه تمیز ایدیلوبده نه دن بوا عترافده بولسانلر
اعترافلر بله کندیلرینی او بیوک آدمدن کوچک
اولق اوزره تعیین ایدیورلر ؟

انسان کوریلور که بر بلوک دشمن اوزرینه

یالین قیلج صال دیروب جله سنی تار و مار
ایدر . انسانلر کوریلور که کندیلری بر بلوک
اولدقلری حالده جرأتلی بر آدمک قیلجنه
اکسه سنی اوزاتمی ذلی ایله عارف ار آره سنده
مخیر قالور لر . او بر تک آدمده کی خصلمت
نه در که کندیسنی بر بلوک آدمه فائق و بر
بلوک آدمده کی حال نه در که کندیلرینی بر تک
آدمدن ده ا ناقص اولمق اوزره حکم ایتدیر .
یور . بو بویو کلک مطلقا ر و حده بو کو چکلک
ینه مطلقا ر و حده او له جفته کوره انسانلر
اشکال خارجییه و داخلییه ده متخالف و احوال
فیزیو لوژی بقیه ده متباین اولدقلری کی
احوال پیسیقو لوژی بقیه ده دخی متفاوت
اولدقلری حکم اولنور . بو حکمی حکمت
دینییه دخی تأیید ایلر . بزم السئده ندای

ربانی به مقابل « بلی » جوابی و برو بویره -
 مامك دخی اختلاف قابلیات روحیه - دن
 نشأت ایتزمی ؟

ایشته تمهید اتمزك شو نتیجه سنده انسانلرك
 خلقته عدم تساویسی اوبله مستعجلاً و علی العما
 دكل ایجه برتدقیقی و تفحص نتیجه سنده
 نظر قبولزده تحقق ایلدی .

یا عجبا انسانلردن فرد واحد هر زمانه
 کوره کندی کنیدیسنه مشابیهدر ؟ مسئله نك
 بوجهتی حل ایچون بحث آتیزی کشاد
 ایدهلم .

بحث

۲

« انسانك کنایینك کندینه عدم مشابیهتی »
 انسانك رحم مادرده نطفه و مضغه و علقه

حالی رینه کیرمسنه یعنی یورطه ایچنـده کی
 پلج هر کون بر حاله نصل نحول ایدر ایسه
 جنینک دخی تام الاعضا بر نوزاد حالنه
 کیرمسی هر کون بر بشقه صورت آلهرق
 تکمل ایلمنه نظراً انسانک کنیدیسی دخی
 کنیدیسنه بکزه مامک تجلیسی دهـا رجم
 مادرده ایکن انسانی استقبال ایلدیکی
 آکلاشیلور .

مداخل و مخارج ظاهره و معروفه سندن
 وقوعبولان ادخالات و افرازاتندن ماعدا
 انسانک خارجاً صورت بداهتده کوریلوب
 تقدیر اولنه میه جق بر طاقم واردات و
 استهلاکاتی دهـا واردرکه انلر نظر تدقیقه
 آنورده تقدیر ایـدیـلور ایسه انسانک بر
 دقیقه سی بر دقیقه سنه اویمدیغی و بناء علیه

هر دقیقه به کوره انسان کندی کندیسناک
 دخی مشابهی اولدیغی حقیقهٔ محیر عقول
 اوله جق بروضه وح ایله توضیح ایدر .
 ایسته بو واردات و استهلاکات مسئلهٔ
 عجیبه سنی براز شرح ایدلمده کورلسون :
 تبول و تغوطدن بدأ ایله ترله مک و
 توکورمک درجه سنه وارنجه به قدر انسانک
 کافهٔ افرازاتی هر کونکی مأکولات و
 و مشرو باتیله مقایسه ایدیله جک اولسه
 اغزدن وقوعبولان ادخالاتک مقداری زائد
 و منافذ معلومه سندن وقوعه کلان افرازا.
 تک مجموعی ناقص اولدیغی تحقیق ایدر .
 بو زائد ایله ناقصک فضلی زریه کیدر ؟
 واقعا بوسهؤالک ایلک جوابی پک
 ساده در . دینلورکه طفل نوزاد صولودقجه

بیومك نوعندن اوله رق هر کون بیویه
 بیویه وجودینک قطعه و جسامت طبیعیه.
 سنی بولدیررکه ایشته اغزدن وقوعبولان
 ادخالاتی مخارج معلومه سندن وقوعه کلان
 اخراجاتی اره سنده کی فضل دخی شو و جهله
 تشکیل وجوده خدمت ایدر .

شمذیکی حالدیه بوجوابی تمایله قبول
 ایدرز . زیرا مسئله نك بوجهتی دخی انسا.
 نك هرآنه کوره کندیسکی دخی کندیسنه
 بکزه مدیکی حقنده کی دعوایی اثباته خدمت
 ایلر . اویله یا ! بر طفل نوزاد ایکیوز در.
 همـلك بر وجود اوله رق رحم مادر دن
 چیقوبده قرق کون ظرفنده بر بچق قیه لك
 بر وجود اولیور ایسه او بر بچق اوقه لق
 وجود اولیکی یار یم اوقه لق وجودك عینی

اولمديغى بدهت صورتيله تحقق ايليور .
 قرق كونده وقوعه كلان درتيوز درهم
 فرق ايام اوزرينه تقسيم ايداسه كونده اون
 درهم وساعت اوزرينه تقسيم ايداسه
 ساعته $\frac{1}{24}$ درهم بر فرق اولمديغى
 كور يلور كه بوندن دخى بو كونكى چوجق
 دونكىنك عيني اولمديغى كى بو ساعته كى
 چوجق دخى بر ساعت اولكى اولمديغى
 آكلاشيلور . ايستيلور ايسه حساسامز
 دقيقه لره و ثانیه لره قدر يوروتيله رك بر ثانیه
 اولكى چوجقك بر ثانیه صكره كى چوجق
 اولمديغى دخى تسليم ايديلور .

انجق انسانك ادخالات و اخراجاتى
 اره سنده كى فضل يالكر وجودك اكمل قطعه
 وجسماتى قدرده دكلدر . برچوجقك اون

سنه ظرفنده وقوعبولان ادخالات و اخرا-
جانی ارهسنده کی فضل حساب ایدلسه
وجودینک ایلک حالی ایله صولک حالی
ارهسنده کی فرقدن دهاپک جوق زیاده
اولدیغی کوریلور . باخصوص چوجوق
بیویه بیویه وجودینی بردرجهیه وار-
دیرکه آندن صکرهدها زیاده ترقی وقوعی
شویله طورسون وجود برووقوف حالنده
بیله قالمیه رقتدنییه دخی بوز طوتار .
حالبوکه بوزمان دخی ادخالات اخراجاته
غالبدر . مع هذا بزهنوز طفولیت زماننده
کی حالی کوز اوکنه الهام . فضل ادخالات
واخراجات ایله فرق وجود ارهسنده کی
ایکنجی فضلی براقیهلم . شوایکی فرق
ارهسنده کی ایکنجی فضلی دخی تحری ایدر

ایسهك یوقاروده بیان ایتش اولدیغمز و جهله
واردات و استهلاکات مسئلهء عجیبه سنی
اصل اوزمان شرح ایتش اولورز .

ارباب فن انسانی عادتاً بر صوبه یه تشبیه
ایتش-لمردر . حرارت غریزه او صوبه نك
آتشی اول-وب مأکولات بومید انك محرو-
قایدیر . هم ده سااثر صوبه لر کبی وجود
بشر صوبه سی دخی دروننه دخول و خروج
هوا ایله یا نمقده دوام ایدر که او جریان هوا
منقطع اولسه صوبه نك آتشی بوغولوب
و قراروب نهایت سوز .

بو کیفیت عجیبه یی براز ایضاح ایدهل :
شریان طمارلر مز ایچنده کی قان وجود مزك
هر طرفنی جولان ایدر ك وجود مزده تجدید
و ادامهء حیات ایچون طراوتلندیر مك وظیفه .

سنى اينفا ايلد كدن صكره ر نكي قراروب
 تصفيه يه محتاج اولور . قانمه لايه قطع
 قاريشه رق بوكر كرده بوله تحول ايدن صولر
 تطهير دم خدمته يارديم ايدر لر ايسه ده
 اصل دمك تطهري عرق دنيلان سياه قان
 طمار لر ندن قلبه واورادن جكر لره واصل
 اولديغي زمان جكر لره هوا ايله وقوعه
 كلان تماسده ميسر اولور . (*) ايمدي كرك
 تبول حالنده قاندين افراز اولنان مواد
 مستعمله و كرك جكر لره تماس هوا ايله

(*) معارفندان ضابطان عسكر يزدن صادق
 بك غزنه مره درج ايتديره رك آير يجه كتاب صو
 رتنده دخی باصلیش اولان « الكیمیا فی تحلیل الهواء
 والماء » نام اثرنده هوانك جكر لره وقوعه كتوردیكى
 شو تحولات عجیبه یه دائر يك كوزل ایضاحات مشته
 واردور .

وقوعه کلان تصفویه و تطهرده قان بریاندن
 اکسیلور که بونی تصرفات حیوانیه نك
 استهلاکاتی عد ایدرز . بو حسابی ده از یاده
 بیو تمك ایستر ایسه ك جلد مزدن و مسامات
 جلد مزدن ذرات غیر محسوسه آسا ظهور
 ایدره ك بزى چاشیر دکشدر مکه واستحمام
 ایتمکه مجبور ایلیدان افراز اتی ده داخل
 حساب ایلرز . یا بو استهلاکانه قارشو تصرف
 فات حیوانیه نك وارد اتی بو لمقده صعوبت
 چکرمی بزى ؟ اکل و شربدن مقصد تغذی
 اولوب بو تغذی ایسه اطعمه دن بعد الهضم
 خلاصه ایدیلان کیلوسك یعنی بیاض قانك
 عموم جولان دمه انضمامندن عبارتدر . او
 حالده ديمك او لیور که متصرف اعظم
 حضرتلری تصرفات حیوانیه بو دجه سنی

موازن کتور مک ایچون استهلاکات نسبتنده
واردات دخی تعیین ایدهرک شاید رخصته لک
حسبیله وجود بو توازی غائب ایدهرجک
اولسه کندی کندیسنی یاقه رق ویاخسود
(تعبیره مساعده بیوریلورسه) کندی کند.
یسنی اکل ایدهرک وجوده ضعف کلور و بو
نقصانی اتمام ایچون اعاده عافیت زمانده
انسانک اشتهاسی نسبت اصلیه سندن زیاده
آرتار .

شمی ملاحظه ایدهم که بر چوجفک
وجودینه هر کون بر مقدار وجود انضمام
ایلدیکی جهته بو کونکی وجودک دونکی
وجوده بکزه مدیکنی حکم ایلدیکمز حالده
برده دونکی وجوددن بو کون بر مقدار
ضایع اولمشی وانی تصرفات حیوانیه سنک

مقدار دیگرله جبر و اکمال ایلمسی نظر دقتنه
 اندقدده بر زمانکی وجودک دیگر زمانکی
 وجوده عدم مشابهتی بر قاتدها یو مزهی؟
 اشبو تصرفات حیوانیه مسئله عجیبه سنی
 تدقیقه ایلر ویه کیدن حکم ا دبر لکه تعیین
 مقدارینه لزوم اولمیان بر زمان صکره انسانک
 وجودی او قدر تبدل ایلر که اولکی وجودندن
 هیچ برشی قالمیه رق وجود مادتا تمامله
 یکیشمش کی بر تحول کو ستر .

بوندن اولکی مجتده عموم انسانلرک
 یکدیگرینه عدم مشابهتی تدقیقه علم قیافت
 نقطه نظرندن بدأ ایلمش او لدیغمز حالده بو
 مجتده یالکز برتک آدمک کندمی کندیسنه
 دخی عدم مشابهتی تدقیقه فیرنیو لوزی
 نقطه نظرندن بدأ ایتمش اولمق لغمز مسئله مزی

علم قیافته دخی تطبیقندن بزی بنه منع ابتز .
 حتی بو تطبیق او قدر تفصیلاته دخی لزوم
 و احتیاج کو سترمز .

هر زمان هر کس طرفندن دقت اولنوب
 اکلا شلمش بولندیغی کی اولادینک هر چاغنه
 کوره فوتو غرافیا ایله رسمی الیرانلرجه
 دهها قطعی برهان ایله تحقق ایتشد که چو
 جقدر بیود کچه حالدن حاله تحول قیافتدن
 قیافته تبدل ایدر لر . حتی اوزون برمدتن
 صکره انسان او قدر دکشور که ایکی تصویری
 یان یکا کتور لسه بریسی دیکرینه اصلا
 بکزه مز . عدم مشابتهت بو قدر بدیهی اولد .
 یغی حالده بو ایکی تصویرک صـاحبنه « بو
 آدم شو ایکی زمانده یکدیکرینک مشابهدر »
 دیه نصل حکم و بریله بیلور ؟ نه یوز اولکی

بوزدر نه صورت اولیکی صورت ! ایشته
 بر زمان صکره انسان بالکلیه تبدل ایدرک
 اولیکی وجودندن هیچ رشی قالدیغنی حکم
 ایدنلرک حکمراندهکی اصـابتی بومشـاهده
 ایله دخی قوت بولور .

هله پسیقولورژی نقطه نظرندن باقیلور
 ایسه انسانک کندیسـنک کندیسـنه عدم
 مشابهنی اوقدر عجیب و غریب بر صورتده
 نحقق ایلرکه دوشـوندیکه آدمه وله وحیرت
 کلور . بر زمانکی عقلانی بر زمان صکره
 کندیسـی بکنیمـان آدم آزمیندر؟ بونده قلمت
 آرامق شویله طورسـون بالعکس « آه او
 زمان شمدریکی عقم اولمده ایندی ! » دیه
 حیفلانماش اولان هیچ بر کیمسه بولمیدیغنی
 دعوی ایدیه بیلور . ایکی زمانک عقلی بر

اولمديغنى انسان كندى كنديسنه اعتراف ايلر
ايسه آرتق ايكي عقل صاحبنك بر اولمديغنى
يعنى او ايكي زمانده انسا-انك كنديسى كند .
يسنه بكرة مديكنى انكاره مجالى قالور ؟

حالبو كه پسي قولوڭى نقطه نظرندن بر
آدمك كندى كندينه بكرة مديكنى كورمك
ايچون بويله ايكي زمانك عقلنى مـوازنه
ومقاييسه ضمننده اوزون اوزادى به زمان
چكمسنى بكة مكه دى محتاج دكاز . شمدى
يانكرده بولنوب سزككه كوزل كوزل صحبت
ايدن بر آدم ايله بر بحث آچيكز . افكارينك
خلافى التزام ايديكز . كيتد بكة ضدينه
كيدكز . يواش يواش آنى استخفاف واستهزا .
يه باشلايكز . اودى قزمغه باشلاسون .
نهایت كنديسنه تهور تام كلوبده غضبندن

کوزلری دونه رک سو کوب صایمه وحتی
مضار بهیه قدر وارمه قالشدیغی زمانکی
حالی اولکی حالی ایله مقایسه ایلدیکز . هانیا
اولکی آدم؟

تهور دینلان مرض روحانی بیچاره نک
عقلنی تر به سنی هپسنی کلیاً دکشد رمش
اولدقدن بشقه احوال فیزیولوژی بقیه
و فیزیونومیقیه سنده دخی تأثیر ایدره رک
ضربات قلبی صیقلاشمش جولان دنده سرعت
ککش و بناء علیه تنفسی آرمش حرارت
فریز به سی صوک درجه یه وارمش اولدیغی
کی اعصابی منقبض اوله رق صفحه روینی
نشکیل ایلان خطوط دخی مختل اولمش
توکاری دیکلمش رنکی دکشمش کوزلری
یرندن فرلامش برون قالاقلری آچلمش دیشلری

صفتشوب چکه لری کلید لشمش اولغله شکل
 وقیافتی دخی برآن اولیکی حالندن بالکلیه
 بام بشقه برشی اولمشدر . ایکی حالنده او
 آدمک فوتوغرافیا ایله رسمی النسه بریسی
 دیکرینه اصلا بکزه مدیکی کوریلور . اشبو
 تهور حالنده او آدمک قیافتنه احوال عضو به .
 سنه کلی خلل و تبدل مارض اولدیغی کبی
 احوال روحیه سنه دخی خلل طاری اوله رق
 اولیکی حلمی شده نزا کتی درشتی به منقلب
 اولمش و حتی ذهننده حتی باطلدن فرق ایده .
 جک قوه نمیزیه دخی قالمیه رق فلاتونک
 تهوره « برجنت موقته در » دیدیکی وجهله
 او شخص ماقل موقه دلی اولمشدر .
 بر دقیقه اولیکی انسانک بر دقیقه صکره .

فی انسانه بگزیده مدیعی حقننده ابراه ایدیه پیلده
 جگمز مشال یالکز بو نهوردن ده عبارت
 قالد مز • حزن وسودا و حرص کبی نه قدر
 امراض نفسانیه و روحانیه وار ایسه بجله
 سنک انسانه وقت وقت ورودی انسانی
 حالدن حاله تحویل ایدر • حکایه سی مشهور
 اولدیفی اوزره بر دقیقه اول محبی اولان
 حکیم ایله بحث ایدن فیلسوف دنیاده اولاد
 و عیالدن بیولک سعادت اوله میده جغنی دعوی
 ایدر ایکن کو یا اوغلی وفات ایلدیکنه دائر
 جعلی اوله رق کندیسنه تبلیغ اولنان بر خبر
 اوزرینه فریاد و فغانه باشلایه رق دنیاده
 اولاد و عیالک دخی برمدار فلاکت اولدیغنه
 قناعت ایتسی کبی امراض نفسانیه دن
 هر بری انسانک مسلك حکمتنی ولو که موقه

اولسون تغییرہ قدر حکم و تاثیر کو ستر •
حقیقت حال ہوندن عبارت ایکن انسانک
ہر زمان ایچون کندی کندیسنه مشابہتی
ادما اولنہ یلورمی ؟

ہیسنندن قطع نظر ایدہلم • انسانک یالکز
قوہ مفکرہ و خیالیہ سنی الہ آلام • ذہنہ
بر آندہ بیک شی توارد ایدر • بردقیقہ اول
انسانمزہ لا ذہنہ بر سودا اغورندہ فدای
جان و جہان ایتک صورتی موجود اولدیغی
حالدہ بر انسان ایکن بردقیقہ صکرہ دیگر
بریسنک مالنہ کوزدیکمش اولق صورتیلہ
بر انسان اولور سہ شو ایکی انسان یکدیگرینہ
مشابہ عدا اولنورمی ؟ نصل عدا اولنہ یلورکہ
اولکی انساندہ بر فدا کارلق و اریکن ایکجی
انساندہ یوقدر • کذلک اولکی انساندہ بر



حرص و طمع بوق ایکن ایکنجی انسه انده
 وارد ر . ایسته شو فرق پسیق و او ژبقی ایکی
 آدمک بشقه بشقه اولد قلینی حکمه مدار اوله
 ییلور .

بحث

۳

« الهامات و تغلیطات »

اثر مرکز سر نامه عوموسی « الهامات
 و تغلیطات » ایکن بورایه قدر سبق ایدن
 ایکی بحثک بر یسنده عوم انسانلرک یکد .
 یکرینه بکزه مد کلرینی و دیگرنده دخی انسانک
 کندی کند یسنده بیله مشابه عد اولنه میه جغنی
 سرد ایله هنوز الهاماته و تغلیطاته دار
 برشی سو یلدرک . سبی ایسه مهبط الهامات
 نوع بشر اولدیغی کپی مرکز تغلیطاتینه

نوع بشر اولدیغندن اول او زمینى نظرگاه
تدقیقهزده کوزجه بر تعیین و تحدید ایتک
قضیه سیدر .

عقل و حکمتك مقتضاسى محاسبندن عبارت
اولوب معایبی عقل و حکمتك رد ایده جکی
دعواسنی بـون جهـان تصدیق ایدر .
انسانلرمیاننده الك زیاده فناقله شهرت بولش
اولان آدمیره سـؤال ایدلسـه هیچ بر یسی
بولنده مزکه محاسبنی ردو معایبی ترجیح ایلسون .
بر کاذبه « سن کاذبسك » بر خرسزه « سن
سارقك » بر چاپقینه « سن چاپقینسك » دیه
صفت صحیحه ولایقه سنی یوزینه اور یله جق
اولسه بونلك هیچ بر یسی او صفت
صحیحه ولایقه سنی اعتراف ایتدکدن
بشقه انکارده اول قدر ایلرویه واررکه

كندى صفتنى كندى سنده حكيمده براز ندها
 اصرار ايديله جك اولسه مجادلده قدر كوزه
 الدبر . بونك حكمتى ندر ؟ هيچ شبهه
 يوقدر كه محاسن انسانيلر ايچون بر مقتضاي
 الهام اولوب معايب ايسه تغليطات نفسا .
 نيه نك انسانيه قبول ايتديرديكي شير اولغله
 فنا آدمليك صفت صحيحلري يوزلرينه
 اولدقدده اصل واصح اولان الهاماته
 قارشو دوچار غلط اولدقلىنى اكلايه رق
 كندى كنديلرندن اوتانملىر و فقط بوندامت
 وحيالرينك درجه سنى تحملا رندن زياده
 آرتيرماق ايچون ارتكاب ايلدكلري معايبي
 بشقه لرينه اكلاتمق ايستاملري حكمتلرندن
 طولايى او انكارده اصرار كوستيريورلر .
 نوع بشر ك شرف انسانيته موافق

اولان می محاسن اولدیفی و تعبیر دیگر ایله
جناب حقك نوع بشردن خیر و حسنات
ایستدیکي و حکم اصلی بواولوب آنك
غیرسی ایسه او اصل اوزرینه عارض
ایدوکی او قدر محققدرکه بونی هر کس نظرنده
و هر درلو نقطه نظرندن اثبات ایتك پك
قولایدر . یالکزشونی دوستونك کافیدرکه اگر
انسانیت ارتکاب معایبه استعداددن عبارت
اولسه ایدی انسان مثلاً دائماً حدت و غضب
حالنده بولنه رق علی الدوام قلب قیرمق
ایله توغل ایتلی ایدی . حالبوکه انسانك
حال اصلی و دائمیسی حلم و شفقت اولوب
اظلم ناسدن اولنلرک بیله زمانلرندن الچو غی
حلم و شفقت ایله پکر . كذلك مثلاً انسان
علی الدوام کذب و فحش و سرقت کبی



مما یدیه بولندرق حمامنه اصلا تقرب ایتماعی
لازم کلور ایدی . حالبوکه الک کاذب الک
فاحش الک سارق آدمارک اغلب زمانی بو
صفتلری مقتضاسنه مفایر اولهرق بالنسبه
صلاح حالده پجر . هله خیر و حسنات
خالق انسان اولان جناب مولانک آرزوسی
اولدیغی دوش-ونیلوبده شر و معایب
تغلیطات نفسانیه قوماندانی اولان شیطانک
الترامکردهسی بولندیغی نظر موازنه یه
النورده اصل واقوی اولان جناب مولا
و حادث و ادنی اولان شیطان اولدیغی
دریش ایدیلور ایسه بلاشبهه ولااعتراض
تحقق ایلرکه شان اصلی انسانیت مهبط
الهام اولمقدن عبارت بولندیغی حالده ینه
او انسانک مرکز تغلیطات نفسانیه اولسی

اصل شانه نسبتاً ایکنجی درجه ده قالان
بر حال مارضیسیدر .

انسان الهامات و تغلیطاتک او قدر
عجیب و غریب بر میدان مبارزه سی اولیور .
که بومبارزه نك بعض کره خارجه کوریلان
آثاری حقیقه عقیلابی حیرته بر اقیور .
مثلاً بر عاجز بر مسکین کلوب بر قوی یه بر
مقتدره اولامحزون بر چهره ثانیاکوز یا شلری
ایله حال عجزینی اکلاته رق نهایت بر لسان
استرحام ایله افهام مرام اییدیور . شمدی
بوزوالی یه ایله جک معامله نه در ؟ مرامنی
حاصل ایتکه الدن کلدیکی قدر چالشمق
دکلی ؟ اما الدن هیچ بر شی کله میه جک
ایمش . باری عاجزدن عذر دیلرجه سنده
عدم اقتدارینی بیان ایتک مقتضای مروت

بشریه دگلیسدر ؟ هیچ بر انسان بولنمز که
 بونی انکار ایلسون . اصل و اساس احوال
 بوندن عبارت بولندیغی حالدیه یا اومسکینک
 عرض حال و استرحام عنایت ایلدیکی آدم
 باروت کبی پارلایه رق » بقیل شورادن
 خسنزیر ادبسن حریف ! « کبی شتوم دلا
 زاری ایله بیچاره بی دها ز یاده اغلاته رق
 دفع ایدر ایسه ؟ » جانم
 او یله شیمی اولور ؟ « دیدیکز ها ؟ بو یله
 شی اولور . برکت و یرسون که انسانیک
 احوال اصلیه و اساسیه سی بوندن عبارت
 اولندیغی جهتنله بو یله شیلرک وقوعی دائمی
 دکلدر . اوت بو یله شی اولور . هم ده
 بیلور میسکز نهدن اولور ؟ او حق عبارت
 دلازارانه بی ایدن آدم اولجه هر کیسه ایسه

يك فناء بر صورتده حد تلخش غضبلمش
 اولور و او عاجز بچاره دخی بو حدت
 و غضب اوزرینه ککش بولنورده بویه
 انسانییت ایچون وقوعنه احتمال بیه ویر-
 یله میه جک اولان بر حال وقوعه کلور . او
 حال غضبده ایکن انسان دنیلان میدان مبار-
 زده تغلیطات نفسانییه نك حکمی غالب
 اولدیغندن خار جده دخی اثرینی بو صورتله
 کوستر مشدر . براز صکره دلازار حریفه
 اعتدال کلنجه یعنی مبارزده ینده الهامات
 غلبه ایدنجه اولیجی حر کتندن کندیمی دخی
 محبوب و پشیمان اولور و الهامک کوستره .
 جکی مجبور یته کوره احتمال که او عاجزدن
 صذر دیله مکده قدر بیه وارر .
 احوال انسانییه دقت پیور لسون .

نه قدر معایب وار ایسه آنری ارتکاب
 ایدنارک هیچ بریسی حال اصلی انسانیت نرنده
 ایکن ارتکاب ایتمزلر . بر کاذب دها ابتدای
 کلامنده وهله یالان سو یلز . بر بحثک
 جریانی او آدمی حال اصلی راسته کوییدنندن
 چیه قاررده اوزمان یالان سویلر . کاذب
 بویله اولدیغی کبی قاتل دخی بویله در . انسان
 مکر چیلدیر مش اولمایدیر که ایلک حرکتی
 اولق اوزره بر آدمی اولدورسون . مطلقا
 بر غضب او آدمی حال اصلی انسانیت نندن
 چیه قاررده فعل قتل او یله ارتکاب ایدر .
 چیلدیردیغی ایچون بو حرکت ابتدایده
 بولنه جق اولسه چایغندلک دخی انسان ایچون
 حال اصلی و طبیعی اولمادیغی درکاردر .
 قلوب بشر ایچنده کی حسلر براز دها

ارشدیر یله جق اولور سه بود عوامزی تأید
 ایلیه جک دها پک چوق هم ده پک عجیب
 شیر کور یلور . ا کر انسا نلفک ماهیت
 اصلیه سی شر و معایب اولسه ایدی بر مجرم
 بر جنایتی اجرا ایلدیکی زمان قلوب بشرک
 انی تصویب و تحسین ایتسی لازم کلور
 ایدی . . حالوکه فعل قنلی ارتکاب ایدن
 مجرمه قارشو قلوب بشرده او قدر یسولک بر
 نفرت حاصل اولور که بونفرت دخی انسانی
 حال اصلیه سندن چیقارمش اوله رق او آنده
 قاتل خلقک الله کچسه آنی خلق پارچه لیوب
 جزای سزاسنی و برر . پک اعلا ! یا قلوب
 بشرده بونفرت دوام ایدر قالور می ؟ خیر !
 ا کر دوام ایتسه قالسه ایدی بوندن دعوا
 هنک خه لافنده بر استدلال ممکن اولور

یعنی انعامك ماهیت اصلیه سی شر اوزر -
 ینه مبنی اولدیغی بونکله ده استدلال اولنور
 ایدی . حالبوکه او قاتل میدان سیاسته
 کتورلدیکی کون هر کمد برحس شفق
 کور یلور . کندیسى ظالم اوله رق جزای
 سزاسنی کور مکده اولدیغی حالده کویا
 مظلوم ایمش کبی هر کس آکا آجیمغه باشلار .
 ه آه شو آدم نهدن برتهور ایله ارتکاب
 جنایت ایتدی ده شمدی کندیسى ده اعدام
 اولنور ! ه دیه قلبلر متأثر اولور . ایمدی
 بو حسلر کوزجه تدقیق ایدیلور ایسه کور -
 یلور که کرک جنایتک وقوعه کلدیکی و کرک
 جزانک اجرا اولندیغی کون خلق مظلومه
 آجیمدن و قاتله نفرت ایتکدن زیاده اصل فعل
 قاتله نفرت کورتهور که بر آدمک پاشامی

مرجح و اولدورلمسی فاجع اولوق حسـبـیـله
ماهیت انسانییه نك دخی ترجیح خیرده اولدیغی
ایشته بو صورتله ثابت اولیور .

انسانك محضاً مهبط الهامات اوله رق
خصائل ملكانه ایله یارادلمش اولمسی مرجح
اوله جفته و بو حالده طبع بشرده تغلیطات
نفسانییه قایلوق استعدادینك ده خلقتی
ایستیمیه جكنه كوره صانع بی بهانه اولان حق
تعالی حضرتلرینی خلقتده مهارتسزلك ایله
اتهامه امكان وارمیدر ؟ حاشا !

واقعا بوجواب حاشایی بزر مقتضای
دیانتز اولوق اوزره بلا تأمل دخی ویره .
یلورز . لکن ایستندیکي قدر تأمل ایدلمش
اولسه عجباً بوندن بشقه بر جواب بولنه .
یلورمی ؟

بوئاملی هم ده بر جرأت خود سرانه ایله
ایدنلر دخی بولنش . مثلا :

« حکمک که اوله موجب خیر و شر افعال »

« یارب نه ایچوندر بو اوامر بو نواهی »

دیه حدود « لایسئل » خارجنه

چیقلدقدن ماعدا برده :

« سندنلر انهی ینه بو مکر و بوقتنه »

« بو مکر و بوقتنه ینه سندنلر انهی »

اتهامیله حقیقت مکر الله نه دن عبارت

اولدیغنه قارشو و کوز یومولش و بوفکر

اله - اماندن اولیوب تغلیطاندن اولدیغنی

و تغلیطک نره دن کلدیکنی کوسترمک ایچون

دخی دینلش که :

« کفتی بکش و باز زنی سنک ملامت »

« دست من و دامان تو در روز قیامت »

بومثالو خطیئات دخی انسانک شان
 اصلینده شایسته اولان حلم و سکون حالنده
 بولندیغی و بر جذبه تغلیطات حالنده بولندیغی
 زمانلرده وقوعه کلان احوالدن اولوب شان
 اصلی انسانیه موافق اولان سکونله انسان
 تأمل ایده جک اولسه کورر آکلارکه جناب
 قادر قیومک انسانی هم مهبط الهامات اولمق
 و همده تغلیطات و سواسیهده مستعد بولمق
 اوزره یاراتمسی خلقنجه بر نقصان اولمق
 شویله طورسون و انسان ایچون بر فئالق
 اولمسی ده شو طرفه قالسون بالعکس اتم
 خلقت بو صورتله ممکن و شرف انسان دخی
 بو وجهله متحصلدیر. ایشته بو حقیقتی دخی
 بوجه آتی بر بحث مخصوص صورتده



ایضا حده غیرت ایدم :

مبحث

۴

« خلقت بشریه ناقصی مکهملی ؟ »

خلقتده نه قدر مکهملیت اولورسه بو
مکهملیت حضرت خالفك قدرت خالقانه .
سنده اولان وفرتیه دلالت ایدر . بودعوی
بدیهیات اولیه دن اولغله اثباتی ایچون سرد
دلایل مفصله یه احتیاج کومسترمز .

قدرت خالقانه ده الك بولك وفرت خلق
اولنان شیئك تنوعیله متناسبدر . برشاعر
نه قدر جامع نه قدر مکمل اولورسه اولسون
بر بیت یالکیز بر بیت سویلش و یاخود یاز .
مش . بعده سسویلش سویلش ینه او بیت
سویلش . یازمش یازمش ینه او بیت یازمش

بیکار چه دفعه هب او بیتی تکرار ایتمکله هر
برنده بشقه بشقه بر اثر قدرت کوسه تر مش
اولور می ؟ بالعکس او نفیس بیتی
مکتب چو جقلر ینک قاره لاله لینه بکرتمش
اولور .

کائناتی تشکیل ایلیان مخلوقاتدن هیچ
بر ینک دیگرینه عیناً مشابه اولماسی
جناب صانع مطلق ایچون اکل قدرت
واتم مهارته دلالت ایده جکنی بوندن اولای
مباحثه بزه کوزجسه حس ایتدیر مشدر .
میلیار لرجه آدلردن بر ینک دیگرینه مشابه
اولمی شویله طور سون میلیون لرجه برون
والردن بیله بر ینک دیگرینه بکره مامسی
حقیقه عقلاره وله ویره جک بر قدرت بالغه
وفائده اثری اولدیفنه دیه جکمز قالمامشدر .

هله بر انسانك زمانه كوره كندی كندیسنه
 بيله مشابه اولماسی هر حیرتدن دها بیوك بر
 حیرتی موجب اوله جـخی ضرور یاتدن
 معدود بولمشدر .

حقیقت احوال بوندن عبارت ایکن
 برده انسانك یالكز طبیعت واحده و مستقره
 اوزره خلق اولمش بولمسی تصور ایده جك
 اولور صدق شمدی به قدر شایان حیرت اولمی
 اوزره تلقی ایلدیكمز خلقت بشریه او مکهلمیتندن
 در حال و بردن بره دوشو ویرمك محققدر .
 انسان طبیعت واحده و مستقره اوزره
 خلق ایدلسه ایدی بو طبیعت واحده شو
 بکشمزه نظراً ایکی صورتدن بریسنه منحصر
 اولمقدن خالی قانز ایدی . یا ماهیتی خیر
 محضدن و یا خود شر محضدن عبارت اولور

ایدی . ماهیتی خیر محضدن عبارت اولسه
ایدی منحصراً خیره محبت و شیره نفرت
کوسه تیره رک ماهیتی شر محضدن اولدیغی
حالده دخی منحصراً شیری ترجیح و خیری
ردایلر ایدی . یابوندن طولایی اوآدمک
مفتخرو یا خود مسئؤل اولمغه حق و یا مجبوریتی
اولور می ایدی ؟

ماهیتی خیر محض او لان آدمک الندن
خیردن بشقه برشی کلز که شر یاپه یاسون .
شیری یاپمغه مقتدر اوله مدیغندن طولایی
آفرینه مظهر اوله میه جغی کبی بالطبع و یا
بالمجبوریه خیری یاپدیغندن طولایی دخی
مظهر آفرین اوله من . کذلک ماهیتی شر
محض اولان آدمک خیر یاپمغه اقتدار ی
اوله منزه یاسون . بالطبع یاپه مدیغی شی

ایچون مؤاخسنده او لنه میه جغنی کبی شری
دخی بالطبع یاپدیغی ایچون مقدوحیتی صحیح
اوله من .

طبیعت واحده اوزرینه یار اتیلان انسانده
اختیار و اراده بولنه من . اختیار و اراده سی
اولیان شیده ایسه نه حریت نه مسئولیت
اوله من . بو حالده مذهب جبرییه اربابنک
او هامنی تصدیق ایتک لازم کلوب او هام
مذکوریهی خلقت بشریه بربرهان طبیعی
اولق اوزره رد ایلدکن صکره انسانک
طبیعت واحده و مستقره اوزره یار اتلماش
اولسی قضیه سی اهل سنت و الجماعه
مدافعه و اقع لرنده صاحبقرانانه بر غلبه ایله
دائما غالب ایلر .

طبیعت واحده و مستقره اوزره یارا .

تلمش فرض اولنان انسان كرك محاسن و كرك
 معایب جهتمنده تلقی اولنسون نه تحسینه نه
 تعیینه شایان اولمدیغنی تفهیم و تفهیده شو
 مثالی نظر دقته الالم : بر زهر كنديسنك قاتل
 اولمسندن طولایي مسئول اولورمی ؟ بر باد
 زهر دخی جان قورتارمسندن طولایي سزا -
 وار تحسین كور یلورمی ؟ بونلك ايکيسي
 دخی كنديسنده اولان ماهیتدن بخیبر اوله رق
 اختیار سز اراده سز شیلر اولمغله زهرده
 قاتلیت و باد زهرده خلاص استعدادلرینی
 یاراتان جناب حقك اراده كلیه سندن ماعدا
 بونلرده ذره قدر بيله بر اراده جزؤیه تصور
 اولنه مز •

انسانك طبیعت واحده و مستقره اوزره
 یاراتلمی توهماتنی بویه زهر و باد زهر کی

جادات اوزرنده کور یلان اختیار سزلفه
 واراده سزلیکه تشبیه ایدیشمز استغراب بیو .
 رلمسون . بو حالی حیوانات اوزرنده کور .
 یلان احکامه تشبیه ایده من ایدک . زیرا
 حیوانات دخی طبیعت واحده و مستقره
 اوزرنده خلق اولنیه رق ولوکه پک جزوی
 اولسون آنلرده دخی براختیار براراده
 اولدیغنی کور پیورز . ارقداشنگ کوزینی
 چیقاران برطاوغک شوحرکتی بر حال غضبه
 ارتکاب ایلدیگی و او غضب حالی دخی توکلری
 قباروب کندیسنه بر غرور کلمسیله اکلا .
 شلیدیغی میدانده در . طاوق تغلیطات نفسا .
 نیه سینه غلبه ایده یلمسه ایدی ارقداشنگ
 کوزینی چیقارمیه بیلور ایدی . مادامکه
 چیقاردی آنده بر اختیار اولمیدیفندن

مسئولیتی ده مسلدور

« خیر و شر سـنـك حكيمك ایجاـبـنـدن
اولدیغنه کوره بو اوامر بو نواهی نه در ؟ »
دیه حضرت حکیم علی الاطلاق تجهتیه
چالشـانـلر و « سن یاپ دیدك بن ده یاپدم ده
صکره بنی ملامت ایل یورسك قیامتده اللرم
دامانکه صـار یلور » دیه تهور کوسـتـنـلر
طبیعت بشر یه لر نده کی تغلیطات نفسانیه
استعدادندن شکایت ایل یورلر ده انسانك یالکز
مهبط الهمات اولسنه آرزو کوسـتـریـورلر
ایسه او حالده ملکیت درجه لرینه واره حق
اولان انسانیتلر یله افتخار حقنی کندیلرندن
سلب ایتش اول یورلر . یوق بو سرزنشلی
ارتکاب ایده جگری شردن طولانی مسؤل
اولماق املیه ایدیورلر ایسه واقعا شر

محض اولمزدن طولانی کندیلریده مشغولیت
قالبیه یلور ایسه ده خلقت بشریه بویه
اولمدیغی ایچون یاقه لرینی قورتارمش
اوله مزله .

بو تفصیلات نظر محاکمه ده اجمال ایدیه .
جك اولورسه کور یلورکه انسانک بریاندن
مهیبط الهمات اولق و دیگر طرفدن تغلیطات
نفسانیه یه ده مستعد بولمق اوزره یاراتلمی
خلقنجه بر نقصان دکل الکیوک بر مکملیت
اولوب انسان کندی اختیار و اراده جزیه .
سنه محضا بوایکی قوتک اره سنده مخیر بر اقلمش
اولق جهتیه نائل اولمشدر . بناء علیه نظر
تدقیق و انتقادی قابلیت عقلیه مزدن مخیر
عقول اوله جق درجه لرده بالتر اولان سمت
صمدانی به چو یروبده اول مقام لایسته

مسئول طوئمی کستا خلغنه چیقیشیله جغنه
 الک بیوک نظر تدقیق وانتقادی کندی طرفزه
 چویره رک الهامات وتغلیطات متابعه من
 اوزرینه حرکات وسکناتمزی رضای باریه
 ورضای حکمته موافقی دوشه جک برصورتیه
 افراغه وسعمن یتدیکی قدرچالشمش اواسه ق
 یعنی معرفت نفسه حصص همت ایلسه ک
 معرفه اللهه دخی دهاز یاده تقرب ایتمش اولور
 ایدک • زیرا معرفت نفسه یول بولمتسزین
 معرفه اللهه یلتمک یالکز عقل قاصر صاحبی
 برتک آدمی دکل میلیونلرجه عقولدن مرکب
 ملتلمی بیله نه بیوک خطیئاته دوشورمش
 او لدیغنی بزه مجتحت آتی ارائه واشبات
 ایلیه بیلور •

« نفسی بیلن ر بنی ده بیلور »
 بو بر کلام جلیلدر که حکمی طوغریدن
 طوغرییه مستفاد اولان مفاد تصوفیه سنجه
 دکل تطبیقات خارجیه سنجه بیه طو .
 غریدر .

بر واپوره بینوب ده کیدن کندی نفسنده کی
 حرکتی بیلییه جک اولسه اشنای راهده
 راست کلدیکی تیمورلی کیملری و یا خود
 ساحلاری کندیسندن قاجق ایچون حرکت
 ایدیور لر ظن ایدر . بو ظنک بطلانی حکم
 ایچون تیمور اوزرنده بولنسان کینک و یا .
 خود ساحلارک ثابت اولدقلری ذاتاً معلومی
 بولندیغنی نظر دفته آلور ایسه و یردیکی حکم

طوغری اوله من • بویه بر حکم تیموری
 کیلر و ساحلار حقنده طوغری اولسه بیه او
 ذاتک کندی نفسی حقنده کی جهلی ینه باقی
 اولور • باخصوص که تیموری کینک و سا-
 حلارک ذاتاً ثابت اولماری معلومی اولمندن
 ناشی انلرده کوردیکی حرکتک بر حرکت کاذبه
 بر حس غلط اولدیغنی حکم ایده بیلدیکی حالد
 اکر اشباح مذکوره ذاتاً معلومی اولیوب ده
 انلری یکیدن طانیه جق اولور سه حرکتلری
 حرکت کاذبه میدر ؟ یوقسه حرکت
 صحیحه میدر ؟ فرق ایده میه جکندن او حالد
 هم کندی نفسنک هم ده مشاهدات خارجییه -
 سنک جاهلی قالور • بوسه بیه مبنیدر که
 افلاکده کوریلان حرکات کونا کونک انظار
 دقتی یالکزا فلا که یعنی بزدن خارجه جلب

ایلمدیکی مدت علم هیئت اربابی کندی کره .
 مزدن یعنی کندی تقسیمزدن جاهل اولدقلری
 حالده نظر عبرتی بر کرده کندی تقسیمزدن
 اولان کندی دنیا مژه چو وروبده آنده
 اولان حرکات محوری و محرکیه طانیقدن
 صکره حرکات افلاکی دخی دها طوغری
 اوله رق طانیقه موفق اولشردر . بو حالده
 کوره «نفسنی ییلن رینی ده ییلور» سوزینی
 «کندی ییلن غیر ییلرینی ده ییلور» صورتنه
 نحو یل ایله ییلورز . ودها زیاده بسط
 و تعمیمی آرزو اولنور ایسه «کندی واپو»
 رنده کی حرکتی ییلن ساحلده کوریلان
 حرکتی و کندی دنیا سنده کی حرکتانی ییلن
 کائناتده کوریلان حرکتانی ده ییلور «دیه
 هر شیئه تطبیق ایله ییلورز .

« نفسی بیلان ز بنی ده یلور » قضیه بی
 نصل تطبیقات عمومیہ منجہ مسلم ایسه نقیض
 قضیه دخی « نفسی بیلان ر بنی ده بیلز »
 صورتده اوله رقینه اویله جه مسایلر .
 توارخ ام نظر تدقیقه النور ایسه هر امتده
 حقایق بدیهه دن اولق اوزره کور یلور که
 فی الواقع انسانلر نفسلرینی بیله مدکاری مدتجه
 ر بلرینی دخی بیله مامشدر . هم ده فراده
 فراده دکل بو حقیقت جماعت جماعت
 منقسم اولان انسانلر جه دخی تجلی ایلیر که
 « کندیلرینی بیلان ملئر ر بلرینی ده بیله .
 مامشدر » حقیقتی دخی نزد تارینجده
 تحقق ایتشدر .

بومسئلہ نک بسط و تمہیدی ایچون
 دوشونه ام که چین کی هند کی مصر کی

یونان گبی روما گبی ال قدیم ملتزلک ال قدیم
 دینلری هب تعدد وحتی کثرت الوهیت
 اساسی اوزرینه تأسیس ایتشدیر . واقعا
 تاریخ مقدس حکمنجه بنی بشر کاملاً بر
 پدرک اولاد واحفادی اولوب اول پدر
 بزرگوار ایسه مظهر وحی ربانی اولمش بر
 پیغمبر عالیشان اولدیغندن انسانلر ایچون
 ایلک فکر الوهیت توحید اساسی اوزرینه
 ابتدا ایلش ایسه ده بزم مسئله مزنی بو حقیقت
 تغیر ایتک شویله طور سون بالعکس تقویه
 دخی ایدر . حضرت صفی الله حق جل
 وعلا حاضر تلرینی هر شیدن تنزیه و کمال قدرتی
 ایله توحید ایلدیکی زمان نفس عالیله رینک
 نصل بر معجوندن خلق اولنه رق نه صورتله
 نفخ روح و تعلیم اسماء عنایتلرینه مظهر

پور لایق نیلش ده آنک اوزرینه بولسلیت
 موحدانه ده بولنش اولق ضروریات امور
 دندر . آندن صکره ایسه نسل آدم وادی
 ضلالتده پویان اوله رق بو حقیقت اصلیه یی
 اونو تدقلرندن نفس لر نجده اولان جهلار بله
 متناسباً ر بلر نجده دخی جاهل اوله رق تکثیر کی
 بو حکم غریبه بولنش لردر .

نفسلرینی بیلیانلرک وحدانیت ربانیه
 سرینه واقف اوله میه رق کثرت الوهیه قائل
 اوللرینک وجه و حکمتی اوقدر صعو بتله
 حل اولنه یله جک مسائلدن دکلدر . زیرا
 بومسئله نک اساسی دخی الیهامات و تغلیطات
 اوزرینه مبتنی اولوب بورایه قدر الیهامات
 و تغلیطات حقنده کی تمهیداتمز دخی ظاهر

حالده غایت غلق کبی کورونی بومسئله بی
 بزه غایت ساده و واضح اوله رق حل ایتکه
 یاردیم ایلمیه بیلور . شویله که :

قالب واحد ایچنده کی انسان ظاهر حالده
 بر کبی کوروندیکی حالده امراض کونا کون
 نفسانیه و روحانیه او بر انسانی بر چوق
 انسان حکمنه قوید یغندن جاهلیت و ظلمت
 زمانلر نده انسانلر بو تغیر و تحولی کندیلرنده
 ارایوب بوله جقلرینه کندیلرینک خار جنده
 ارامغه مجبور اولمغله او حالده دخی نظر
 دقتلری در عقب مقام اقدس الوهیه قدر
 اوزامش کیتشد .

مدرقت نفسنه موفقی اوله میهرق کندی
 تغیرات و تلونات نفسانیه و روحانیه سنی نظر
 حکمتنده تعیین ایده میان انمانک ینه کندیلرینه

اولان بوخافلانه نقطه نظر دن صفات ربانیه
بی تدقیقه افتداری یته بیلور می ؟

کندی می اختیار خیر و شر میانده مخیر
بر اقلش اولدیغی حالده کندیسندن خیری ده
شری ده یابدیرتان محضاً کندیسندن بشقه بر
قوت اولدیغی محاکمه سنی براس متین اوزرینه
بنا ایده میدرک در حال توهمدن صکره خیرکده
شرکده تعدد و تکثر انواعنه نظراً مطلقاً
انسانی یاخیره و یاخود شره سوق ایدن قو-
تله دخی تعددینی حکم ایلیمان و بو حکمدن
ناشی الوهیت و ربوبیتکده تعددینه قانع
اولان انسانلر دکلیدرکه ملل قدیمه نك تکثیر
ارباب مذهبنی ایجاد ایلشلر در ؟

واقعا نور حکمت کو یا مشیکاتی بوله -
میوب ده فانوسی اطرافنده و معلقه ده قالان

بر نور کبی انسانک کوزلری او کنده گاه
 گاه برق آورد قبحه از جمله سقراط کبی
 بعض دقیقه سنج حکما او نور رشادک تنویر
 ایادیکی کوزلریله نفسلرینی کورد کده و بو
 معرفت نفسدن معرفه الله دخی یول بولد.
 قده او یله قادین ارکک بر طاقم ذواتک حاشا
 الوهیتلری قبول اولنه میه جفنی و بتون کائنات
 بر صانع یکانه نک اثر قدرتی اولغله انسانلرک
 دخی محض اول صانع احدی توحید و تنزیه
 ایللری لازم کله چکنی کشف ایتشلر ایتسه ده
 جهل نفسک هر کیمی تغلیط ایلش اولدیغی
 بر زمانده غلطات مشهوره نک فصاحت
 مطلقه یه غلبه سی کبی انسانلر غلطی حقه
 ترجیح ایتشلر و او نور هدایتله کشف
 حقیقه مقتدر اولنلر دخی زهرا به غدیری

ایچەرك ترك حیاتە مجبورایدیشلردر .
 واقعا نور توحید جمعیت بشریه نك
 اذهان عمومیه سنده دخی بر درجه یه قدر لعله
 پاش اولمقدن بالکلیه عاجز قالمامشدر . انسانلر
 کائناتك بر بلوك ارباب طرفندن اداره سی
 موجب فساد اوله جغنی کوره رك بونلرك
 دخی بر حکم و امر واحده اتباعلری لازم
 کله جگنی ینه تعقل ایلمشلردر . انجق تعقلك
 بو درجه سی ایکنجی اوچنجی درجه لرده
 معبودلر اوزرنده قوماندان اوله جق بر
 معبود اعظم توهمنه قدر انسانلری ارشاد
 ایدیه یلهرك توحید تام قیولر ینك کلیدی
 ینه معرفت نفس اناختار یله آچیلق لزومی
 باقی اوله کلمشدر .
 انوار معارفك جهاندن ظلام جهل

و نادانی بی رفعندن و انسانز کندی نفسلرینی
بیلک لزومنی حس ایله قیدرتلری یتدیگی
قدر او معرفته یول بولدقدن صکره آرتق
بر قوماندان اعظمک امرینه تابع بر چوق
معبودلر تصور و تخیلنه امکانمی قالور ؟

قدما طرفندن هر بری اربابدن بریسنک
تجلیاتی اولوق اوزره توهم اولنان تجلیاتی
انسان اولادی کاملاً و کافهً کندیسنده
بوله رق اصل انسانی بونجه تجلیات متخالفه
و متغایره مهبطی اولوق اوزره عقالماری
چله سندن چیقاره جوق برخلقت غریبه
و مکمله ایله یار اتمش اولان صانع تعالی و تقدس
حضر تلوندن بشقه هیچ بر ربوبیتک شایان
پرستش اوله میه جغنی دخی مجرد اشبو
معرفت نفس موقیته ایله اجتهاد و حکم اتمش

و ہوسایہ ذہ ایمان کامل صاحبی اولمشہور •
 غریبدرکہ الیوم وجوددلی ہندستان
 کبی چین کبی ممالک شرقیہ دہ قلمش اولان
 ادیان قدیمہ اربابی اورالرہ انتشار ایدن
 ترقیات جدیدہ انواریلہ تنور ایدر ایتمز
 کندی ارباب موہومدلرینہ ایمانلرندہ کی
 بطلانی درحال کور یہ ورلردہ بو ترقیات
 کندیلرینہ اوروپانک عالم نصرانیدی نامنہ
 کلدیکی حالہ دیانت اولیق اوزرہ تشلیشی
 قبول ایدہ جکلرینہ بالعکس توحیدی ترجیح
 ایلیدرک مسلمان اولیورلر • بوندن دھاغرہ
 یہ بدرکہ تشلیث اعتقادی ایچنیدہ طوغش
 اولان اورو پالیر دخی تدقیقات ذنیہ لری
 سایہ سندہ معرفت نفسہ موفقی اولور اولمز
 تشلیث حقندہ کی اعتقادلرینی محو ایدرک

نصارانك تعبير لوبنه كوره « ديانم » او
ليورلر . يعنى توحيد محضى ترجيح و قبول
ايلهرك تنزيه صمدانى به مسارعت كوستر .
يورلر .

بو حالره « غريب-در » ديشمز حال
بويله اولماهلى ايدى ديمك دكل-در . بلكه
حالك مطلقا بويله اولديغى ايسته طبيعت
مصلحتجه دخی تعين ايليورده حقيقت صمدا .
نيه بو قدر و اوضح ايكن مجرد معرفت نفسه موفق
اوله مديغندن طولاي انسان او غلنك بو قدر
عصر لرجه مدت وادى ضلالتده قالديغنه
بيان حيرت ايتك ايستيورز .

معرفت نفس قضيه سى جمعيت بشريه .
نك نظر عمومى او كندن پرده غفلتى
قالديره ق اسكى اعتقاد تشليش يكي عقیده

توحیده تحویل ایش ایسه ده انسانلرک هر
 بری آنادن طوغدینی زمان بر ظلمت جهل
 ایچنده طوغدورق بده بو ظلمتی نور معارفله
 ازاله ایتمینجه و معرفت نفس خصوص صنده
 دخی بر درجه مطـلو بهیه وارمینجه ایمان
 توحید ایله محضاً تقلید یوللو مؤمن اولسه
 بیله ینه ایمان کامل صاحبی عد اولنه مامق
 مباحث عالیله دینه ده دأب حکمنی المشدر
 اکر بویله اولسه ایدی انسان ایچون
 معرفت و تزکیه نفسه فلانه احتیاج قالمیوب
 تکثیر ارباب عقیده باطله سندن دهامدهش
 بر لاقیدی یولی آچیلهرق انسانلر ایچون
 اتمام کمالات انسانیه هیچ لزوم قالمز
 و ایمان مسئله سی دخی کندیسینی شین تقلیددن
 قور تارهمز ایدی

کبار دیمش که : « الطرق الی الله بعدد
 انفس الخلائق » انسانى و اصل الی الله
 ایدن طریققر انسانلک انفسى قدر اولق
 هر انسانک بشقه بشقه معرفت نفس حاصل
 ایتسی دیمک اوله جفی و اضحات اءوردندر .
 حتى انسانلر ایچون برر برر معرفت نفس
 لابد و لاجرم اولدیغی ایچ- و ندرکه ار باب
 فکر و دانش کندی معرفت نفسلری یولنده
 وقوعه کلان تجارب و کشفیاتنی دیکر لرینک
 دخی تسهیل حصول معرفت تقسیمه سنده مدار
 اولق ایچ- ون کتابلره درج ایتکله بونجه
 حکیمیات و اخلاق و تصوف کتابلری وجوده
 کلاشدر . کتب مذ کوره دن بعض مقبساتمزی
 بز دخی قارئلر مزک نظر انتباهلرینه عرض
 ایلده جکمز .

« انسانيه تربيه نك لزوم وعده مي »

ميليار لرجه انسانلر دن بر يسي ديكرينه
 بکزه مديکي کبي انسان واحدك دخي برزما
 ني ديكر زمانه و برحالي ديكر حالنه مشابه
 اولماسي نظر دفته النوب ده معرفه الله
 دخي معرفت نفسه وابسته اولديغي وانسان
 کندی نفسي يلامد کجه ربي و بناء عليه
 ربك رضاسني دخي يله ييه جي در شو
 نيله جك اولور سه انسانلر ايچون تربيه نك
 لزوم وعده مي بيلك دخي جسدی بر
 تدقيق و تبعه محتاج اوله جفي تحقيق ايلر
 انسانك تربيه يه احتياجي وارميدر ؟
 بوسؤاله تصديق ايله ده رد ايله ده جواب

و یرمك غایت کو چدره و یر یله جك جواب
 مطلقا بر تتبع و تدقیق عمیق اوزرینه و یرملیدر
 اولافرض ایددام که بر یسی انسانی
 تر بیه احتیاجی اولدیغی جوابی و یرمش
 اولسون . بو جوابی رد ایچون میدانه
 قویه جفمز بر چوق حقایق واردر . از
 چله دیه بیلورز که ایمانی شائبه تقلیددن
 قورتاردی ایچون هر کسك کندی فکر
 و نظرینی تعمیق اتمه سی لازم کور . حتی
 انسانی واصل الی الله ایدجك طریق لرك
 عددانفاس خلأقی قدر اولمی دخی بویه
 هر کسك بشقه بشقه تعقیق فکر و نظر ایله
 معرفت نفیدن معرفه الله وصول حقه
 و وظیفه سینه نائل اولمندن نشأت ایلر .
 خلقت بخشنده انسانی خیر ایله شری

اختیارده اراده جزیه سینه صاحب او .
 ای اوزره تلیق ایلمش ایدک . کندی شان
 حریتنه بونی لایق کورمش ایدک . بو
 حالده انسانی تربیه په محتاج کورر ایسه ک
 کدینی مشرف ایلیان شو احوالک کافه سنی
 ینه بزرده ایتش اولورز . بر آدمه « سن
 او یله یامه شو یله یاپ ! » دیمک او آدمک
 حریت مطلقه سی خلافتده برامی بر اگراه
 اولدیغی کبی باخاصه « سن او یله دوشو .
 نه بو یله دوشون ! » دیه تربیه و یرمک آنی
 حریت وجدانیه دن دخی بالکلیه سلب
 ایلمش اولمقدر .

یک اعلا شو ملاحظاتی قبول ایدوبده
 « انسان تربیه په محتاج دکلدر » دیه جک
 اولسه ق عجبا اصابت ایتش اولورمی بز ؟

هيات ! بوبله دینلديكى زمان دخی برطاقم
 اعتراضانه يول آپچش اولورز . انسانك
 تربيه اولان احتياجنى انكار ايچون اول
 انسان اولادىنك تربيه عدم قابليتنه قناعت
 لازم كلور . اكر انسانك تربيه استعداد
 و قابليتى و ارايسه او حالده تربيه احتياجى
 فصل انكار اولنه بيلور كه انسانك تربيه
 دىك ايلك مرتبه شرف و شانندن سائر
 مراتب شرف و شاننه تعليمى ديمكدر ؟
 انسانك بو احتياجنى انكار ايتكله حصول
 مكمليتنى ده رد ايتش اولق لازم كلوب
 بو ايسه انسان ايچون خير خواهلقي دكل
 مسراحتة بدخواهلقدرد . انسانك تربيه
 قابل اولوب اولديغنى تدقيق و تتبع ايسه
 اوزون اوزادى يه يورولمغه مجبوريت .

گوسترمن • انسانك تربيه يه عدم قابليت و خير
 ياپسه ده محضاً اللهمدن و شرياپسه ده محضاً
 اللهمدن بيله رك بونلردن طولاي انسان
 ايجون مكافات و مجازاتك بيله عدم تصويري
 جبريونك مذهبي اولوب بونك بطلاني ذاتاً
 ميدانده اولديغي كي طبيعت واحده و مستقره
 اوزره خلق ايدلماش اولان انسانك ترجيح
 خير و شرده مختاريتي دخي اثبات ايلر كه
 انسانك شردخي ياپه بيله چكي بر نقطه ده خيري
 ترجيح ايتسي ايجون خارجدن وقوعه كله جاك
 برالق • انك بيوك بر تأثيري وارد ر • ايشته
 او القادخي تربيه دينلان شيدر كه انسانك
 بوكا احتياجي انكار اولنور ايسه تعليمات
 نفسانيه قارشو الهامات ر بانيه نك
 همان مغلوب قاله جغني بر كرتده ده انساني

کافه معاونات خارجیه دن محروم بر اقق
دیمک اولور . بونی ایسه موافق مروت
عد ایدجک هیچ بر عاقل بولنه من .

دعوانک ایکی صورتده دخی در میان
اولنان دلائلک نه قدر قوتلی شهیلر اولدیغنه
دقت یور یلور ایسه دها انسانک تر بیه
احتیاجی اولوب اولدیغنه بر حکم و یرمک
نه قدر کوج اولدیغی تسلیم قلنور . حتی اول
بو احتیاجی انکار و ثانیاً ادعا ایدنلر دها اول
قدر دلیلار اقامه ایدیه یلور لرکه بونلر دخی
تدقیق ایدیلور ایسه حکمک صعوبتی آرتدقجه
آرتار .

مثلاً بر انسانک تر بیه احتیاجی انکار
ایدنلر دیه یلور لرکه بن فی الواقع تر بیه
محتاج بیله اولسه م او تر بیه بی بکا کیم و یره

جگدر؟ بگا تر بیه ویره جگ اولانک بدن
دها تر بیه لی اولدیغی نه ایله ثابت اولور؟
بنی ارشاد ایدن مرشد حقنده بن:

مامریدان روبسوی کعبه چون آرم چون
روبسوی خانه خار دارد پیر ما
دیه جگ او اورسدهم اویله بر تر بیه احتیاج
جم اولقی شو یله طورسون بو تر بیه یی
کندهم فلاکت دخی عد ایتسدهم معذور
اولم می یم؟

کذلک انسانک تر بیه احتیاجنی دعوی
ایندلر دخی دیه بیلورلر که: سن اخلاق کده
ملکیت وارظنیله تر بیه عدم احتیاج ادعا
سنده بولنده رق و حریت مطلقه کی محافظه
ایلیه رک یارین ارتکاب ایلدیگک فنالقلمی
دخی حسنات محضه دن اولقی اوزره انسانلره

قبول ايتديره جاك اولور سەك كندىكى مەھلەكە
ضلاتە آتمش اولدقدن فضله انسانيتك
اوزرنده دىنى بر بلایى مېرم اولور قالور سەك .
انسان تر بيهيه احتياجى اولديغنى بيله انكار
ايدرايسە اصلاح احواله نصل مقتدر و مو .
فق اولور ؟ او حالده انسانلر ك هر برى
جبلترنده اولان افتراسە انهماك ايدرك
جهان فسادايله طولامى ؟

انسانك تر بيهيه احتياج وعدم احتياجى
اوزرينه بر حكم و يره بيلك بو قدر كوچ
اولديغى كى تعميق مسئلة ايلدجە بو كو .
چلك دها اول قدر آرتيور كە ژان ژاق
روصو كى بعض فيلسوفلر تعليم و تر بيهيه
انسانلر اچون مفيد دكل مضر اولديغنه قدر
قناعت كو ستر يوزلر . واقعا تدقيق ايديله .

جك اولورسه بعض تر بيلهرك انساني
خاملق حالندن دهسا بدتر برتر بيه سزلكه بر
فناغه دوچار ايلديكي كورلديكندن طبيعت
بشر يه يني بو صورتده تغير دن ايسه انسانك
هيچ ده تربيه كور مامش اولمسي آرزو يه قدر
معذور كور يله جكي كليور .

اي او يله ايسه انساني يالركز استعداد
طبيعه سينه عي ترك ايدهم ؟ تغليطات نفيمايه سنه
قارشو انساني هيچ ايكاظ وارشاد ايتيهرك
او تغليطاته تهيه تله هلاكه ضلالتده هلاك
اولوب كيتسهنه اوزاقدن سیر جيمي اولهم ؟

بز نه قدر عاجزانه اولورسه اولسون
ينه ظنه جسارت آله پيلورزكه بومهم وفاق
مسئله يني حل ايشه بيلك هر حالده محالاتدن
دكدر . فقط انسانك تربيه به احتياج وهدم

احتیاجی حکم امتزدن اول بر کره تربیه
نه در که انسان آکا محتاج و یا خود غیر محتاج
اولسون بوراسنی حل ایتک لازم کور
اعتقادنده بولنیورز .

اورو پاچه ژان ژاق روصو کی بعض
حکما تربیه نک ترکیه نفس انسانیه ید خدیه
اوله میه جغه قائل اولمشلر . فقط هانکی
تربیه نک ؟ اول بوراسنی تعیین لازم کور .
زیرا ژان ژاق روصودن صکره دها نیجه
یوزلرجه حکما دخی انسان ایچون دینک دخی
لرومی اولدیغنه قناعت ایلیه رک بو فکر
اوزرنده کی مشترککری نک عددینی چوخالته
چوخالته اورو پاچه دینسزلیکی همان تعیم
درجه سنه واردیرمشلر . فقط هانکی دینک
عدم لزومنه قانع اولمشلر ؟ بورا الینی تعیین

ایتنجه تر بیهنک لزوم و عدم لزومنی تعیینه
حقیقه امکان بولنه من .

مدافعه سرلوحه سیله وجوده کتور .
دیکمز او چ جلدده اوروپا حکمای جدیده .
سنگ هیچ لزوم کورمدکاری دینک ماهیتنی
قارئر مزه پک کوزل آکلادق . او جلدلر .
ده بسط و تمهید ایلدیکمز محاکماتی ملاحظاتی
قارئر من نظر موازنه لرنده کوزجله اجمال
ایتمشله ایسه حکم ایتمشله درکه نصرانیت
کبی بر دینک حقیقه انسانلره لزومی اولوق
شویله طورسون جهت جهت مضرتی بیله
واردر . کذلک پرودوم کبی ویقتور هو هو
کبی عالم نصرانیتسک دینسزلک ایله اتهام
ایلدکاری اماظمک هر کون میدان انتشاره
قویدیغمز تراجم آثاری بونلرک تنزیه یاریده

بولنده فلرینی کوصتر مکده اولوب تلبشی رد
ایله وحدانیت قطعیه ایمان ایدیشلرینه
کایسا اربابی « دینسزلک » نامی و یرمکده
ایسه ده حقیقت سنجان زنده بودینسزلک
دیانت توحیدیه اولدیغی تحقیق ایلر .

ایشته بونک کی ژان ژاق روصونک رد
ایلدیکی تربیه و تعلیم دخی اربابی خود کام
خود سر ایده جملک بر تربیه اولدیغی کافه
آثار ینک مطالعه سندن اکلا شلقده در . بناء علیه
تربیه دینلان شی ژان ژاق روصو ایله
هم افکار ینک رد ایلدکاری بو تربیه سیئه
اولقی شرطیه آنی هر طافل رد ایلر .

ژان ژاق روصو صاغ اولسه ایدی ده اکا
صورسه ایدک که : « بنی بشرک بو کون
کور دیککز اخلاقنی بکنه ورمیسکز ؟ » بو

سئوال مزه البته « خیر ! » جوابی ویره جک
ایلی • او حالده دخی « بو اخلاق عمومییه بی
بکینما مکلککز اخلاق مذ کوره دن دها ایلی
اوله یله جکینی کوردیککز ایچسون اولق
ضروریدر • بو ضرورتی انکار ایدر میسکز؟ »
سئوالی ایراد ایلسه ایدک مطلقا انکار
ایده جکنه دائر می جواب الور ایدک؟
اصلا! هیچ شبهه یوق که بو جوابی المز
ایدک • بنیه بدر که ژان ژاق روسو اخلاقده
اولان فساد می مطلقا زمانک اخلاقنه فائق
دیگر بر در او اخلاقی کوز او کنه کتور •
مشدرده او موازنه ایله حکیم ایلشدر • اکر
کندی نظر مقایسه سنه الدیفی اخلاقی انسانلر
ده بسط ایده جک اولان تربیه بی اکا تکلیف
ایتش اولسه لر ایلی هیچ شبهه اولندهن

ایندی که انی تصویب و قبول ایده جک ایدی .
 او یله ایسه کفر و دین ماجرایی هب
 بریره واردیغی ورؤ یا هب او رؤ یا اولدیغی
 حالده یالکز تعبیرده اختلاف اولندیغی کبی
 انسانلر ایچون تر بیهیه لزوم اولدیغی دعوا .
 سنک دخی نتیجه سنندن تربیه بشریه یه قوص
 قوجه مان بر لزوم اعتراف ایلمش اولیورکه
 او اعترافی اولمکی منکرین لزومک رد ایده .
 بیلیری قابل اوله میور .

بحث

۶

» تر بیهیه کیمک حقیدر ؟ «
 انسان ایچون تر بیهیه عدم لزوم ادعا .
 سننده بولنانلرک سو یلمدکاری سوزلر ایچنده
 بر قاجی واردرکه حقیقه آنلری حکمیدن

دوشورمك ايچون اوليله اولور اولور .
 لطف لرك هيچ حكمنى اوله مز . بوسوز لرك بريسي
 تربيه بشريه يى اتمام ايده جك اولان اخلاق
 مكمله اصحابك كيم اوله بيله جكي وديكري
 دخی انسانه « شويلاه ياپمليسمك بويلاه ياپمليسمك ! »
 ديمك بشريتك برنجي شانندن اولان سر بستی
 وجدانده مغاير دوشه جكي قضيه لريدر .
 سر بستی وجدانجه هر انسان ديكر .
 لرندن نه آز ونده چوق سر بست اوليوب
 بونعمته هر كس جبلة مساوات اوزره نائل
 بولند قلرندن « بويلاه ياپمه ! شويلاه ايت ! »
 حكمنى هيچ بر انسانك ديكرينه ويره بيلكه
 صلاحيتي اوله مز . بوسلاحييت اولسه
 اولسه انسانلغك فوقنده بر موقع صاحبك
 صلاحيتي اوله بيلور .

انسانانك فوقنده بر موقع اولوبده
 او موقعك دخی اصحابی اوله بیله جکی
 دعوائی استبعاد واستغرابی بیور یلیور ؟
 هله انسانلرک سر بستیجه تساویسنی دهاتمدی
 تسلیم ایش اولدیغیز حالده انسانلک فوقنده
 مراتب تصوری نصل ممکن اوله بیله جکنه
 احتمالی و یر یله میور ؟

حقوق و حریت بشریه جه تساوی
 مطلق هرکس حکم ایش و بو حکم هرکس
 طرفندن قبول ایش ایسه ده استعداد
 خصوصنده تساوی بی نه برکسه ادعا ایش
 ونه ده برکسه او ادعای تصویبه بوانمشدیر .
 بالعکس هیچ بر آدمک خلقنجه دیگرینه
 بکزه مدیکی کبی یالکز بر تک آدمک بیله بر زمانکی
 حالی دیگر زمانکی حالنه بکزه مدیکنندن

بو عدم تشابه مراتب انسانیه نك پك چوق
اولدیفنی اورته یه قویمشدر .

واقعا پیغمبر ذیشان حضرتلری دخی
« بن سرك كی بشرم » بیورمشدر . لیکن
بشریتك مرتبه غایه سنده بولندقلربنی دخی
« بكا وحی اولنور » سوز یله ایلرویه سور .
مشلردر . بو حقیقت جلیله نبوتلری کند .
یلربنی نه قدر اعلا ایلدیکنی دخی « حق
تعالی ایلله بنم بر وقتم اولورکه او وقتده
آرهمزه نه ملك مقرب ونه ده نبی مرسل
کیرهمز » سوز یله تعیین بیورمشلردر .
واقعا کندیلری بزم کبی بر انسان ایسه لرده
مرتبه انسانیه لری یوکسله یوکسله نه قدر
یوکسلیدیکنه یعنی بزم مادتا دائره تعقلزك
بیله فوقه چقدایغنه دقت بیوریلور ایسه

گندی انسان لغزه مغروراً متعظمانه و متکبرانانه
بر کستا خلقدن بحیا ایتمکلز دخی ضرورت
حکمنی آ لور .

بوسوزمزدن اکلاشیشدرکه تر بیسه
بشریه انجق انبیای عظامک حقیدر دیمک
ایستیورز و انبیای مشار الیهم حضراتی
دخی انجق جانب حقدن وحی ایله الدقلری
اوامری بزه تبلیغ صورتیله تر بیسه مری
اکال بیوردقلرینه قناعت ایلیورز .

شمدی بزم بوکا قناعتزه قارشو ایدیله.
جک مقابله ایکی احتمالدن خارج اوله مری .
یامورد تر بیهنک نصل عالی بر مقام اولدیغنی
کورر کورمزی کندیمزی شاشیره رق
» حقدن کلان نه اولورسه اولسون همان
ایوالله ! « دیمکه مسارعت ایده یلیورز

و یا خود ایچیزده اورو یا حکمت دینیه سینه
 طبیعیون حکمسی ارمندگی منازعدی
 یا کاش تلی ایدرک حاشا ثم حاشا انسانلرک
 ینه طبقه عادیئ انسانیتدن یوقارو به حقیقه
 میده جغنی اعتقاد ایدنلرمز وار ایسه انلرک
 مکابره و معاندلر ینه دوچار اولورز .

اولا برنجی احتمالی در پدش ایلیدرک
 او خصوصده حلی لازم کلان بر شیئی حل
 ایدلم :

واقعا مقتضای وحی ربانی اولان هر
 بر امر و نهیه اطاعت بزم ایچون مجبوری
 و ضرور یدر . انجق بو ضرورت بو مجبو
 ریت هیچ بر وقتده جناب حقک بزنی
 مشرف ایش اولدیغی سر بستی افکاره
 منافی اوله مز . اکمل کتب سماویه اولان

قرآن کریم الشان باشند باشد مطالعه اولنوب
 حکم قرآینه اوزرینه تعمیق فکر و نظر
 ایدیلرک دوشونیلرک اولورسه کو.
 ریلورکه ادیان سارده و سماویتی حالادما
 ایدیلان بعض کتابلرده اولدیغی کبی قرآن
 عظیم الشان انسانلری آبدالیرینه قویوب.
 ده « سز کور کورینه شو یوله سالک
 اوله جقسکز » دیه اجباروا کراهده بولمبور.
 کرک معرفت کائنات و کرک معرفت نفس
 امرنده زمینی آسمانی برچوق آیاتی بزم دائماً
 پیشگاه تفکرو تفهم و تعقلحه حواله ایلرک
 حریت و جدانیه مزه هر حالده رعایتله برابر
 بزی ارشادده بوانبور .

حضرت قرآن انسانلرک علو قدر
 و مرتبه لرینه او قدر رعایتده بوانبور که بر

سوره جلیلہ ذات حضرت رسالتہ

ہینک انسانلر اوزرینہ مصیطر اولدیغنی

و یالکزدن بشقہ هیچ برشی اولدیغنی

ایچون یالکزدن کیرو تقرر وظیفہ سیلہ

مکلف بولندیغنی و هرکیم تولى و کفر ایدہ

جک اولورسه انی عذاب اکبرایله جناب

حقک تعذیب ایلمہ جکنی فرمان بیور بیور

انسانلرک شان و شرفنه بودرجه لره قدر

رعایت حقیقہً هیچ بر دینده هیچ بر کتب

سمایه ده بولندیغنی اقتحار مزدن کو کسمزی

کره کره ادعا ایلو و بوشرفدن طولایی دخی

جناب حقہ منستار و متشکر قالورز

واقعا حضرت قرآن کوزلری اولوبده

کور میان و قولاقلری اولوب ده ایشتمیان

انسانلرک حیواندن فرقی اولدقلرینی و بلکه

بولوك چيدواناندين افضل بوانسد قلوبني ده
 نظر حكمت ابنای بشره عرض ايلشدر .
 آنجق بوندن طولايي شان وشرف عومي
 انساني به نصل خليل كلوركه بوندن اول بر
 بختمزده « لب » ديمه دن لبلي بي آكلایان
 انسان ايله لبلي بي برونده صوقسه لر خبردار
 اوله ميه جق اولان انسان آره سنده كي فرقي بز
 دخی موازنه ايدرك بشر يتك استعداديني
 بويله لايعد ولا يحصي طبقه لره تقسيم ايتك
 دخی قدرته كي باهر يتنه و تماميته دلالت
 ايدجكني اثبات ايلش ايدك . معرفت
 نغمزه همت ايدرك اكر كنديمزي بوصور .
 تله توصيفه شايان كور ميوب ده شرف انسا .
 نيمز حسيله انعامه فائق انسانلردن بولور
 ايسهك جناب مولانك بو احساننه ده تشكره

وزجلی قالمی یز؟ انعامدن اضل اولان
 بر بنی نو عمز ایله آره مزده فرق یوق کبی بر
 شی ایکن آنک بو توصیفه لیاقتی ایله بزم
 عدم لیاقتمز آره سنده سما و سمک قدر فرق
 اولدیغنی کور و حقیقه بو قدرت الهیه نک ده
 حیرانی اولور قالورز .

ایمدی مرشد یکانه مز کلام الله اولوب
 اوده بزه کافی بولندیغی حالده کلام الهک
 سربستی و جدانمز مانع اولسی شویله
 طورسون بلکه آنک بزه بر برات حریت
 و سلامت اولدیغنی تسلیم ایتماک مادنا
 قوری بر مکابره و معانده دن عبارت قالور .
 رَبِّهِ انْسَانِيَهُ نَك موردی قرآن عظیم
 الشان اولوب ده او دخی بزم نظر دقت

و حکمتی معرفت نفسیه و معرفت کائناته
 جلب ایلدیکی حالد کلام الهی المزه العرق
 ژان ژاق روصویه کیـدوب « شـونی
 کوردیکزهی ای حکیم ! ایشته بزه کافی اولان
 کلام بودر . بو کلام انسان کلامی دکدر .
 الله کلامیدر . آنک اثباتی ایسه اندن اول
 بونک امثالی سوینلماش اولدیغی کبی اندن
 صکره دخی سوینلماش وحتی تقلید بیله
 ایدلماش بولنمیدر . بز بو کلامی ایستدیکمز
 کبی او قومده سربستر ! آ کلا دیغمز کبی ده
 ایمان ایدرز . نه بر پاپا طانورز نه بر کلیسا !
 هر بریمز کندیمزک پاپاسی هر بریمز معبدمزد .
 الله ایله بزم آردمزد یالـکـز بوواردر .
 بوندن بشـقه بزم سراج هدایتز یوقدر «
 دیه جک اولور ایسه ک شو حریت صحیحیه

اودخی حیران اوله رق در حال جبهه قبول
 واهدائی زمین خلوصه سوررایدی .
 حضرت قرآن حقیقت بیان انما نلک
 مختاریننه نه قدر رعایت ایلش اولسه علمای
 کرام اهل اسلامدن دخی هیچ بریسی او
 مختاریته اصلا تعرض ایده میوب مجتهدین
 عظام حضراتی کندی اجتهادلرینی محضا
 حسیبه لله بزم تبعات مخصوصه مزنی تسهیل
 ایچون بزه عرض ایتشلردر . اجتهادلرله
 اوزر مزده تسلط داعیه سی علمادن هیچ
 بریسنه کلامشدر . تاویل قرآنک شرط یکا .
 نه سی علمده رسوخدن عبارت اولوب علمنه
 اعتمادی اولنلر تاویل ایتشلر واستنباط
 ایلدکری احکامی قبول ایدنلر ایدوب ایتیانلر
 ایتدکری حالده یالکز کندولری عامل اولمق

اوزره کندی کندیلرینه دخی اجتهد حقنه
مالک اولملردر .

ایمانمزم ایمان تقلیدی اولیوب ایمان
حقیقی اولسی حکمی ایشته بوقدر شرائط
احرارانه ایله مشروط اولدیغندن بزی تربیه
ایده جک شی اولسه اولسه تربیه الله اوله .
جفنی ایشیدر ایشتمز علی العییا کردن داده
تسلیمیت اولقی سربستی وجدان انسانیجه
مقبول برشی اولیوب انسان کامل اولانک
مجاهده نفسیه خصوصنده اختیار وارا .
دهسی وحقی وظیفه مجبوره سی ینه باقی
قالور .

اورو پا حکمت جدیده سیله حکمت
نصرانیه سی اره سی کوزجه فرق ایتکسزین
تقلید ادعا منده پولانلرک مرتبه ماده

بشر بک اوست طرفنده مراتب اوله میده .
 جغنی اعتقاد ایتلرینه مقابله دخی مجت
 آتیزی کشاد ایلرز .

مبحث

۷

« مرتبه بشریه نك فوقی »

فنون و حکمیات غربیه ایله طوغریدن
 طوغرییه اشتغال ایدرک حکمیات شرقیه یه
 هیچ التفات ایتیانلرک بشریت فوقنده هیچ
 بر مرتبه اوله میده جغنی ظن ایدیشلری اوروپا
 ترقیاتنک کندیلرنجه موجب اولدییغی
 تغلیط ائدن نشأت ایلرکه بو بابده اولان
 خطالری هر زمان کندیلرینه قارشو اثبات
 اولنده بیلور .

اوروپا حکما سنندن برچوغنی بشریت

هادیه فوقنده انسان ایچون مراتب اولمسی
 دکل حتی ر بو بیتک بیه موجود بولمسی
 احتمالاتدن خارج عدایده رک انکار قطعی
 وادیسنه صاپمشلردر . فقط بونلرهانی
 صنف حکمادرلر ؟ نه دن طولانی بو وادی
 ضلالته صاپمشلردر ؟ بوراسی تدقیق
 اولمقدیجه انلرک انکارلرینی بر حقیقت محضه
 اولمقی اوزره علی العمیا قبول ایدی و یرمک
 دقیقه سنجان ایچون جائز اولورمی ؟

شمعی به قدر بیک برده و از جمله مدافعه
 سرلوحه سیله وجوده کتوردیکمز اوج
 جلدده تکرار ایلش ایدک که بونلرک رد ایلدکاری
 الوهیت محضه ابوته بنوته زو بحیثه صالح
 اولمقی اوزره تصویری اولنان بر الوهیت عجیبه
 و غریبه در که انی هر عقل سلیم ار بابی دخی

ردائیلر • کذلک بونلرک قبول ایدمه مدکاری
 مرتبه فوق البشریه یعنی نبوت دخی اصل
 اسملری حواری اولمق لازم کلان رفقهای
 مسیح اولوب حضرت مسیحیه ربوبیت
 رتبه سی ویرلدکن صکره بونلر ده دخی رسول
 و پیغمبر عنوانی ویرلمش اولدیغندن و حال بوکه
 کندیلری جهلا طاعتدن و قایقچی و بالقچی
 مقوله سندن اولوب سو یلدکاری سوزلرده
 دخی بر ضبط و ر بط بر حکم و مزایا کور یله
 مدیکندن شو حالده بولنان انسانلرک مرتبه
 بشریت فوقنه حقیقه رق کویا وحی الهی به
 مظهر اولملری حقیقه عقلدن بعید بولنمسیله
 نبوت امکانی دخی ایشته بونک اوزرینه انکار
 ایتشلردر •

حقیقت بر از درین دوشونیه جاک

اولورده اورو پا عقلانی نه الوهیت نه ده
 نبوت حقنده سماویتی ادما اولنان کتابلردن
 برفکر صحیح و سالم اله مدقلری ایچون بونلری
 ذهنلرینه صیغه دیرمه مامقده معذور کو.
 ریلورلر . زیرا کتب توراتیه نامیله اله
 بولنسان کتابلرک محرفیتی اناجیلدن زیاده
 اولوب بونلر الک یوک اندیای کرامه حاشا
 ثم حاشا اولقدر معایب و جنایات فاجعه
 اسناد ایدرلرکه صحیح اولملری فرض ایدیله.
 جک اولسه انلرک کوستر دکلری مثاله
 امثال شویله طورسون اسملرینی بیله قاله
 المقدن ار باب عقول و ناموس نفرت ایدرلر .
 دیانت سماویته نیک رکن اساسیسی بولنان
 حضرت ابراهیمه حاشا ثم حاشا غیرت دیانت
 اسناد اولنور و حضرت لوطه بیک کره

حاشا قزلبه قزلباشلق حکم ایدیلرور
 والحاصل کینه قتل کینه کذب و خیانت
 روایت اولور ایسه بو قدر معایب صاحبی
 آدمک مرتبه بشریت فوقیه حقیقه
 ومظهر روحی ربانی اولمش بولند قلربنه اورو پا
 عقلای جدیدی نصل احتمال و یرر؟ بو
 اسنادات خائنه ایله نبوت و انبیانصل نظر
 نفرته دوچار اولورلر ایسه کتب سماویه
 دنیلان شیلرک دخی انلردن ز پاده دوچار نفرت
 اولملری ایچون از جمله تور انلردن کتباب
 حدقیالی کوزدن کچیرمک کفایت ایدر .
 باهنه امله ر بیه بوندن دهاردیلانه یازملق قابل
 اولمدیغی حالده او یله بر کتباب سماویدن ارشاد
 ائم فضیلتی بکله مکله امکانی تصور اولنور؟
 اورو یاعقلاسنک الوهت و نبوتی انکار

ایدیشلری ایشته بویله تور اتلرایله اینجیلر
 بیلک درلو تخر یفات خدعه کارانه وفته جو.
 یانه یه دوچار اوله رق تصویر ایلدکاری
 الوهیت و نبوت اولوب بونلری ذکرا و لنان
 غریبون عقلادن اول شرقیون انکار
 ایتشلردر . قرآن عظیم الشان دین ابراهیمی
 بو یولده کی افتر الردن خطا الردن قور تار مق
 ایچون نازل اوله رق اهل اسلام دخی الوهیت
 و نبوت حقیقه بی سایه قرآنده او کر نه رک
 کتب سائر نهک خرافاتی قطعیآرد ایتشلردر .
 برده الوهیتی انکار ایدن حکمسانک
 کندمی تدقیقاتنه باقهلم . عجبا بونلر جدا
 و حقیقه منکر میدر لر ؟ هیهات ! بوندن
 بشقه بر محملده دخی دیمش اولدیغمز وجهله
 حکمای مشار الیتمدن بر یسنی کوردن سکنز که

اشتغالی تاریخ طبیعی به منحصر اولدیغی
 حالده خلق اللهیدن یالکز بوجکارک ییله
 حصر و تعداد انواعنده عاجز قاله رق
 « تاریخ طبیعی یی تتبع ایدنلرک انکار و اجبه
 اقتدار لری یو قدر .! » دیه تسلیمیتده بولانور .
 ریاضی یی کورر سکز که اعدادک ییله مبدأ
 سنلکارندن و منتها سنلقلندن عظمه الهی
 بالاستدلال « ریاضیات ییله اشتغال ایدنلرک
 واجب تعالی یی قبول و تصدیق لری ضرور .
 یدر » دیرلر . مجمعی کورر سکز که جو
 ایچنده کی اجرامک تدقیق و تبعی نهایتنده
 وجود عظمت ربانییه حیران قاله رق
 « هیئت تعلم ایدلدجک وجود و قدرت باری
 تحقق ایدهرک بر منجم ایچون الوهیتی انکاره
 هیچ مجال یو قدر » دیرلر . الحاصل بر مشرحی

کور رسکزه وجود بشری تشریح ایدرک
 عقلماره وله وحیرت ویرن او ما کنه نك
 دقایقنه غوامضنه وقوف پیدا ایلدجکه «شو
 ما کنه بی خلق ایدن صانع تعالی و تقدس
 فصل انکار اولنه بیلور؟» دیه تنزیه باری به
 مسارعت کوستر لر . علوم و فنونك
 هانکی قسمنه اتباع ایدیلور ایسه ایدلسون
 تدقیقات عمیقنه نك نتیجه سنده عظمت باری به
 فارشو انسانه حیرت کله رک در حال
 تسلیمیه مجبور اولدیغی حالده بالعکس کتب
 سماویه دن اولملری روایت و اعتقاد اولنان
 کتب عتیقه یه مراجعت و تدقیق ایدلر کده
 انسانی فکر ربوبیتدن منع ایلدیگی شاشیله .
 حقی احوال دن دکلیدر؟ سبب منعی ایسه
 قدرت کامله صاحبی اولان حق جل و علی

حضرتلرینی کندی مخلوق اولان ابعاددن
دها محدود و کندی مخلوق اولان خلایقک
کافه سندن دها عاجز اوله رق طاعتدیروب
قبول ایتدیرمک جهتندوبولمایدیر.

اورو پا عقلاسی ظاهر حالدہ منکر ظن
اولنور ایکن ایشته موحّد حقیقی اولدقلری
بو صورتله نصل مرتبہ تحقیقه وارر ایسه
ظاهر حالدہ منکر نبوت ظن اولدقلری
حالدہ حقیقت حالدہ نبوتی دخی معترف اولد
قلری ننه بو قدر عقله یقین اوله رق اثبات
اولنه بیلور. شویله که :

اورو پا حکیماسی دنیلیدیکی زمان بو
آدملرک یالکز ریاضیون و طبیعیون و مادیو.
ندن عبارت اولدقلرینی ظن ایتک ذهنلری
الک زیاده دوچار تغلیطات ایده چک بر ظن

باطل اولور . حکما میاننده معنویون
 و روحانیون فرقه سی دخی واردر که دیگر .
 لری تدقیقات ریاضیه و طبیعیه لری نه قدر
 ایلر ویه کوتور ووب نه یوک حقایق کشف
 ایتشلر ایسه بونلر دخی کندی تدقیقات
 و کشفیاتنی او قدر ایلر ویه کوتور مشدرلر .
 بر فرقه سی روحک بقاسی حقنده کی اعتقاد
 مطمئنانه لری او قدر ایلر ویه کوتور مشدر که
 هادتا ارواح ماضیه ایله مناسبت پیدا سی
 و مخاره اجراسی ممکن اولدیغنه قدر ادعایه
 دوشوب لوئی فیکیه کی بر طاقی دخی ارواح
 بشریه نلک بو عالم سفلیدن ماعددا بر طاقم
 عوالم هلو یه ده دخی قرارگاهلری بولند .
 یعنی اثباته قدر ایلر وله مشدرلر .
 بونلر انسانده کی خصائل بسمیتولو .

ثبته یعنی خواص روحانیه بی تدقیق
ایده ایده sensation یعنی احساسات
و inspiration یعنی الهامات مسئله لرینی
اول قدر ایلرویه کوتورمشلردرکه مادتا
ظاهر حالده بردن عبارت کوریلان انسانک
معناً و باطناً ایکی آدم ایدوکنی و بریسی
مهبط الهامات اولان انسان روحانی و دیکری
ایسه میدان تغلیطات اولان انسان نفسانی
اولدیغنی حکمه قدر وارمشلر و ame یعنی
روح ایله animal یعنی حیوان ارسنی
فرق ایچون جلدلر طولدرمشلردر .

اشبو تدقیقات بسبقولورثبته ده بولانان
حکمانک کافه سی inspiration دینلار
الهـاماتک سماویلاکنه قانع اوله رق حتی
انسانده اولان اشبو استعداد هالی اوزرینه

présentiment یعنی بر شیشی قبل الوقوع
 حس ایتک امکانلرینه قدر بحثی ایلرو.
 اتمشردر که بو بحثک بزجه کرامات اولیای
 کرام بحثی ایچون مقدمات متینه اولدیغنی
 همان بوراجقده اوزون اوزادییه شرحه
 و ایضا احد دهاشمیدن حاجت یوقدر .
 ایمدی کویا حکمیات غربیهیه میال
 اولمق موده سیله نه الوهیت ونه ده نبوت طانیما .
 مق وانسان ایچون مرتبه بشریتک فوقنده
 مراتب اوله میه جغنی حکم ایتک شیعلمغنی
 نصل تحسین و تسلیم اولنه بیلور که ایشته
 ابو فکرک کویا موردی اولمق لازم کلان
 اورو پاده بیله هر شعبه علومک منتہیلری
 الوهیتک عظمتنه قارشو کردن داده تسلیمیت
 اولدقلری کی فیوضات ربانییه دن تفیض

خصوصاً صنفه انسانده يك بيوك بر استعداد
 بوله رق او استعدادی منبسط ایتده نك طریق
 بولندیغی حالده الهامات و قبل الوقوع
 احتیاسات امکانه قدر قائل اولیور لر .
 حقیقت حال بوندن عبارت ایکن اورویا
 بشریت عادیه فوقنده مراتب اولدیغنه قناعت
 ایتیمور دیه علی العمیا بر حکم و یرمك ماقبل
 کاری دکادر .

واقعا اورویا عقلاسی کراماتی معجزاتی
 فلانلری کاملاً رد ایلیمور لر . فقط بونلرک
 رد ایلدکاری کرامات معجزات بر طاقم کلیسا
 اعزه سنك حضرت عیسی علیه السلام
 حقنده روایت اولنان معجزات صحیحه بی
 ایشتمکله کویا کندیلری دخی معجزه و کرامت
 کوسترمک ایچون ایقاع ایلدکاری خوار قدرکه

انلرك كاملاً يالان اولدقلرى مؤخرأ ميدان
ثبوتہ دخی چیقہشدر . کندیلرندہ فضائل
عادیہ انسانہ بیلہ مشکوک اولان بر طاقم
کیمسه لرك کرامات کاذبه سی مسئله سی تدقیقات
بسمیقو لوژ بقیہ کی عالی وجلیل مباحثہ
قیاس ایتکه هیچ بر کیمسه راضی اوله مزکہ
حتی حکمای مشارالہم راضی اولسونلر .

اورو پامتجدلر نیک الوہیت ونبوت
ودیانت کی شیرہ عادتاً بغض ایتلری بونلری
حقیقہٴ قبول ایتدکلری ایچون دکلدلر .
معلم پافک پک کوزل شرح وایضاح ایلش
اولدیغی اوزره مقدسات مذکورہ انسان
ایچون خلقي وجہلی شیرایسہ دہ بونا ملر کایسا
اربابی نزدندہ اول قدر سوء استعمالہ
دوچار ایدلشدلر کہ بعدہ اقدسات مذکورہ نیک

ناماری دکشید کجه اورو پامتجد دلرینه آنلری
قبول ایتدیرمک قابل اوله من • بونک دخی
سبی بس بلای اوله رق میدانده طور بیور •
شویله که :

اورو پاهنوز ظلمت جهل ووحشت
ایچنده مستغرق ایکن کویا تنویر افکار
وارشاد انام ایچون اورایه ایلاک دخسول
ایدن نور انجق نصرانیت نوری اولمشدر •
بونورک ایسه فوسفور نوری کبی بر نور کاذب
اولدیغی مشکاتی الله طوتانلرک دخی مهتر •
فیدر • حالبوکه اورو پا قطعده بی بیک سینه
قدر مدت بو حکمک محکومی اوله رق الوهیت
و نبوت و دیانت نامنه خلقه قبول ایتدیر •
ایلاک ردائل قالدیفندن دور تجمدد حلول
ایندوبده دره لر کبی قانلر بهاسنه متجددین

حریت وجدانیه لرینی استرداد ایلمدکاری
 زمان بو نامره قارشو اولانجه قوتلر بله
 عصیان ایتشلر و اولانجه نفرتلرینی کوستر.
 مشردر . وواتر کی دیانتک خصم جان
 ستانی اولنلرک و ما کایسامنه قارشو کوستر.
 دکری بوقدر شدت بحق طوغری اوله من
 ایسه ده حریت وجدانیه بی یک سنه لک
 بر محکومیتدن قورتارمق ایچون بوشدتلری
 زمانسه مخصوص اولمق اوزره معذور
 کورلمش واندن صکره ایسه و یقتور هو.
 غویه کلنجیه قدر بالجمله افکار علویه
 ار بابی انسانلرک مقام اقدس الوهیه ارتباط
 قلبلرینی اکمال و فضائل انسانیه لرینی اتمام
 ایله جک حسیاتی پک کوزل انبساطه کتور.
 مشردر .

ایمادی معلم پافک دیدیکی کبی الیوم
 متجدد لودن هیچ بر یسی شفقت و صدقه
 نصرانیه نامنه بر کیمه به بش پاره و بر مدکاری
 حالده بو حس جلیلاک نامی تبدیل اولنه رق
 « انسانیّت » دنیلیدیکی آنده قدر توری یتدیکی
 مرتبه ده بنی نوعنه یار دیم ایلمدکاری کبی
 « ملکوت » دنیلیدیکی زمان اهمیت بیله
 و یر مدکاری حالده « الهامات » دنیلیدیکی
 زمان در حال سرفرو برده تسلیمیت اولورلو .
 و پایا کبی بر مقتدای دینک بالادعا قونسیلاره
 تسلیم و تصدیق ایتدیردیکی لایخطیلاک
 دعوا سنه کولو و یره رک دیگر جهتدن
 و یقتور هوغو کبی بر شاعر حکمت کفتارک
 احتساب سانه inspiration divine دیه
 بلا مخالفت روی قبول کو سترلو .

اورو یا عقلاسی نزدنده بو حال بد .
 بهیات امور دن ایکن آنلرک اشتغال ایلدکاری
 تدقیقات و تبعاته سطحه اولسون و قوف
 حاصل ایتیمکسزین « اورو یا شوکا اینانور
 بوکا اینانمور » دیه سوزلرده بولمق مادتا
 لقلقیساتدن هم ده لقلقیسات مضره دن عسد
 اولنور .

اما دنیله جک که اورو یا عقلاسی بو قدر
 حقایق پرست اولدقلری حالدیه نبی صحیح
 اولان پیغمبر ذیشان افندمنک تأسیسنه مأمور
 اولدیغی دین اسلامی نیچون قبول ایتیمورلر ؟
 بویله براعتراض بزم بحثی اصلا تغیر
 ایدمه من . دیرزکه : اورو پانک دورنجددی
 هنوز بوزالای سنه لک برشیدر . بومدت
 ظرفنده ایسه آنلر اولانجه قوتلرینی کندیلر .

یعنی نصرانیتدن قور تار مغه حصر ایتشلردر •
 اسلامیت ایله اول قدر اشتغال و قتلری
 اولماشدر • حالبوکه دیگر جهتدن حکمیات
 اسلامیه اورو پایه ینه پاپاسلر طرفندن نشر
 اولنوب دیانت جلیله اسلامیه بی انظار
 غریبوندن دوشورمک ایچون نه قدر افتراق
 ممکن ایسه ایتشلردر • اورو پامتجدد لری
 ایسه اوجه دخی دنیلدیکی وجهله الوهیت
 و دیانت و نبوت ناملر ینه لاعلی التعین بر
 خصوصیت کوستر دکارندن « دین اولدقدن
 صکره موسویت اولسون عیسویت اولسون
 اسلامیت اولسون هیچ بر یسیله اشتغال
 ایتما ملیدر » دیه جف القلم بورده حکم
 و بر مشلردر • یوقسه فضائل دینیه مزئی
 اورو پایه بحق عرض ایده جک اولسه قذاتاً

« مدنیت عرب » سر او حمله لی یکی کتاب
 کی اسلام لهنده کوندن کونه میدان آلان
 آثار کتبیّه ایلش اولدیغی مقدماندن پک چوق
 نتیجه لر استنتاج اولنه جفته و متجددین
 بیننده کی دوستلر مزی آرتدیره جفته اصلا
 شبهه اولنه مزی .

بو مجتهد مزی مجرد او رو پا حکیم یاتنه
 وقوف تام پیدا ایتکسزین بشریتک فوقنده
 مرتبه اوله مزی و همنده بولنانلره مقابل کشاد
 ایلدک . مجاهدات نفسیه انسانک کندیسینی
 بشریت عادیه دن نه قدر عالی طبقاته چیقازه بیله
 جگنی و او استعداد اوزرینه فیض ربانی دخی
 منضم اولنجه تغلیطات نفسانیه دن بالکلیه تبری
 ایدرک الهامات ربانیه نه قدر واسع بر میدان
 آچیله جفنی مباحثات آتیه مزی اثبات ایلله جگدر .

« تزکیه و تذکیه »

بیله میرنشو سر لوحه مزه ارباب فصاحت
لسان اعتراض ایده جگر میندر . کسکین
زا ایله (زکی) یا کک دیمک اولدیغی
و پلتمک ذال ایله « ذکا » دخی ز کرکک
معنا منه کلدیکی جهته سر لوحه مزى او صو .
رتله یازدیغمز زمان انسانک کندیسنی تطهیر
ایتمسילה ذکاسنی ده توسیع ایتش اوله جفنی
مراد ایلدک .

دهاشو مبدأ کلامزده بر معترض
عجول حقیقوبده کرک تطهره و کرک توسیع
ذکابه یالکز معنای ظاهر یلرینی و یره جک
اولسه و « انسان بر حمله کیره جک اولسه

ذکاسیمی آر تارمش ! « دیمه عجبای بزی
نخطئه ایتش اولور می ؟

طوغری سوز هانکی معناسنه کوره
النمه ینه طوغریدر . اوت ! ترشحات
وافرازات وجودیه جلدی اوزرنده دیکر
بر جلد دهها پیدا ایدرجه سنه مساماتیزی
طیقایوب وجودی تنفس ایتز ایسه دهها
ایلروسی مهم ومدهش خسته لکله واره جق
اولان فنا بر قسوت درون انسانی استیلا
ایلرکه بوقسوت حالنده ذکای بشر دخی
براضه طراب دائمیه تحویل ایلر . فقط
بز بو مثالو جمل معترضه ایله زمان غائب
ایتمه لمده بحثمزده دوام ایلیم :

انسان بر طرفدن مهبط الهامات ربانیه
ودیکر طرفدن میدان تغلیطات نفسانیه اولمق

جہلیتہ مجبول یارا تلمش اولدیغندن و بو
ایکی جہلیتدن هانکیسی هانکیسنده تغلب
ایتمک باشلار ایسه غالب غالییتی لاینقطع
آرته آرته مغلوبک مغلوبیتی دخی درجده
غایه و اصل اوله جفندن تلقیات الهامیه
استعدادینی لاینقطع آرتدیرملیدر که توسوسات
نفسانیه دخی میدان الهامسون .

عوام میماننده سو یلنور پک عادی بر
مثل ایسه ده بمحشره پک موافق اولدیغی
ایچون بوراده دخی ایراد ایدهلم که : « بر مصلی
بر بی نمازه نیچون تارک صلات اولمش بولند .
یغندن بمحشره تکدیره باشلایه رق اکر قرق
کون نمازده دوام ایده جک اولور سه بردها
ترک ایده میه جکنی سولمش . تارک صلات
دخی مقابله دیمش که : سنده نمازی قرق

کون ترک ایتده اکر بردها قیله بیلور ایسه
النبی قارشلارم

بو ایکی آدمک ایکیسینک ده حقیق
واردرد. انسان کندیسنی قرق کون عبادته
آلشدرمش اولورسه استعداد تعبد و انبساط
و یرمش و تارکیت استعدادینی ضعیف
دوشورمش اوله جغندن اندن صکره آرتق
الی نه یایه هپ او استعداد غالب کند
غلبه سنده دوام ایده کیدر. قرق کون ترک
تعبد ایله تارکیت استعدادی منبسط اولدیغی
حالده ایسه تعبد استعدادی مغلوب اوله رق
آرتق حریفک آلی سجدیه کلک کوچ
اولور.

اختیار و اراده سنی تغلیظات نفسانیه
قایدیر میوبده الهامات ربانیه یی تلقیه

آلشمق ایچون جبر نفس ایدیشه « مجاهده »
 نفسیه « دیمش-ارددر » ایسته « تزکیه » بو
 مجاهده نك اثری اولدیغی کی « تذکیه »
 دخی آنك نتیجه سی اولور .

تغلیطات نفسانییه نه اولدقلرینی و
 الهامات ربانییه ایسه نه دن عبارت بولندقلرینی
 بیللیدر که ایسینی ترجیح ایدیم دیر ایاکن
 فائده مینان آچیش اولسون . اولله دکلکی ؟
 حالبوکه بو ایکی شیئك آره سی فرق اینك
 اصلا کوچ دکلدر . تعریفات و اشارات
 دورا دوره بیله لزوم کوستره جك قدر مخلق
 دکلدر . انسانك دروننه طوغان شی
 نتیجه سنده یا بر هضرت تولید ایده جك
 و یا خود هیچ فائده سی اوله میه جق احکامدن
 ایسه تغلیطاتدن عبارت اولدیغنه شبهه

قالز . ذاتاً بوبله بر تغلیط انسانه واقع اولور
اولز الهام دخی یلدرم کبی یتیش-وب او
شیئک تغلیطادن اولدیغنی اخطار ایلر .
نصل که الهاماندن اولان احکام حسنه دن بر
شی انسانک وارد خاطری اولور سه تغلیط
دخی در حال یتیش-رک او حکم حسنک هر
نه قدر سیئاتدن اولدیغنی ادما ایده مزایسه ده
موجبجه حرکت کو یا اثر حیاقت ایمش کبی
انسانک ذهننی چلمکه غیرت ایدر . کرک
ایی و کرک کوتو شیج بر حال و حرکت اوله .
مز که انسانک ایله کنی و کوتولکنی او فاجق
اولسون رمحا که ایتجینجه اجر ایلسون . بلا
تأمل ولا محاکمه هر شیئی یایی و یرمک علی
الدوام عبثله اشتغال دیمک اولوب بوايسه
یا بحانین کاریدرو یا خود چو جقثر احوالی !

انسان اولادی میانه رشید و عاقل
 اولوب ده از چوق مجاهده نفسیه ده بولما.
 مش و نفسه گاه غالب و گاه مغلوب ودها
 طوغریسی اکثریا مغلوب اولماش هیچ بر
 آدم تصور اولنه من • بوجاهده نك بوجما.
 كه نك ایدلدیکی یرده « وجدان » دیدیکمز
 شیدر كه بر شئتك حق و صواب اولان جهتنی
 كال بیطرفی و استقلال ایله بولسی دیمكدر •
 وجدانی انسان ایچنده بر بشفقه انسان
 عد ایدنلر بك بیولك بر تدقیق نفس ووقیعتنی
 کوسترمش اولورلر • انسان هر مسئله ده
 حق سزلغی کندیسندن دفعه چالشه رق
 هیچ اولمز ایسه کندیسنی • مذکور اولسون
 کوزمکه نه قدر بئل مجهود ایلیه بچك اولسه

وجدان بوجهدارك هیچ بر بسنه قولای
و بر میدهرك او مسئله ده کی حقش زلفنی صورتیه
چار یار .

محکمه وجدانك انسانه تعیین ایلدیکی
جزا « ندامت » در . هیچ بر ایشندن
نادم اولماش و دائما هر یادیغنی عین صواب
اولق اوزره تلقی ایتش آدم اولور می ؟
مادام که انسان پک چوق حرکاتندن طولانی
نادم اولمشدر دیمکدر که محکمه وجدانده
بر محاکمه یه دوچار اولمشدر .

مادام که بویله بر محاکمه یه دوچار اولمشدر
بودخی دیمکدر که انسان هر هانکی بر مسئله ده
الهامانك عکسنه حرکتی ارتکاب ایلوب ده
او حرکتك ایتداسنده بالاده تعریف ایلدیگمز
ایلاک موازنت و محاکمه سنده مغلوب اولمشدر .

مجاهدۂ نفسیہ و محاکمۂ وجدانیہ
 وانلک نتیجہ بی اولان ندامت کی مسائل
 پسے قولور یقیسہ نک نہ قدر غریب و عجیب
 اولدقلرینی شمدی شو سطرلری او قورایکرن
 دخی موازنہ ایچون ندامت لکزدن بریسینی
 در خاطر ایدکز • یالکز ندامتی تخطر ایدر
 ایسه کز اولبابده کی محاکمۂ وجدانیہ کزی
 و مجاهدۂ نفسیہ کزی بالطبع تکرار ایتمش
 اولور سکز • بوده انسان ایچون بر جبلت
 غریبہ درکہ کچمش زمانک ندامتی خاطرہ
 کلور کلز تغلیطات نفسانیہ در حال غیر
 تلنہ رک او ندامتک واقع و صحیح اولدیغنی
 و موجب ندامت اولان ایشک پک اعلا پک
 طوغری اولدیغنی حالا اثباتہ بر غیرت جدیہ

ایله مسـارعت کوسـئر . بونده دخی
 بر حکمت تغلیطیه واردر . او ایسه شاید
 ندامتکز سزه بر صبرت و پروبد بردها عینی
 حرکت سیئه بی ارتکاب ایتز سکز دیه حرکات
 آتیه کزده دخی تغلیطات نفسانیه نك سزی
 مستعد بولند رقی ایستمندن عبارتدو .

باقیکز هر کسده وقوه کلان قصور لر دن
 اولمق اوزره بر قصـورك موجب اولدیغی
 ندامتی در خاطر ایدم ده محاکمه وجدانیه یه
 و مجاهده نفسانیه یه قدر مسئله نك نصل تجدد
 ایلدیکنه بردقت ایدم . دیه لم که :

فلانجه مسئله ده فلانجه آدمک کوکلی
 قردیغمه زه ای ایتـمـدک . زوالی آدجکز پک
 محزون اولدی .

بوندامت واقع اولور اولمز تغلیطات

نفسانیه دخی او یانور • بزه دیرکه « آدم
 سنده ! کوکلی قیر یله جق ایدیسه مجادلده
 کیر شماملی ایدی » بز دبر زکه مباحه شه بی مجادلده
 صـورتنه تحویل ایدن او دکدر • بز •
 حتی او مجادلده باشلامش اولسه ایدی بیله
 بز آکا او یماملی ایدک • لازمه انسه انیت
 و مروت بونی اقتضا ایتزمی ؟ نفس بزه دیرکه :
 « خیر خیر آنک کو ستر دیکی سببیت اوزرینه
 بز مقابله لازمه سنده بوانسمه ایدک مسکنتمزه
 جل اولنور ایدی • »

ایشته بر ندامت خاطره کلور کلز بو یله
 تغلیطات نفسانیه ایله ارده مزده در حال
 بر مناظره آچیله رق هم ده بیـود بجه بیور
 و نفس بزی خطا مزده حقلی و هیچ اولمزا یسه
 معذور کو ستر ملک ایچون بیـون احتمالاتی

اور تہ یہ قویہ رق حکمتہ وجدان ایسہ بونلرک
 هیچ بریسی قبول ایتی۔ وب قصہ۔ ورمزی
 یوزمزه چارپار • او قدر مضطرب اولورز
 کہ او قصوری ایتدی کمز کونجی اضطرابکده
 درجہ سنی پکھرک حادثا کندی کندیمزدن
 اوتانیور مشجہ سنہ یوزمزی اوتہ طرفہ چو
 یرہ جکمز کور • کوکلی قیردیغمز آدم
 او آندہ یانمزه کله جک اولسہ تغلیطات
 نفسانیہ نہ قدر غلبہ یه چالیشور سه چالیشون
 قولاق ویرمیدرک ہر حال عذر لر دیلہ مکہ
 مسارعت کوستر ایدک •

ایمدی انسان بوندامتہ دوجار اولماق
 ایچون ہر حال وحرکتک دہا ابتدا سنہ
 نفسیہ بالمجاہدہ انک سہوقنہ قایلامنہ غیرت
 ایلر و پو بولده کی مجاہدات آرتدقچہ

غالبیت الهام جہتندہ قالبوب نفس ایسہ
مفلو بیتی حس ایدہ ایدہ نہایت ساسنی
کسمکہ مجبور اولور .

اهل حال اولنر مجاہدہ نفسیہ دن هیچ
بر زمان خالی قالمز . انک ایچوندر کہ
معاملات ظاہرہ لرنده بیلہ حبیل مناسبات
بشریہ لری بر قیلدن عبارت اولسہ دخی
انی قیرمیدوب محافظہ ایدرلر . اهل حال
اولیان ارباب غفلت ایسہ مجاہدات نفسانیہ
ایلہ تزکی ایتماش اولدقلرندن ناسلہ معاملات
عادیہ لرنده بیلہ حبیل مناسبیت بشریہ لری
برزنجیر دخی اولسہ انی دہ قیرارلر . ایشتہ
حکیم دقیقہ اندیش حضرت سعدی :

« دو صاحب بدل نکه دارند مو بی »

« همدون سرکشی و آزم جو بی »

« واکر از هر دو جانب جاهلانند »

« اگر زنجیر باشد بکسلانند »

سوزینی بومعداده سوزیلشدر .

شومبحثمزده بورایه قدر سردایلدیکمز

مقایساتده کی تفصیلات « تزکیه و تذکیه » دن

عبارت بولنان سرلوحه من مقصدینی بسط

وتمهیده کفایت ایلشدر ظن ایدرز . تزکیه

نفس انسانک ذکا و عرفانی آرتیره رق

ادنای امورده بیله عواقبی درحال نظر

عبرتنه الور . و بوحالده تغلیطات نفسانیه

نه قدر یاغرمز ایتش اولسه هیچ بریسنک

اهمیتی اوله میوب عارف اولان هیپ کندی

عرفانک مقتضاسنده توفیق معامله ایلر .

دائما مجاهده حالنده بولنان انسانک هیپ

مهیبط الهمامت ربانیه اولما استعدادی آرتیره رق

وہی تغلیطات نفسانیہ قوتدن دوشہرک
 نہایت او انسان بر درجہ کالی بولور کہ انک
 او درجہ سی حقیقہً مرتبہ بشریہ نک فوق
 اولوب اگر فیاض ربانی دخی یارلق ایدر
 ایسہ ذوقنی اور و پالیرک هنوز اکلا یہ مامش
 اولد قلی بر طبقہ عالیہ دخی وصول ممکن
 اولدیغی تحقیق ایدر • فقط انسانلرک یوزده
 قاجی بوجاہدہ مو فوق اولہ بیلور؟ یوزده
 دکل بیکدہ و حتی اون بیکدہ یوز بیکدہ قاجنک
 بوجاہدہ موفقیتنی سؤال ایلش اولسہ ق
 ینہ بعید دکلدر • زیرا بوبادہ کی اقلیت حقیقہً
 شایستہ مبالغہ در •

انسان او غلی قولای قولای مجاہدہ
 نفسیہ مو فوق اولہ بیلسہ ایدی ہر شریعتک
 عبادت و طاعتی او قدر قوتلی اسلر اوزرینہ

تأسیس ایتمند لزومی قالورایدی؟ انسانی
هم ده عوامه وارنجده قدر هر کسی مجاهده به
الشیرمق ایچون درلو درلو طرق طاعات
کشادینه لزوم حقیقی کورلش و بوبابده کی
حکمت ایسه هر کونه اعتراضدن مصون
بولنمشد.

باقکز عبادت و طاعتک مجاهده نفسیه به
نصل یاردیم ایلدیکنی بر بحث مستقل صورتده
براز شرحه کیریشه لم ده کویا هر کون کوز
لر مژک اوکنده طور مقدن ناشی شایان بحث
اولمیان بدیهیاتدن معدود بر شیده دخی نه لطیف
حکمتلر اولدیغنی کورم . فقط عبادتک
مجاهده نفسیه به یاردیمی طبیعت بشریه
اوزرنده بر تأثیر دیمک اولوب بو حالده ایسه
عبادتک دخی بر امر طبیعی اولسی لازم کله .

چکاندن اول امرده مسئله نك بو جهتنی
حل ایدم :

مبحث

۹

« عبادت طبیعیاتندر »

بعض مباحثزده اولدیغی کبی بو بحثده
دخی سرلو حده مزى بر جـله سـوالیه
صورتده قویوبده « عبادت انسان
ایچون طبیعی دکلیدر ؟ » دیه جک اولسه
ایدک یالکز ظواهر و سطحیاتدن استخراج
احکامه چالشانلر درحال « دکلیدر ! »
جوابنی ویره رک جوابلرینی تأیید ایچون
دخی اوله بر طاق حرکات ظاهره مجبور هک
انسان ایچون اصلاً طبیعی اوله میه جفنی
درمیان ایدر لر ایدی . بو حالده مسئله نك

محلی اولقی اوزره عبادتک انسان ایچون
 طبیعی و جبلی اولدیغنی سر او حده مزده
 کورنجه مطلقا استغراب ایتش اولمیری لازم
 کلور . بز ایسه بواسطه تغرابدن ده ازیاده
 ممنون اولورز . زیر اواقع اولان استغرابلری
 اوزرینه مسئله نک صورت حلنه ده ازیاده
 اهمیتله و دقتله نظر ایدر لر .

اثبات مدعا یه شو یوزدن بد ایدمه لم که :

عبادتک طبیعت و جبلت بشریه مقتضایه .
 سندن اولدیغنی انکاره میدان اولقی ایچون
 بعضی سطحی فیلسوفلرک یاپد قلمری و جهله
 نظر حکمتده عبادتک لزومی اولدیغنی روایت
 ایتک مادتا یالان سه و یلک و یا خود حکما
 کر چکدن عبادتی رد ایتش ظن ایلک
 حکمتی ده حکمانک احوالی ده بیاهم کدره .

چین کی الہ قدیم بر ملتک قونفوسیوس
 کی جداً حقیقت بین اولان حکیمی دیانت
 چینہ نک امر ایلمدیکی مراسم عباداتی تأسیس
 ایشلدن . یونان قدیم حکماسی کندی
 دینلرنجه لازم کلان عباداتی اجرا و ایفا
 ایدرلرایدی . حتی معلم کل سقراط دیانت
 قدیمہ نک امر ایلمدیکی مراسم عبودیتی ایفا
 ایتماکله اعدادہ حکم اولندی که ایشک بو
 درجہ سی یونان قدیمہ فلاسفہ نک دخی
 عبادتہ نہ قدر مجبور مد ایلمدیکی موازنہ به
 مدار اولور . حالبوکه سقراط یونان قدیمک
 خرافاندن عبارت بولنان دیانتہ اتباع ایتمدی
 ایسه اصل کائناتک خالق اعظمی اولان حق
 جل و علی حضرتلرینہ عرض عبودیت
 ایچون بوسرکشی حق پرستانہ ده بولندی .

سقراط کی مذهب آلهی به سالك اولنرك
 كافه سی تنزیهات رحانیه یولوو عبادتده
 بولندقلری کی كرك یونان و كرك روم احكامی
 سائر سی دخی هپ مجبور عبادت اولمشدر .
 فلاسفه میانده یالکز کلیاً منکریندن اولنرك
 ترك عبادت ایتشله ایسه ده بولرك عددلی
 بك آز اولدیغی کی كندی مساكری دخی
 ایله ولیه میوب نهایت جله نك منكر و مجهولی
 اولمش قالمشدر .

انسانلر ایچون بر شـیـئـك طبیعی اولد .
 یغی نه ایله اثبات اولنور ؟ بو سهـؤـاله ك
 شامل بر جواب اولق اوزره دنیلـیـور كه :
 اخرك تعلیمه محتاج اولقمزین انسانلرك
 كندی كندیله نـه لزوم و احتیاج حس ایله
 كاری شیلر طبیعاتلرلر . مثلاً طعام ایتك

و صوغوقدن صیجاقدن بیرار اولوق کبی که
 بولر بولر بولر بولر کیمسه نیک تعلیم و تفهیمه
 وابسته اولمق سزین هب کند یکنه
 عیان اولمشدر .

فقط اکل و شرب کبی شیلرک ال قبا
 ال عادی طبیعیاتدن اولدقلرینی نظر دقتدن
 اوزاق طوته جقهی یز؟ بونکله برابر بونکی
 اکل و شرب بونکی تلبس انسانلرک
 احوال ابتدائی و حشیه لرنده بویولده کی
 طبیعیاتنک عینیدر دیه ادما ایله یلور می یز؟
 بونکون بر کیمسه نیک جانی اعلا و مصنع
 بر طعام ایسترایسه پک طبیعی بولورز .
 مثلا « بیچاره نیک جانی مکمل بر صصاریخی
 بورمه ایستیش . بو آرزو ایسه طبیعیدر »
 دیرز . حالبوکه یریوزی عظیم بر بالسطه

کیرمدک اورمان وانسان اولادی دخی
 حکمانک دیدکاری کبی آنک ایچنده طوته
 بیلدیکی حیوانی ویاخود اغاجلردن دوشیره
 بیلدیکی میوه بی ویا یردن چیقاره بیلدیکی
 کوکری یمک ایله متعیش بر سوری حیوان
 ایکن جانی صهار یغی بورمه ویاخود
 کشکول فقرا کبی شیلر ایستیه بیلورمی
 ایدی؟

دیمک اولیورکه طبیعیات دنیـلان شی
 انسانک ترقیات ماده و معنویه سنجمه
 منبسط اولور بر کیفیت ایمش • مثلاً
 موسیقینک انسان ایچون طبیعی اولدیغنه
 مادیون حکمانک دخی اعتراضلری یوقدر •
 انسانلرده کی شو جبلت موسیقییه بی اثبات
 ایچون دیرلرکه الـز یاده بدویت وحتی

وحشت حالنده بولمان انسا نلرده دخی ایی
کو تو بر نغمه پردازلق واردر .

اکا هیچ شبهه یوق . فقط آنلرک
موسیقیسی نه شمدیکی او پرالر کبی ایدی
نده شمدیکی پر یما دونالر قونترالتولر کبی
تغنی ایدر لر ایدی . حوایج اطعامیه لری نه .
قدر ساده ایسه حوایج موسیقییه لری دخی
او نسبتده ایدی . نسل که الیوم اقوام
وحشییه ده هپ بونستی کور مکده یز .

طبیعیات بشریه بی آراشدیر دقچه طبیعی
دنیلان شیلرک بلا تعلیم انسانلر طرفندن لزومی
حس اولمانلردن عبارت بولندیغی حقهنده کی
تعریفک افرادینی جامع اولدیغی میدانه
چیقورمی ؟ زیرا ایشته موسیقینک طبیعی
اولدیغی علی العموم مصدق و معترف بولنده

بغی حالده بو فنك كلی تعلیمه احتیاج کو -
 ستر دینی دخی بدیهیاتندیر - او حالده
 طبیعیاتك افرادینی کاملاً جامع بر تعریفی
 اولمقی اوزره دیه جـکـز که : یر یوزنده
 منتشر انسانلرك کافه سی نزدنده حس
 اولنان شیلر طبیعیدر .

بو تعریفی قبول ایدر ایسهك برچوق
 شیلر بولورز و آنلری او قدر طبیعی کورو
 رز که آره یره اصلاً تعلیم کیر مدیکی حالده
 عموم نوع بشرك اولبایدیه بر قاعده مطردیه
 اتباع ایلدکرینی مشاهدیه ایلرز . مثلاً
 بر آجی حس ایدنلرك « آی ! » دیملی کی
 که بیکارجه لسانلرك اختلافنندن قطع
 نظر دنیانك هر طرفنده انسانلرك بر طرفلوی
 آجینجه « آی » دیه اعلان اضطرار ایدر .

طبیعیاتی بو درجه یه قدر بسط ایلمد کدن
 صکره عبادتک انسانلر ایچون الک طبیعی
 بر شی اولدیغنه شبیه بیله قالماش اولور .
 زیرا افریقا و امریقانک الک وحشی ملنلری
 نزدنده بیله قدرتلری تدبیک درجه لوده بر نوع
 عبادت کورلمشدر . کیمسی بر اغاجی کیمسی
 بر قیابی معبدایدیرلک اورالده الله یالواره مقدمه
 ورجالری قبول ایچون درجه و حشترلرینه
 کوره انسان قربانده قدر وار مقدمه درلر .
 الیوم وحشی متمدن کافه ملنلر نزدنده عبادت
 بلا استشنا بو قدر عمومی و بناء علیه
 طبیعی اولدیغی کی الک قدیم زمانلر دهری ده
 بو حال عمومأ کورلمشدر . همده هر عبادت
 ایدنک کوزلری و قلباً توجهی سمت سمایه
 اولقی عمومی و طبیعی اولسندن اقتضایدیر .

ایشته عبادتک طبیعی اولسی بو قدر
 باهر ایکن ینسه عبادتک طبیعی اولدیغنی
 ادعا ایدوب طور مقی آرتق بر مکا بره صایلمور .
 بو مکا بره دخی مجرد ادیانہ قارشو بر خصو
 مت حمیدیه دن بشقه هیچ برشیدن نشأت
 ایتز .

اگر عبادت انسانلر ایچون طبیعی
 وجبلی اولسه ایدی تزکیه بشریه ایچون
 هیچ بر تأثیری اوله ماق لازم کلور ایدی .
 بو تأثیرک محقق اولسی دخی عبادتک
 طبیعی اولدیغنی بشقه جهاتبات ایدر بر
 برهان مادیدر . ایمدی عبادتک مجاهده
 نفسیه یه فصل یاردیم ایلدیکنی بوندن صکره
 کوردهلم :

« عبادت مجاهده نفسیه به نصل »

« یار دیم ایدر »

بوندن مقدم بر مجتهدی و عیش ایدل که
تذکیه نفس ایچون انسان تغلیطات نفسا -
نیله به اصلا میدان و یرمیوب طبع بشرد
الهامات ربانیه بی حسن تلقی به اولان استعدا
دی دائما منبسط ایتمک چالشملی ایدر • بو
بو مساعیده عبادتدن زیاده انسانک ایشنه یارایه .
بیله جاک بشقه هیچ بر واسطه اوله بیلور می ؟
هر هانکی دینده اولور ایسه او .
لسون عبادت محضالوجه الله اختیار اولور
بر شیلر • موقع عبادتده بولنان انسان کندینی
طوغری بدن طوغری به حضور معنوی ربانیه

بواور . حالبوکه انسان قسمی الله-دن
 بشقه ینه کندی بنی نوع-دن بر بیوک
 حضورده بولنده بیه مخالف ادب بر حال
 وحرکنده بولنامق ایچون اولانجه قوتیه
 جبر نفس ایدر . مثلاً قواعد صحیحہ
 آدمیت وانسانیتہ موافق اولیان ومع هذا
 نفس طرفندن دائماً توصیه ایدلکدن خالی
 قالمیان منہیات ومستکرها تندن برشی یا پاماق
 ایچون انسان دائماً دقتلی طور انور .

حالبوکه حضور او یله بنی نوعمزدن
 اولان بیوکار کدکل جناب حقت حضوری
 اولدینخی حالده انسانک دها بیوک بردقتله
 طور انمسی لازم کلزمی ؟ بنی نوعمزدن اولان
 بیوکار بزم یالکز ظواهر مزی کوروب
 بواطنمزی کورمه کارندن آنلر حضورنده

یا لکن ظاهری معاینه احتراز و احتیاط
 ایدرک باطنی من کافی السابق چیست چار شیمی
 کبی اولور سه بر باس کور میر . اما حق تعالی
 حاضر تری ظاهری ده باطنی ده بیله کارندن
 آنک حضورنده ظاهر آنصل بیونمزی بو کوب
 شرمسارانہ بر طور ایله طورر ایسه که
 باطنزدن دخی تغلیطات نفسانیہ بی ازاله ایدرک
 علی قدر الامکان حضور باری یه بر قلب پاک
 ایله حقیقه غیرت ایدرز .

شو مجبوریت دخی بر مجبوریت طبیعیه
 اولدیغندن هر بری طبیعی اولان عموم ادیانده
 بولندیغی کبی آیات صحیحہ و منزله سماویہ ایله
 موضوع و حق اولان بر دین نصل ده از یاده
 طبیعی ایسه اودینک رسم عبادات و طاعاتنده
 بویله تصحیح ظاهر و باطن امرنده کی مجبور.

یت دخی دها طبیعی و دها قوی اولور .
ایمدی انسان هر عبادتده تخلیطات
نفسانیه بی منع ایده ایده آرتقی بوقوه و سوا
سیده بی بالکیه حکمدن دوشورمش اوله .
جفی کی اکا مقابل المہامات ربانیہ تلمقیاتنه
اولان استعدادی دخی آرتدیره آرتدیره دها
زیاده تزکیه نفس اتمی دها دتا مرتبه تحققه
وارر .

اما حین عبادتده کرک حرکات ظاہره
و کرک تہیات باطنہ جه شو و دقایقه رعایت
ایدلیه جک اولور سه او یولده ایدیلان
عبادت عماد دین اولان نماز بیله اولسه
» سر بزمن دم بهو امیکنند « توصیفنه سزا
کور یلوب عبادتدن بیله حدود اوله من
عبادتده هم ذکر هم فکر شرطدر که ذکر

ایستاده حرکات ظاهره‌نک تربیاتی ایجاب
 ایلیوب فکر ایسه حین عبادتده قلبی
 وزهنی تغلیطاتدن بالکلیه قورتاروب انجق
 جناب حقه حصر و تخصیص ایلمکی اقتضا
 ایتدیرر . قلب بو « رابطه » یه اشدقن
 صکره بردها اندن آیر یله مزکه تغلیطات
 نفسانیه او قلبه گیر مکه یول بوله یلمسون .
 عبادت و اطاعتک هر هانکی دیننده
 اولورسه اولسون محضاً اوجه الله اولد .
 یعنی و بو حالده عبادت و اطاعتلرک هر
 نوعنده قلبی حق تعالی یه ربط ایله تغلیطات
 نفسانیه یه یول و بر مامک غیرتی باطبع موجود
 اوله جفنی حکم ایدیشمزدن بتون دینلری
 نظر مساواتله کورمکده بولندیفمز اکللا .
 شایسون . بالعکس مسئله بو نقطه نظر دن

تلقی اول نور ایسه نظر لر مرده دینزك هلو
 قدر و منزلتی بر فاند ها آرتار . زیرا بر کره
 مراق ای دیلوبده ملل سائر نك و از جمله
 انلرك اكلی اولان نصارانك عبادت لری نه دن
 عبارت اولدیغنی او کر نملی . صکرده بزم
 اعظم عبادتمز اولان نمازك ایکی رکعتی
 کوزجه بر تدقیق ایملی . تسبیحك فاتحه
 شریفه نك رکوع و سجودده کی تنزیه انك
 تشهدده کی تحیاتك صلواتلرك معنار یی
 کوزجه تفکر ایملی . دیلز ایله سویلدیکمز
 بو کلمات مبارکه نك معناری فیکرده و تاثیر
 لری دخی قلبده اولدیغنی حالده ارتق نماز
 قیلار ایکن بر آدمه تغلیطات نفسانیه نك
 یول بوله بیلمسینه نصل امکان و یر یلور ؟
 بو تزکیه نفسیه اوقات جسمه ده تکرر ایتمه

بجه انسان اچون الهامات ربانیه بی حسن
 تلقی استعداد لری منبسط اولد قجه اولور ؟
 شمدی برده تارك عبادات اولان انسا
 نی دوشونملی که عمر نده نه تغلیطات نفسانیه بی
 دوشونمکده در نه ده الهامات ربانیه بی اذاتاً
 بو ترك فکر نفسک برنجی ارزوسی دکلیدر ؟
 انسانه بر کره بو قید سزاق کلجه میدان
 بالکلیه میدان تغلیطات اولوب اره لقه بر کره
 قلبه حسیات حصنه کله جک اولورده
 انسان « شوده شو یله اولماملی ایدی » .
 فقی انسانیت اولمقی اوزره شو یله اولماملی
 ایدی « دیه جک اولور سه در حال نفس
 غروره کله رک انسانی مادتا تحمیه قدر
 وارر و او اثر الهامی همان محوایدر .
 امان یارب ! انسانه بر کره بو آزع خلق

کورسه انسه انلقدن عادتانه قدر تباعد
 ایلور ! انعامدن بیله فی الحقیقه اضل
 اولیور . زیرا او یله بر آدم بتون نوع
 بشرک عنایتنه مظهر اولسه ایلاک قدری
 بیلک شانندن اوله میه جغی ایچونینه بشریتک
 دشمنی اولیور . بشریتده کوردیکی ادنا
 قصورلری بیله بیولک یولک لطفله فدا ایده .
 میهرک هب او قصورلرک منقدی اولیور .
 یالکز بر ادمدن بیکرجه عنایت کوروبده
 یالکز بر فناقی کورسه بونجه عنایتلرک کافه
 صنی درحال اونوتوب یالکز او برفناغک
 اوتانقسزین انتقامنی المغه قدر وار یور .
 کندیسنی طالمه وانسه انیتنه خدمتدن بالکلیه
 مستثناعد ایدرک جهانتک کندیسنه مسخر
 اولمسنی ارزو درجه لرینی بولیور . نفع عالم

ایچون بر کوزل خدمت کورمکی نفسینه
 یدیره مدیکي حالدیه کنندی نفع ذاتیه سی ایچون
 اولنجہ انک ذرہ قدرینی فدا ایدیه میهرک کال
 حرص و تنبالکله اسبابنه تشبث ایلدور .

ارتق بویله بر نامردی ده مردصایمق
 قابلی اولور ؟

امر تزکیه ده دها ایلر و یه واروب
 ده وصول الی اللهی اریه یانلر ایسه بویله
 دنیا پرستلره قیاس قبول ایتک شو یله طور .
 سون عبادت ساده ایله متعبد اولنلره دخی
 قیاس ایدیه میهرک انلر ترک ماسوی و تجرد
 مراتبیه ایاق اینه ورلر که نتیجه مزئی اله
 المقسزین بو بابده کی ملاحظات قاصرانه .
 مزئی دخی قارئلر عزک نظر حسن قبوللارینه
 عرض ایدیم :

ترك ماسوى و مجرد

انسان براز كنديسى يوقلا يوب دوشو
 نه جك اولور سه كورر كه تغليطات نفسانيه
 ميدان اچغه سبب اولان شى علائق بشر
 به در . مال و جاه و اولاد و هيال كى
 علائق دنيو به دن هر برى انساني كرك
 حسن و كرك سوء تاثراته دوچار اتمهك
 اسباب اصليه سى اولسوب بو تاثرات
 ايسه انبساطه كنجه انسان اچون هر
 برى برر مدار اعظم تغليط اولمق دن كيرو
 قالمز .

تدقيقده براز دها ايلرويه كيديله جك
 اولور سه علائق دنيو بهك دكل مشاهدات

هادیۀ خارجیہ نیک بیہ مانع الہام و مؤید
 تغلیطات اولدیغی تحقیق ایلر • خارجی مشا
 هدایتدن هر بری انسانده یکیدن یکی یه برر فکر
 او یاندر مغه سبب اوله رق مثلاً النده قلم
 اولدیغی حالده ذهننی بر نقطه یه حصر ایله
 کندینجه مهم بر مسئله یی حل ایچون دریای
 تأمل و ملاحظه یه طالعش کیتش اولان
 انسانک کوزینه بر اردلق ایکی سینه کاک
 معانقه سی ایلیشور ایلیشمز ذهننده اولان
 شیلرک کافه سی برانده کیدرک نهایت سینکار
 تماشا سی بتدکدن صکره انسان «نه یی دوشو -
 نیورایدک؟» دیه ایلاک دوشو بنجه سنی کند ی
 کند یسنه صورارده ینه بولوب درخاطر
 ایلدمز •

مسائل دقیقه ایله اوغراشان بر حکیم

و ادبیات عالیہ ایلہ اشتغال ایدن بر ادیب
 کندی کوزلری او کنده ذهننی شاشیر ته جق
 شیر بولناماسنی و قولاقلر ینه مالایعنی سوزلر
 کلاماسنی آرزو ایلدیکندن مشکلی حل
 ایچون هیپ سسکوت و سسکون ایسه تر .
 زیرا هر درلو مسموعات و مشاهدات انک
 ذهننی نصب و تخصیص ایتش اولدیغی
 نقطه دن تبعید ایلیه جک بر رمدار تغلیطدر .
 کورولتی باطردی شماته ولوله ایچنده درت
 قلم رقدن عبارت بر حساب یا بق ایکی بیتدن
 عبارت بر شعر سسویملک عادتا هر یکیتک
 کاری اولیوب بعضی شماته ایچنده دخی بو
 مثلاً مشاغل فکر یه ده بولنه بیلکه مقتدر
 اولانلر ایسه مطلقاً او کورولتیله قولاق ویرما.
 مکدی یعنی مسموعات و مشاهدات مذکور هینی

کندی نظرنده کائنات یکن حکیمانه قویغه
 مقتدر اولنددرکه بو حال سائرلرینک بر
 سکون و سکوت ارمهغه اولان احتیاجلریله
 انک کندیسنی مجاهدات و مسمومات معجزه
 دن خارج طوته بیلمسی حکیمده برب مساوات
 حاصل ایدر .

مشاهدات و مسمومات حادیته نیک بیله
 امر تغلیطده تأثیری بو درجه لره واردیغی
 حالده علائق مهمه دنیویه نیک نه قدر تأثیری
 اوله جغی بردها ملاحظه یه شایان اولور .
 اولادندن بریسی خسته و یاخود وفات
 ایتمش و یا قاریسی طرفندن خیانت کورمش
 وبغیر حق منصبندن اقبالندن آیرلمش و یاخود
 بیولر مال غائب ایلش اولان انسان بر نائره
 تأثر ایله چایر چایر یاندیغی حالده ذهنی بو

تغلیطات عظیمه دن قورتاروب و طوپلایوب
 ده الهامات ربانیه نقطه لرندن بریسنه
 محصر ایده بیلک قابلی اولور؟ بو مثللو
 علائق عظیمه دنیویه نك موجب پریشانی
 افکار اولان تغلیطات عظیمه سی بر چوق
 تسلیاتله بر طرف اولینجه او انسانده مکنون
 قلب و صفای خاطر ارمق عادت محال اندر.
 علائق دنیویه نك امر تغلیطده نه یوک
 تأثیری اولدیغنی ده ا زیاده حماس بر میرانله
 موازنه ایتک ایچون نظر دقتیزی بر ده ا
 کیرویه ارجاع ایدلم . یوقاروده دیمش ایدک
 که مسائل دقیقه ایله اوغراشان مسمومات
 و مشاهدات مغلطه دن کنیدیسنی قورتارمق
 ایستر . تغلیطک بو صورت ناز که سنی بر دیگر
 جهت دن دخی تدقیق ایلیم :

انسان حل مشکلات مهمه ايله اوغرا -
 شديقي زمان ذهني فكريني فصل استخدام
 ايلديكنه بردقت ايتليدر . باقليدركه ذهني
 بشقه هيچ بر طرفه آغناء قسرين هپ مطلوبني
 اولان نقطه ايله اشتغال ايله يليورمي؟ ايله -
 ميورمي؟

ذهني منحصر ابر نقطه اوزرنده اشتغال
 ايدوبده بشقه شيلري ذهني اوغرا تمامه
 مقتدر اوله جق انسان ميليونده بر بولنه من -
 مطلقا ذهن بر سينكك بر تك كوزي بال
 كوچي شكنده اوله برق طقه وز يك كوزه
 منقسم او اسي نقطه صندن طوتديره رق صنعت
 كامله سبحانيه اوزرينه درين وطاني بر
 حيرته طالعيم دير كن ذهني بو كوزلك كوچ

شکنده او لمسندن آری قوانده آندن باله
 و فی الحال حلوا یه انتقال ایدمرك بر آرمه لقی
 دخی قائن والیده سنك درت کون اول
 یامش اولدیغی حلوانك میانه سی یانمش
 بولمىندن طولایی ایتدکاری غوغایی تخطر
 ایتمکه درت کون اولکی حدتی عودت
 ایدمرك قدرت بالغه صمدانیه یه حیران اوله یم
 دیرکن براعلا نجدید حدتله بتون بتون اولکی
 چیغرنندن چیقار کیدر • بومثلاو حالرذهنلر
 یله مشغول اولانلرك هر زمان استغرا بلرینی
 موجب اوله جق درجه لرده کثیرالوقوعدر •
 ایدمی خارجدن برمشاهده و یا خود
 برسماع انسانی تغلیط ایتیمه جك اولدیغی
 حاله بیله قوه تغلیطیه انسانی اشغال ایچون
 کندمی کندیمنه بومثلاو وسائل تغلیطیه

ہو اور چیقار رہ انسانى نرہدن نرہیہ آتار
ایسہ برده علائقى دنیویہ نك ایجاب ایلمدیکی
بیوک بیوک انتریقہ لر ایچنده بولنان آدمده
تمامیت فکر نصل میسر اولور ؟

مشغولیت فکریہ ایله اشتغال ایدن برآدم
برآرہلق کیجه یار یسندن صکره برکوزل
اویقودن اویانوب یتاغی ایچنده هم ده قرا کلقده
اوله رق اوتوره جق و کندی کند یسنه دو
شونه جک اولسه ذهنده نه لر کور ! نه کو
زل سانحاته مہبط اولور ! عادتاً کند یسندن
کچمش ده بر عالم دیگره وارمش ظن ایده جکی
کلور . اوزمانکی مواردات ذهنیه سنی بشقه
هیچ بر زمانه قیاس ایده من . فکر ابعداد
مجرده بی جولان ایوبسده بتون مشاهدات
حصند سنی انساہ کتور یورمش کی برشیلر

اولور . ایشته اوز مان انسان یالکز بر
نقطه یه حصر فکر ایتک ایستر ایسه ده
قولایجه موفق اوله رق بشقه زمانلر ده
دوشونه مدیکی حل ایده مدیکی شیلری اوز .
مانلردن دها پک چوق زیاده سهولته حل
ایدر . بو نک سببی نه در ؟ او آنده علائق
خارجیه دن ممکن مرتبه تجرد ایتش وکنندی
کنندیمنه قلمش اوامی دکلیدر ؟

فیلسوفلر شاعرلر رساملر بسته کارلر
اکثر یا لا قید و لا ابالی آدملر اولورلر . بونلر ده
علائق دنیویه سائر آدلر ده اولدیغی قدر
حکم سوردهمز . ثروت و سامان اولاد
وعیال رتبه وجاه اصحابندن اولملر دخی
علائق مذکورده آنلرک فکرلرینی تمامیه
محکوم ایدهمز . بو ایسه مسالکاری حسیله

اوتنه دنهري كنديلر يني علائق مذكور هك
 تحكمنندن قور تارمغه غـيرت ايده ايده بر
 درجه به قدر موفق دخی اولمش بولمورندن
 نشأت ايدر . بيك درلو تغليطات ذهني
 پنجه تحكيمي آلتنده ز بون ايتمش اولديغي بر
 زمانده يوكسك براخاچدن دوشن الما نظر
 حكمتي جلب ايدوبده جاذبه ارض و
 سقوط اجسام قانونلري كشف اولنده بيلورهي؟
 ذهن بويكه بر محكوميت آلتنده ايكن انسانك
 الي واروبده « وه نوس ده ميلو » يي
 تراش ايله بيلورهي؟ بويكه برز بونقله شاعر
 بر مصراعمي سو يليه بيلور؟ بويكه بر حالده
 رسام الله فرچه مي آله بيلور؟ نفس آلفه
 مقتدر اوله ميه حق اولان بسته كار درت
 صدابي بر ايره كتورهك براثر موسيقي يي

فصل میدانہ کتور مکہ مقتدر اولور ؟

ایشته تغلیطات نفسانیہ انسانی خط
مطلو بدن تحریف ایچون بویله نه قدر دقیق
بردرجه به قدر اجرای حکم ایلمدیکنه دقت
ایلیوبده بعدده طول امل و حرص افراط
و فکر عداوت واستعداد اختیالات کبی
امراض نفسانیه نک برده علائفی عظیمه
دنویه ایله اتحاد لری حالنده انسانی انسا
نلغدن فصل چیقاره جفنی دوشونمیلدر .

ایمدی وصول الی الله غیرت مجاهدده -
کارانه سنده بولنان کبار اهل الله کندیلر بی
ترک ماسوی ایله علائقندن تجریده او قدر
همت ایدر لر و بوجماهدده لرنده اورتبه ایلمرو به
دخی کیدر لر که بعض استغراق حالنده بشر -
یتک قات قات فوقه حقیقه رق کندیلر بی

حقیقهٔ عـ و الم دیکرده بو اور لر . فقط
تغلیطات بونلرک دخی اتکارینی ینه براقز .
مطلقا بر فرصت دوشوردجه کندیلرینی
بشریت عادیه درکه منه ارجاع ایدرک او
قوجه اهل حالره :

کهی بر طارم اعلا نشینم
کهی بر پشت بای خود ندینم
دیدیرترو بوسـوز دخی هین واقع
اوله رق سویلنش اولور .
تغلیطاتک پنجهٔ تحکیمی علی قدر الاستطاعـ
عه اورکـ و نتیله ایله کیرویه چکـ دبره رکـ
استعداد بشری بی حسن تلقی الهامه مهیا
ایتمکه هر کسک بر درجه یه قدر قدرتی
واردر . فقط ار باب مجاهده و کبار اهل الله
فیض صمدانیک دخی معاونت رشاد بنحشا

می ایله انسانی عادتاً انعمـ انلق مراتبک
 او قدر فوقه حقیقـ اره بیلور که بومرتبه به
 وصول میسر اولدیغنی کورنلر ودها طوـ
 غریبی بونی کورمکه مقتدر و موفق اولنلر
 ـ زیرا بومشـ اهده دخی هر کوزه میسر
 دکلدر ـ برصفوت ازلیه وابدیه ایله اصطفای
 ایش بر امتیاز حال العال ایله من الازل الی الابد
 ممتاز بولنش اولان سعادت مند ان نوع بشر
 ایچون ملهمیتک در فوقنده اوللق اوزره
 مهبط وحی رحانی اواقی مستبعد دکل محقق
 اولدیغنی تسلیمده اصلاً تردد ایتمز .

انسان ایچون مرتبه عادیه نک اوست
 طرفی اوله میه جغنی وهم ایله امکان نبـ وتی
 انکاره قدر وارانلرک بو بایده سوزلری هیچ
 اولمز ایسه مسموع اوله بیلک ایچون کندی

استعدادات حسنه بشريه لر يني نه قدر
منبسط ايتش و كنديلر يني حكم تغليطاتدن
نه درجه قدر قور تارمش اولمور يني كورمك
لازمدر . بومثلاو در بدرلك اغلبنده ترك
ماسوي ايله علائق خارجيه دن تجرد ميراتبده
ياقلاشيق شويله طور سون حتى رياضت
عادييه بيله رحايت اولديغني يك چوق
تدقيقانمز اوزرينه حكم ايده ييلورز . مثلا
بونلر بر كره كنديلر يني بلای عيش و نوشدن
قور تارمغه بيله مقتدر دكلدرلك تغليطاته
بالاستقلال ميدان حكم فرمائي بي آچه حق
اولان شيلرك برنجيلرندن بر يسي ده بو حالدر .
آقشاملري مثلا ساعت اون بردن كيجه نك
اوچنه دردينه قدر عشرت ايده رك بعده
مست لايعقل ظباران و صبا حلي در دجار .

دن باشی قالدیروب کوزلر بنی آچه میبان
بر آدم کون اورتیه سنده برقاج ساعته مخصوص
اولقی اوزره تسکین مرض منجوریت ایدر
ایسه او آدم ایچون بشریت عادیه نك فوقه
اصعاد ذهن شویله طورسون بشریت
عاده درجه سنده دخی قالدیه رقی دها اشا .
غیده بر درک به اینک محققدر . بو قدر خسته
بر ذهن ایله مباحث عالیله دن بحثه نصل مقتدر
اولور که حتی دقایق اسرار نبوته قدر ذهن
صار دیره بیلسون ؟

ار باب دانش ایسه معده بی لزوم ضرور .
و یسندن زیاده طولدیر مقی ییله تغلیطاته
یول آچیقی اولدیغنه قانع اوله رقی اکل
و شر بلرنده دائماً درجه اعتدالی ترجیح
ایتملر در . تجارب عادیه ایله اشتغال ایدلر بو

حکیم دخی اصابتی قبول ایتشلدرد . زیر امدده
چاتلاینجیه قدر ملو اولوب ده بتون خدمت
وجود بلای هضمه مشغول اولدیغی زمان
ذهنک هیچ بر نقطه اوزرنده استقرار ایده مدیکی
کور لمشدرد . او حالده انسان او یقویه واره جتی
اولسه مدهش مدهش رؤ یالر کـ ره رک
راحت خوابده بیله ذهنک مسـ تریخ اوله .
مدیغی تحقی ایلر .

الحاصل طبیعت بشریه ده کی تلقی
الهامات استعدادینی بسط ایدر تقلیطات
نفسانیه امراضنی منع ایچون تزکیه ایله
تذکی لازم کلجه بو بایده عبادات و طاعات
تأثیرات کلیه سی اولقی بالطبع محقق ایسه ده
عبادات مذکوریه بر حرکت غیر اختیاریه
صورتدن قور تارقی و ذهن و فکری درجه

مطلوبه عالییه قدر اعلا و اصعد ایتک
ایچون انسانک کندیسنی علائقی دنیوینک
تحمندن قور تارغده وانسانلقجه امتدادینی
استحصال ایتکه دخی غیرت ایلدی
لازمدرکه بکله دیکی فیوضات ایلده مستفیض
اوله ییلسون .

« خانه »

بورایه قدر سرد ایلش اولدیغیز مبا.
حکمت مندر جاتی قارئارمن نظر محاسبه لرنده
اجمال ایدر لر ایسه لطیف بر حکمتی میدانه
چقاروش اولور لر . او حکمت ایسه
میلیار لرجه اینای بشرک بر یسی دیگرینه
مشابه اولوق شویله طورسون هر زمانه
کوره برتک انسان بیله کندی کندیسنه
مشابه اولدیغی والهامات و تغلیطات تعبیر

ایله دیکمز حالار بو عدم تشابه عومینک
 درجه سنی بر قاندها آرتدیر ورق حقیقت
 کبری نقطه سنده دخی انسانلری هممان
 هر کسک کندیسنه بر مذهب ایدینه جکی
 درجه لرده دوچار تشتت ایلدیکی حالده
 اویله کندی او هامنی و باخصوص بر فکر
 مریضلک محصول مضری اولان او هامنی
 خلقه درس حکمت اوله ورق صمانغه چا.
 لیشان خافل و مغفلارک ترهاتنه قاپلیه ورق
 انبای بشر ترکی و تذکیه صرف ما حصل
 اقتدار ایلیمه جک اولورسه نقطه رشادده
 بالاتحاد حاصل تساوی ایتکه قدر مقتدر
 اوله بیله جکاری قضیه سندن عبارتدر که
 مسئله بو صورتیه حل اولاندقدن صکره
 اختیار واراده جزویه و یا کلیه بحثلرنده

کندی عدم مکملیت انسانیه لرندن طولایی
 مسئولیتی ذات « لایسئل » صفات جناب
 کبریایناهی به عطف ایتلری برهزیان محض
 و محض هزیان قاله جفته اصلا شبهه قالمز .
 نوع بشرک صـ ورتجه اولـ دیغی کبی
 سیرتجه دخی یکدیگریله تخالف و تبـ ایتلری
 بالاخره کمال فضیلت بشریه نقطه غایه سنده
 اجتماع و اتحاد لرینی کندی مساعی فیوضات
 جویانه لرینک مقبولیت الهیه به تأمین مظهریت
 درجه سنده کی صافی تلی ثمره سیله حصوله
 کتورمک حکمت دقیقه و عظیمه سنده مبنی
 اولدیغی نظر حسن قبوله آ ل نور ایسه بعض
 او هام اربابینک کورمک و کوسترمک ایستد .
 کلری اوزره انسانلق دنیلان شی انسان
 کمالک آندن نفرت ایده جکی قدر پر قصور

اولی و مقصد خلقت عبث حد اولی نه حق
 قدر مناسبتر بولنقی شویله طور سون بلکه
 انسانلغ حقیقه درجه فیوضاتی استحصال
 ایدنلرجه بر صفای ابدی اولدیغنه و مقصد
 خلقتک ایسه حیرتفرمای عقول بشر اوله
 جق درجه لوده حکیمانه و مکمل بولندیغنه
 ذهنا قناعت کامله ایله قناعت ایدر .

بو حکمته واصل اولانلر اوقیانوس
 اوزرنده کیده جکی سمتی یلوب و تعین ایلوب
 خریطه و پوصله سی دو جنبه دومنی طو
 غرو لته رق و روز کارینی بولدی ره رق پویا
 یلکن کیدن ملاحینه بکزه یوب دها کنیدی
 مزیت انسانیه سی بیه نظر حکمتنده تعین
 ایتامش اولنلرایسه اول اوقیانوس اوزرنده
 خریطه و پوصله سنندن سمت مقصودی

استخراج و تعیین شود بیل طور سون سفینه سنده
 دومن بیل اولدیغنه مبنی بوجالامغی دخی
 بجره میه رک ریاح و امواج ک ایکی قوت
 متضاده سی آرمه سنده چالقانمده اولانلره
 بکزرکه اولکیلره « اوغورلر اولسون »
 دیمکده انسان تردد ایده میه جکی حالده
 ایکنجیلره « الله سلامت و یرسون » دیمکه
 بیله دیلی واره من . زیرا جناب حق هر
 شیده سلامتی بر طاقم اسبابه وابسته ایتشد .
 اوکراهلرک دها بو عنو طیتی بیله ذهنلرینه
 صیغیرده مامش اولملری حال و طورلرندن
 مستدلدر .

« توجان حقیقت » تفرقه دل نندن متحصل

یکی کتبخانه

Ahmet Mithat

نوم و حالات نوم

Neven ve
hâlat-ı neven
محرری

احمد مدحت

(قرق انبار) مطبعه سنده طبع اولنم شد در

استانبول

۱۲۹۸

« اعتراف عجز خصوصی و عمومی »

عجز خصوصی هر تشبثات تحریریه من -
ده حکم و اثر ظاهری و مادیسی کند -
یسنه میدان قوی مقده بولنان برشی اولد -
یغندن بوکا دائر اوزون اوزادی یه تصدیعا -
ته حاجت یوقدر • هله بودفعه « نوم
و حالات نوم » سرلوحه سیله باشلامش او -
لدیغمز شو تحریرات و تدقیقات فیه ده بزی
عجز خصوصیمزک بر قاتدها مشکلاته اوغرا -
ته جغنی شمیدین عرض ایده بیلورز • ریرا
بحتمزک سرلوحه سی غایت ساده برشی اولمقله

برابر تحریرات و تدقیقات فنیہ جہ عجز عمومی۔
بی بیلہ تسلیم ایتدیرہ جک مرتبہ دہ مشکلات
عظیمہ دندر *

حقیقت بعض شیر و اردر کہ سطحیاتدہ
ویا خود بادیء امر دہ هیچ برشی عد اولنیمہ۔
جق قدر سادہ ایکن اوشی حقندہ تدقیقات
فنیہ یہ کیرش لیدیکی زمان فلاتونلری عاجز
براقہ جق قدر مشکلاتہ دوچار اولق تحقق
ایلر * مثلاً قیش موسمندہ المزدہ ماشالا ینقطع
قارش دیروب اکلنمکدہ وایصنوب استفادہ
ایلکدہ بولندیغمز آتشدن نہ اولور؟ ایشتہ
مکوری یاقشدر اوکمزہ قویمشدر * بزدخی قار۔
شدیروب طور یورز * انجق هایدی اتہلم
اتش حقندہ براز تحقیقات و تدقیقات فنیہ یہ
کیریشہلم * آتش نہ در؟ بر جوهر میدر

یوقسه بر عرضمی؟ جوهر ایسه حجمی و ثقلی
 و سائر سی حقنه تدقیقات فزیه و کیویه
 اجرا ایده بیللی یز . عرض ایسه کندیسیله
 قائم اولمسی لازم کلان جوهر ایله اولان
 نسبتی ارشدیر ملی یز . بوبابده حکمدان
 اغلبی عاجز قالمش . اولمز ایشلری اولدر .
 مغه چالیشان و ولتر یالکز بومسئله اوزرینه
 جلدلر طولدیر مش . جهانده آتش نه زمانده
 نبری موجود ایمش . ایلاک اتشی فکر بشر
 نصل تخیل ایتش؟ آتش جسمدن جسمه نه
 صورتله سرایت ایدر؟ اجسامده کی مواد
 مشتعله احتراقی حالنده او اجسام اوزرنده نه
 کی تأثیرات کیویه کوستریور؟ آتش حرا-
 رتدنی عبارتدر؟ حرارت طوس طوغریجه
 آتشی دیمکدر؟ آتش و یا خود حرارت



قابل تضيقميدر ؟ ايسته صوکی کلز
 بر بحث که انسان بر عمر مدت جالیشه جق
 اولسه هب اشتغال ایده بيله جک جهترینی
 بوله بيله جکی کبی نهایت کیده کیده بختنه بر
 منتها دخی بوله میهرق کرک کنیدی عجز
 خصوصیسنی و کرک بومسئله ده دخی فنونک
 کنديسنه یارديم ایده مدیکی ایچون فنونک
 ویا واضع فنون اولان حکمانک عجز عمومیسنی
 اعترافه مجبوریت حس ایلر .

حالبو که « نوم وحالات نوم » دیدیکمز
 زمان حالاتی براز شو طرفه قالسون یالکز
 اویقو دنیلان شیئک ماهیتی حقنده ایدیله جک
 تحری و تدقیق آتش مسئله سنه دخی قیاس
 قبول ایده مز . بومسئله ده پسیقو لوژی
 وفیر یولوژی فنلرندن استمداد ایده جک ایسه .

لك ده بوفلرك هنوز شو كې مسائل دقيقه ده
 بزه لزومي وجهله امداد ايد ه بيله جك بر
 مرتبه كماله واصل اولماش بولندقلريني
 اعترافه مجبورييت واردر . نه حاجت فير-
 يولوژينك رهبري اولق لازم كلان علم
 تشریحجه بيله هنوز كوزه چارپه بيله جك
 قدر بديهی بولنان اعضانك تدقیقاتيله اشتغال
 ایدیلیسور كې برشی اولوب واقعا تدقیقات
 خرده بینیه ایله اشتغال ایدن بر چوق مدققلر
 بر چوق تدقیقات جدیده لرینی اورتیه قویمقده
 ایسه لرده بودخی مشغول اولدقلری فنك
 نقصان کلیسندن بشقه هیچ برشیئه دلالت
 ایده من . زیرا فحجه نقصان اولسه ایدی
 ارباب تدقیقك یکیدن یکی یه اوغراشملرینه
 حاجت قائمه جفی كې اوغراشسه لر دخی

یکیدن یکی یه برشی کشف ایده ماملری اقتضا
ایلر ایدی • حال ایسه بونک عکسنه در •
تشریح ایلر ولد بجه فیر نیو لوژی و پسیقو لوژی
دخی ایلر ولیه رک نهایت بر زمان کله جک که
شمدیکی حالدده مثلاً ماهیت حقیقه حیات
مسئله سی کبی ظنیات درجه سنده بولنان
شیلر دخی «ایکی کره ایکی درت ایدر» مرتبه
سندده قطعی و مطلق اولان حقایق فیه
مرتبه سنی بوله جقدر •

ایمدی شمدیکی حالدده اویقو دخی انجق
عقل و حیات مثللو معلومات قطعیه و محققه
ایله معلوم دکل بلکه ظنیات تقریبیه ایله
مظنون اولان شیلردن اولوب بومسئله ایله
اشتغال ایده جک اولان بر آدم فنونک بیه عجز
عمومیسندده دوچار اوله رق بوکا ضمیمه برده

عجز خصوصاً صید سینه محکوم اولور سه ارتق
کثرتی طبیعی و ضروری اوله حق نواقصندن
طولانی ارباب مطالعه نك عفو و صفحله
اتحادن بشقه هیچ بر چاره سی قالز .

(تقسیم مباحث)

بز بوتد قیقا تده مباحثی اساساً ایکی
فصله تقسیم ایده جکیز که برنجی فصل « نوم »
و ایکنجی فصل دخی « حالات نوم » اوله .
جقدر . برنجی فصلک مباحثی بر وجه
آتی ترتیب اولمشدر :

اولیقو ایله اولوم ارسنده کی نسبت -
اولیقو اصل او یا تعلق و او یا تعلق دخی اصل
اولیقو عد اولنه بیلور می ؟ - اشغال
خارجیه دن مجرد - ماسو ادن مجرد و عالم
مشاهده - او یقونک فیریولوژی فتنجه

تعریفی - وجودك بر ما كنده صورت تشبیهی
 - تصرفات حیوانیه بحثی - اویقونك
 اسباب فیر نیولوژ یقیه سی - بعض احوال
 نوم - صنعی اویقو - خلاصه -
 ایکنجی فصلك حاوی اولدیغی مباحث
 دخی بوجه آتی ترتیب اولمشدر :

اعصابك قوه متحسسده سی - قوه
 واهمه وغول یبانی کبی خیالات - کابوس
 یعنی آغریق باصمق - علی العاده رؤیا -
 صافی وصادق رؤیا - تعبیر رؤیا - اسباب
 خارجیه دن متحصل رؤیا لر - اویقوده
 اولانلره صنعی رؤیا کوسترمك قابلیدر ؟ -
 صایقلامق - صومنامبولیرم یعنی اویور
 ایکن کرمك - خلاصه -

(فصل اول)

مبحث ۱

– اویقو ایله اولوم اره سنده کی نسبت –
 « اویقو » ایچون بر تعریف غریب اولمق
 اوزره « اویقو کوچک اولومدر اولوم ایسه
 بیوک اویقو ! » دنیلمش . واقعا بوراده
 شو « تعریف » دن افرادینی جمع و اغیارینی
 منع مقصدینک حصولنی بکله مک بعیددر .
 انجق بو تعریف اویقونک ماهیت حقیقه سی
 حقنده تحریات و تدقیقات فنیه اجراسی
 ایچون کوزجله بر اس المبحث اتخاذا اولنه .
 بیلور .

« اویقو کوچک اولومدر » دنیلدیکی
 زمان اویقو بی بیلک اولومی بیلکه توقف
 ایدیور . زیرا « اولوم » نه اولدیغنی
 یله جک اولور ایسه ک انک کوچکی دخی

اویقواوله جغنی استدلال ایلیه جکز . فقط
 اولوم نه اولدیغنی مطلق و محقق اوله رق
 تعین ایده بیله جکمیر ؟ بوده بشقه جه مشکل
 بر مسئله در . هر مسئله نك دیگرینه توقفی
 بر تسلسل و صول مسئله نك ینه ایلك مسئله یه
 منوطیتی بر دور حاصل ایده جکنه باقوبده
 انسانك حقایق قطعیه تحریرسنده آخر کار
 واصل مرتبه یأس و فتور اوله جغنه تأسف
 ایتمالیدر . یاسقال کبی واصل اقصای
 علوم عد اولنان اعظم انسان ایچون علمده
 مرتبه کمال ایشته بویأس و فتور انجام اولد-
 یغنی عمر لرحه تدقیقات اوزرینه کشف و حکم
 ایتمشدر . انسانك اولا مبدأ حرکتی
 جهل کلی اولدیغنی کبی منتهای تحصیل دخی
 ینه جهل کلی اولوب شوقدر که ایلك جهل

کلیسی نوع بشر ایچون ممکن و حتی حاصل
 بولان معلوماتدن تجردی دیمک اولدیغی
 حالده صوگ جهل کلیسی انسانک علم الهی یه
 نسبتله ایچنده قالدیغی جهل کلیدن عبارت
 اولور . بناء علیه حقایق اشیا و احکام
 حقنده کی معلومات موجوده عدم مکملیتی
 و سطحیتی ایله برابر یکدیگرینی ینه او یله غیر
 مکمل و سطحی اوله رق او کرتمکه یاردم
 و دلالت ایده بیلدیکی کی اولوم حقنده
 موجود اولان معلوماتدن دخی - بالاده کی
 تعریف اقتضاسیجه - اویقوی ده استدلاله
 چالسه بیلورز .

اولوم حقنده ایکی اعتقاد موجود در که
 بریسی اولوم دیمک وجود دنیان ما کنه نك
 هراجزاسنده کی حرکت و عملک کلیاً انقطاع .

عندن و بناء عليه بقای وجوده لازم کلان
 قوایی نه او وجودك پیدا ایده ماسندن
 طولایی وجودك دخی دائماً تازه لنوب دواهی
 امکانی محو اوله رق برق زمان ایچنده چورو-
 یوب ضایع اولسندن عبارتدر • دیگر اعتقاد
 ایسه اولوم دیمك انسانك اصل (بن)
 دیدیکی شیئك یعنی روحك محفظه جسمانیه
 و مادیه سی اولان بو وجوددن آریله رق وجود
 بر منوال معروض چورو یوب محو اولدیغی
 حالده روحك نه اوانایتنی محافظه ایتمسندن
 عبارتدر • شو ایکی اعتقادی احدهما ایله
 توفیق قابل دکلدر • واقعا وجودك
 چورومسی خصوصنده اعتقاد لر بر کبی
 کورینور ایسه ده برنجی اعتقاد اربابی روحی
 دخی وجود ایله برابر چوروتدکاری حالده

ایکنجی اعتقاد ار بابی انسانی وانسانك
وجودینی و الحاصل انائیتنی اولدور میوب
و چور و تمیوب اكا بقا و یرر لر • پیغمبران
ذیشانك كافه سنك خلقه تلقین بیورد قلی
دیانت ایشته بو ایکنجی فکر حکمته مبنی
اولوب عالم آخرت روحك و جود دن
آیرلدیغی زمان موجودیتنی اعاده و ابقا
و ادامه ایلیه جکی عالم حقیقی و جاودانیدر •
ایمدی اویقویه « کوچك اولومدر »
دینلمسی اکر برنجی اعتقاده کوره ایسه اویقو
اولومه اصلا قیاس قبول ایدهمز • زیرا
اویقوده ایکن وجود ما کنه سنك كافه آلات
واجزاسی کلیاً و قطعياً تعطیل عمل و حرکت
ایتمزلر • بر میت ایکی کونده بوزوله رق چو-
رومکه باشلادیغی حالدده انسان اصحاب كهف

کی سنه لرجه او یوسه ینه بوزولوب چورو.
 مز • حالبوکه اویقونک کوچک اولوب
 اولسی ایکنجی فکر و اعتقاده کوره دخی
 تسلیم اولنه مز • زیرا بو اعتقاده اس محکم
 اولق اوزره « ناس اویقوده در • وفات
 ایلدکری زمان اویانورلر » بیورلش که انسان
 ایچون ممات بر محویت کلیه دیمک اولدیغنه
 واصل حیات جاودانی ایشته اوممات ایچنده
 بولندیغنه کوره اولوم بر نوم اولمقدن زیاده
 بر بیدارلق عداولنور •

« اویقو کوچک اولومدر » سوزی
 حقنده مجمل و مختصراً در میان ایلدیکمز شو
 قیاس « اولوم بیوک اویقودر » دیه تعری -
 یفمزک ایکنجی فقره سی اولق اوزره در میان
 ایدیلان قضیه یه دخی تطبیق اولنور • هم

ده هر ايکي فکرک ايکيسنه کورده ده تطبيق
قبول ايدر . دنيله بيلورکه اولوم بيوک
اويقو عد اولنه مز . زيرا فکر اوله کوره
اولوم محو کلي ديمکدر . فکرثاني يه کوره
دخي عين بيدارلقدر .

بحث ۲

اويقو اصل او ياتقلق و او ياتقلق
اصل اويقو عد اولنه بيلورمي ؟
اويقو حالنده وجود ما کنه سنک اعمال
و حرکاتي پک بديهي اولان برطابق تعديلاته
دوچار اولسه ايدي اولومي بر بيدارلق عد
ايليان فکر ديانتی تمامی تمامنه اوله رق او -
يقويه بالتطبيق « اصل حيات ممت يوزندن
حاصل اولان حيات اولديغي کبي اصل
بيدارلق دخي اويقو يوزندن حاصل اولان

بیدار لقدر « ديه بيلور ايدك » . زیرا اويانقلق
 حالنده بیدارلق شانندن اولان اشغال خار -
 جيه انسانی اول قدر مشغول ایلر که از جمله
 قوه حافظه سنده کی محفوظاتک وارلغندن
 بيله انسانک خبری اوله مز . ایشته اويانقلغک
 بوجهته برنوع اویقو یعنی انسانک کند -
 یسندن خبر سزلکی دنيله بيلک پک ده مستبعد
 اوله مز . حالبوکه اویقو حالنده انسان
 کندی انائیت خصوصیه سنده دهها زیاده یا قلا -
 شه بيلور . بوايسه محفوظاتک و حتی توهم -
 تنک بيله رؤیا عالمنده عادتاً تحقق ایدن درجه -
 ده انسانک حضورنده اثبات موجودیت
 ایتسیله موازنه اولنه بيلور . بناء علیه او -
 یقونک شو حالنه دخی برنوع اويانقلق تعبیر
 اولنه بيلور .

ایشته اولجه دیمش اولدیغمز وجهله او-
 یقو حالنده وجود ما کنه سی تعدیل اعمال
 و حرکات ایتماش اولسه و باخصوص اویقو-
 نك ابتدای ورودی وجود ما کنه سنه بر کسل
 عارض اولمق صورتیله وقوعبولسه اویقو-
 نك اصل اویانقلق عد اولنه بیلمسی دهامنا.
 سب اوله بیلور ایسه ده وجود ما کنه سنك
 تعدیل حرکات ایتمی بو کاکلیاً مانع کور یلیور
 اویقویه « اویانقلق » و اویانقلغه « اویقو »
 تعبیر ایتکلک امکانی ار اشدر مق قارئلریمزه
 موجب استغراب اولمالیدر . ذاتاً یوقاروکی
 فقره ده اخطار و تکرار ایلمدیکمز تعدیل اعمال
 و حرکات قضیه میله ضعیف و کسل قضیه سنك
 بویابده بر حکم قطعی اعطاسنه ممانعتی
 در پیش ایدملکله برابر دوشونمیلیدر که بزم

بو ملاحظه من اویقوی همان هیچ بر مناسبتی
 اولیان اولومک کوچکی و اولومی دخی
 اویقونک بیوکی عد ایتک قدر مغایرات
 فیه دن ده عد اولنه من . حتی حسب الاسلامیه
 بر غیرت ممدوحه دینیه ایله ناس اویقوده
 اولوب اولدکلی زمان اویانه جقلری قول
 جلیلنک اثبات اصابتنه بر یول ارامق مقصدیه
 دخی بو ملاحظاتی سرد ایتیمورز . زیرا
 حقایق دینیه من ذاتاً علم الهی به نسبتله جهل
 محض درجه سنده قلان فنون عاجزه ده دخی
 عاجز اولان بزم کبی بر محررک اثباتیه تحققه
 محتاج اولیوب حقایق مذکوره من الازل
 حقایق قطعیه دن اولدقلری کبی الی الابد
 دخی حقایق قطعیه دن اوله جقدر . انجق
 اویقو حقنده شو ملاحظاتمز ماهیت نومه دائر

حکمانک ثمره تدقیقاتی اولان معلوماتی تلقی
 و تفهمه یار دیم ایده بیله جکی کبی مجت نومدن
 صکره حالات نوم میاننده اصل نتیجه
 مقصدیمز اولان « رؤیا » مسئله سنجه دخی
 بزم ایچون تفهمی تسهیل ایلیه جکدر .
 ذاتاً حال بیداریده انسانک کر چکدن او یور -
 جه سنه بر طالغلقده بولنسیله اویقو حالنده
 انسانک اویانق بولندیغی زمانئر ایچون آرزو
 اولنه جق بر خاطره عالمنده بولنسی باشلی
 باشنه بر مسئله مستقله اوله رق ملاحظه یه
 شایاندر .

مطالعه آثاردن مقصد هم اکمنک هم
 استفاده ایتک اولدیغنه کوره کلیمز شوتو -
 صیه ایلدیگیمز ملاحظه خصوصنده بر ازدها
 ایلرویه کیده لم . بحثک اشاعیلرنده بلکه

استفاده مزه دخی یار دیم ایدر . شمدیکی حالده
ایسه هیچ اولمز ایسه بزی اکلندیرر .

مبحث ۳

« اشغال خارجیه دن تجرد »

ای قارئ! سزه صورارز که بو سطرلری
اوقومقده بولندیغکز شوآنده اوقودیغکز
سطرلرک مفهوملرینی اکلایورمیسکز ؟ اکر
اکلامیورایسه کزانی ده اثبات مدعایه برهان
اتخاذایدرز . زیرا دیرز که ذهنکزده بشقه
شیلر طولی اولدیغی ایچون بونلری اکلا -
میورسکز . یوق اکر بحثی اشتها ایله او -
قویه رق اکلایورسه کز حکم ایدرز که شمدی
شوآنده سزک ایچون وارلق یالکز شواشتغال
ایلدیککز اویقوبحتی اولوب شمدی یه قدر
کورمش ایشتمش و اثرلرینی حافظه کزده
حفظ ایتمش اولدیغکز شیلرک هیچ بریسی

ذهن‌کزده یوقدر • عجبا انلر ذاتاً ذهن‌کزده
 یوقی ایدیلر؟ شبهه یوق که او یله دکل •
 یاشمدی نیچون یوقدرلر؟ زیرا اشتغال‌کز
 اویقو بحثه منحصردر • حتی نه قدر اولسه
 بوبحث ایله دخی بحق مشغول اوله میور •
 سکز • اره لقه بر کاغد اوزرنده بر لکه و یا
 خود بعض حرفده اولان نقصانی انطباع
 و یا بعض کلمه لک صورت استعملانده کور •
 دیککز غرابتلر بریاندن لاینقطع ذهن‌کزی
 کندیلرینه جلب ایدرک بینکزک اولانجه قو •
 تنی بوبحثه صرف ایتکدن سزی منع ایلیمور
 بوا یسه بیدارلق شایدر • بیدار لقه
 هیچ اهمیتی یوق ظن اولنان شیلر ذهنی او
 قدر اشغال ایدرلر که انسان محفوظات قد •
 یمه سنی کاملاً غیب ایتشه دوندکن ماعدا

الان اشتغال ایتمکده بولندیغی شیرلی بیله بحق
 ذهننه احاطه ایتدیره مز . شو اهمیتسز
 اشغال خارجیه مثلا سواقدن چکن بر عربه
 غرلدیسی یاخود صاتیجیلرک کورلتیسی حر-
 مکزده کی چوجقملرک مرلدیسی کزوب یوریا -
 نلرک ایاق پاطردیسی قوشلرک جولدیسی
 وسزه اولور اولمز شیرلایچون توجیه خطاب
 ایدنلرک ویردکاری جان صقندیسی وفکر یور-
 غونلغی کبی صایمقله تو کنمز شیر اولوب
 الکزده قلم یازی یاز دیغکنز ویاخود کوزلر -
 کزک اوکنده کتاب طوره رق او قود یغکنز
 زمان او طه ایچنده محبوس قالمش بر آرینک
 طیشارییه چیقمق ایچون کندیسنی پنجره یه
 چاریه چاریه ویزلدانمسی سزه نه قدر کوزل
 فکرلری مطالعه لری غیب ایتدیرمش او-

لدیغنه دقت ایش ایسه کز ایشته بواهمیتی
اولیان اشغال خارجیہ نك ذهنة نه قدر مشغو-
لیت ویرمکده اولدیغنی تخمین ایشش سکر در .

تحصیل زمانده درسکزی بالله مک و آکر
حفظه چالشمش ایسه کز صحایف قرآنیه بی
از برله مک ایچون کیجه براوطه یه چکیلوب
یانکرده سدس صدا کورلتی پاطردی اولد-
یغنی حالده چالشمق ایستر سکر . بونه دیمکدر ؟
اشغال خارجیہ دن کندیگری آروب قور-
تارمق دیمک دکلیدر ؟ اشغال خارجیہ میا-
نده برشی از برنك عادتا محال کبیدر . مثلا
سزه اوچ ادم بردن لقردی سولش اولسه لر
اوچنك ده سویدکلری لقردی لری ا کلامق
بالله مک قابل اولورمی ؟ حالبوکه اشغال
خارجیه اوچه منحصر اولیبوب لایعدولا

یحصی اولدقلرندن ذهن بونلرک هپسنه انقسا-
مدن صکره بقیه قوتیله درسکزی دخی بلله -
مکه کفایت ایده مز • اما اشغال خارجییه دن
تجرد ایلدی ککز زمان مشغولیت فکریه کز -
جه دها اویانق بولنورسکز •

هله صباح وقتنی هر زمانه ترجیح ایلر
سکز • دکلی ؟ صباحلین ذهنلر دها آچیق
اولورمش • نیچون ؟ زیرا دونکی کون
مشاغل خارجییه ایله ذهنده حاصل اولان
تعب کیجه استراحتیله بالکلیه مندفع اولد -
یغندن صباح ذهن دخی وجود کبی دیکلنمش
ویکیدن یکی یه مشغولیتلر ایچون چوق قوتله
حاضر و مستعد بولنمشدر • اقشامه قدر
چالشه رق اقشام بایغلق حالنده بولنان عمله
ایله صباحلین ایشنه هنوز باشلامش اولان

عمله ارمسنده قوتجه نه فرق وارايسه ذهبنجه

دخی عینله اوفرقت وادرر .

یا کچه اویقودن اویانوبده برزمان

دخی اویقو کزک قاجدیغی سزه هیچ واقع

اولدیمی ؟ اما سرخوشلق ویاخسته لک

کبی بر صورتله ذهنکز پریشان اولدیغی زمان

دکل . صحتکز تمامیه یرنده ایکن اوج

درت ساعت اویودقدن صکره اویانمشدسکز

همده بتاغکز ایچنده یالکز بولنیورسکز .

زیرا چفت یاتمق انسان ایچون اک بیوک

برمشغولیت تهیه ایدر . کچه موم قندیل

فلانده یانمیور . چونکه ضیا ذاتاً حس

بصر ایچون برمشغولیت اوله جغی کبی او طه

ایچنده سزه بعض شیر دخی کوستررکه انلر

فکرکزی کندیلرینه جلب ایدرک سزی

مشغول ایدرلر . او یانق بولندیغکز شو
 زمانده اوطه نك ییچی زفیری قر، کلق اولملی .
 هوا صوغوق دخی دکل . زیرا صفوق
 جلد اوزرینه تاثیر ایلد کجه انسانی هرشیدن
 زیاده اشغال ایلر . ترتر تتره مکده بولنان
 بروجود ایله ذهن هیچ برشیئی تماماً احاطه
 ایده مز . اوطه ایچنده هوا غایت ملایم
 بولنه حق . تحته قوروسی پره سیورینینک
 کبی موزیات یوق . دیوار ساعتک طاقر .
 دامسندی متحصل کورلتی ده یوق . حاصلی
 عالم برظمت غلیظه یه مستغرق اولدیغی کبی
 درین برده سکوته مستغرق اولدیغی زمان
 او یقبودن او یانمشدسکز واقعا اوزمان دخی
 سزی اشغال ایده جک بعض شیر واریسه ده
 اوله کوندوزک ولوله لری دغدغه لری کبی

اولدیغندن یواش یواش کندیکزی کندی
 دائرة انایتکزه بولمغه باشلار سکز . بو
 حالدده ذهنکزه نه لرکلور ! نه لرچکر ! هوا
 ردا ت ذهنیه کز او قدر چو غالور اه قدر
 وسعت بولور که حیرتده قالور سکز . قوه
 حافظه کزده نه قدرده چوق محفوظات وار
 ایمش ! او یله شیر خاطر کزه کلور که اوزر
 ندن پکن سنه لره نسبتله انلری بالکلیه اونو توب
 غیب ایشلر سکز ظنده ایدیکز . بعض طلو
 عاتک دخی بالکله یکی اولدیغنه شبهه کز قالمز
 احتمال که بونلر حقیقه سنره ایلک دفعه اولق
 اوزره طالع اولور . زیرا او حالدده ذهنکز
 کائنات ایچنده علی العموم هرشی اوزرنده
 اجرای قوت ایلدیکی بعض حکما طرفندن
 ظن و ظن اوزرینه حکم دخی ایدیلان برسیاله

عمومیة انجذابات متقابلہ یہ مجرا اولہ جق بر
 استعداد صورتی پیدا یتشدر • ویاخود او-
 طلوعات جدیدہ کر چکدن نسیاً منسیا حکمنہ
 داخل اولہ جق صورتہ اونو تمش اولدیغکز
 برشی اولوب شمدی تجددینی طلوعات جدیدہ-
 دن عدا یلیورسکز • حاصلی بو حال سکوت
 و سکونت ایچندہ برارہلق موجودیت جسمانیہ-
 کزی دخی غیب ایدہ جک درجہ لره کلوب
 وارلغکز یالکز بر فکر وارلغدن عبارت
 صانوب «عجبا وجودم دخی وارمیدریوقیدر؟»
 دیہ الکزایله کندی کندیکزی یوقلارسکز •
 یاخود کندی صدا کزلہ کندی موجود-
 یتکزی ینہ کندیکزه اثبات ایچون برقاچ
 کلمہ سونلک صورتیله سس چیقارر سکز •
 ایشته برشاعرك بر حکیمك بر موجودك

اولا بجه قوه فکریه سنی یا لکنز بر نقطه یه حصص
ایده بیله جکی زمان اصل بوزماندر . بوزمانده
انسانک او یا نقلخی او قدر براق او قدر صافیدر
که بوکا نسبتله ذهنزک یوزبیک شیلرله اشتغال
ایلدیکی زمان بیداری بی انسان حقیقه راویقو
عدایتمک ایستر . زیرا او یانق بولندیغی زمان
هرشی ایله مشغول اولان کوزی اصل شیء
مطلوبی کورمز . هرشی ایله مشغول اولان
قولانغی اصل شیء مطلوبی ایستمز . حاصلی
هرشی ایله اشتغاله منقسم اولان فکری اصل
شیء مطلوبه انحصار ایلیمز .

بحث ۴

« ماسوادن تجرد وعالم مشاهده »

عابدینک ترجیح ایلدکلری زمان مبارک
دخی ایشته بوزماندر . ابن خلدون مرحوم

موالید ثلثه حقنده بیان فکر و مطالعه ایلد
 یکی صره دمه معادنک ال مکملی نباتات نوعنک
 ال اشاغیسی اولدیغنی و نباتاتک ال مکملی
 حیوان نوعنک ال مادیسنه و ال اشاغیسنه
 تقرب ایلدیکی کبی انسانک دخی حیوانلرک
 مکملیتجه ال بالاسی اولدیغنی بحق و تقسیمات
 و ایضاحات فیه یه یک موافق اوله رق شرح
 ایلد کدن صکره انسانی دخی بر قسمی ادناسی
 و دیگرى اشرف و اعلاسی اولق اوزره ایکی
 یه تقسیم ایدرک اسفل و ادناسی قوای ذهنیه
 و مفکره سی کندینی جمادات منزله سنه تنزیل
 ایده بیله جک قدر آز اولغله برابر او قوتلرینی
 دخی یالکز مشاغل خارجیه و خسیسه یه
 صرف ایدنلر اولدیغنی و اشرف و اعلاسی
 ایسه بر مکملیت خلقیه و کمال قوت فکریه

ایله برابر ماسوادن بالتجرد علویاتله حصر
 اشتغال ایدنلر ایدوکنی و بونلرک عادتاً عالم
 علوی ذوالعقولنه تقرب ایلدیکنی اثبات
 ایدرکه حقیقه طوغری برسوزدر . ایشته
 بوکلین کیمجه نك ایکی نصفدن صکره
 ذهنلری تمامیه مستریح اولدیغی حالده او یا -
 نوب یالکز یوقاروده سنك کندی نفسکزده
 تجربه سنه دلالت ایلش اولدیغمز مشاغل خار
 جیه دن دکل بلکه ماسوادن تجرد عالمنه کیر
 دکبری زمان انلر سنك و بزم کبی یالکز مواری -
 دات فکریه سنه دقت ایتمکه دخی قالمیه رق
 بلکه اذهان و افکارعالیه لرینی او قدر علوی
 برعالمه سوق ایدرلرکه موجودیت جسمانیه -
 لرندن جداً و حقیقه بالکلیه تجرد ایتش صا -
 ییلورلر . ایشته بو حالده درکه انلره کیم ییلور

نه قدر انوار مکاشفات واقع اولور . اما بر
زمان صکره بو عالم سفلینک مشغله و ولوله لری
کندی لرینی استیلا ایدنبجه انلر دخی بو حال
غیب ایدر لر . ایشته حضرت سعدینک :

کهی بر طارم اعلا نشینم

کهی بر پشت پای خود نبینم

دیدیکی حالت بو حالت اولوب طارم
اعلا اوزرنده اوتوردیغی زمانک اصل بیدار
لق و مشاهده زمانی اولدیغنه و کندی ایا -
غنک اوزرینی کورمز بر حالده بولنمسی ایسه
اصل اویقو دیمک اوله جغنه ذهنلر کوزجه
تمایل ایلر . حالبوکه کیجه وقتی اویانقلغک
اویقویه پک قریب اولدیغنی تسلیم ایلدکن
وهر ذهن صافی ار بابتک بر درجه یه قدر
وکلینک دهها مکمل و دهها احیق و بار لاق

مکاشفه زمانلری دخی عالم رؤیا ایدوکنی کوز
اوکنه کتوردکدن صکره اویقودن بزم
مراد ایلدیکمز معنایه یعنی اویقونک وجود
ماکنه سندن بعض اجزانک تعدیل اعمال
ایتمسینه دیگر بعضلرینک عملنه دهازیاده
صفوت وقوت و یرمسنه کوره اصل اویا-
نقلق بو اویقو عد اولنق اولکی قدر استبعاد
ایلمیه جکنی ذننلر تسلیم ایدرلر .

ماسوادن متجرد اولان کبار عظام
حضراتنک کندیلرینی طارم اعلا اوزرنده
بولدقلری زمانلری یوقاروی فقره مزده پک
محدود براقش اولدیغمزه ار باب تصوف
استغراب بیورسه لر حقلیدرلر . انجق هر
شیئه الک اشاغیکی درجه سندن باشلایه رق
یواش یواش درجات عالیه سنه طوغری چیققی

تألیف و تحریرده دخی رعایت اولنان اصو-
لندر . یوقسه ماسوادن تجرد ایدرک
هدف مقصدینه و اصل اولش بولنانلر اشغال
خارجیه ایله کلیاً قطع رشته تعلق ایلمکده
اولدقلری ذهنزه وارد اولماش دکلدر .

حتی بویولاک سالکری حوایج بشریه-
لرنجه بر ریاضت دائمده بولنمغی کنیدی
یوللرنجه عظیم بر کسیدیرمه عد ایدرلر که
بوندن مقدم بحث ایش اولدیغمز جهل کلینک
ایلاک قسمنده قالمیه رق ایکنجی قسمنده ده
واره مامش اولان بعض متفلسفین « آدم
سن ده ! هیچ آج طور مقیدن نه چیقار !
وجودی ضعهفه دوچار ایدرک محوه تقریدن
بشقه برشی حاصل اوله مز » دیه اعتراضلرده
بولنورلر ایسه ده هیچ دوشونمزله که بر سوء

هضم کندی اویقولرینی بيله کابوس دینلان
 آغراق باصمه سنده اوغراتوب بیلرینی حال
 بیداریده اولدیغندن زیاده اتعاب ومضطرب
 قلار . بونلره اخطار ایدلسه کندیلری
 دخی تسلیم ایلرلرکه اصل رؤیای صافی معدنهك
 هضمندن صکره وجودك کمال استراحتله
 اویقویه واردیغی زمانلره مخصوص صدر .
 اوله ایه بو عالم دغدغه ایه هیچ ایلشکی
 قالمیه رق بزم ایده بيله جکمز تعبیرجه کندیلرینی
 دائماً صافی وحقیقی بر رؤیا عالمده واصل
 تعبیر صحیحی اوزره يك اعلا اویانق اوله رق
 عالم کشفیات ومشاهده ده بولان کبار ایچون
 قوانین عادیة حیوانیهك بيله تجویز ایتدکلی
 امتلاء معدنه بالکلیه مغایر اولوب وجوده
 نه قدر خفت وپررلر ایه ذهنلری وفکرلری

دخی او قدر صافی اوله رق مشاهده لر بجه دها
 زیاده برپار لقلق حصوله کتور مش اولور لر .
 اویقو حقنده بورایه قدر اداره ایلدیکمز
 افکار تمامی تمامنه تدقیقات فیه اوزرینه
 مبتنی اولیوب بحثی حسن تلقی ایچون
 ذهنلری ده تهیه ایتیش اولقی اوزره هر ذهنک
 سهولتله احاطه ایده بیه جکی مقایسات
 خارجیه دن عبارتدر . بناء علیه شویولده کی
 مقایساتک مایع علیهای اولان نوم حقنده
 حکمانک تدقیقات فیری یولوز قیه سنی دخی
 بروجہ آتی خلاصه واجمال ایده لم :

مبحث ۵

« اویقونک فیری یولوزی فتنجه تعریفی »
 فیری یولوزی « وجود » دینلان
 ماکنه بی تشکیل ایلان اعضانک خدماتندن

خواصندن منافعدن بحث ایدر برفن اولوب
 فنون طبیعیه نك کلیتی دیمك اولان تاریخ
 طبیعیه موفق اولدیغی کشف بی نهایتدن
 طولانی عادت مقتدابه اولمق مرتبه سنی احراز
 ایلین حکیم مشهور بوفون او یقوی اشبو فیریو
 لوزی فنه بالتطبیق بروجه آتی تعریف ایشدر:
 « طبعه خوش کلان بر کسالت یواش
 یواش بالجمله حواسی استیلا ایدر . وجود .
 مك اعضاسنی آغرلشدر . روحمك اعما .
 لنی تعطیل ایلر . روحمك اشغال و عملی
 فکریمه عارض اولان کوشمك ايله قیاس
 ایده بیلور ایدم . حواسم ارتق کورلنمکه
 یوز طوته رق اشیا ی خارجیه بی اشکال صحیحه
 لريله بکا حس ایتدیره میدرك انلری بکا فنا بر
 صورتده ترسیم ایلین بر طاقم صور عجیبه

کبی غایت ضعیف اوله رق کوستر . بو
 دقیقه ده کوزلم ارتق فائده سز قالمشدر .
 زیرا کندی کندیلرینه قیانورار . باشم ایسه
 عضلاتمک قوتیله دیم دیک طورهمدیغندن
 کندیسنه طیانه جق بریر بولق اوزره کوکسم
 اوزرینه طوغری اکیلور . براره لق هرشی
 غائب اولدی . هرشی بتدی . ذهنمک ایز .
 لری دخی منقطع اولدیلر . کندی موجو .
 دیتی دخی حس ایده مز اولدم »

مسارعة اخبار و اخطار ایده لم که بوفونک
 شو تعریفی اویقونک یالکز وجود اوزرنده
 خارجاً و ظاهراً کورلمکده اولان علایم و آثا
 رندن خلاصه ایدلمش بر تعریف اولوب بونده
 « روحک اعمالنی تعطیل ایلر . ذهنمک ایز .
 لری دخی منقطع اولدی » فقره لری سائر بر

چوقا حکمانک نتیجه تدقیقاتنی دخی بوراده
قارئیمزه عرض ایتک ایچون بزه برکوزل
کریزگاه اولور .

له لوت وده قارت نام حکیملر اویقو
حالنده فکر وروحک تعطیل اعمال ایدوب
ایتمه جگه ری خصوصنده یک عمیق تدقیقاته
کیرشمشردر . بونلرک نتیجه تدقیقاتی شوکا
منجر اولور :

«روح دایما اعمال مخصوصه سیله مشغلدرد
انسان نه در ؟ انسان بر ذکادن بر فکر دن
عبارتدر . اعضای وجود بوذکایه بو فکره
یالکز خدمت ایدرلر . هله له لوتک حکمنجه
انسان دینلان مفهوم هرشیدن اول بر
فکر دن عبارتدر . فکر نصل تعطیل اشغال
واعمال ایلیه بیلور ؟ بوکا نصل احتمال ویر-

یلور؟ مدتی نه قدر آز اولور سه اولسون
 هیچ ممکن اولور می که فکر ایفای عملدن سا -
 قط اولسون؟ خیر! زیرا اوزمان فکره
 « فکر » دینک ممکن اوله من - ده قارت بو
 ملاحظه ده مصر اولوب دیر که بر فکر تفکر
 ایتدیکی زمان اکا فکر دینله میوب بو حالده
 بر انسان متفکر اولدیغی زمان میت عد او -
 لنور - فکر دائماً متفکر در - طبعاً بونک بویله
 اولسی ضروری ولابد در »

شو ایکی تعریفی یکدیگریله مزج ایدنجه
 کورورز که اویقوده اصل تعطیل اعمال
 واشغال ایدن شی حواس خمس ظاهریدن
 عبارتدر - یعنی کوز کور مکدن قولاق
 ایشتمکدن و برون قوقلامقن طاماق طاتمقن
 وجلدلمسدن موقه انقطاع ایلر - بونلرک

انقطاعی هم موقتدر هم ده کلیاً دکل قسمادر
 زیرا قراکلهده اویویان ادمک کوزلری اوکنه
 قوتلیجه برضیا کتورلدیکی وبروننه برقو-
 قویاقلاشدیرلدیغی وقولاغنه برصدایقاع
 اولندیغی واغزیننه آجی برشی قونلدیغی
 ووجودینه اس ایدلدیکی زمان اوباندیغی
 کورلمکدهدر . بوندن دهها غرنی اولق
 اوزره بعض مدققین حکما دکرمنجیلر ایله برده
 آیدنلده اویومق معتادی اولان آدمی ارئه
 ایدرلر . دکرمنجی دکرمانک کورلدیسی
 ایله اویور . زیرا بو کورلتی دوام ایلد کجه
 دکرمانک ایشلدیکندن امیندر . دکرمان
 ظوره جق و کورلتی کسیه جک اولسه در-
 حال اویانور . دیمک اولیور که قوه سامعه-
 سی او کورلدینک انقطاعی ایشتمشدر .

كذلك آيدنلقده اويومق معتادی اولان آدمك
 او طه سنده موم سونديريله جك اولسه در حال
 اويانور • بوايسه اويقو حالنده دخي قوه
 باصره سي مومك يانمقده اولديغندن مطمئن
 اوله رق اويقوسي بوزلمديغي حالده مومك
 سونمسنندن خبردار اولمش وبو اطمئناني
 غيب ايدرك اويانمشدر • باخصوص معده نك
 هضمي و قلبك حر كاتي وقانك جولاني كي بر
 چوق اعمال وجوده انقطاع عارض اولمديغي ده
 يك بديهيدر • هله فكر قطع اشغال ايتز •
 ايتسه ایدی انسانك رؤيا كور مامسي لازم
 كلور ایدی •

ديك اوليور كه اويقوي فيزيولوژی
 فنجه تعريف ايتك لازم كنجه : « وجودك
 بعض اعضاسي موقه وقسماً تعديل اشغال

ایتمسندن عبارت اولوب اعضادن بر چو غی
ینه اجرای عمل ایلدیکی و باخصوص روح
کندی خواصنی ایفاده و انسانک انائیتی یعنی
بنلکی دوامده اولدیغی حالدده مجرد بعض
اعضانک مشاغل خارجییه بی دماغه ایصال
و دماغی کلیت اوزره اشغال ایده مامسنه
« اویقو » اطلاق اولنور « دیه جکز » .

فقط نصل اولیور ونه دن اقتضا ایللیور
که وجودک بعض اعضاسی موقه و قسماً
تعديل اشغال ایللیورلر؟ ایشته مسئله نک اصل
مشکل اولان جهتی بودر . بوبابده فیرنیو -
لوژی و پسیقولوژی فنلری بزه صراحة
و بداهة معلومات قطعیه و یرده میوب حکمانک
برچوق جهترده اختلافلی دخی واردر .
مع هذا ذهنه الک یقین اولان تدقیقاتی بروجه

آتی خلاصه واجال ایده جکر • انجق بونک
ایچون اولا وجودک نصل معجزه محضه عد
اولنه جق برما کنه اولدیغنی کوزمزک او
کنه کتور ملی یز •

بحث ۶

« وجودک برما کنه یه صورت مشابهتی »
یالکیز ارباب فنه دکل ارباب فکر
و ذکایه دخی معلوم اولمق لازم کلدیکی اوزره
وجود انسان اویله مصنع و مرتب برما کنه
درکه بونک صورت ترکیب و تصنیعنه سطحیاً
اولسون بر نظر ایدوبده صانع تعالی و تقدس
حضر تلرینک تجلیل شان خالقیی ایچون
انسانک تکبیر کتور مامسی ممکن اوله مز •
عادتاً بر واپور ما کنه سنده هر حرکته کوره
اقتضا ایدن شکل و پچمده یا بلیش بر طاقم

آلات و اجزایه ایستیم دنیلان قوهٔ محرکه
ایله نصل حرکت ویریلیور ایسه وجود
انسان دخی هر خدمت و حرکت کوره اقتضا
ایدن شکل و صورتده یا بلش اعضادن مرکب
بر ما کنه اولوب یا الکز بر دکل برقاج درلو
قوای محرکه ایله انله حرکت ویریلیور .
تفهیمی کوچ اولان برشیئی تعریف لازم
کلنجه تفهیمی آسان اولان شیء دیگر ایله
تعریف و تفصیل ایلدکلرندن بز دخی وجود
ما کنه سنه نسبتله پک ساده اولان بر واپور
ما کنه سنی مثال اوله رق ایراد ایلدک .
حالبوکه وجود ما کنه سی ایله عادی ما کنه
اره سنده کی فرقی کوز او کنده پک زیاده
بیو لتلیدر . هیچ برقاج بارچه تیموردن و بر
قزغانله برقاج بورودن متشکل اولان ما کنه

وجود انسانه تمامی تمامه مشابه اوله بیلور می
 که بو وجودی تشکیل ایلیان اجزا میاننده
 یالکز ال بیوک و قبالری اولان کیکلرک تعداد
 و تصنیفنده بیلله ارباب فن کلی مشکلات
 و اختلافاته دوچار اولمشلردر . عضلات
 و عروق و شراین و اعصاب و انسجه
 و اشحام و دم و سائر مایعات بحشده تدقیقات
 عمیق و خرده بینیه کیر یشن ارباب تدقیق
 آراشدیردقجه دهها زیاده آراشدیرمغه محتاج
 اولان اول قدر شیلر بولمقده درلر که هنوز بو
 تدقیقلرینی بر نهایته ایصال ایله « وجود
 ما کنه سنی ایشته شمدی لزومی وجهله و کالیله
 کوروب تدقیق ایدوب او کړندک » دیه
 بیلکدن پک اوزا قدر . ما کنه نک اجزاسی
 حقهنده بیله معلومات بودرجه لره قدر سطحی

و ساده اولدیغی حالدده بونراک خدمتترینده
 دائر اولان معلومات فیزیولوژیقیه نك و
 خدمت مذکوره هیئت عمومیه سندن مستتبع
 اولان معلومات پسیقولوژیقیه نك یعنی خواص
 روح حقنده کی معلوماتك نه قدر ناقص اولسی
 ضروری اوله جغی میدانددر .

مع هذا شمیدی یه قدر کشف اولنان
 حقایق هیچ برکسده شهبه بر اقیور که عادی
 بر ما کنه ده قوه محرکه دن بر مقدار معینی
 صرف ایدلدکن صکره ذره قدر بر حرکت
 ممکن اوله میه جغی کی وجود ما کنه سنده
 دخی بو قوای محرکه دن بر مقدار میعنی صرف
 ایدلدکن صکره ذره قدر بر حرکت حصوله
 کتورمك ممکن دکلددر . کوزمزی بر کره
 آچق بر حرکت اولوب بو حرکتی اجرا

ایچون دخی قوهٔ محرکه مزدن بر مقدارینی
صرف ایتکه مجبورز .

مادی ما کنه نك يالکز بر قزغانی اولوب
اوراده قاینایان صودن متولد بخار ما کنه نی
ایشلمکه کفایت ایلدیکی و برده ما کنه نك
مفاصلنه قونیلان برر مقدار دون وزیتون
یاغلی ما کنه نی تحریکه یاردم ایتدیکی حاله
وجود ما کنه سنده بر چوق او جاققر و بر چوق
مایعات تسهیلیه حاصل ایده جك انیققر بولنوب
بونلردن حصوله کلان سیالاتی اساله ایچون
دخی عروق و شراین والیاف اعصاب و سائر
مثله مقدارلری میلیونلره بالغ اولان بورولر
و مجرالر واردر . بناء علیه وجود ما کنه -
سك ما کنستی اولان ارادهٔ بشریهٔ وجودك
هانکی طرفنده اك جزوی بر حرکت ایقاع

ایتمک ایستر ایسه لزومی اولان قوای محرکه
وما یعاتک اوراجه صرفی صورتیله او حرکتی
وجوده کتورر .

وجودک هر کونه حرکت و خدمت
و مشغولیتی اسباب قوت و حرکتدن برر
مقدارینی صرف ایتمک صورتیله حصوله
کلدیکی اول قدر بدیهی و آشکاردرکه انسان
معتادندن زیاده حرکت حاصل ایتمکه
چالشدیغی زمان بوقوای محرکه نک آزالدیغنی
و حتی توکندیکنی ده کورر . مثلاً قولیکزی
بر کره بش کره صاللامق معتاد اولدیغنی
حالده بشیوز کره صاللایه جق اولسه کز
قولکز یورولور که بو « یورلق » دیمک
او قوله حرکات مطلوبه بی ویرن قوای
محرکه نک ازالسی دیمکدر . تکرار قوت

بولق ایچون دیکلنمکه مجبور اولورسکز .
 « دیکلنمک » دیمک ایسه قوای محرکه نك
 تکرار طویلانوب جمع اولنسی دیمکدر .
 یعنی برواپورک قزغانی اوتوز لییره ایستیم
 حاصل ایلدیکی حالدده چرخلری دقیقه ده قرق
 کره دورایتدیره رک کیدر ایکن التمش دفعه دور
 ایتدیره رک کیتسنی مراد ایلسه کز براز صکره
 ایستیم یکرمی بش و یکرمی و اون بش لییره یه
 و دهها آزه تنزل ایدوب نهایت بوقوه محرکه
 بالیکلیه قلت کسب ایدر ایسه ماکنه دخی
 طورر که ایشته بوکا « ماکنه نك یورلسی »
 دنیه یلور . بو حالدده ماکنه یی دیکلندوروب
 ینه اولکی حرکتی و یرمک ایچون قزغانده
 اوتوز لییره ایستیم حاصل اولنجیه قدر
 طور مق بکله مک لازم کلور .

حالبو که وجود دهی قوای حیوانیه مزك
 صرفیاتی مطلقا قولزی صالامق و یا خود
 ایانغزله یورو مک کبی حرکات و عملیه ده
 منحصر دکادر . هیچ بر حرکت ایتیه جک
 اولسه ق دخی بر صرفیاتمز واردر . واقعا
 هیچ بر حرکت ایتیمور دیه فرض اولنان آدمک
 صرفیاتی دها آزا اولوب حتی انلرک پک
 آز طعام ایتلری ده بوندن نشأت ایلر . نصل که
 صباحدن اقشامه قدر عملیات شقه ده استفاده
 اولنانلرک کونده اوچ و بلکه درت نوبت
 طعام ایتلری دخی وجود صرفیاتک
 کثرتدن نشأت ایدر . انجق هیچ حرکت
 ایتیمور دنیلان آدمک دخی موجب صرفیات
 اوله جق بر چوق هم ده کرچکدن بر چوق
 حرکتلری واردر . « اوتور مق » دنیلدیکی

زمان بونک ده بر خدمت بر مشغولیت و بناء
 علیه نوعا بر حرکت اولدیغی وارد
 خاطر اولورمی؟ ایشته بوده بر خدمتدر .
 زیرا انسان او توره او توره یورولیور . برده
 جانشز بر ادمک او توره میه جغنی و او تور تلسه
 در حال دوریله جگنی حساب ایدیگز . دیمک
 اولیور که او تور دیغمز زمان بزی پر مزده
 محکمجه طوته بیلک دخی بر قوت صرفنه
 وابسته در .

حالبو که هیچ بر حر کتمز اولدیغی زمانلر
 دخی کوزمز کوریور . قولانمز ایشیدیور
 حواس ظاهره مز مشغول اولدیغی کبی
 بالخاصه حواس باطنه مز اشتغالده بولنیور
 ذهمنز هیچ بر دقیقه بوش طور میوب نیجه
 شیر ایله اشتغال ایدیور . ایشته بونلر هب

حرکت هب خدمت دیمك اولوب قوای
 حیوانیه مزك صرفنی استلزام ایدیورلر .
 ایشته بوحاله « تصرفات حیوانیه » دینلمکده
 اولوب اشتغال ایلدیکمز اویقسو بحثی ايله
 بونك پك بیوك برمناسبتی اولدیغی جهتله شو
 مسئله یی برازدها ایضاحه لزوم کورمکده یز .

بحث ۷

« تصرفات حیوانیه »

وجودك بریاندن معده یه القا اولنان
 اغذیه یی بعدالهضم قان کبی عصاره عصبیه
 وسائر کبی نیجه سیالاتی حاصل ایلیه جك
 اولان و بناءعلیه هر بری برانیق عد اولنه
 بیلن اعضایه سرماییه یتشدیرمسئله بونلرك
 وجوده کتوردکلی قوتلر « تصرفات
 حیوانیه » نك « ایراد » جهتنی تشکیل

ایدرک وجودده آز چوق وقوعه کلان
حرکتله کافه اعضانک محافظه بقاسی
و یاخود ترقیات تدریجیه سی ایچون صرف
اولنان قوتلر دخی « تصرفات حیوانیه » نك
« مصرف » جهتی تشکیل ایدرلر .

هرقاعده تصرفه ایراد ایله مصرف
اره سنده بر توازن اولق لزومی اشکار اولوب
انجق تصرفات حیوانیه ده بوقاعده نك برطال
قم غرابتلی دخی واردر که انظار دقت
و اهمیتی بر صورت مخصوصه ده کندی
طرفلینه جلب ایدرلر .

اولا اقلیم بدنک هر جهتی بر کره کندی
کندی سنی اداره ایده جک قوتلره محتاجدرلر
مثلا جکرلر تنفس هوا ایله تصفیة دمه خدمت
ایلدکاری حالده کندیلر نك محافظه مکملیه تری

ایچون کندیلری دخی دم مصفایه محتاجدرلر .
 بو حالده تصفیه ایلدکری قاندن کندی حصه .
 لری قدرینی کندیلری صرف ایلدکری
 حالده باقیسنی وجودک سائر طرفلینه سوق
 ایتک ایچون قلب طلومبه سنه تسلیم ایدرلر .
 ایشته بونک کبی هر اعضا کندیلر نجبه بر
 تصرف حیوانی ایراد و مصرفنه رعایت
 ایدوب بونلرک عموم یکونی وجودک عمومیه
 نسبت ایلدیکی زمان دخی تصرفات عمومیّه
 حیوانیه تشکل ایتش اولور .

عموم قوای حیوانیه نک ینه عموم وجوده
 صورت صرفنده بر غرابت دها واردر .
 مثلا وجودک بر طرفی و از جمله یالکز بازولر
 چوق اشتغال اولنده رق چوق قوت صرفنه
 مجبور اولسه لر وجوددن اورایه سائر

جوارح اعضايه نسبتله دها چوق قوت
 کلوب بناءعليه بازودخی بالنسبه اعضاءى سا -
 رده دن دها قوی اولدیغی کبی سائر آدمک
 بازولرندن ده دها قوتلی اولور . ایشته
 « جناسبق » دینلان تعلیمک استناد ایلدیکی
 اس حکمت بودر . حتی وجودک یالکز
 بر قسمی بویله نسبتندن زیاده صرف قوت
 ایتکه مجبور اولور ایسه تصرفات حیوا -
 نیه نک مدیری بولنان طبیعت قوای وجودک
 قسم کلیسنی اوجهته سوق ایتکدن طولایی
 جهات سائر نهک محتاج اولدیغی قوتلردن
 تنقیحه واندره دها آزار سال ایتکه مجبور
 اولور . بوسببه مبنیدر که یالکز بر قسم
 عضوینی حددن زیاده استعمال ایدنلرده
 واقعا او قسم عضو نجه سائرلردن زیاده قوت

کوریلور ایسه ده وجودینک جهات ساء
 رءه سنجه بالنسبه بشقه لرندن ده آاز قوتلی
 کوریلور • مثلاً عضو تناسلی چوق
 استعمال ایدن ارباب شهوت واقعا ساء
 آدمرك مقتدر اوله میه جقلى قدر كثر
 جماعه مقتدر اولور سده ده وجودینک ساء
 طرفلرنجه قوت مطلوبه درجه متناسبه ده
 فاه میوب بالعكس تنزل ایدر •

بو حالك نه دن نشأت ایلدیكنی ذهنه
 قبول ایتدیره بیلک او قدر کوچ برشی دکلدر •
 عادى اقونومیده دخى مثلاً بر قاصه نك اون
 محلدن وارداتى اولوب ینه اون محله مصا -
 رفی اولسه • بو اون محلدن مجموع وارداتى
 اوتوز مقدارینه مساوی اولوب محال صر -
 فیده بونی مساواة تقسیم ایلدیكى حالده هر

محلہ اوچ مقداری دوشسہ • بالاخرہ محال
 صرفیہ دن بریسی اوچ پرینہ اون ایکی
 صرف ایدہ جک اولسہ • باقی اون سکزی
 بوتصرفات حیوانیہ نک دیرکتوری قصور
 طقوز محلہ صرف و تقسیم ایدنجه هرپرینہ
 اولکی کبی اوچر دوشسہ میوب ایکیشر
 دوشر • اگر اون ایکی صرف ایدن مسرف
 دها زیادہ صرف ایدہ جک اولسہ دیگر
 لرینک حصہ لری دها آزالور • بوسببہ
 مبنیدرکہ ازچلہ صرفیات باہیہ سندنہ
 اسراف ایدنلرک قوہ مفکرہ لری بدرجہ
 مدہشہ دہ آزالمقلہ قالمیوب حتی قوہ بصر
 یہ لری وسائر قوای وجود لری دخی آزالوب
 اگر اسرافات باہیہ سندنہ دها ایلرویہ کیدہ
 جک اولسہ تصرفات حیوانیہ بالکلیہ

سکته عارض اوله رق هلاک دخی اولسی
مقرر و محققدر .

جزو یجه بر تعمیق فکر ایتکله تصرفات
حیوانیه موازنه سنده ذاتاً ایرادک مصرفه
غالب اولدیغی و حتی توازن بیه ایتدیکی
کوریلور . بلکه بر ازاها تدقیقاته کیریشیله
جک اولسه ایرادک مصرفه نسبتله یوزده
قاج نسبتنده نقصان اولدیغی بیه تقریباً
اولسون حساب اولنمق ممکندر . بو موا
زنه ده ایسه محل تطبیق و مقیاس تحقیق
اویقودر . اکر تصرفات حیوانیه موازنه
سنده ایراد مصرفه غالب و هیچ اولمز ایسه
متوازن اولسه ایدی اویقویه محتاج اوللمی
ایدک؟ حالبوکه عمریمزک یدیده ایکسی
و بلکه بعض اویقوجیلره کوره اوچده

بررسی و حتی نصفی اویقو حالنده کچور .
 نیچون؟ زیرا حال بیداریده بوندن مقدم
 درجه کثرتی حقنده براز جق نظر دقتکزی
 جلب ایتش اولدیغمز اشغال خارجیه ایله
 انسان - هم ده همان خبری بیه اولمق سزین -
 اول قدر اشتغال ایدیور که حکیم بوفوفک
 اویقو تعریفنده دیدیکی وجهله بر زمان کله رک
 قوای حیوانیه انسانی ترک ایله انسان عادتاً
 کندیسندن کچوب کیدیور . التي یدی
 ساعت حواس ظاهره سنی قوللاندیغی کبی
 بونلرک دماغه لاینقطع تدارک ایلدکاری
 مشغولیتلری دخی تعطیل ایلیه رک دماغی
 یالکز قوه حافظه سنده کی محفوظاتیه اشتغاله
 ترک ایللیور . او حالده یعنی اویقو مدتده
 ایسه معده و قلب و جگر لر و الحاصل تصره

فات حیوانیه جه استحصا ل قوایه چالشان
 بر چوق و باشلوجه التلر هپ ایشلرنده
 دوام ایدرک ایرتسی کون ایچون وجوده
 قوت تدارک و جمع ایدیورلر . ایشه بو حال
 تصرفات حیوانیه موازنه سنده ایرادک
 مصرفدن دها آز اولسندن بشقه هیچ بر
 شیدن نشأت ایتمز . حالبوکه ایشه ینه بو
 حال بزم ایچون اویقونک جهت لزومنی
 کوستردکدن ماعدا ماهیت نومی اراشدیرمغه
 کیریشمک ایچون دخی الک کوزل الک مناسب
 یولی آچار .

بحث ۸

« اویقونک اسباب فیریولوژیقیه سی »
 اویقونک اسباب فیریولوژیقیه سنه
 دائر اول قدر تدقیقات اجرا ایدلش وبویولده

اول قدر شیلر خبر ویرلمشدر که جمله سنی جمع
ایتمک لازم کاسه همان عالم امکانده هر شیئک
اسباب نومدن معدود اولدیغنی حکمه تقرب
ایلمک لازم کلور . مع هذا اسباب مذکور .
ره دن بر چوغنی زمانه کوره اویقوی مانع
اولدق لری مؤخرأً تحقق ایلدیکی کبی ظاهرده
یکدیگرینک ضدی عد اولنان ایکی شیئک
ایکیسنک ده اویقویه سبب اولمقده اتفاق
ایلدکلری دخی کورلمشدر .

بز تدقیقات عاجزانه مزده اسباب نومی
بروجه آتی ایضاح ایلان مدققک تدقیقاتنی
جمله یه مرجع کوردک . دیور که :

« وجودمز سهولتله حرکت ایده بیلک

ایچون « عصاره عصبیه » دنیلان سیاله نک

اعضای وجودمز و رودی لازم کلور .

باخصوص عصاره مذکوره فی سیلان و جر-
 یانیدن منع ایدہ جک موانع بولنماہلیدر .
 برعضوہ عصاره عصیہ لزومی و جہلہ
 وارد اولہ من ایسہ او عضو ک حسنه خلل
 کلور . عصاره مذکوره بالکلیہ منقطع
 اولسہ عضو دخی بالکلیہ حرکتدن قالور
 « وجود من حرکت ایلد کجہ عصاره
 مذکوره صرف اولنہ رق یواش یواش آزا-
 لور . عصاره مذکوره نک سہولت جریانی
 ایچون الیاف مجاری سنک دائمًا منبسط و کرکین
 بر حالده بولنمی اقتضا ایدوب اگر مجاری
 مذکوره کرکین و منبسط بولنمز لر ایسہ عصاره
 عصیہ نک سہولت جریانہ خدمت ایدہ مز لر .
 حالبوکہ بر عضو حرکت و اشتغال ایلد کجہ
 مجاری عصاره عصیہ کرکینلک کنی غیب

ایدوب گوشه مکّه و انبساطنی غیب ایدوب
 بوزولمکه باشلار . زیرا بونلر عصارهٔ عصبیه
 ایله مملو ایکن طولغون و شیشکین و کرکین
 برحالده بولنوب عضوک حرکتیه عصارهٔ
 مذکوره بالتجربہ غایب اولدقجه مجرالر بوش
 و گوشه ک برحالده قالور »

« دماغه عصارهٔ عصبیه ایصال ایدن
 مجاری دها یوموشاق دها نازک برطاقم الیافدن
 عبارت اولوب حالبوکه دماغک اشتغالاتی
 دها دائمی و دها چوق اولدیغندن الیاف
 مذکوره دها قولایلقیه کرکینلکرینی
 و انبساطلرینی غیب ایتدکاری کی بعض
 اسباب خارجیه دخی انلر اوزرنده اجرای
 تأثیر ایلر . ایمدی عصارهٔ عصبیه نک مجرا-
 لری بو صورتده گوشه یوب و بوزولوب ده

دماغه عصاره مذکوره ورود ایتماکه با
شلائجه دماغ دخی حسیاتی آزالته ررق
ذهنه بر عطالت کلور و انسان دأمارا
حتلنوب تجدید قوت ایلمکه احتیاج کورمکه
باشلار »

« ارباب تدقیق بو حال کوپک و سائر
کبی بعض حیوانده تجربه ایدرک اعصاب
دماغیه سندن : ضمیرینی باغلا دقیری زمان
حیوانه در حال بر کوشکلک براویقو کلدیکی
کوریلور و کذلات بعض انسانلر بر چوق قان
ضایع ایلمدکاری و یا خود اوزونجه بر مدت
خسته یا تدقیری حاصلی مجاری عصاره
عصبیه یی سکتده دار ایده جاک بر سبب خار بییه
دوچار اولدقیری حالده لایق قطع او یومغه مجبور
اولورلر . ایشته اویقونک سبب ورودی

دماغه ذکر اولنان سیالہٗ عصبیہ نك قلت
ورودندن عبارت اولوب اوحالده وجود
اویومق ایسترکه حتی عصارهٗ مذکوره
بتکرار اجتماع ایدرک مجاریسنی طولدیرسون
ودماغه طراوت وقوت تازه ویرسون «
» ینه اساساً بوکا شبیه اولق اوزره
فیر نیولوژی فنجه اویقونک برسبی دها
واردرکه اودخی قان دماغه یغیلهرق شر-
یانلرک منتهالرینی ششیردیکی زمان مجاری
عصارهٗ عصبیہ یی دخی صفتشیروب سیالہٗ
مذکوره نك سیلان وجولانی منع ایتسیدر .
اوزونجه مدت ذهن یورولق و یاخود
اسپرتولی ایچکیئر ایچلمک صورتیه قان
دماغه چیقدیغی زمان انسانک درحال او-
یومق ایستمی بوندن ناشیدر . دماغی یالکز

قائک صقشدیرمی دکل خارجی بر قوه
تضییقیه ایله دماغ صقشدیرلدیغی زمان دخی
عینی اثر حاصل اولمشدیر . قفا کیکی آچیله
رق دماغ غشاء خارجیه مستور اولد
یغی حالده میدانه چیمش اولان برقارینک
دماغی جزو یجه تضییق ایدلد کده فی الحال
اویقویه وارد یغی کورلمش و دهـا زیاده
تضییق ایدلد کده عادتاً نزول امصابتی کبی
بر حال مشاهده اولندرق قادیـن برقـاچ دقیقه
عیله میت حالنی المشدیر . دیمک اولیور که
بینـه منتهی اولان طهارلرک قان شجومیله
شیشملری انیاف مجاری عصارهء عصبیه بی
صقشدیردرق بینـه دخی تضییق و یروب
بر اویوشلق حاصل ایلـیور «

» انسانی اویوتمق ایچـون عصارهء

عصبیه نك یا بالاستعمال آزالسی وتو کنسی
 ویا خود بجاریلرینه هر هانکی بر تضییق عارض
 اوله رق محل مخصوصلرینه واره مامسی کافی
 اولوب حالبوکه عصارهٔ عصبیه نك بین
 اوزرنده حاصل ایتکه باشلادیغی بوتأثیر
 یواش یواش اعضای ساردهیه دخی انتقال
 ایدر . مثلاً کوز قیاقلرینی آچیق و یا خود
 باشی دیم دیک طوتمق ایچون بونلره مخصوص
 اولان عضلات ایله عضلات مذکوریه
 تبلیغ اداره ایلان اعصابک کرکین وقوتلی
 برحالدہ بولنملری لازم کلور عصارهٔ معهوده
 آزالدیغی زمان ایسه بو کرکینلک بولنه میه -
 جغندن کوز قیاقلری دوشمکه و باش دخی
 اول طرفه طوغری اکیلکه باشلار . ذاتاً
 دماغ ارتق حواس ظاهره نك کندیسنه نقل

ایلدیکی مشاهدات و مسعودات و انواق
و مشمومات و مملوسات ایله اشتغال ایتکی
استدیککی و کندیسنه عارض اولان او یوشقلق
مناسبتیه استراحت و ارمغی ایستدیککی زمان
کوزک و سائر نک آچیق اولمسندن نه فائده
اولور ؟ بونلرک خارجدن الوب دماغه
نقل ایتکه چالشدقلى محسوسات دماغه
واصل اولنجه برمدت ذهن او کنده طالعده
لنه رق رد اولنور و اندن صکره ارتق
حواس ظاهره دخی سوق محسوسات ایتکه
نهایت ویره رک ذاتاً انلرک ده قوتلری آزماش
و بلکه ده بتمش اولدقلرندن انلر دخی دماغ ایله
برابر اویقویه وارر »

ایشته نومک اسباب فی ریولوژیقیه
سندن اولق اوزره ترجیح و انتخاب ایلدیکمز

شونقطه لر اوزرنده مدققین حکم انک اغلبی
 متفق اولوب غایتی بعض ارباب تدقیق بو
 سببلره برقاچ اسبابک دخی علاوه سی صورتیه
 بیان مطالعه ایده بیلشدر که انلر دخی بحث
 آئیده صره سی کلد کجه بیان اولنه جقدر .
 اسباب مذکور هک طوغریلغنی هر کس کندی
 نفسنده دخی بر درجه یه قدر تجربه ایده
 بیلور . زیرا بوفونک تعریفنده دخی کورلش
 اولدیغی اوزره الک اول اویقو احتیاجنی
 حس ایدن عضو انجق دماغ اولوب دماغه
 عارض اولان کوشکک یواش یواش اعضای
 سائر هیه دخی انتقال ایدرک انسانک کوزلری
 و اعضای سائر هیه سی کندی وظائف مخصوصه
 صهلرینی ایفادن قالورلر . انسان دخی
 اویقویه وارز .

« بعض احوال نوم »

وجود دینلان ما کنه نك نوم اشناسنده کی
 احوالی نظر دقته النور ایسه یوقاروی
 فقره ده بیان اولنان اسبابک اصابتی نظر
 محاکمه ده بر قاتدها قوت بوله جغی کی نومی
 ایجاب ایلان سائر بعض اسباب دخی بو تد
 قیق اشناسنده کندی کندیسنه میدان چیقار .
 بناء علیه احوال مذکوره یی دخی بروجه آتی
 خلاصه ایدلم :

« اولاً - اویقو حالنده حرارت بدنک
 آرتوب آرتدیغی مدققین بیننده اختلافی مو-
 جب اولمشدر . بعضری حرارت بدنک
 آرتدیغنه ذاهب اوله رق دلیل اولق اوزره
 انسانک اویقوده اکثر یا ترله دیکنی دخی ارئه

ایلمشردر . بودلیلی ارانه ایدنر اویقو زما-
 نده قانک اکثریتله قسم اسفل وجودده بو-
 لندیغنی و بناء علیه طولغون و شیشکین اوله-
 رق بونلرک دخی هم جوارلری بولنان الیافی
 صقشدیرملریله نوعما سونکر صیقارکی قانده
 و وجودده اولان برطاقم مایعاتی مسامات
 وجوددن خارجه چیقاردقترینی اثبات
 ایلمشر ایسه ده بوملاحظه عندالا کثر مقبول
 اوله مامشدر »

« اکثریت ارباب تدقیقک حکمنه کوره
 اویقو حالنده وجودک حرارت غریزه سی
 آزالور . بوایه قلبک حرکاتی وقانک جو-
 لانی جزو یجه عطالت پیدا ایتمسندن نشأت
 ایلر . هله ایلک اویقو حالنده حرارت
 غریزه بتون بتون آز اولوب سببی ایسه یو-

قاروکی فقره ده دخی بیان اولندیغی اوزره
 قانک شریانلره طولوب! قاله رق جولانه
 آغریق کلسیدر . ذاتاً بویله اولمایدیرکه
 دماغ دخی اویقویه شدت احتیاج حس
 ایلسون . اما انسانک اویقو حالنده ترله -
 می چونکه کوزلجه اورتونمکسزین او -
 یویان آدمک پک آز بر صوغوق ایله خسته -
 لنمی وحتی بعض ارباب تدقیقک حکمیرینه
 کوره انسان اوتوز ایکی درجه صوغوقده
 اویقو حالنده بولنه جق اولسه مطلقاً
 هلاک، محقق اولوب حالبوکه اویانق بو -
 لندیغی زمان بودرجه صوغوقدن هلاک
 اولمقدن فضله دهها زیاده صوغوقلره بیلله
 تحمل ایده جکی درکار بولنمی اوزرینه
 اویقویه وارلق لازم کلدیکی زمان مطلقاً

کوزجہ اور تونک دخی اعتیاد ایدلدیکی
ایچون انسانک وجودی یتاقده دها زیاده
صیحاقت بولمقدہدر . حتی بعض کسمہلر
باشلرینی دخی یورغان آتنہ الورلر کہ بو حالده
کسندی نفسلریله کندیلرینی حمام کبی قز-
دیررلر . وجود او قدر دقتلی اور تلدیکی
زمانلر دخی انسانک یاتدیغی طرف ترلر .
زیرا او طرفدن افراز اولنان حرارتک هوایه
قلب اولنمسنہ یتاق مانع اولور . بویله بر
وضعده یتاغک وجوده تماسی عادتا بر نوع
اورتو حکمنی الوب انسان مثلا ارقه سی
اوزرینہ یاتیور ایسه ارقه سی ترلر . اما
بعض خسته لکالر دخی انسانی یتاغی ایچنده
ترلدیکندن بوراده انلری حسابہ قاتمامق
لازمدر . الحاصل وجودک نوم اثناسنہ

اولد قجه صوغومسی مقتضات حالات
نومدن اولوب شو حالده عکس قضیه ایله
صوغوق دخی اسباب نومدن عسد اولنه-
بیلور . حتی یك صوغوقلرده طونق صو-
رتیه هلاک اولنلرک اول امرده غایت شدتلی
بر او یقویه انهماکاری کورلمسی دخی بونی
اثبات ایدرک دهـا پارلاق براهین سائر یه
احتیاج براقز »

« ثانیاً - او یقوده ایکن معدنهک حرکات
هظمیه سی بالکلیه معطل اولمیوب فقط کرکی
کبی اعتدال کسب ایدر . سببی ایسه دماغ
ایله برابر حواس خمس ظاهره و حرکات بدنیه
تعطیل اشغال ایتمش اولد قلرندن وجودک هیچ
بر طرفنده عاجلاً امداده لزوم کوسـترن بر
احتیاج کورلمز . او یقو مدتی ظرفنده

ایشلکده دوام ایلان اعضا کوندوز صرف
ایدیلان قوای حیوانیه یی یدی سکر ساعت
ظرفنده حاصل و جمع ایده جکر درر • بناء علیه
اویقو زماننده طبع بشر ایستر که معدده سی
نه پک چوق طوق اولسون نه ده بالکلیه بوش
اولسون • پک چوق طولو اولور سه انسمانه
دها چابق بر کوشکک کده رک همان ظبار مق
ایستر ایسه ده بو حال معدده نک طولغو نلغی
حسیله طبار لرده بولنان قانلری وجودک
اعضای بعیده سنه طوغری سوق ایتمه
قلب مجبور اولق حسیله بیده کی شرایی
شیشیروب دماغ اوزرنده بر تضییق حاصل
ایتمسندن نشأت ایلر • بو ایسه اویقو حالنده
خی مضر اوله جغنی ایلروده کورورز •
اکر بعض ارباب تدقیقک ظن و تخمینلری

وجهه او یقو حالنده معدده هیچ هضم ایتمه.
 جگ اولسه ایدی انسانک قرنی بالکلیه آج
 اولدیغی زمان دخی او یویه بیلمسی لازم کاور
 ایدی . حالبوکه آج قرن ایله انسانک دما .
 غنه او یقو کله مز . زیرا معدده نك اشتغال
 ایده جگ برشی بوله مامسی حرکات هضمیه .
 نك بوش یره چاشمسی ایجاب ایدوب بو
 ایسه وجود ایچون برز جتدر . زحمت دخی
 او یقوی مانعدر . بناء علیه معدده نك هضمی
 متعاقب وجوده و یردیکی کوشکلک دخی
 او یقونک اسباب موجبہ سندن عد اولنور
 « ثالثاً - کړک او یقودن اول و کړک
 او یانلدیغی زمان انسان اسرکری نور قیورا
 نور . بونک حکمتی اسباب نومہ دار
 بوندن اول یازدیغمز فقره دن استدلال اولنور

اقشام انسانك اويقوسى كلسى ذاتا عصاره
 عصبیه نك كسب قلمت ايدرك دماغى و سائر
 سيكرلى طراوتلنديره مامسندن نشأت ايلديكى
 جهتله انسانك اسنه يوب كرىنسى كويا عصاره
 مذ كوره نك بقیه سنى دخى محل صرقلرينه
 ايصال ايجوندور . صباحلى دخى بو حالك
 واقع اولسهنه كلنجه : كيجه اويقو مدتی
 ايجنده مجاری عصاره طولوب فقط محالرينه
 كوزجه واصل اولماش بولنديغندن انسان
 بوجرين وسيلانه يول ويرمك ايجون اسنه .
 يوب كرىنور . اقشاملى اسنه مك و كرىنك
 كيتدكه آرته رق انسانه اويوشقلى ویرديكى
 حالد صباحلى بو حالك بر قاچ دفعه
 تكرردن صكره ارتق كلسى دخى چونكه
 اقشاملى عصاره عصبیه نك ذاتا آزالمش

اولسی حبیبیه بونلرک محالرینه وصولنی
 زورلادقجه تو کمنسندن و صبا حنری ایسه
 بو ماده عصمیه چوق بولندهرق بجرالرینه
 انبساط و یرنجه ذهنه و وجوده راحت
 کلوب انسانک کندیسنی طویلامسندن
 نشأت ایلر »

« رابعاً - اگر اویقو صو چاغلتنیسی
 و دکرمن کورلتیسی و سائر برکورلتی ایله
 حاصل اولمش ایسه اویقونک دوامی دخی
 بو کورلتینک دوامنه وابسته اولور ابعق بو
 اویقود کرمنجی کی شو حالک الشقنی اولانیره
 تام اویقودن منتظر اولان تجدید قوت خد-
 متنی کوره یلور ایسه ده الشقن اولیانلر ایچون
 بو خدمتی کوره میوب بالعکس اویاندیغی زمان
 دهها زیاده برباش سر سملکنی موجب اولور »

زیرا بر چاغلیسان کنارنده و یا خود دکر منده
 او توران آدمک یواش یواش اویقوسی کلسی
 او چاغلیتی و کورلتینک دماغنی پک زیاده اشغال
 ایدرک عصارة عصبیه نك دخی زیاد ایدرک
 فنی موجب اولمندن نشأت ایلر . حتی بویله
 بر موقعده او توران آدم تیر وقت ظرفده اشتغال
 لات فکریه سنی غیب ایدرک ذهننی دیکلشمش من
 ایلر ایسه ده بالعکس ذهنک بوشالیمی او کورلتی
 و چاغلیتی ایله اشتغال ایچون اولوب بواشتغال
 ایسه ذهننی اول قدر یورار که فی الحال بر او یو-
 شقلق حس ایدرک بر از صکره اویقویه دخی
 وارر . اویقوسی دخی هب بو کورلتینک
 اشغالیله بیننی یورمقده دوام ایدر . ایشته
 بوندن نشأت ایلر که او یاندیغی زمان بیننی
 سر سملشمشدر . دیمک اولیور که بویله

بر کورلی دخی او یقونک اسباب فیر یولو
زیقیه سندن عداو لنور .

غایت خفیف صو شقر دیسی دخی او یقوی
دعوت ایدن اسباب دندر . انجق ذهن
دیکسندیر مک خصوصنده صو شقر دیسی ایله
شو چا غلتیسی آره سنده کایتلی بر فرق واردر .
شقرتی اویانق بولنان آدمک ذهنی کن دیسنه
جلب ایدرک سائر اشتغالات فکریه سنی منع
ایدر ایسه ده او یودیغی زمان قوه سامعه سی
او شقر دین مشغول اولیه جق قدر ضعیف
پیدا ایلدیکندن او یقوسی بو حالدن منتظر
اولان خدمت تسریحیه بی بحق ایفا ایده بیله .
جک او یقولردن عداو لنور .

« صنعی اویقو »

اویقوئی دعوت ایچون دماغی اشغال
 خصوصند اینجه جک بر صو شقرتیسنه قدر
 اولان تأثیری ده کورد کدن صکره اویقونک
 اک صوک و اک نازک بر سبب دعوتی اولق
 اوزره صنعی اویقوئی دخی مختصراً قارئلر.
 یمزه عرض ایتکه لزوم کوریورز .

« صنعی اویقودیه تعبیر ایلدیکمز شی
 برطاقم ائارده » ماینه تیرم اویقوسی » تعبیر
 اولنان شیر . انجق اول باول اخطار
 ایدلم که « مقناطیس حیوانی » مباحشدن
 اولان بومسئله ده صنعی اویقویه یاتیریلان
 آدمک غیبدن خبر ویرملری درجه سنده کی
 غرائب مفرطه یی بوراده بحثه قائمه جغز .

زیرا بومسئله نك ایچنه کونا کون شارلثانلق
 کیریش اولوب باخصه وصی که بز بو بحثی
 « قرق انبار » سرلوسه لی شوموعه فنیه مزده
 اک مفصل مأخذلر اوزرینه دوشنه رک مکملجه
 بر مصور تده قارئلر مزه بونین بش التی سینه
 مقدم خبر ویرمشیدک .

بوراده ایسه بونک اساساً اویقو دنیلان
 شیشک دماغدن تاثیرات عصا ره عصبییه یی
 آزالته رقی اشتغالات دماغیه یی یالکز بر نقطه یه
 حصر ایله سائر اشتغالات خارجه دن ارتبدا
 طنی کسمک صورتیه ورود ایتسی قضیه سی
 اولدیغنه کوره صنعی اویقوی دخی یالکز
 بو دائره داخلمنده اوله رقی تلقی ایله اکتفا
 ایلیه جکز .

بو صنعی اویقو تدقیقاتنده بولنانلر نو

مذکوری هر وجود اوزرنده حاصل ایده -
 منزل • اعصابیجه بر استعداد مخصوصی
 اولان وجودلری انتخاب ایدرلر که بوجودلر
 اصحابک قوه دماغیه لری دخی کندیلری
 اوزرنده صنعی اویقو حاصل ایده جک اولان
 ذواتک بر تأثیر مخصوصندن متأثر اوله جق
 درجه ده بولنورلر •

امدی بویه بروجودی بریتاغیه یاتیرلر •
 هم ده غایت راحت اولق اوزره یاتیرلر •
 حتی وجودی تمایله راحت اولق اوزره
 برقناپیه ویاخود قولتیق صندالیه اوزرینه
 یاتیرلمرنده دخی بآس یوقدر • منوم یعنی
 اویقوی حاصل ایده جک اولان ذات « بن
 شمدی سنک حواسکی ارواحه قایدیروب
 سنک روحکی دخی کندی قبضه تصرفه

اله جفم . سکا یرلرک دیننده و کوکلرک او-
 زرنده اولان شیلری هب عیان بیان کوستره
 جکم . سکا انلردن خبر صور دیغم زمان سن
 بکا طوغریجه خبرلر ویره بیله جکسک « کبی
 یرطاقم سوزلر ایلله او یویه جق اولان آدمک
 حسیات دماغیه سنی کندی اوزرینه جنب
 ایدر . بعده کویا او ذاتک وجودینی ویوزینی
 اوقشاهغه طورانیورمش کبی حرکتلرایدر .
 کویا ذهننده و کوزلرنده و یوزنده برشیلر
 وارايمش ده انلری ایلله طویلا یوب الیورمش
 کبی یاپار . هله کندی کوزلرینی او یویه جق
 اولان آدمک کوزلرینه دیکدیکی کبی انی
 لاینقطع کندی کوزلری ایچنه باقدیرر .
 والحاصل بویولده عملیات و حرکات ایلله
 براز صکره اوادی عادت او یوتورکه بز برآقار

صویک شقرتیی بیله انسانک مشغولیت
دماغیه سنی کندیسنه متحصر ایدرک برار
صکره او یوتدیغنی کورمش اولدیغمز حالده
بویله برادمک مشغولیت دماغیه سنی کندیسنه
متحصر ایتک صورتیله او یوته بیلک پک قولای
اوندیغنی کذلک پک قولای اوله رق تفهیم
ایده یلدورز *

نه حاجت بو صنعتک هنر عد اولند حق
برجهتی وارایسه اوده اویقوسی همنوز
کلماش اولان ادمک اویقوسی وقتسز اوله رق
کتور مکدن عبارت اولوب حالبو که اویقونک
وقتی برار تقرب ایلدیکی زمانلر هر ادعی
مصال سویلیه رک یعنی مشغولیت ذهنیه سنی
یالکز کندی سو یلدیکی حکایه یه جلب
ایدوب ده مشاغل سائره سندن تخلیه ایدرک

اویوتمق ممکن ارلدیغنی دخی بیلورز . ذاتاً
کوچک چوجقلری اویوتمق ایچسوننی
چاغرمق دخی بوندن بشته برشمیدر ؟

اما نوم صنعی ایله اویوتیلان برآدمک
کندیسنی اویوتان آدم طرفندن صوریلان
سؤالره جوابلر ویرمسی بحثه کنبه : بز
بونی اویله غیبدن خبر ویرمک کی برشی
عد ایدمیدرک بلکه اویچارهیه اخطار
وارائه رؤیا ایله صنعی اوله رق صایقلاقمق
نوعندن عد ایلرزه بونلرک ایضاسی دخی
قریباً حالات نوم بحثده کله جکدر .

بحث ۱۱

« خلاصه »

ایمدی بورایه قدر سرد ایلدیکمز ایضا
حات و مقایسات نظر محاکمه ده اجمال ایدیلور
ایسه کوریلورکه :

اویقو اولومه اصلا مقیس دکلدر .
 نه غیر یولوژی اربابنک ونه ده فکر دیانتک
 دلائی اوزرینه اویقو اولومه قیاس قبول ایتمز
 زیرا اویقو اعضای وجوددن یالکیز بعضلر-
 ینک تعدیل اعمال و اشغال ایتمسندن عبارت
 اولوب یوقسه وجود اویقو حالنده عادتاً
 حیات حقیقی ایله بر حیاتدر . هله فکر دیانته
 اویقو اولومه هیچ قیاس ایذیله من . زیر ازاهد
 وعابدک اویقوسی اولیه هر اهل بطونه وبا
 خصوص عیش وعشرتله اشتغال ایدنلره
 قیاس اولنده میه جق قدر صافیتندن وبوصا-
 فیت مقتضاسیجه انواع مشاهداتدن طولایی
 عین عبادت عدد بیورلشددر .

اویقونک ماهیتی وجودک هر طرفجه
 حواسه الت اولان اعصابی طراوتلندیرن

عصارهٔ عصبیه نك استعمال روز مره ايله
از ايلسندن طولايي اعصابه عارض اولان
اويوشقلقدن وانی تعقيب ايدن حسسزلكدن
عبارت اولوب كوندوزلری تصرفات حيو
نيه موازنه سنده قواي وارده قواي مصرو
فه يه نسبة از اولديغي حالده كيجه لری قواي
وارده نك قواي مصرو فه يه غلبه سيله ادخار
قوت ايدلسندن عبارتدر .

كرك اشتغالات عادية يومية و كرك معتاد
دن خارج هر نوع كورلتي بينده عصارهٔ
عصبیه نك صرفياتنی چو خالته جنغی كبی
كرك مسكرات و كرك كثرث طعام كبی قانی
كثرته دماغه سوق ایدن اسباب دماغ اوزر
نده بی مجاری عصارهٔ عصبیه بی بالتضيق
بونلری حكمدن دوشوروب ميدانی حكیم دمه

ترك ايدە جەكەندەن بولنر ھب اويقويى دعوت
 ايليان اسباب فيرنيو لوژيقيه دن عد اولنور
 ايمدى اويقونك ماهيتى شو صورته
 اولق اوزره نظر محاكه ده تعيين اولندقدن
 صكره ازمنه قديمه دن برى بونجه ارباب تد -
 قيقى يورمقده بولنان رؤيا مسئله سنى دخى
 نظر محاكه ده بالاجمال اولبايدە دخى ممكن
 مرتبه بر فكر صحيح پيدا ايتك ممكن اولور
 بناء عليه بوندن صكره بحشمزك اوجهته
 دخى انتقال ايدە بيلورز .

(فصل ثانى)

« حالات نوم »

اعصابك قوة متحمسه سى - قوة
 واهمه وغول يبانى كى خيالات - كابوس
 يعنى اغرلق باصمق - على العاده رؤيا -

اسباب خارجیہ دن متحصل رؤیالر - اویقو
 ده اولانلره صنعی رؤیا کو سترمک قابلیدر ؟ -
 صایقلامق - صومنامبولیرم یعنی اویقو
 اویور ایکن کزماک - خلاصه -

بحث ۱

« اعصابك قوة متحصسه سی »

علوم شتاده بهره کلیه صاحبی اولوب
 المانیاجه تدقیقات علمیه سی برچوق ارباب
 تدقیقه رهبر اولشی بولنان مشهور فورمه یك
 رؤیا خصوصنده کی تدقیقاتی دخی حکمای
 سائرهنک تحریاتنه فائق اولوب السنه عدیده یه
 ترجمه اولنمشدر .

حکیم مشارالیه حالات نومدن یالکیز
 رؤیا بحثنده دکل کافه سنده اس الاساس
 تدقیقاتک اعصابده اولان قوة متحصسه دن

عبارت اولسی لازم که جگنی حکم ایدرک
حالات نوم خصوص صنده هر کیم بواس متیندن
بشقه اساس اوزرینه بنای تدقیق و محاکمه یی
تأسیس ایلر ایسه مطلقاً خطیئات عظیمیه
دوچار اوله جغنی درمیان ایلر . اعصابک
قوه متحسسه سی خصوص صنده بشقه شوینه
کیریشوب دیر که :

« وجودمز ما کنه سنی تشکیل ایلیمان
اجزا و اعضادن هر برینک برر خدمتی
اولوب بعض اعضا واردر که دیگر لرینک
خدمت لرینه دخی اشتراک ایلر . انجق حس
یعنی طویغو دینلان خدمت مختصراً اعصابه
مخصوص اولوب وجودمزده اعصابدن
ماعد طویغو خدمتنه هیچ برآتمز خدمت
ایده مز . دینله بیلور که وجودمزده اگر

اعصاب بولمسه ایدی وجودیمز لایتحسس
 اوطون کی برشی اولور قالور ایدی . حس
 ماده می اعصابک خدمت تحسسی موازنه
 خصوصنده ایلک تجربه ایچون پک اچیق
 بر حکم کوسستر . وجودمزک در یسنه
 میلیونلرجه الیاف خرده بینیه عصبیه او جلری
 منتهی اولوب هانکی طریقه برشی دکدیر لسه
 بونلره طوقندیغی ایچون وجودمز اوتماسی
 طویار . اگر دریمز اوزرینه بر زار کچیر لسه
 ده اندن صکره وجودمزه خفیفجه طوقو-
 نلسه چونکه تماس الیاف عصبیه مزه طو-
 قنیه جغی جهتله هیج برشی طویمز ایدی .
 کذلک ایکنه اوجیله و یاخود چاقی اغزیله
 دریمز برار رخنه دار ایدلدیکی زمین آجیسنی
 طویمقلغمز اعصابدن واعصابک قوه متحسسه

مندن ناشیدر • اگر بر محل ال ایله برچوق
 اوغوشدیر یله رق اعصابک قوه متحصسه
 سی از ال ایلد کدن صکره چاقی ایله جز-
 و یجه چیر لسه هیچ اغریسنی طویمز ایلد •
 شو قدر که جلد اوزرنده سیکر لک بو صورت
 تحسینی طویمق یک آشکار یک بدیهی اولوب
 حالبو که بویله حسیات ظاهره دکل حسیات
 باطنه دخی کافه و کاملاً احوال عصبیه دن
 عبارتدر • غضب حدت عشق محبت
 مرحمت و شفقت کی امراض نفسانیه دخی
 احوال عصبیه دن بشقه هیچ برشی اولیوب
 امراض مذکوره نک عصبی اولان وجودلر
 اوزرنده تجلیاتی عصبی اولیان وجودلر او-
 زرنده کی تجلیاتیه مقایسه ایله جک اولور •
 سه اره لرنده فرق عظیم کوریلور •

معلم فورمدهی دخی بوندن مقدم اویقو
 بختنده ذکر می مرور ایلیان عصاره عصبیه فی
 ده بشقه جزء نظر تدقیقه الهرق بو عصاره
 نک دماغ و سائر دماغ قدر مرکز مایه عصبیه
 اولان یرلرده ترشح ایلدکن صکره وجودک
 هر طرفنده کی الیاف عصبیه اوزرینه یورو
 یوب کیتدیکنی و عصاره مذکوره اشغال
 بخارجیدی تلقی و تحسس خدمت لری ایچون
 صرف اولمغه باشلایوب ده بتمکه دخی بوز
 طو تنجه الک اول دماغ جهندن بتدیکنی و بو
 سببه مبنی اویقو و استراحت احتیاجی دخی
 الک اول دماغده کورلیدیکنی درمیان ایلر
 بوندن ماعدا حکیم مشار الیه برده
 « بخار عصبی » تصور ایلر که الیاف عصبیه
 اوزرندن یورو یوب وجوده یایلان عصاره

دن متبخر بر بخار اولوب قوهٔ متحسسه نك
 دخی الك بيوك شدتی انده اولديغنی حکم
 ایلر . شو بخار عصبي اول قدر سریع الا
 احتیاسدر که بعض اعضای حاسه نك تو
 سطه میدان ویرمکسزین دخی بخار مذکور
 تحسس ایدر . مثلاً قورقنج برشی ایشیدلیدیکی
 زمان وجوده اصلاً لمس واقع اولدیغنی
 حالده صمانکه انسانك بر طرفه طوقمشلرکی
 یرندن فرلامغه قدر واردیغنی مثلاً احوال
 ایشته شو بخار عصبي احتیاساتنه جل
 اولنور که حالات نوم خصوصاً صنده الك
 بيوك حکم کوسترنشی قوهٔ حافظه اولدیغنی
 برچوق حکماً نزدنده مسلم اولمقله برابر
 کرک مشارالیه فوریهی و کرک انك مسالکته
 تابع اولان سائر برچوق حکماً قوهٔ حافظه دن

زیاده قوه و اهمه نك حكمنی قبول ایلدكلر.
ندن بویجشی بر بحث مستقل اولق اوزره
بشقدجه ایضاح ایتکه لزوم کورینور .

۲ بحث

« قوه و اهمه و غول یبانی کی خیالات »
قوه حافظه نك حفظ ایلدیکی بعض
شیلرک بر ارهلق خاطره خطور یله بیویه
بیویه وهم درجه لرنده وجود بولسی منکر
دکل ایسه ده بعض کره و بلکه پک چوق
زمانلر انسانه بر طاقم و همملر عارض اولیور که
قوه حافظه ده اکا دائر هیچ برشی محفوظ
دکل، ایکن موهومات مذ کوره عادتاً مجدداً
کی بر صورتله تجلی ایلور .

مثلاً طاع باشند بولنیور سکر و کیچه
اولق ملاسه سیله اطراف قراکلی . سس

یوق صدایوق ؛ اشغال خارجیہ دن بو صورتہ
 تجر دکز حواس ظاہرہ و باطنہ کزی
 کوندوز کی قدر اشغال ایتیور . کنندی
 انایتکز دائرہ سنده قالمشسکز . قوہ حافظہ .
 کزده اولان شیر دخی یواش یواش کندیلر .
 ینی کوسستروب برر برر غائب اولدقلری
 صرہده برده قوہ و اہمہ کز عملیات مخصوص .
 صہ سہ مباشرت ایلیرور . امانہ کی عملیات ؟
 ماہیتنی تقدیرہ امکان یوق کہ . مثلاً بولند .
 یغکز محملدہ سزک ایچون برقورقو حاصل
 اولیور . نہ دن قورقیورسکز ؟ فعلاء و مادہ
 مدہش برشیمی واقع اولدی ؟ خیر ! ایچکز
 اور کیور . اورتہده ہیج برشی یوق ایکن
 صانکہ ہر طرف بردہشت کسایش دہ سزک
 اوزر کزہ ہجوم ایدیورمش کی برحال !

ایشته قوه و اهمه نك ايلك حالى كنه
 خار جنده نه دهنده هيچ برشى موجود و محفوظ
 دكل ايكن سرك ايچون اك بيوك برتهلكه
 محقق ايش كې برتاثرده بولنيورسكز - بوتائر
 اوزرينه برارهلق كوزلر كزه فنا فنا شيلر كو-
 رونمك و قولاقلر كزه سسلر كلك دخى واقع
 اوله بيلور . غول يبايلر ظهور ايده بيلور
 ياخود كچى ويا كدى كې حيوانلر كوزلر-
 كزه كورينهرك سزه لقردى بيله سويلرلر .
 معاذاه تعالى شو توهماتدن كنديسى قورتا-
 ره ميهرق چلديرانلر و ياخود اوآنده اودى
 پاطلايوب هلاك اولانلر دخى نادر دكلدرلر .
 ايشته و همك بودر جهلره وارمى محضا
 عصاره عصبه دن دها تير متخسس اولان
 بخار عصبى به جل اولنقه اولوب بوندن

مقدم اویقو بحثنده ایضاح ایدلمش اولدیغی
 وجهله تصرفات حیوانیه اقتضاسیجه هانکی
 عضو چوق قوت صرف ایلر ایسه وجودک
 قسوا ای حیوانیه سی اکثریتله او طرفه سوق
 ایدلمک دخی طبیعت حیوانیه مقتضاسندن
 اولغله بر کره قوه و اهمه سالف الذکر عملیا
 تنی اجرایه باشلا ییجه قوه محضه حاسه
 دیمک اولان بخار و عصا ره عصبیه دخی
 هب قوه و اشمده اجتماع ایلیه جکرنندن
 ایلک اور کوننیدن عبارت اولان وهم بردها
 اکسیملک بیلیوب آرته آرته انسانه غول
 یبانیلر و لغردی بی سویلیان کچیلر و کدیلر
 کوسترمه قدر آرتار .

بعض اسکی عثمانلیلر بو حالی جن علامتی
 اولق اوزره حکم ایدرک او قومق بیلیانلره

و بناء عليه سبحانه ي اوقويه ميه جق او-
 لائلره هوايه طوغرى بر طبانجه آملرينى
 توصيه ايدرلر كه انلر ك اعتقادنجيه طبانجه
 كورلتيسندن جينلر اور كوب قاجارلر ايمش .
 شوقدر كه قارشولرنده كوردكلرى جنه طو-
 غرى آتاملرينى و شايد انلره آتدقلى تقديرده
 جنك نره سندن اوررلر ايسه كنديلرينك دخی
 عینى اورالرندن اوريله جقلىرى سويلرلر .
 جن دینلان سکنه روى زمین حقنده
 كتب شرعیه نك ویردیكى معلومات درپیش
 ایدیلور ايسه بویله ایصسنز یرلرده كوریلان
 خیالاتك طائفه جن اولدقلى وطائفه مذ-
 كوره نك باله كلیه بشقه برشى ایدوکی اكلا-
 شیلور . واقعا پك چوق كمسه لر كوزمش
 اولدقلى ودها چوقلى یالکز حکایه سنى

ایشتمش بولند قلی احوال اوزرینه بویله
ایصسنز یرلرده خیالاتک دخی و هم و خیال
دکل عادتا حقیقت قطعیه اولملرنده اصراز
ایدر لر ایسه ده بواصرار لری قوه و اشمه یه
انبساط کلدیکی زمان بتون اعصاب اوزرنده کی
قوه متحسسه نک یالکز و همده طویلانمیدن
طولانی و همده نه قدر قوت کلدیکی تقدیره
مقتدر اوله ماملرندن نشأت ایله
شعدی ذهنتری مستریح ایکن نظر دفته
المیدر لر که کندیلری او یله قارشولرنده غول
یبانی و یا خود کندیلرینه کوزلرینی پارلا توب
دیلرینی چیقارهرق اقردی دخی سولمکنده
اولان لچیکری و یا کدی و سائرینی کور دیکری
زمان و جوالری بورا کی اوله رق او یله طوا
نوب قالمش لر در که هیچ بر عضه و لری حر

کت بیه ایتمز . توکری دیم دیک کسلش
وحرکات قلبیه لری بیله اوآنده عظیم بر
عظالتہ اوغرامشدر .

قلبک کومبور کومبور خلیجانه باشلا -
می اوحالی تعقیباً وجودک استراحتہ تعجیلی
ایچون وقوعبولور . الحاصل انسان اویله
بروهم هولناک ایچنده بولندیغی زمان وجو -
دینک سائر اقسام وحواسی بالکلیه یوق
حکمنه کپروب وار اولان شی ایسه یالکیز
وهمندن عبارت قالور .

ایمدی اسکی عثمانلیلرک بو حالده توصیه
ایلدکری تدبیر فیزیولوژی وپسیقولوژی
فلزینہ دخی تمامیلہ موافقدر . اگر اوحالده
انسانک برسلاح اتمغه الی وارر ایسه بو حال
کندیسنی یعنی ذهننی تاثیر عظیم توهمدن

قور تاروب قلد اتمغه مجال بولش ديمك اوله
 جف سندن قوه و اهمه سنى بو صورتله مغلوب
 ايلد كدن صكره حتى سلاحي اتميه جق اولسه
 بيله ينه او قارشو سنده كي خيالات زائل اوله
 جق ايدى . زيرا خيالاتك كيتد كجه آرتمسي
 و مثلاً حكايه اوده ايشيدلديكى وجهله غول يبا
 نينك لك اول بر قارشو بويلي وايكى قارشو
 صفاللى برو جود اوله رق كورنديكى حالده
 مؤخرأ اوزانه اوزانه مناره قدر ارتفاع پيدا
 اتمسي قوه و اهمه نك كيتد كجه آرتمسندن نشأت
 ايليوب بالعكس انسان بر كره قوه و اهمه سنده
 غلبه ايتمكه باشلار ايسه قوه مذ كوره برياندى
 اكسيلاه جى كى خيالات و او هام دخی اكسيلاه
 اكسيلاه نورته ده هيچ برشى قالمز . و انسان كند
 يسنك على العاده بولنديغى حاله عودت ايلر .

« کابوس یعنی اغراق باصمق »

الیاف عصبیه اوزرنده جریان و یا خود
تبخیر ایدن عصاره و یا بخار عصبینک کاملاً
قوه و اهمه اوزرنده اجتماعه باشلامسندن
انسانک اویانق اولدیغی زمان بیله کوزلری
اوکنده بویله برطاقم خیالات مدهشدهنک
حقیقت صورتنی المغه باشلامدیغنی مادیات
بدیهیه دن اولق اوزره کوررایسنهک ماهیت
رؤیایه قدر ذهنزه غایت آچیق و فرح بریول
آچیله جغنه شبهه قالورمی ؟ انجق ده اصل
رؤیایه وارمزدن اول قوه و اهمه دنک
بو حکم غریبنی کابوس دینلان اغرلق باصمه
مسئله سنه تطبیق ایتلی یزکه مسئله مذکو-
ره دنک طاعلرده و ایصمنر محالرده خیالات

کورمکه مشابیه کامله سی میدانده در .
 مدقفین حکما اویقوده کابوس دینلان
 حالک وقوعنی معده طولغنه غندن و هضمده کی
 بطا شدن طولایی دماغ اوزرنده ظهوره کلان
 تأثیراته حل ایدر لر . شبهه یوق که بر فنا
 هضمک قان اوزرنده بر بیوک تأثیری اولور .
 یالکز فنا هضمک دکل حتی مسکراتک دخی
 بر تأثیری انکار اولنه من . قانده کی تأثراتک
 ایسه دماغ اوزرنده حکم سوره جکی اندن
 دها زیاده بدیدر . حتی سرخوشلق حا .
 لنده انسانک هر زمانکی اخلاقنه تغیر کله رک
 اولور اولزشی اوزرینه حد تلندیکی و بر
 کره کندیسنی غضبه مغلوب ایدر ایسه
 حدت و غضبی آرتیه آرتیه معاذالله تعالی پک
 بیوک فنا لقری بلا اختیار ارتکاب ایلیه .

جکندن ماعدا شاید ایستد یکی کبی اوروب
 قره من ایسه حدتندن وجودجه دخی بیوک
 بیوک تهلکه لره دوچار اوله جغی تفصیله
 محتاج دکدر . بو حال بر درجه یه قدر معده
 طولغولغنده دخی کوریلور . معده اشتغالات
 هضمیه سیله مشغول ایکن انسانی بر کسل
 کلوب صانکه صبر و تحملی آزالمش کبی
 اولور اولمز شیر جانی صیقمغه باشلار .
 جان صقندیسی ایله بر کرده حدتنه مغلوب
 اولور سه ارتق سر خوشک حالی کبی احواله
 دوچار اولور .

انجق حکیم فورمهی کابوس ایچون
 یالکز شو معده طولغونلغنی دخی سبب او-
 لدرقی ایراد ایده میور که جقی ده واردر . زیرا
 انسان هر نه زمان هضمدن اول او یقویه وا-

ره جق اولسه دائمًا كابوس علتنه مبتلا او-
 لیور . یالکز کابوسه ابتلا همان اغلبی
 اویقو اولارینه تصادف ایدوب بوايسه
 اکثر یا معدۀ نك هنوز هضم ایشنی بتوره مامش
 اولدیغی بر زمان اولدیغندن پك بدیهی و اشکار
 بر حال اولق اوزره ذهنلر دخی فی الحال کابو-
 سك منشیء معدۀ طولغونلغی و سوء هضم
 اولدیغنه انتقال ایلیرلر .

انجق حکیم فورمده ی کابوسك اصل
 سبب دائمیسی سوء هضمدن زیاده قوهء و همیشه
 اولدیغنه قناعت ایلیر . اویقونك ایلک
 حالده هنوز حواس سائرۀ طالغین و درین
 اویقوده اوله رق قوهء حافظه نك محظوظاتی
 و یا خود خارجدن حواس سائرۀ نك آزچوق
 حسیات و القا آتی ایلۀ دماغ مشغول اولمادیغی

زمانلر قوه واهمه نك توهماى ذهنده بيو-
 مكه باشلايور كه بو حال عينيله ايصسز بر
 محله قورقغه باشلايان آدمك حالى اوليور .
 حتى قوه واهمه كرى كى شدت بولديغى
 يعنى انسانى اغرلق دينلان حال كرى كى استيلا
 ايلديكى زمان بو حاله مبتلا اولان بر نائمك
 احوالى تدقيق ايديله جك اولسه ايصسز
 محللرده وهم وخوفه دوچار اولان آدمك مثلاً
 انك دخى بوز كى طونوب قالدیغى كوريليور .
 بوكا هر كس كندى كنديسنه دخى دقت ايد
 بيلور . اوللا اغرلق باصديغى مدت ظرفنده
 رؤيای مده شده كنديسنى دوچار اولمش كور-
 ديكى تهلكه لره قارشو باغرمق ايستمش اولسه
 سسى چيقمديغى وقاچغه طور انسه باجاقلىرى
 يورومديكى والحاضل هر نه شئيئه تشبث

ایسته عاجز قالدیغی کبی اویقودن اویاندیغی
 زمان بیله بر مدت قورقوسندن طولایی یرندن
 بیله قلده میور • نفس بیله اله میور •
 نهایت نهدن صکره قوه و اهمیت سنده غلبه
 ایلدیکی زمان بر کنیش نفس الهرق استراحت
 بولیور •

اویانقلق حالنده انسان نه قدر ایصسر
 یرلرده بولنورسه بولنسون حواس ظاهره
 و باطنه سی بر چوق شیرایله مشغول اولهرق
 قوه و اهمیت یه پکده کنیش بر میدان قالدیغی
 در کار ایکن ینده و همه جزو یجه مغلوبیت
 اویانقلق زمانک کابوسی اطلاقه شایان
 اولان بر طاق خیالاته وجود ویردیکنه
 دقت اولنوب و اهمیت ویریلوبده برده
 اویقو زمانده ذاتاً حواسک بر چوغی

سکونته و اردقلى و بناء عليه و همنك ايتد.
يكي قدر انبساطند ذاتا براستعداد تام موجود
بولنديغى پيش نظر دفته النور ايسه كابوسك
و همدن بشقه هيچ برشى اولديغنى انسان
بر پداهت صورتيله كورر و او يله جه قبول
ايدر .

دقت ايدلمشدر كه كابوس اكثريا كوچك
چو جقلرده كور يلور . نه دن ؟ چونكه
اعصابنده هنوز متانت مطلوبه موجود
اوليوب هر شيدن و حتى كندى و همدن بيله
قورقار . اعصابى هنوز متين اولميان و بناء عليه
كندى و همدن بيله قورقان چو جقلرى انامى
باباسى اقرباسى فضله اوله رق برده « او مباحى »
وسائر ايله قورقومتى نه قدر تهلكه لى و مد .
هش اولديغنى بيلسه لر ايدى بوندن زياده سيله

حذر ایدرلر ایدی . کوچک چوجقلرک
همان هر کچه کابوسلاردن قورتیله مامسی
خصوصنده ایشته اقباسنک شوخافه لرینک
میولک برتاثری اولوب انلر بالعکس چوجقلره
متانت عصبیه و بجک سوزلر سولیدر که
کابوسلره قارشو برکوزل تدبیر اولمقدن زیاده
اویاتقلق زمالر نده کی خوف و وحشتلر نده قارشو
دخی تدبیر اولسون ، زیرا کیرلک اویقوده
کیرلک حال بیداریده چوجقلرک وحشت و همیه دن
طولای هلاک درجه سننده نخستد لعلره
اوغرادقلری پلک چوقی واقعدر .

کذلک دقت اولمشدر که کابوس اکثر یا
قورقاق اولان آدملر ده کوریلوب فیکراً
ووجوداً متین اوله رق شجاعت و بسالت
اربابندن اولان آدملر ده همان هیج واقع اولمز .

زیرا بونلر و هملرینه دکل بلکه ماده موجود
اولان مهالک جسمانییه قارشو بیله مغلوب
اولدقلرندن ایلک اویقولرنده نه و همه نه
دهشته قایلقسزین تام حیوان کبی درین درین
• اویورلر •

حالت کابوس اساساً قوه واهمهیه
عطف واسناد ایدلکله برابر قوه حافظه نکل
بونده دخلی یک آز کور یلیور • زیرا قوه
حافظه انسانی اور کوته جک اولسه
یکمش بلالرا بریسنی اخطارایله اور کوتمی
لازم کلوب حالبوکه انسان هر نه قدر اویقوده
دخی اولسه ینه یکمش بلیاتک ارتق چکوب
کیمش و حکمی بتمش اولدیغنی در خاطرله
اوله کابوسه دوچار اوله جق درجه لده
کندیسنی دهشت استیلا ایتیمور • انجق

رؤیا خصوصاً کیهانیه و حکم قوه حافظه ده
اولیاً برابری قوه و اهمیت آن ده رؤیا مسئله سنده
دخی بر یوک دخی کوریلور که کیفیت بو
جهت سنده محتاج اولدیغیمز ایضاحات بوجه
آتی علی العاده رؤیا بحسب کوریلور جکدر :

بحث ۴

« علی العاده رؤیا »

قوای حاسه عصبیه ایلر اکیال استعداد
ایلیه رک محسوساتی اخذ و تلقی ایلیان اعضا-
نک شو خدمت فیزیولوژیکیه سی مسئله -
سندره بر نازک بحث وارد در که او بحث حق سنده
ذهنه کوزجه یرلشه جک بر حکم اندیغی
حاله رؤیا مسئله سی دخی خیالات و کابوس
مسئله سی قدر بر ساده لک پیدا ایدرک تفهیمی
آسان اولور .

بحث شودر: کورن شی کوزمز میدر؟
 یوقسه روحز ودها فنی تعبیرینه کوره دما.
 غزمیدر؟ شبهه یوق که بتون ذهنلر درحال
 کورن شیئک کوزمز وایشیدن شیئک قولاً.
 غمز اولدینغه انتقال ایدرلر، حتی کوزلر.
 مزى قیاینجه کورمدنکمز و قولاً قلمزى
 طیفه یمنجه ایشتمدنکمز دخی برهان مادی و ظاهراً
 هری اولق اوزره درمیان اولور.

شوقدر که تدقیقات فنیلهری اوزرینه
 تعمیقات ملاحظهیه کیریشنلر کورنده
 ایشیدنده هرشیئی یاپان جانمز یاخود قوه
 دماغیه مز اولدیغنه قناعت ایلورلر، کوز
 دینلان شی محسوسات، بصریه نك یینه کیره.
 جکی دلیک اولوب یوقسه اصل کورن شی
 دماغدر، واقعاً کوزى یومنجه و یاخود

کوزه برخلل کلنجه دماغزك هيچ برشی کوره.
 مدیکی واقع اولیور ایسه ده محسوسات
 بصريه نك کیره جکی دلیك دکل برقاره نك
 کیره جکی دلیك دخی بوزیلور و طیقانور
 ایسه دخول متعسر اوله جغی آشکاردر .
 حالبوکه بعض کسه لر کوزلری اچیق اوله رق
 او یودقلری حالده کوزلری نیچون کور میور ؟
 چونکه او زمان دماغلری اویقوده درده
 دماغلری کور مدیکی ایچون کوزلری دخی
 کور میور . حالبوکه دماغك رؤیایی کور -
 می ایچون کوزلرک قیالی بولنملری دخی مانع
 اولیور .

نه حاجت؟ وهم عالنده کوز او کسنده
 هيچ برشی بولنمدیغی حالده انسان غول یانیلر
 کور میور . عجبا غول یانیلری آکدیره جق

برشی وارد کرده کوز آنیمی کوریور؟ هیات!
 اورته ده هیچ برشی یوقدز که کوز آنی کور-
 سون • بلکه هردهشت هر هیبت دماغده
 موجود اولدیغندن اورته ده کی غوللری
 پکیلری کدیلری فلانلری ده هب دماغ کو-
 ریور •

ایمدی کوزی آچیق اویویان آدم کور-
 مدیکی و کوزی آچیق اولمقله برابر اوکنده
 هیچ برشی بولنمیان آدمک برچوق شیلر کور-
 دیکی نظر محمد اکه ده جمع ایدیلنجه در حال
 تبین ایدیور که دماغ کورمک خصوصه منده
 یالکز کوزلرک کندیسنه نقل ایلدیکی شیلری
 دکل کندی توهماتی دخی عین واقع کبی
 کوریور • حتی بین النوم والیقظه دینلان
 زمان که انسانک هنوز اویقویه وارمقدمه

اولدیغی زمان ایله برده هنوز اویقودن اویا -
 نمقده اولدیغی زمانلردر بوزمانلرده انسان
 کندی حالی او حالده کی ضعف افکار یله برابر
 بلله یه بیلدیکی درجه ده اوله رق مؤخرأ نظر
 تدقیقه السه کوز او کنده وجودی بولنمیان
 شیلرک دماغ او کنده نصل تجسم ایدوب
 کورندیکنی تقدیر ایله بیلور . هر کسه
 واقع اولور که هنوز تمامیه اویومدیغی
 و اویانق بولنانلرک صدالرینی و کورلتیلرینی
 ایشیدوب یاتدیغی حالده کوزلری
 دها طوغریسی دماغی او کنده برطاقم صو -
 رتلر تجسم ایتکه باشلامشدر . هله صبا -
 حعلری اویقودن تمامیه اویانمزدن اول بو حال
 دها باهر اوله رق واقع اولور . زیرا اقشا -
 ملری اویقویه و اریلور ایکن انسان کیتدکجه
 کندیسنی غیب ایلدیکندن مشاهدات و تقد -

ده سنی در حال اونو تور • صباحلری ایسه
انسان کیتد کجه کندیسنی طو یلامقده بولند.
یعنی جهته بویله نیم اویانق ونیم اویقوده کی
حالی ده اعیان بیان کورر •

اوله ایسه اصلا و قطعاً شبهه ایتیه رک
قبول و حکم ایده جکز که علی العاده رؤیا
دینلان شی قوه حافظه ده موجود اولان
شیلرک اویقوده یعنی ذهن محسوسات خار.
جیه ایله کندیسنه سرمایه اشتغال بوله دیغی
زمانلرده بالتجسم حقیقت صورتی المسندن
عبارتدر • حتی یالکز محفوظات دماغیه
دکل توهمات دماغیه دخی تجسم ایدرک رؤیا
تشکیل ایده یلور • بو حالده وفات ایدن
اقرابی و یا خود دوستلری رؤیاده کورمک
و یا خود اولجه سیاحت و زیارت ایدلش

اولان محاوره تکرار کیدمک کبی ماضی به
متعلق اولان مشهودات نومیه قوه حافظه نك
تجلیاتندن عبارت اولوب هیچ کورمدیکی
آدمر ایله هیچ عقلنه بیله کلیان صورتلره
معاملاتده بولندیغنی کورمک ایسه توههمات
دماغیه آثارنددر .

توههمات دماغیه نك تأثیراتنی ال اول
کابوس بحشده کورمش و بونک پک دهشتلی
برشی اولدیغنی تسلیم ایش بولندیغمزه کوره
بوراده توههمات مذ کوره نك رؤیا بحشده
صورت دخولیه ذهنزی شاشر تماملی یز .
وهم یا الکز دهشتلی شیلره مخصوص دکدر .
او هامک برحق صور حسنه سی دخی او .
لور . « مانخولیا » دینلان شی نصل
خاطر دن چیتسار یلور که شاعر دنیاده ال

بیوک بختیار لغنی بوندن عبارت بوله رقی :

ذکاتی یوق ضرر ایتمز تو کمز اکسیلز

اولور می عاشقه خلیا کی نصاب فرح

دیش . ایشته کیجه یئاغمزه کیروب ده مشغولیت

یومیه مزی بر طرف ایلد کدن صکره تا او یقو

زمانه قدر کندیمز ایچون خلیا ایتدی کمز کوزل

کوزل مسعودیتلر دخی توهمات دماغیه دندر

که بونلرک بعض کره بزه رؤیا اوله رقی دخی

ماده کورنملری البته دها بیوک بر مسعودیتدر .

اول کوزل رؤیالر کیمک ایچون نادر اوله

بیلور که انسان او یقودن او یاندیغی زمان او

رؤیالری غیب ایده جکنه بالتأسف تکرار

ز کولرینی یومره رقی بر چوق مدت دها او یانما

مغه چالیشور . هله کندی نفسمزده او یله

رؤیالر واقع اولدیغنی تخطر ایدرز که عمر مزک

الى نهايه شو رؤيا حالنده كچمسنى دخی تخطر
 ايتشزدر
 رؤيانك زمان و صورت و قوعى حقنده
 انسان نه قدر ملاحظه ايتسه به بونك محضا
 قوه حافظه و قوه و اهمه آثارندن اولديغنى
 برقاتدها ايضاح و تأييد ايليان احوالدين بشقه
 هيچ برمانعه تصادف ايتمز . اولا رؤيانك
 اويقو اولنده كورليوب بلكه اويقو صو -
 كلرنده كورلديكنى نظر تدقيقه اللهم: بونه دن
 اقتضا ايدر؟ شبهه يوق كه اويقو اولى دينلان
 زمان عصاره عصبه نك تو كمش و دماغه
 كسل كمش اولديغنى وقت اولوب بوزمانده
 دماغك بعض جزؤياتى تجسم ايتديره سنى
 دخی انسان اونو تور كيدر . شونسياننه ايسه
 « رؤيا كور ماملك » حكيمى ويريلوب اكر

بعض رؤیای کوردیکی فقط کوردیکی شیلر
نه دن عبارت اولدیغنه دائر ذهننده پک آز برشی
قالدیغنی انسان تخطر ایدرایسه او حالده دخی
کندیسنه کوردیکی رؤیایی بلله یه مامک کبی
بر افتزاده بولنور . اما وجود عصاره
عصبیه یی یکیدن جمع ایدرک ذهن دیکلمش
بر حالده بولنجه تجلیات واقعیه یی تمامیه
بلر . زیرا دقت اولنه جق احوال دندر که
یوریلان انسانک اک اول دماغی یوریلوب
اویقو احتیاجنی دخی اک اول دماغ حس
ایلدیکی وسائر اعضا صکره دن بو حاله دوچار
اولدیغنی کبی اویانقلق زماننده دخی اک اول
ذهن اویانوب وجودک اعضای سائر هسی
اندن صکره اویانمغه باشلار .
بوندن صکره هر کسک رؤیایی کندی

قابلیت فکریه سنه کوره اولدیغنه دخی دقت
ایتملیدر که رؤیانک مجرد قوهٔ حافظه وواشمه
آثارینک دماغ اوکنده تجلیسنندن عبارت
اولدیغنی بوده الکی زیاده اثبات ایلر . بر
پاچا وراجی ویاخود بر بیچاق بیله یچی هیچ بر
زمان رؤیاسنده کندیسنی بر دیپلومات اولمش
وبرقونفرانسنده دول سساره دیپلوماتلریله
معاهدات دولیه بخشه کیر شمش اولدیغنی
کورمانشدر و کورمسی ده متصور دکادر .
زیرا او آدمک قوهٔ حافظه سنده بویله برخاطره
محفوظ اولدیغنی کی قوهٔ مفکره سی دخی بو
یولده خلیالرده بولنه من .

بزکندی نفسمزده تجربیه ایتدک که بلیه
نفسیه دوچار اولدیغمز زمانه قدر رؤیامزده
حال محبوسیتی اصلا کورمانش ایکن زندان

نشین اولدیغیز مدت محبسدن چیقدیغیزی
 فرار ایلدیگیزی وینه طوتیلوب حبس اولند.
 یغیزی والاصل هب محبوسیت حالنه دائر
 شیلری کورمکه باشلامش-یدق . سبی ؟
 چونکه اوزمانه قدر قوه حافظه مزده بو
 احواله دائر هیچ رشی بولندیگی کی قوه
 واهمه مز دخی انلری وهم ایتز ایکن اندن
 صکره بوتخیلات باش کوسترمشدر .

رؤیاده کتاب او قومق شعر سو یلک
 ومعادلات جبرییه حل ایتک کی حاللردخی
 وقوعه کلور . عجبا بوایشلر ایله اشتغال
 ایتیانلر رؤیاده مثلا شعر سویلیه یلورلری ؟
 ذهننه « مستغلاتن » اولچولری هیچ تبادر
 ایتیان آدلره بو حال نصل واقع اولسون ؟
 ایکی کره ایکیکنک اون سکزمی یکرهی درتمی

ایده جگنی اصلا دوش و نماش اولانر حل
 معادله یی رؤیاسنده نصل کورسون؟ واقعا
 انسان بعض رویالر کورر که « عتله بیله
 کلدیکی یوقدر » دیه اظهار حیرت ایدر .
 انجق او کوردیکی شیر عقلنه بیله کلدیکی
 اولیان شیردن بولنقله برابر هر حالده کند
 قوه و اهمه سی اوشیلری توهم ایتکه قابل
 اوله بیله جک بر استعداده در . مثلا شو
 فقره مزی او قویان افندی دواثر حکومتدن
 بر یسنده مأمور اولوب فکری یولنده
 و حسیاتی درجه لازمده سنده اولدیغندن کند
 یسنی رؤیاده اول قدر شاعرانه بر حالده
 کورر که فی الواقع بیدار بولندیغی زمان
 ایچون بویله بر حال عقلنه بیله کلامشدر .
 انجق قوه و اهمه سی نه زمان ایستمش اولسه

بویله برحالی کندیسنه توهم ایتدیره بیلور .
 عجبا اودات رؤیا سنده هیچ کندیسنی دکرک
 دیننده وایکی قیا ارم سنده صقشوب قالمش
 برحالده کور مشیدر ؟ نه ممکن ! بورؤیا سو -
 نکر طالشجلمری طرفندن هر زمان کوریلور .
 اما بوندن صکره اوافسدی کندیسنی دکرک
 دیننده ایکی قیا ارم سنده قالمش کورر ایسه
 استغراب ایتاملیدر . زیرا بویله بر کتاب
 صحیفه سنده بر کردهجک او قودینگی شی بیله
 اکر بحق نظر دقتی جلب ایلش ایسه قوه
 حافظه انی حفظ ایدرک بالآخره قوه واهمه
 دخی او یولده شیلر توهمه باشلار .
 رؤیا نك بورایه قدر ایضاح ایلدیگمز
 صورتنه « علی العاده رؤیا » سرلوحه سنی
 یازمشیدق . زیرا بوندن ماعدا رؤیا نك برده

صافیسی و صادق اولور که بزم کبی افکار
 مشوشه اربانه یکه ده میسر اولیوب اصل
 صفوت قلب و وجدان اربابی اولان ذوات
 کرامه مخصوصدر ۰ اصل تعبیری لازم
 کلان رویالر دخی انلر اولدیغندن بحشمزی
 برارده اوجمهته نقل ایدلم ۰
 بحث ۵

« صافی و صادق رؤیا »

رؤیانک « قوه حافظه ده موجود اولان
 محفوظاتک مشاغل خارجییه حین نومده منقطع
 اولدیغی زمان ایشسز قالان و حالبوکه
 ایشسز قلمسی اصلا شانندن اولیان قوه
 مفکره دماغیه اوکنده تجسم ایشسندن
 عبارت ۰ اولدیغنه کوره هر رؤیا مطلقا
 ماضیه متعلق اوله جغی و کذلک قوه

واهمه نك هيچ يوقدن توهم ايلديكي شيلر
 دخی عين رؤيا اوله يوقی ذهني حال منامده اشغال
 ايليسه چكنه كوره بونوع رويالرك دخی هر
 حالده انلری كورنلرك استعداد وقابليت
 مخصوصه لرندن خلاصه كي برشیدن عبارت
 بولنه جفی حکمان پك چوقلرينی صافی وصا.
 دق رؤيا ايله احلام واصغات ارمسنده هيچ
 بر كونه فرق آرانلامسی جهتنه سوق المشدرد.
 انجق بومسئله ده حكماي اسلاميه انلره تقدم
 وتفوق ايدرك رؤيانك صافی وصادقنی
 اصغات واحلامدن تفريق ايلدكلری كي
 اورويا حكماسنك دخی بحث ايلدكلری بر
 طاقم اساس فنيه واردر كه بوبابده حكماي
 اسلاميه نك نتیجه تدقیقاتنی تصویب ایلکده.
 در . ايمدی حكماي اسلاميه نك رؤياي

صادقه دن عدايدرك بعض مشاهير معتبرينك
 تعبير لرنجه اكثر يا صدق دخی تحقق ايليان
 رؤيا لری ديكر مشهودات مناميه دن تفريق
 ايچون اول باول اوروينا حکما سنك بحث
 ايله كلری بر ماده مخصوصه فيرنیولوژیقيه
 در میان ايلك لازم كليور .

بوماده مخصوصه فيرنیولوژی ايله
 اشتغال ايليان حکمانك بالاتحاد اعصاب
 وعصاره عصبیه و بخار عصبیه اسناد
 ايله كلری و « سانتیمان » ديد كلری حسك
 دخی فوقنده اولان واكثر يا « اسپريتو
 آليست » يعنی روحانيونك و بر درجهيه
 قدر ماديونك تدقيقات فيرنیولوژی هنكامنده
 « پره سانتیمان » يعنی « حس قبل الوقوع »
 دینلان قوه حاسه بشریه يا خود عصبیه در .

اشبو حسیات متقدمه نك وجودینی تمامیلہ
قبول و تمامیلہ انكار دخی ایدہ میان بعض ار باب
تدقیق و اقعابعض کره انسانده برحس درون
حاصل اوله رق بر مادهء مستقبله نك پیدا ایدہ -
جکنی وهم ایلدیکی صورتك کنن دیسنی
محزون ایلیه جك بر صورت اوله حغنی کو یا
اولدن خبر المش کی دها اورته یرده
هیج برشی یوق ایکن محزون اولغه باشلا دیغنی
وفی الواقع اوشیئك دخی موجب حزن اوله -
جق بر صورت الدیغنی اقرار ایلیه رك شو -
قدر که بو حسیات متقدمه نك نه کی احوال
فیر نیولوژیقیه دن نشأت ایلدیکی مجهول
اولدیغنی و باخه وص بو حالت هر زمان واقع
اولیوب پك نادر اوله رق واقع اولسنه نظراً
بوابده تدقیقات جدیده اجر اسیله تابع اولدیغنی

قانون طبیعی بی ظاهره چیقارمق ممکن اوله -
 میسه جغنی در میان ایدر لر و بو صورتله بحثی
 قیصه کسر لر . حکم اادن بر طاقی ایسه
 حسیات متقدمه بی یالکز مادیاتده اولوق اوزره
 قبول ایدرک بومادیات ایسه مثلا روماتیر -
 مه سی اولنلرک هوا بوزوله جغنی دها وقو -
 عندن اول بعض آغر یلردن حس ایتسی کی
 شیر اولدیغنی و بودخی محضا احوال نسیمه نك
 اعصاب اوزرنده تأثیری بولنمسنندن نشأت
 ایتدیکنی حکم ایلر لر . حسیات متقدمه بی
 قبول ایدن ار باب تدقیق ایسه انسانك
 یالکز کندیسنه عائد اولان خصوصاتجه
 دکل حتی پک سودیکی احبابنه و یا خود
 پک نفرت ایلدیکی اعداسنه متعلق خصوص -
 صات ایچون دخی حسیات متقدمه ده

یوانه بیله جگنی و بولندیغنی قبول ایدوب
 دیرلر کله بشقه رینه واقع اوله جتی خصوصات
 دخی انسانه اسف و کدرو یاخود ممنونیت
 و سرورویره جک اولدیغنه کوره خصوصات
 مذکوره عینله گندیسنه واقع اولیورمش
 کبی حسیات مقدمه سی میانه داخل اوله .
 یلور .

بوصورتی قبول ایدن مدقین توضیح
 مسئله امرنده برطاق احوال دقیقه نک شر .
 حنه دخی کیر شمکده اولوبا کرچه احوال
 مذکوره بی اثبات ایچون هنوز فنون مثبتہ نک
 قوتی درجه کفایه ده دکل ایسه ده ایضاحات
 واقعہ بالکلیه بوش شیردن اولدیغنی انسان
 کندی نفسنده واقع اولان برطاق حسیات
 مقدمه ایله دخی حکم ایده یلور .

حکمای مومنی الیهام روایتلرینه کوره
 بخار عصبیده بر استعداددها وار ایش که
 کائناتی طولدیر مقده بولنان بر قوه عمومیه
 مقناطیسیه ایله او استعدادک مناسبت قریبه -
 سی وار ایش • هر انسانده موجود اولان
 حس تمایل و حس تنافر دخی بو استعداددن
 نشئت الیمکده ایش • مثلاً بر آدمی ایلمک دفعه
 اوله رق کورسه کز و فقط هنوز هیچ بر سو -
 زینی ایشتمه کزو او ادمک سوبله بیله جک بر
 ادم اولوب اولمادیغنی دخی اکلامسه کز او
 او ادم حقنده ینه سزده بر استعداد تمایل و یا
 خود تنافر حاصل اولمقده در که ایشتمه بوده
 بر نوع حس مقدم عد اولمقده در • زیر اسو -
 میه جککزی و یا خود سو جککزی هنوز
 بیلمدیک کز حالده قبل الوقوع حس ایتمکده -

سکز . طالبوکه « بوا دی سویلی بولدم »
 دیدیککز کی « کورونشه نظراً شواشی ده
 خیر اوله جق دیه امید ایتیمورم . بواشدن
 ایچیم اورکیور . یورکم قورقیور » کی
 سوزلر دخی سویلنیورکه بوسوزلر مطلقاً
 درونده برشیلر حسن اولندیغی ایچون سو -
 یلنیور . ایشته انسانده بو حسیاتی تولید
 ایدن شی قوهٔ عمومیة مقناطیسیه نک اعصاب
 اوزرنده کی بخار ایله مظنون بولنان مناسبتی
 ایمیش

تلغراف تلاری و الکتریق ماکنه لری
 اوزرنده وجودینی آثار باهره سیله کورمکده
 بولندیغمز قوهٔ الکتریقیه بیله هنوز ماهیت
 حقیقیه سی حقنده اجرای تدقیقاته مساعد اوله -
 جق قدرالده موجود برشی عداو لنمدیغی حالده

کائناتی طولدیران قوهٔ عمومیهٔ مقناطیسیهٔ ناک
 یالکز « پوصله » دینلوب دائما براوجی شمال
 یلدرینه متوجه بولسان الت اوزرنده کی
 تأثیرات جزؤ یه سیله تدقیقات کلیه سنه کیر -
 یشمک ممکن اوله میه جغی مناسبتیه شو بخار
 عصبیٔ بشرینک اوقوهٔ عمومیهٔ مقناطیسیه
 ایله مناسبتنی نه درجه لره قدر قارئر یمزک
 حسن تلقی ایدم بیله جککزینی بیله میر °
 واقعا مؤلفین معاصریندن مشهور فیکیه ناک
 بومسئله یی شرح ایچسون درمیان ایلدیکی
 ایضاحات دقیقه یک مهم شیلر ایه ده هر حالده
 انلرک دخی حسن تلقی و قبولی ذهنلری براز
 زور لامغه و جبر ایتکه وابسته قالیور . انجق
 شوراسی محققدرکه میدانده هیچ برشی یوق
 ایکن انسانک کوکانه بر حزن دوشمکدن

بالاخره موجب کدر اوله جق بر حال ظهوره
 کلدیکی کبی عکس قضیه یعنی بر نشئه متقد -
 مه دن بالاخره انسانی نشئه نندیره جک شیلر
 دخی ظهوره کلیور . حتی بروالدتهک مثلا
 طشهرده بولسان اوغلی حقنده مر اقلنغه
 باشلامسی اغلی اصلسنز چیقمدیغی تجربه
 اولنمقده دو .

اشبو حسیات متقدمه مطلقا اعصابک
 بر نوع تأثرندن نشأت ایلدیکنی بعض کیمسه لر
 « سکیرمک » تعبیر اولندیغی اوزره ایکی
 کوزدن بر یسنک و یا خود سائر بر عضولحر
 کت ایتسندن احسوال مستقبله جه احکام
 چیقارمقله دخی حکم ایدر لر . غیبی جناب
 حقندن بشقه هیچ بر کیمسه نک بیلیمه جکی اعتقا
 دندن آیرماقلفمز اصلا ممکن اولمادیغی جهته

اوله کوز سکیرمه سندن و صائر مدن بر موجب
مفردات معنای حقیقار مسنه اینانه من ایسه .
کده حسیات مقدمه دن تأسّف و یا ممنونیت
کبی بعض احوالک اولدن احساس اید .
لدیکنی نفسمزده پک چوق تجربه ایلش
اولدیفمز کبی طانیدیفمز آدم لرحه دخی پک
چوق تجربه لریمز بونی بزه اثبات ایلشدر .
اتیق بواحتساسات مقدمه دن مفردات وجهله
واضح اوله رق معنا استخراج اولنه بیله جکنی
تصدیقّه احتمالز یوقدر .

یا لکز شونی تمامیه تسلیم ایدرز که بزم
کبی حسیات مشوشه ار بابنک اوزرنده پک
جزوی حکم کوسترن شو حال قلب سلیم و طبع
مستقیم ار بابنک اوزرنده البته دهها پارلاق
حکیم کوستره یلور . باخصوصی که بزم

حال بیدار یزده کی تشویش حال و بالز حال
 منامده بر درجه قدر اولسون مبدل صفوت
 اولدیغی حالدہ ذاتاً تزکیہ ذات و تصفیہ قلب
 ایتمش اولان کبارک حال منامده کی صفوتلری
 بر قاتدها آرتہ جغندن و کافہ حسیات عصبیه
 ایسه وجودک استراحت و فکرک جیادتی
 زمانده دهاز یاده متجلی اوله جغندن ایشته اوله
 مکلینک رؤ یا لرنده حال بیدار یلر ینک حسیات
 متقدمه سی بر قاتدها باهرو متجلی اوله ررق قوه
 مفکره دماغیه لری اوکنده جلوہ نما اوله جغنی
 ذهنلرک بلام مانده قبول ایتلری لازم کلور
 شوقدر که هر کس کند سنی بو ارباب صفوتدن
 اعتقاد ایدر و معبر کچینمک ایستیانلرک کافه سنی
 دخی بو علمده حضرت یوسف علیه السلامه
 وارث ظنده بولنور ایسه التهابات دماغیه

آتری اولان رؤ یاری دخی صادق رؤ یالرا اولمق
اوزده بر طاقم جهلایه تعبیر ایتدیره ایتدیره
یا کولنج بر ظنون باطله اربابی اولور قالور
و یا خود بالاخره رؤ یالردن هیچ بر یسی صحیح
چیقمینجه بو حسن اعتقادینه دخی خلل
کلور .

رؤ یای صادق ایچون انسانک مسکرات
ایله قوه دماغیه سنی تشویش ایتامش و کثرت
طعام و سوء هضم ایله بوندن دها فنا صدمات
دمویه و دماغیه یه یول اچامش و بعض
مصالح ایله کثرت اشتغالندن طولایی اویقوده
اویانقلقده ذهنی هب او نقطه اشتغاله حصر
ایتامش بولمق کبی بر طاقم شرائط مادیه ایله
ذهناً و قلباً صفوت و خالصیت مثالو شرائط
معنویه نك دخی مکملیتی لازم کلور . بو خالده

بيله تعبير رؤيا اويلاه هر نادانه ميسر اوله جقي
فضائلدن اولديغنه تعبير رؤيا حقنده كي
فقرة آتیه نك حاوی اولديغی ایضا حات
دلالت ایلر .

بحث ۶

« تعبير رؤيا »

اگر قوجه قایلرک رؤيا تعبير ايديشلر نه
جداً اينانور ايسه کز حقیقه بختيار سکز .
زیرا رؤيا لر يککز هيچ بریسی قدا تعبير اولمز .
عربه کور رسه کز تیرلک و نجاست کور رسه .
کز زنيکینلک کي تفسير لردن طو تدیره رق
او قدر موافق تعبير ايدر لر که هر حالده خو
شکزه کيدر . هله معبر لکله مشهور اولان
بعض افنديلرک دخی رؤيا کورن آدمک حال
وشانه کوره استخراجات دکا تیه ده بولنلری

تعبیر رؤیا کبی احتمالات نازکه فنیه سی دآره.
 منده اوله رق طبیعت بشریه نك ال شاعرانه
 اولان تحسسات بشریه یی اکر اخلاص ایده.
 جك اولور ایسه حقیقه تأسفلر ایدلملیدر .
 اعتقاد عاجزانه مزه قالورسه انسان کندی
 کوردیکی رؤیایی ینه کندیسی تعبیر ایتلی .
 زیرا رؤیای صادق حس متقدم تحسسیاتنك
 صفوت ذات و قلب درجه سنه کوره عالم
 منامده قوه مفکره دماغیه اوکنده صافی
 و تجلی اوله رق تعین ایتمنندن عبارت او.
 لمقن بشقه بر صورتله تلق فنا قابل اوله میوب
 او حالده حس مذکورک صاحبی رؤیایی کورن
 انسانك کندیسی اولدیغنه کوره رؤیانك دلا.
 لت شاعرانه سی قدر کندی تحسسات درونی
 دخی تعبیر رؤیاده کندیسنه یار دیم ایلر .

بو بحشده ایکی دفعه اولیـ سورکه « شا -
 عریت » تعبیری استعمال ایلئورز . اکر
 قارئلریمز بوشاعریتده « مستفعلاتن مستفعلاتن »
 اوزانه سوز اویدیرمقدن عبارت اولان
 شاعریت معناسی ویررلر ایسه بزم اکلایمق
 ایستدیکمز شی ایله انرك اکلایمق ایستدکاری
 شی اره سنده طاغیر بالقانلر قدر فرق اوله -
 جغنه شبهه قالمز . انجق قارئلریمزک بوتعبیری
 نه جهتدن استعمال ایلدیکمز تقدیر بیوره -
 رق بشقه درلو تعبیر ایلمه مامش اولماق غمز
 ده بزی معذور کوره جکاربینی ده امید ایلرز .
 طبیعت بشریه رؤیای صادقیه ی ویا -
 خود صفوتجه اکا قریب اولان رؤیاییمزی
 اوله بر صورتده ترتیب وارائه ایلئورکه اکر
 اورؤیایی بر لوحه ایتسه ارده برمدقق مفكر

کوزی او کنه قوینسه لر البته لوحه مذکو-
 رده دن بر چوق معنای استخراج ایده بیلور که
 بو حالد لوحه مذکو ره « پک شاعرانه
 تصویر اولمش » دینله بیلیر . انسانه بر ما-
 موریت توجیهنه مقتدر اولان بر بیوک ذاتک
 مثلاً بر خلعت کیدیرمی و یا خود بر قلیج قو-
 شاتمی کی رؤیا لر ده کی معنا پک ساده قالور
 ده بونی هر کس تعبیر ایده بیلور . زیرا او
 ادمه خلعت کیدر مک بر موقع ممتاز تعیین
 ایتک معناسنه صراحة دلالت ایده جکی کی
 بلنه قلیج قوشاتمق دخی بر قوت ویر مک
 معناسنه صراحة و بداهة دلالت ایدر .
 انجق کندی مزده واقع اولان بر رؤیاده کی شاه
 عربیت بوندن دها نازک و مفهومی دخی بوندن
 دها مهردر . شویله که : مطبعه مزک بک او-

غلنده حاچوپولو چارشوسنده اولدیغی زمان
 کیجه رؤیاده مطبعه یه ککنوب موجود اولان
 اویچ ماکنده میانده یکی مبیعه ایلدلسندن طو
 لایی زیاده سویلان بیوک ماکنده اول قدر
 سرعت و کورلتیلی بر صورت ایله ایشلر کی
 کورلدی که ماکنه نك بو سرعتیه و بو قدر
 صدمه یه تحملی ممکن اوله میه جـ غندن همان
 قرلسندن خوف اولندی . بواره لق برده
 « وولان » دینلان و ماکنه نك محوری یانه
 ربط اولنه رق قوت ویرمکه مخصوص اولان
 بیوک تیمور چرخ همان محوزندن چیقهرق
 چوجقلرک چنبر تکرلدکلری کی تکرلنوب
 بر واسع اووه یه طوغری شمدوفر کی سر
 عتله چیقوب کیتسونمی ؟ اوآنده اویقودن
 اویانلدقه درونمزی بر حزن استیلا ایلدی .

شور و یایی بر در لو خیره یوره مدق . ما کنه یی
 بزم طولاب مشغولیتزه دلالت ایتدیروب
 آقا قوت ویرن وولان دخی محرر عاجز اولق
 اولق اوزره تعبیر ایدلدی . ورؤیانک صو-
 رت ترکیبندن وفاتمزک تقریبی تیقن اولندی
 اینسه ده بویله بر معنا اکلایشیله بیلک ایچون
 وولانک قریلمسی لازم کلور ایدی . مع هذا
 رؤیانک صورت ترکیبیه برابر حسیات متقد-
 مه من دخی پک فنا اولدیغندن یا اولوم ویا-
 خود اولوم نسبتبنده بر بلایه انتظار لازم
 کلدی . مکر قدرده نفی وار ایمش . اوچ
 آی صکره ما کنه نک وولانی مشابه سنده
 اولان محرر عاجز قضای نفیه اوغرادى .
 احبادن ذکا و فطانتنه اعتماد مزله برابر
 تبعات شتاسنی دخی تقدیر ایلدیکمز بر ذاته

شواثر ناچیرك بعض محلری قرائت اولنه -
 رق مطالعه سی دخی صورلد قدده بعض محلرینك
 زیاده جه تحسینیه شوقز تزید و بعض محلری
 ایچون تعدیل و تصحیح یولنده مطالعات
 مرشدانه لریله استفاده من تکثیر اولدیغی
 صروده تعبیر رؤیا خصوصنده دخی بر مثال
 اولمق اوزره شو فقره یی سویلدی که حقیقه
 رؤیالرك صورت پذیر اولسنده کی شاعریتك
 اك نازکلرندن بریسی اولدیغی تعبیریه دخی
 تقدیر اولنه بیلور :

ادمك بریسی رؤیاسنده کورمش که بتون
 بنی آدمك آلات تناسلنی استعمال طبعیسنندن
 منع ایچون قطع ایشلش • بو قدر غریب بر
 رؤیانك وهمه و یاخود قوه حافظه یه تعلق
 اده میه جـکی درکاردر • حالوکه رؤیایی

کورن ذات صلحادن اوله رق رؤیاسنی کندى
 دخى مراق ایلدیکندن بر قاج معبره مراجعت
 ایتیش ایسه ده بر درلو تاویل رؤیایه موفق
 اوله مامشیر . بر اوزاق مملکتده غایت ماهر
 بر معبر خبر الهرق بیچاره ادجکیز اورایه قدر
 کیتیش . رؤیاسنی حکایه ایلدکده معبر افندی
 کوله رک دیمش که « غالباً صنعتکیز مؤذناک
 اولمیدر » صاحب رؤیادن « اوت ! » جوابنی
 النجه « اویله ایسه مراق ایتیکیز . وقت
 امساک حلولندن اول اهل ایمانه امساکى
 اعلان ایتیشکیز . اوساعتده دخى کندیلری
 ایچون حلال اولان تقرب نسوانى منع ایتد-
 یککیز ایچون سزه رؤیاده بویله بر اشارت واقع
 اولمش « نه نازک معنا ! نه شاعرانه تعبیر !
 ایشته طبع بشرده کی استعداد کوره

رؤیایر ایچنده بو قدر و بوندن دها پک چوق
 زیاده شاعرانه ترتیب اولمش شیلر بولنوب
 اصل ظرافت و ذکا لازمدر که بونلرک بحق
 تاویلی میسر اولسون . فقط نه قدر اولسه
 پک چوق آدم لر وارددر که کور دکاری بعض
 رؤیانک کندی خاطر لر بنه کلان تعبیرلری
 وجهله عیناً ظهوره کلمش اولدیغنی کور مشلر
 در . بناء علیه ماهیت فیه سی هر نه اولور .
 سه اولسون ولو که هنوز تمامیه کشف
 و تحقیق ایدیه مامش بولنسون ایشته انسانده
 بر حس متقدم اولدیغنه و ایشته صورت تر کچه
 حاوی اولدیغنی مفهوم قابل تعبیر اولان رؤیای
 صادق نك دخی بو حس متقدمک قوه مفکره
 دماغیه او کنده متجلی اولمندن عبارت بو .
 لندیغنه ارباب دقت بذاتهم قناعت کوسر لر .

اما كبار كملينك رؤياري عين حقيقت
 اولوق مرتبه سنده كلفت تاويل و تعبير دن دخي
 وارسته اولديغني قبول و تصديقه عقايد يمز
 حسييله دخي مجبورز . زيرا مقدمات وحي
 جليلك دخي رؤياي صادقه صورتيه شر -
 فواقع اولديغني بالجملة اهل سيرك اتفاقريله
 محققدر . كشف و كرامت صاحبي اولان اهل
 الله كرامك دخي حال بيداريلرنده بيله بر
 چوق اسرار كنديلري ايچون مكشوف او -
 لديغندن انلك رؤيالريني سائر انسانلك اويلا
 نقلقرندن دها پارلاق بر حالت بيداري عد
 ايلك لابد و ضروريدر .

ذهنلري ماسوا ايله بزم قدر مشغول
 اولانلر ايچون صورت تربندن بر معنا استخراج
 جي يعني تعبير و تاويلي ممكن اولان رؤيالر پك

نادر اوله رق وقوعه کلوب رؤیایاریمزک الک
چوغی محفوظات ویاخود توهمات دماغیه.
مزدن مرتب اولدقلری کبی بر طاقلری دخی
اسباب خارجیه دن متحصل رؤیایاردر که بونده
اولان غرابت صنعی رؤیایاره دخی یول آچه.
جغندن کیفیتک اوجمعتنی ده بروجه آتی بر بحث
مخصوص اوله رق ایضاح ایتکی لازمه دن
عد ایلدک .

بحث ۷

« اسباب خارجیه دن متحصل رؤیایار »
رؤیاسنده بریو طم صو تحری ایتک ومثلا
بردستی یقاله دیغی ویاخود بر چشمه یه واصل
اولدیغی حالده ایچه ایچه دنیایار قدر صو
ایچمش ظن ایش ایکن ینه حرارتنی تسکین
ایده مامک ویاخود بعض تصادف ایلدیکی

صویر یک متعفن و مستکره ظهور ایتمک یک
 چوق کیمسه لره واقع اولان اسحوالدندر .
 هله عشرت نه اولدیغنی بیلنلرک بویولده کی
 رؤیالری بیلامتری عادتاقابل اوله مز . ایمدی
 شو بولده کی رؤیالره بر « رؤیای صادق » دیمک
 شویله طورسون عجباقوه حافظه ویاخود
 قوه واهمه اقتضاسی دیمک دخی ممکن اوله
 بیلورمی؟ هیئات! بو بولده کی رؤیالری اسباب
 خارجیه دن متحصل شیلر عد ایدرلرکه ذکر
 اولنان اسباب خارجیه برطرف ایدیله جک
 اولسه رؤیانک دخی برطرف اوله جغنی شبهه .
 سزدر . شو تشنه لک رؤیاسنک سبب خار .
 جیسی ایسه محضاً صوسزلقدن نائمک اغزی
 قاورلمسندن ودرونی علولنمسندن عبارت
 اولوب بیچاره آدمجکز درین اویقوده بولند

یغی ایچون اویانه میه رق بو حال کن دیسنه
 بررؤیا صورتنده تجلی ایلمکده در . براز
 صکره عذاب ارتق اویقوبی دخی منع ایده.
 جک درجه یه وارنجه آدجکز اویقودن دخی
 اویانور . بختیار در اگر اوزمان یاننده بردستی
 بولنورسه ! اگر راست کله او
 دستی بوش اولور و یاخود اولجه دوریه رک
 صویبی دو گلش بولنورسه ! بویله برحالبه
 ابدست موسلقلرینه جان اتمش یانغینلری نه
 قدر ایسترسکز ؟

بعض قورقاق و کور کوسز ادملر قور-
 قاققلرله برابر مراقلرینه دخی غلبه ایده میه
 رک آصیلان و یاخود ققاسی کییلان آدملری
 تماشا یه کیدرلر . ارتق اواقشام کوره جکری
 قورقوبی رؤیالره نهایتی اولور ؟ کییش

اولان ققا بولنديغى یرده ظیب ظیب حرکت
ایدرك اوآدمه قارشو یوزینی کوزینی بورشد.
یروب یموشدیرر • دیلنی چیقارر • بر شیر
سویلر • ویاخود اوزرینه هجوم ایدرك
برخیلی تعقیب ایلر • یاخود مصلوبك ایی
قوپوب یره دوشر دوشمز کندیسینی قور.
قوته جق بك درلو حاللرده بولنور • ایشته
بویولده کی رؤیالرك اسباب ظاهره سی هب
اومقوله لری کورمك اولوب اگر انلری کور
مسه ایدی هیچده بو رؤیالره دوچار اولیه.
جغی درکار ایدی •

انسان رؤیاسنده کندیسینی عظیم بر او
چورمك تاکنارنده بولور • همده نه حالده؟
موازنه سنی همان غیب ایتك اوزره بولنديغی
بر حالده که اوچورومدن اشاعی تکرلنمك

تهلکه سی آرتد قجه اودخی بوزولد کجه بو .
 زولور . حالبو که بعض کره اوچور مدن
 اشاغی تکر مکر یوارلندیغی دخی اولور .
 شوقدر که او حالده اوچور و مک اولجه تخمین
 ایلکده بولندیغی قدر دزین اولدیغی تحقق
 اینر . غایتی یاریم مترو قدر مرتفع اولدیغی
 اکلار . زیرارؤیانک سبب خار جیسی بیچاره
 آدمجکزلک یتاق ایچنده یوارلنمقدن تمام
 قاریوله کنارینه کلش اولمسندن عبارتدر . او
 حالده براویانق آدم آنی کورسه ایدی تمام
 موازنه بی غیب ایدوب ده اشاغی به دوشه جکی
 زمانلرده نه قدر ازیلوب بوزلدیکنی کوز .
 لریله کوره رک نائمک پک بیوک بر اضطراب
 ایچنده بولندیغی اکلار ایدی . بویه یتا .
 غک تمام کنارینه کلش اولان بر آدمک رؤ .

یاسنده کندیسنی غایت یوکسک و طار بر
 دیوار اوزرندن یوریور و شوقدر وار که
 بوتله که لی یرده سر بستجه یورویه بیملک ممکن
 اوله میوب هر دقیقه ده اشاغی یه دوشمک
 تهلکه سیاه سوروم سوروم سورنیور کور
 دیکنی حکایه ایلر که مطلقا او حالده ادجکزلک
 یتاغی ایچنده دخی صانکه بر دیوار اوزرند
 سور و نیورمش کبی حرکتلره چالشدیغنه
 شبهه ایده میر .

موثوق الکلم بر ذاتدن شوققره یی دیکله
 دلکه بزجه دخی واقع اولان بر حال انک
 صحتنی تأیید ایتکه برابر اسباب خارجیه دن
 متحصل رؤ یالری ایضا حه مدار اولور .
 اوزات دیدی که :

» بروسه ده بولتمقغم حسیله مملکتدن

کلان و اقربادن اولان بر ذاتی خانه مزده
 مسافر ایدرک عزت و اکرامنه دخی جهده
 ایدیورایدک بیچاره ادبجکزی یول یورغونلغی
 ایله ایرکندن مندر اوزرنده اویویه قالدی
 بنده او غممه یواش یواش مسافرک یتاغنی
 یایمسنی امر ایتدم چوجق یوکی اچهرق
 بیوجک برشته یی اوطه نك اورتہ یرینه برا -
 قدیغی انده مسافر یرندن فرلادی . جان
 هوليله نه طرفه قاچه جغنی بیله میدرک علایم
 دهشت کوزلوندن آتش کبی صاحیلورایدی
 نه اولدیغنی سؤال ایتکه حاجت براقدی .
 « امان حرکت ارض ۰۰۰۰ » دیه اعلان
 دهشت ایدر ایدی . حالبوکه بز او یانق
 ایکن اوله برشی حس ایتدی کمز دن بزه دخی
 حیرت کلدی . دیرکن فی الحال او غم حل

مشکله موفق اولدی . اویمز براز صالنتیلی
اولدیغندن شلته یی یرمه راقورایکن او طه زیلا-
ده جه صار صلمش ایدی . ایشته بو حال کند-
یسنه روؤ یاده بر حرکت ارض کی کور نمشدور .
حسب المشغولیه اکثر یا مطبعه ده قالنور .
اکثر یا ما کنه دخی کیجه لری ایشلر .
ارتق قولاق لر یمز انک کورلتیمنه کری کی
الشمش اولدیغی حالده بر کیجه بزی دخی
روؤ یا مزده خیل کیجه بیرار ایلدی . کوندوز
نه قدر اولسه سائر کورلتیلر ایله انک کورلتیسی
طویوله میسور . کیجه او یقوده ایکن
صانکه جهان یرندن او ینایورمش کی بر
فور طنه وقوعندن عبارت بر روؤ یا کورورز .
ار القده حرکت ارض دخی واقع اولیور .
ایجه بر مدت بو مخوف روؤ یا دوام ایلدی .

برآره لقی او یاندیغمز زمان رؤ یاده کی فورطنه
 و حرکت ارض حالا دوام ایدیورایدی .
 زیرا اوداهیه ما کنه مک کورلدیسندن
 بشقه برشی اولیوب ما کنه ایسه حالا ایشله .
 مکده دوام ایدیورایدی . نهایت باصیله جق
 کاغدلی بتور دیلر . ما کنه طور نجه بزم
 رؤ یاده کی فورطنه و حرکات دخی بتدی .
 الحاصل برچوق اسباب خارجیه دن
 درلو درلو و تحف تحف رؤ یالر تحث و تحصل
 ایتکده اولوب حتی کرک بو حال و کرک
 قوه حافظه و واهمه نک رؤ یا تشکیکنده اولان
 دخل کلیری بعض او یویان ادمره صنعی
 اوله رقرؤ یالر کوستر مک تجار بنه قدر یول
 آچشدر که بوده غایت تحف بر مسئله در .

« او یویانلره صنعی رؤیا کوسترملک »

— قایلیدر ؟ —

بوندن مقدم برنجی فصلده صنعی اویقو
مبحثده ایضاح ایدلدیکی اوزره اویانلق
بولنان بر آدمک حسیاتنی بعض اوضاع و حر
کات اجراسیله علایق خارجیه دن آروپ
کندیسنه جلب و جمع ایدرک بعده اوضاع
و حرکات مذکورده یی آزالته آزالته او آدمی
عادتتا اویوته بیلک نمکن اولسی در حال فکر-
لره صنعی رؤیا امکانی دخی اخطار ایشدر
بویولده ایدیلان تجربهرک پک پارلاق اوله-
رق کوستردکری نتیجه لره برازده شارلتا-
نلق قاتیلهرق اول قدر ایلرویه کیدلمشدر که
صنعی اویقویه یاتیریلانلرک مغیباتی کوروب

خبر ویره جکری نخی ادما اولنق درجه لو -
 یند قدر وارلشدرد . انجق تدقیقات و تحریات
 جدیه ایله اشتغال اولنان بریرده بوله طبعاً
 خارج از امکان اولان مباحثک جدی مبا -
 حته قارشیدیرلما سی لازم اولمغله بزشارلتانلرک
 افراط و مبالغاته بوراده اصلا حواله سمع
 اعتبار ایده میر .

انجق شوراسنی انکار قابل اوله منر که:
 او یویان برآدمه صنعی اوله رق رؤیا کوستر -
 مک خصص و صنده نوم صنعی نوم طبیعیدن
 دهاز یاده مستعددر . نوم صنعیده نائمک
 حواسی کندیسنی او یوتان آدمک حال
 و طورینه و با خصوص صداسنه انحصار
 ایلدیکی حالده نائمه اویقو کلش اولدیغندن
 کندیسنی او یوتان آدم او نائمه برشی اخطار

ایده جک اولورسه نوم طبیعی ایله اویویان
 آدمه خارجدن برشی اخطار ایدنلرک صدا -
 سندن زیاده اخطارده تاثیر حصوله کلور .
 ذاتاً رؤیا نه ایدی ؟ قوهٔ حافظه ده مو -
 جود اولان محفوظاتدن بریسنک ذهن طر -
 فندن تخطر ایدلمسی دکللی ؟ یاخود قوهٔ وا -
 همه نك هیچ یوقدن برشی بیولته بیولته اکا
 وجود ویرمسی دکللی ؟ اولیه ایسه اویقوده
 بولنان آدمه هرهازکی بر واسطه ایله محفوظ -
 ظات ذهنیه سندن بریسی اخطار ایدیه جک
 اولسه و یاخود قوهٔ واشمه سنه بر سرمایه
 توهم عرض ایدسه بو اخطار و بووهم انک
 دماغنده تجسم ایدرک عادتاً بر رؤیا صورتیه
 کندیسنه کورینه بیله جکنی ذهنلر پک قولای
 قبول ایدرلر .

قوه حافظه و یا خود و اهمیتیه برشی
 اخطار ایده بیلک ایچون حسیاتدن مستعد
 اولانی قوه سامعه در که بالخاصه او یقوده
 بولنان بر آدمه اخطار خصوصیتده اول بول
 بو واسطه به مراجعت اولنور . زیر احواس
 سائر هنوز او یقوده ایکن قوه سامعه بی بر
 از جق او یاندیره بیلک آساندر . اندن صکره
 ایکنجی درجه ده اوله رقی قوه باصره و قوه
 شامه و قوه لامسه دخی خدمت ایده بیلور لر
 که او یویان آدمه صنعی رؤیا کوسه تر مکده
 چالشه جق اولان مدقق بو ایکنجی درجه ده
 اولان واسطه لره دخی لزوم و اقتضاسنه کو
 ره مراجعت ایده بیلور . بو تجربه لره بز
 دخی بر کره مراجعت ایلدک ایسه ده تمامیه
 موفق اوله مدق . یالکز بر درجه یه قدر بر

قز چوجغنه رؤیای صنعی کوستره بیلدک .
 تمامیله موفق اوله مایشمزلک سببی ایسه اخطا-
 رات لازمه ده شرائط مقتضیه یی تماماً ایفا
 ایده ماملکیمز اولدی . یوقسه شرائط
 لازمه یه تماماً رعایت ایدیله جک اولورسه
 فی الحقیقه صنعی اوله رق برآدمه رؤیا کوستره
 بیلک ممکن بولندیغنه قناعت حاصل ایلدک .
 بر نائمه صنعی رؤیا کوسترمک ایچون نه قدر
 مکمل حرکت ایتک لازم اولدیغنی بروجده آتی
 ایضاح ایلر ایسه ک بوا مکان قارئلریمزجه دخی
 تسلیم اولنور ظن ایدرز :

اولا صنعی رؤیا ارا نه ایده جکیمز نائم
 اوچ درت ساعت مدت راحتجه او یومش
 اولملی . اندن صکره انسان اغزینی انک قو-
 لاغنه یا قلاشدیر ورق وغایت یواشدن باشلا

یوب تدریجی اوله رق صداسنی آرتدیروب
 « یغموررر! شاقررر شاقررر یغموررر
 یاغیور» دیه را حرفلرینی کوزلجه غرلداته -
 رق قولاغنه هب یغموری اخطار ایتلی بو
 سوزلری دفعاتله اخطار ایتکله برابر نائمک
 یورغانی قالدیروب پنجره لری دخی آچملی که
 وجودی براز اوشوسون . براره لقی دخی
 آبدست موصلغنی آچوب مرمر طاش اوزر -
 ینه صوی شاقر شاقر آقتملی . ویاخود بو
 شاقرتی بی سائر صور ووسائط ایله حاصل
 ایتلی . اندن صکره « آمان! آمان! سیل
 کلیور! سیل باصیور! بوغولیورز! کبی
 شیرلی دخی کمال اهمیتله نائمک قولاغنه اخطار
 ایتلی . بو حالده دخی ذاتاً صو ایله مملو
 اولان برلکن ایچنه ابریقی یوقارویه قالدیروب

صو دوکلی . اویله بر صورتده که چاغلتیسی
 اوزاقدن اوزاغنه نائمک قولاغنه واصل
 اوللی . نهایت بر حصیر سو پور که سنی بر
 لکن صویه باتیروب اوج بش خطوه مساء
 فه دن نائمک یوزینه طوغری سرپی ویرملی .
 اوآنده آمان یغمور ! سیل ! بوغولیورز «
 کبی خوف و هیجانی بیان ایدن سوزلر ایلله
 یتاغندن فرلار . صکره کوردیکی رؤیایی
 کندیسندن سؤال ایدیکز . ایلک باشلادیغکز
 زماندنبیری هب رؤیا کورمشدر . حتی قوه
 واهمه سی دخی یاردیم ایلدیکندن مثلاً سر
 نائمک باباسی ایسه کز « ریم خیرلر ورسون!
 بابام سیل ایچنده یوارلنیور ایدی . فلان
 شویله بوغولدی . فلانجه بو صورتله قور-
 تلدی « کبی تفصیلات دخی ویرر . هله بو

عملبائی اجرا ایتزدن بر ایکی کون اول چو-
چغنه بر یغموروسیل حکایه سی ایدوب فلانجه
محلده شو قدر یغمورلر یاغدیغنی وسیلر جو-
شدیغنی و خانه لر ییقلوب انسانلر و چو جقلر
بوغولدیغنی کندیسنه دهشت و یره جک بر
صورته اکلتمش اولور سه کز تجربه نک
نتایجی دها پارلاق اوله رق ظهور ایدر .
زیرا او حالده هم قوه حافظه سنه هم قوه
واهمه سنه بردن سرمایه اشتغال تدارک
ایتمش اولور سکز .

آتش ایله اجرای تجربه دها محقق نتا-
یجی انتاج ایده جکی توصیه اولنیور . یانغین
ذاتاً یک چوق کیمسه لرک کوزینی قور قتمش
بولنه جغی کبی یقینلرده و یقین محالرده یانغین
اولدیغی بر زمانده بو تجربه یی هر کیمک اوزر-

نده مکملجه بر صورتله اجرا ایتمش اولسه لر
 نتیجه قطعی سی کور یله جکی محق قدر • شو-
 یله که : عملیاته او طه قرا کلق ایکن باشلاملی
 اولایانغینک چایر چایر یاندیغنی و هر طرفی
 آتش و دومان استیلا ایلدیکنی و خانه لرک چاتر
 چاتر یانوب ییقلدیغنی فلانی نائمک قولاغنه
 اخطار ایدرک بعده بر توتون طبله سی اوزر-
 نده بز پورچوک و چورچوب یاقه رق او-
 طه یی دومانلاندیرملی • بوتوتسی ترتیب او-
 لندیغنی زمان دخی « اوف ! یانغین دومانیه نه
 فنا قوقیور ! » دیه لاینقطع نائمک قولاغنه
 اخطار ایتلی • نهایت قرا کلق او طه نک ایچنه
 اوچ درت دانه قوئلی غاز لامبه سی ادخال
 اولمقله برابر برقایچ چام تحتد سی چاتر چاتر
 قیرملی و منغال اوزرنده کوزجله قزدیرلش

بر خرقه یی دخی نائیک ایاقلری اوزرینه آتی
 ویرملی ! « امت محمد یانغین وار » دیه بر
 آوازه ایله یرندن فرلار . ارتق کوردیکی
 رؤیانک تفصیلاتنی عرض ایتمونده دیکله .
 یکنز . سزک خاطریکزه بیله کلامش اولان
 شیرلی او کورمشدر . اشبو یانغین رؤیاسنک
 تجربه سنده نتیجه نک یغمور وسیل رؤیاسی
 تجربه سندن دها قطعی اولسنه سبب اولیکی
 تجربه ده یالکز قوه سامعه واسطه سیله ذهنه
 اخطار اتده بوللوب یالکز الک صکره قوه
 لامسه یه دخی مراجعت اولندیغی حالده
 ایکنجی تجربه ده قوه سامعه وشامه وباصره
 ولامسه کبی درت حواسک وساطتنه مرا-
 جعت اولنمی قضیه سیدر . ذهنه القات
 ایچون استعمال اولنان وسائط نه قدر چوق

وقوتلی او اور ایسه رؤیای صنعی ارئه
ایده بیلک او قدر قولای اوله جغی بدیهی
و آشکاردر *

قوه لامسه ده مر اجعتله بعض کیمسه لر
حقنده پک غریب رؤیالر ترتیبی امکانی دخی
وار ایسه ده بو تجربه لر حقنده ایضاحات
ویرمک بر اثری باهنامه ده بکرتنه جکنندن
تجویز اولنه مز * اساس مسئله نائمک قوه
حافظه سیله قوه واهمه سنی او یان دیر مق او
لدیغنه کوره خارجا نه کی اخطارات لازم
ایسه بالترتیب عملیاتده دخی بهارت کوستر
لدکدن صکره او یویان آدمک اور رؤیایی کور
می برامکان فرح ایله ممکندر *

« صایقلامق »

اویقوسی ایچنده ایکن سویلنمکه « صا-
 یقلامق » دینلور . بعض کیمسه لر یالکنز بر
 قایچ کلمه مرادانورار ایسه ده بعضلری اوزو-
 نجه سوزلر و حتی بیتلر دخی سو یلدکلری
 اولور . اویقو ایچنده اراده جزویه سنه مالک
 اولندیغی فرض اولنان انسانک بو صورته
 واسطه کلامی اولان لساننی استعمال ایتمی
 اویقوده اراده جزویه نکده اویومسنه قانع
 اولان حکما نزدنده حوارقدن اولمق اوزره
 تلقی ایدیلرک بویله شاذ قیلندن اولان شیرک
 بحث کو تورمیه جکلرینی درمیان ایدرلر ایسه .
 ده برچوق حکما دخی اویقوده اراده جزو-
 یه نک بالکلیه تعطیلنه قانع اوله میهرق هله

دماغ چله دن اول او یو دیغی کبی چله دن
 دخی اول او یان دیغی زمان اراده جزو یه نك
 دخی بر درجه یه قدر عودت ایلدیکنه قانعدر لر
 دقت اولنه جق احوال دندر که صایقلامق
 اکثر یا انسانلار یقودن براز بیدار اولدیغی
 وحی وجود بیه حرکت دخی ایلدیکن زمانلرده
 واقع اولور . بعض کسه لر اول قدر عیسان
 بیان سوز سوز یولور و صدالری دخی او قدر
 قوتلیجه چیقاره بیلور لر که کندلی صدالریله
 کندیلری بستیون او یاندر لر . بو حالده
 اراده جزو یه نك دخی او یانمش اولدیغی
 یالکزلسانك دکل وجودك دخی حرکتیله
 بر قاتدها تأیدایلر . بعض کسه لر دخی وارد لر که
 صایقلا دقلری زمان سویلدکاری سوز لر
 نه یه دائر ایسه ینه ا کا دائر کندیسنه سؤال

صور یله حق اولسه جواب دخی ویررلر .
 بو حال محرر حروفده دخی موجود اولوب
 یانمده بولسانلرک ایکی اوچ نوبت مجادبه یه
 قدر واردقلری واقع اولمشدر . حاله وکه
 سؤالر وارد اولدیغی و طرفزدن جوابلر
 ویرلدیکی زمان بالکلیه او یقوده اولدیغیزی
 حس ایلرز . فقط بالکلیه او یانق دخی بولمده
 یغمز ایچون کندیمزی طو پلایه مدیغمزدن
 جوابلر ویر یورز . صکره تمامیه بیدار
 اولنجه عقل باشه کله رک استجوابات واقع نك
 حال نومده اولدیغنی اکلاینجه کندیمز دخی
 استغراب ایلورز .

اویقوده ایکن اراده جزؤیه نك بالکلیه
 انقطاع ایلیه جکی اصلا دعوی ایدیه مز .
 بعض احوال واردی که اسباب فنیه سنی

شرح وایضاحه معلومات فنیه کافی اولماقلا
برابر احوال مذکورهنك غرابت فوق العاد
دهسی قابل انكار اوله من . مثلا انسانك
اویقوده ایکن ایاغنی تحتہ کھلهسی ایصره غله
همان یارمغنی طوغریجه او طرفه کوتورمسی
وتمامده تحتہ کھلهسنك اوزرینه باصوب
ازمسی کی که انسان اویانق اولدیغی واراده
جزویه سنه تمامیه مالک بواندیغی زمان بیه
اومردار حیوانی بو قدر مهارتله اولایه بیلسی
يك ده ممکن دکلدر .

بعض ارباب تدقیق صایقلامق ایله صو-
منامبولیرم یعنی اویقوده ایکن کزمکی ایکیسی
برشیدر دیه حکم ایتشلر ایسه ده تدقیقات
قویه بونلرك علیهنده حکم ویرلمسنی ایجاب
ایتشلدر . صومنامبول اولان آدم بالفعل

بر چوق شیلر یاپدیغی حالده لقر دی سوغدیکنه
 و کندیسندن برشی سؤال ایدیدجک اولسه
 جواب و یرمیوب دهها دیگجه سوز سولنسه
 او یاندیفنه دقت اونمشدر . صایقلایان
 آدمک ایسه ایشی یالکز سوز سولک اولوب
 بالفعل هیچ برشی یاپدیغی دخی نظر ندقیقه
 التمشدر . بناء علیه صایقلامق بشقه و مسو.
 منامبولیرم دخی بشقه اولدیفنه قناعت
 ایدلمشدر .

اشاغیده بحث مخصوص صنده ایضاح او-
 لسه جنی اوزره صومف ابولیرم من جهة
 درین اویقویه و من جهة دخی بالکایه او یا
 نقلغه یقین بر حال اولوب رؤیایه اصلا منا .
 سببی اولمیدیغی حالده صایقلامق بالعکس
 اصل رؤیا یایله متناسب اولان احوال دندر .

زیرا صایفلایان آدم اکثر یا کتور مکنده بولند .
 یعنی و یا خود بر حلقه صکره کوره بکی رو .
 یایه متناسب سوزار سول مکنده در . رو یا
 دینلان شی قوه حافظه و یا خود قوه
 و اهرمه محصولاتک دماغده جسم ایدرک
 وجود بولسندن عبارت اولدیغه کوره صلا
 یقلامق دینلان شیتک دماغده وجود بولان
 حالات مذ کورده نك بر قسمی بر قاج کلسه ایله
 لسانه دخی کتور مکندن عبارت قالمی او قدر
 ساده بر مسئله حکمی الور که مسئله مذ کوره
 حقنده تدقیقات عمیقیه کیر شمک لزومسز کو .
 ریلور . شو قدر که بو بابده تدقیقات عمیقیه
 کیر شمکه فنونک بو کونکی وسعتنک مساعده
 سی دخی یو قدر . بومسئله بادی امرده اول
 قدر ساده و سهل ایکن تدقیقات عمیقیه کیر .

یشیله جك اولورسه تصادف اوانه جق
مشكلا تك صموكى كلز .

اويتوده ايكن هم سويلمك وهم ده يا.
نده بولنان آدمله سيله اورمق كي صومنا .
مبولير نم ايله قاريشق صايقلایشلر دخی بعضاً
واقع اولورایسه ده حرکات بدنیه باشلادیغی
آنده صایقلایشلر کسه یلدیکی دخی تجربه
ایدیشلر . بو حالده یتاغی ایچنده قالقوب
اوتورمق و یاننده کی آدمله بعض حرکاتده
بولمق صومنامبولیر مک مقدماتی اولوب
بولنک ده از یاده لری بروجه آتی فقره مخصوص .
صده سنده کوریلور .

بحث ۱۰

« صومنامبولیر نم »

صومنامبولیر نم حالات نومک الیغریبی

عد اولنور . زیرا بو حال اویقوده اولان
 آدمک یالکز قالقوب اوتورسی و یاخود
 کز نسی کی حرکات جزویه دن عبارت او.
 لیوب بعض صومنامبولر کوزی قیالی ودرینه
 اویقوده ایکن مثلاً یازی یازمق کی حرکاته
 قدر وارر که رؤیا و صایقلامق کی حالات
 نومک قنجه آز چوق تطبیق و تأویلی ممکن
 اولدینی حانده حکما صومنامبولر م دینلان
 حالی تأویل خصوص صنده عادتاً دوچار حیرت
 اولورلر .

بر چوق شارلتانر صومنامبولرک احوال
 و حرکاتی اوزرینه اول قدر شیر اویدیروب
 سولشدر که بونله اینامق قابل اولهمن .
 زیرا اویانق ایکن پایه میه جقلری شیر دخی
 اویقوده ایکن یایدقلرینی روایتیه قدر وار.

مشردر • ذاتاً روایات مذکوره اقوال مجر-
 ددن عبارت قالوب صحیح وثابت اولدقلری
 تحقق ایشاش بولمیشندن بویه ترهاتله ارباب
 فنك اشتغال اشیه جکاری دخی آشکاردر •
 حکیم مشهور وولتر بو بحثی کندیلکنجه
 تدقیق ایدرک صومنامبولر حقنده سویلنان
 یالانلری علی قدر الامکان احوال صحیحهدن
 تفریق ایشدرکه اتریمزک بو بحثنی وولترک
 تدقیقاتنی ترجمه ایله تشکیل ایتک برجه دخی
 مرجع کورلمشدر •
 وولتر دیورکه :

« برنجی فقره »

برصومنامبول کورددم • فقط اوصو-
 منامبول یالکزیتاغندن قالفهرق کینمک وبر
 آدمی کوردیکی زمان بیون اکرک سلاملا-

دیغی طورى تکرار ایتک ورقص ایتک و هم ده
رقصنى بیاغی کوزجه اجرا ایتک و نهایت
تکرار صویونوب یتاغنه کیرمک و درین
اویقویه طالع ایل اکتفا ایلر ایدی.

بو حال آنسیقلویه دینک صومنامبولنه
تقرب بیل ایده من ، آنسیقلویه دینک صوم-
نامبولی بر کنج پاپاس شا کردی ایمش که
یتاغندن قالقوب حالا اویودیغی حالده بر
وعظنامه قله الور وانی باشند اشاغی یه
تکرار اوقویه رقی تصحیح ایدر و یا خود اوقیور
و تصحیح ایدیور کبی یاپار و بعضی سطرلری
چیروب یرلرینه دیگر بعضلرینی یازار و او-
قودیغی زمان بر محله بر کله ننگ اونوتلش
اولدیغی کورسه کله یی یرینه قویار ایمش .
بوندن ماعدایته صومنامبول حائنده ایکن

بر شرقی بسته لیه رک نوطه سنی دخی طوغریجه
 یازار و حتی نوطه یی یازه جغی کاغدی جدول
 تخته سیاه چیروب نوطه اشارت رینی وضع
 ایلد کدن صکره گفته نک کله لرینی دخی هر
 نوطه نک التسه طوس طوغریجه ترقیم ایلر
 ایش . آنسیقلو پیه دی دیور که بوردوده بر
 دسیوط شو اجرا آتی رأی العین کورمش
 و بوندن دها زیاده محیر عقول اولان حرکاتی ده
 مشاهده ایلش . بودسیوطک شومشهوداتی
 قلمه الهرق امضا ایتسی و هیچ اولمز ایسه
 کندی کاتلرندن بریسنه بونی امضا ایتدیر.
 می آرزو اولنورایدی .

فقط فرض ایده لم که بوصومنا قبول کنند.
 یسنه حمل واسناد اولنان شیرلی فی الحقیقه
 کافه اجرا ایلسون . بن کندیسنه دائماً

عادی بر رؤیا کور و جی به صور ه جفم سؤالری
 صور ارم . اکا دیرم که! « سز سارلر نین
 ده از یاده قو تلجده اوله رق بر رؤیا کور مشسکز .
 فقط کور دیککز رؤیا ینه عادی رؤیا لر قاعده .
 سنه تابعدر . عادی رؤیا کورن یالکز صمته
 کی بر حالده ایلی . سزک ایسه ایش ینه کزه
 انتقال ایش . انجق هر ایکیکز اصلا منتظر
 اولدیغکز بعض حسیات دماغیه و عصبیه به
 دوچار اولمشکزده اریقو حالنده یاقمق خاطره
 بیله کلیه جک اولان شیرلی یا ممشکر »

ای کنج پایاس افندی! سز بر تقلید
 استعدادی ایله طوغمش اولدیغکز دن یوزدرلو
 و عظنامه لر ایشیده رک انلری تقلید قوتی
 دماغیکزده منبسط اولدی . حالا قوت
 تقلیدک سوقیله اویانق بولندیغکز زمان دخی

و عظمنامه مسوده لری قاره لیه رقی او غراشد.
 یغکز اولدی . ایشته نه بو صورتیه او یقوده
 دخی یازمغه چالشدیکز . وعظ و نصیحت
 و یرمک هوسی دماغ کزده بولمدیغی حالده
 فصل اوله یلور که بو هوس سزه بردن بره
 رؤیاده ایکن کیش اولسون؟ یلک اعلا تخطر
 ایدرسکز که ایات دفعه اولق اوزره بر
 و عظمنامه مسوده سنی او بانیق ایکن قله المش
 ایدیکز . اوله دکلی؟ بو ایات دفعه دن بر
 چاریک اول بویه برامل خاطر کزده هیچ یوق
 ایشی . اوزمان سزاو طه کزده فکرجه متموج
 بر حالده بولنه رقی هیچ برشی اوزرنده فکر یکز
 تقرر ایتیمور ایدی . اختیار کزک دخلی اولد .
 یغی حالده قوه حافظه کز سزه بر یورطی کونی
 اخطار ایلدی . بو یورطی سزه اخطار

ایتدی که او کو نژده و عظ و نصیحت ایدیلور .
 دیر کن او یولده او قونمش برو عظامه دخی
 خاطر کزه کادی که مذکور و عظامه سزده بر
 هوس تقلید او یانیر مشیدی حاضر یانکزده
 قلم و کاغذ دخی بو لندیغندن او یله بر مسوده
 قلمه المغه باشلا دیکز که بو یولده برشی یازه -
 جفکزی او جله هیچ دوشونمز ایدیکز . ایشته
 صومنامبول حالنده دخی سزده واقع اولان شی
 یونین بشقه هیچ برشی دکدر . سزظن
 ایدر سکز که کرک حال بیداریده و کرک او یقو -
 ده یانکز کندی اختیار کزایله حرکت ایلد -
 یکز . حالبو که خبر کز بیله اولقسزین ایکی
 حالک ایکی سنده دخی بو فعل و حرکتدن
 مقدمکی احوالک خاطره سی طرفندن سوق
 اولندیکز .

ینه بونک کبیدر که عبادتدن فارغ اولند.
 یغکز زمان کندی حجره کزه قاپاندیکز .
 املکز اوراده یالکز کندی مطالعات خصوص.
 صیه کز ایله اشتغالدن عبارت اولوب یانی باشکز.
 ده کوردیککز قز ایله اشتغال ایتک خصوص صنده
 هیچ برقرار کز یوق ایدی . لیکن سز دوشوند.
 یککز حالده انک صورتی سزک ذهنکزه انتقاش
 ایلش ایدی قوه خیالیه کز آتش آلدی . سز
 اینه حالا انی سوندورمک اسبابی بیله دو.
 شونمورسکز . بونک نتیجه سی زویه منجر
 اولدیغنی بیلورسکزیایا ؟ ایشته بووقعه عینیه
 سزه رؤیاده دخی واقع اولمشدر . سزک
 انایتککز شو حالاری میانده کندی طرفکز.
 دن نه تأثیر اولدی ؟ قلبککز حرکاتی وقا .
 نککز جولانی امرنده سزک نه قدر حکم

و تأثیر کز وار ایسه بو حالرده دخی او قدر
حکم و تأثیر کز اولدی .

انسیقلوپه دیده رؤیا بحثی دخی او قو-
دم . هیچ برشی اکلامدم . فقط کرک
اویقوده و کرک اویانق ایکن افکارمک افعلامک
اسباب و حکمتی دوشونوب ارایورمده ینه
هیچ برشی اکلایه میورم .

بیلورم که اگر بر حکیم بن اویانق ایکن
مجنون و یا خود سرخوش دخی اواز ایسه م
اوزمان حسیاتمه مالک بر حیوان صایله جفمی
بکا اثبات ایلر ایسه بنی اول قدر صیقمش
اولمز . فقط بن اکا کندیسی اویقوده کندی
کندیسنه حرکت ایدر بر ما کنه اولدیغنی
اثبات ایلر ایسه م انی دها زیاده صیقمش
اولورم . ایمدی سویلیکز بکا عمرینک نهصفنده

بر ما کنه دن عبارت اولان ویکرمی درت
ساعتده ایکی دفعه طبیعتنی دکشدیرن حیوان
نه در ؟

« ایکنجی فقره »

« جریدهٔ ادبیه » نام غزته یه ۱۷۶۴

سنهٔ میلادیسی اغستوسنده یازملش بر
مکتوبدر :

افندیلر! علومک بحث ایلدیکی موادک
کافه سی بزم تعلقاتمز داخلنده در . تحمل
ایلیکز که بر طاقم مالایعنی شیر دخی بزه متعلق
اولان مواددندر . بوقبهٔ آسمان الشنده وقوعه
کلان شیرک هیچ بریسی یکیدن وایلاک دفعه
اولق اوزره وقوعه کلزلر . بنم سزه بحث
ایتمک ایستدیکم شیر دخی اظهر من الشمس
فی وسط السما ایسه لرده بوشیر یالکز کیجه .

لاری وقوعه کلورلر . تلاش ایتیکیز . بحث
 یالکیز اویقودن عبارت !
 سزه اعتراف ایدرم افندیلر که بن دینی
 سزک موسیو ده پورسونیاقلک طبیی قدر دونه
 شونیورم ، طیب موی الیه کندی خسته .
 سنه نصل رۇیار کوردیکی صوریور ،
 موسیو ده پورسونیاقل ایسه فیلسوف اولمه
 یغندن دیور که کوردیکی رۇیار رۇیا کی
 رۇیادرلر . واقعا قورقوج و فنا رۇیار فکرک
 و کرک وجودک اضطراب ایچنده بولندقلرینه
 دلالت ایدر . بونلر طعام ایله طوش بولش بر
 معدده دن و یا خود حال بیداریده افکار مؤله
 ایله اشتغال ایلیان بر ذهنندن نشأت ایدر .
 قساوتسز اوله رق خدمتنی کوزلجه
 ایفایه چالشمش و درجه افراطه وارمق سزین

کوزجه طعام ايتش اولان بر چفتجي درين
 وراحت بر اويقو ايله اويور واني رؤياري
 اصلا راحتسز ايتمز . بو حالده بولند قجه هيچ
 بر رؤيا کورمش اولديغني تخطر بيله ايده مز .
 بر رؤيا از جق مؤلم اولور سه مطلقا يار و حک
 شدت هوساتندن و يا خود وجودك فنا تغذ -
 يسندن نشأت ايلر . ظن اولنور که طبيعت
 بو حالده سزه اختيار کزک فوقنده اوله رق
 بر طاقم افکار مؤنه ويرمک وسزي اويله جه
 دوشون دورمک ايله سزي جزالدير يور .
 بونين استدلالات اولنور که الک از دوشونلر
 الک مسعود ادملردر . ليکن بنم و بره حکم
 نتيجه بود کلدز .

بعض آووقانلر طانيدم که رؤيالرنده دعوا
 مدافعه ايدير لر ايدى . بعض ر ياضيون

کوردم که رؤ یا رنده معادله حل ایلورلو
 ایدی . شاعرلو کوردم شعر انشاد ایدیورلو
 ایدی . بن کنسیم دخی رؤ یاده بعض شعرلو
 یاپوب حفظ ایلدم که پکده فنا دکلمر ایدی
 ایمدی اعتراض قابل اوله میه جق صورتده
 محقق ایلر که انسانک اویقوده دخی حال پیدا
 ریده اولدیغی کبی افکار و مطالعات مطر-
 ده سی وارد در . کذلک اصلاً اعتراضه امکان
 یو قدر که فکرلو مطالعه لر بزه اختیار مزک
 خارجنده اوله رق کنیدی کندیله نه کلورلو
 یتاغزده یا تدیغمز زمان فصل بلا اختیار
 ایاقلری میز فلانی قلدا تیور ایسه کینه اوله
 بلا اختیار تفکر دخی ایدیورز . دیمک او-
 لیور که سزک پاپاس مالبرانشک بز کنیدی
 کندی مزه فکرلو مطالعه لر حاصل ایده میه .

جگہی حکم ایسکده پک بیوک حق واردر
 زیرا فکریمزہ مطالعہ مزہ اویقو حالندن زیادہ
 اویانی حالندہ ایکن نہدن صاحب و متحکم
 اولہ بیللم؟ اگر سزک مالبرانشکر بخت
 یالکز بوراسندہ قلمغلہ اکتفا ایلسہ ایدی
 پک بیوک بر فیلسوف اولور ایدی، فقط
 محض ایشک پک زیادہ ایروسندہ کیتدیکی
 ایچون الدامشدر .

بکا قالورسہ بزم فکر و مطالعہ نریمزک
 کندیمزدن کلمدیکی ملاحظہ سی بزه پک کوزل
 فکرلر مطالعہ لرتورہ بیلہ جکندن امینم
 بعض قارئلریمزک جانلرینی صیقمق و دیگر
 بعضلرینی ده دوچار استغراب ایشک قورقو -
 سیلہ کندی افکار و مطالعاتی بسط و تمہید
 آیدہ مم .

يالکزر رؤيا حقننده بر قاج کئمه جک دهها
 دیکله مک زجته قاتلانمکزی رجا ایدرم .
 سز دخی بنم کبی قبول ایتمز میسکزر که بتون
 ازمنه قدیمه ذوات تخیله سنک اساسی هب
 بورؤ یالر در ؟ کندی قاری سنک ویا خود او -
 غلنک وفاتدن طولایی پک زیاده متأسف
 اولان بر آدم بونلری رؤیاسنده کورر . رؤیا
 ده کوردیکی وجه و صورتلر او غلنک ویا خود
 قاری سنک عینیدر لر . کندیسسی انلره سوز
 سویلر . انلر کندیسینه جواب ویردر لر .
 شبهه ایدیله مز که بونلر کندیسینه کورونمشلر -
 در . بلکه بوکبی رؤیالری بشقه آدملر دخی
 کوردر لر . دیمک اولیور که موتالک تکرار
 عودت ایدرک کوروندکلرینه شبهه ایدلیه -
 جک . مع مافیسه بورؤ یالری کورنلر دخی

امیند زلر که اوموتار دفن اولمشلر و یا آتشد
 کول اولمشلر و یا خود دکرده چور و مشلر
 و بناء علیه بالذات رؤیایه کلوب کورونه
 بیلک استعدادنده قانما مشلر در . اویله ایسه
 کوریلان شی انلرک روحلری اولدیغنه اینا
 نملق طبیعی اولزمی ؟ روحلر ایسه غایت
 لطیف و خفیف وال ایله طو تملق غیر قابل
 اولوب انلره سوز سویلنه بیلدیکی حالد
 کندیلرینی قوجا قلامق و اویمک قابل اوله -
 میور . دنیاده صماغ ایکن ایچنده بولندقلری
 وجودک خارجاً قالبی چیقارلمشده اوقالبک
 ایچنه تکرار دو کولش کبی برشی ! زیرا
 روحلر او وجودلره تمامیه مشابه کورونیورلر
 ایشته شو اعتقاد ازمنه متقدمده یک زیاده
 اینرولیدرک بویله انسانه تکرار کورونیور

ديه اعتقاد اولنان شيلره « ذوات مخيله »
 ديتلشدر . بوبابده بيان اولنان ايضاحات
 كيمسه نك اكلايه بيله جكي شيلر اولمديغندن
 شو اكلا شملزلق سبيله بوفكرلر دخی انسا-
 نلر میاننده دوام ایده كمشدر .

ظن ایدرم كه اك اول فالجیلیق فكرینی
 حاصل ایدن شی دخی رؤیالردر . غایت سو-
 کیلی برذاتك اولوم تهلكه سنده بولندیغی
 زمانلر رؤیاده انلری وفات ایدیورمش كور-
 مكدن دهها طبیعی ودهها عجمی نه اوله بیلور؟
 ودوستی بوفنارؤیایی كوردكدن براز صكره او
 آدمك كرچكدن وفات ایتسندن دهدهها طبیعتی نه
 اوله بیلور؟ بویله صكره دن عینی عیننه ظهور
 ایدن رؤیالر احساس قبل الوقوعدر كه بوبابده
 هیچ بر كیمسه نك شبهه سی اوله من . فقط بر

امارهء صحتی کورلیان رؤیالره اصلا اهمیت
ویرلمیهرك یوز رؤیاده یالکیز بریسی ظہور
ایده جك اولسه او بر رؤیانك حکمی یوز
رؤیایه دخی غالب کلور .
» اوچنجی فقره «

فقط نصل اولیور که اویقوده ایکن
بتون حواس میت حالنده بولندیغی حالده
یالکیز بر حس داخلی اویانق بولنیور ؟
کوزلرکز کورمدیکی وقولاقلریکز ایشتمدیکی
حالده رؤیا کزده نصل کوروب ایشیدیور-
سکز ؟ کوپك رؤیاده آوه کیدر . حولار
شکارینی تعقیب ایدر . شاعر اویقوده ایکن
شعرلر یاپار . ریاضیون برطاقم آشکال کو-
روب معادلہلر حل ایدر . ارباب منطقدن
اولان فیلسوفلر طوغری یا کلش قیاسات

ایله اوغراشورلر . بویولده انسانه حیرت
ویره جک مثالر واردلر .

عجبا بواجراآت وجود ما کنه سنک
کندی حرکاتندمی عبارتدر ؟ عجبا روح
صافی حسیات خارجیہ نك تحکمندن دخی
قور تلمش اولدیغی حالده کندی حقوقندن
سربستجه استفاده می ایدیور ؟ اکر کیجه -
لری رؤیایی تشکیل ایدن شی یالکز وجود
ما کنه سنک اجراآتی ایسه یا او حالده یالکز
کوندوزکی اشتغالاتنه مخصوص رؤیالر کور -
مکله نیچون اکتفا ایتیور ؟ اکر روح کندی حال
صفوت واستراحتنده اولدیغی ایچون بونلری
کور ییور ایسه او حالده رؤ یالرك شکل
وصورتی متحد ومنه نظم اولمق لازم کلور ایکن
نیچون بر طاقم نسبتسز وقاریشق شیر کورو -

نیور؟ حتی بعض کره روح الك زیاده صوت
استراحتنده بولندیغی زمان تصورات و تخیلا-
تنده الك زیاده قاریشخلق واقع اوله رق رؤیالر
دخی قارمه قاریشق کورونیور . دیمک او-
لیور که روح کندی حال صفوتنده قالنجه
دلی اولیور . بعض کوزلری آچیق اولدیغی
حالده رؤیا کورن مؤلفلرک دیدکلری کی اکر
روح افکار فوق الطبیعه ایله طوغمش اولسه
ایدی او حالده وجود او یقویه واردیغی
زمان مشهوداتنک دها زیاده قوت و صفوتله
تجلی ایتسی لازم کلور ایدی .

دماغ-کزی حرکت کتورن شی قوه
حافظه کز اولدیغی کندی نظر کزده اثبات
ایچون هانکی طریق ملاحظه یه کیتسه کز
نه قدر چالشسه کز هر حالده اعترافه مجبور

اولور سکز که عالم رؤیاده بتون افکار و خیا-
لاتکز سزه اختیار کز و اراده کزله دکل
کندی کندیسنه کلکده در . بو خصوصه
اختیار کزک هیچ بر دخل و تأثیری یوقدر .
کر چکدر که یدی سکز ساعت دوشونور-
سکزده دوشوندیک کزدن خبریکز بیله اولمز .
ایشته بونی کوز لجه نظر دقته الهرق « حیوان »
دینلان ما کنه نك صورت ترکیبی کوز لجه
اکلامغه چالشکز »

• وولترک کلامی بوراده ختام بولدی .
وولترک بعض افاداتی حکمای سائر نك متفق
علیهلری اولان مسائلدن بر طاقنه مخالف دوشده-
یکی انك فقره مترجه سیله بو ایکنجی قسمك
مباحث سائره سنی تطبیقندن اکلاشیلور
ایسه ده ذکر اولنان نقاط مختلف فیهاده بز

۲۰۰
وولتری جمهور حکمایه ترجیح ایدمیه جکمز

در کاردر • بزم بو فقره ده وولتر دن ایده -

جکمز استفاده صومنامبولیرم حالنده بعض

آدملرک او یانق ایکن بیله یاپه میه جقلری شیرلی

یایدقلری حقنده کی مبالغاتی بر طرف ایدرک

انسانک بو حالده نه درجه لره قدر حرکات

وسکناته مقتدر اوله بیله جکلرینی اکلامق

وحرکات نومیه نک بو درجه سی ایسه عاداتا

رؤیا کورمک صورتنک عینی اولوب شو -

قدرکه انسانک برشیئی رؤیاده یا انکز کور -

مسنه « رؤیا » و بالعکس قوه دن فعله چیقارمغه

چالشمسنه دخی « صومنامبولیرم » دینله -

جکمی بیلک صورتدن عبارت قالور •

اما انسیقلو په دی وسائر بعض آثارده

صومنامبولر ایچون روایت واسناد اولنان

حرکاته کلنجه اولا بر آدمک بر کفته یه بسته
 یایمسی و بعده بر کاغدی جدول ایله چزوب
 بسته یی نوطه اصولیله طوغریجه یازمسی
 و کله لرک دخی نوطه لر التنه طوس طوغری
 توزیع قلمسی و حتی بر کره ده ها کوزدن
 پکیر یله رک یا کشی و ارایسه اکمال ایلمسی کبی
 اویانق بولنان آدمک بیه اغلبنه میستر اوله.
 میان ایشلری رؤیاده و صومنامبول حالنده
 کوره بیلدیکی جداً اثبات اولنمیدر که بز دخی
 فیر یولوژی و سائر فنونجه بونلرک نه درجه یه
 قدر امکانی اولدیغنی ار اشدیره بیللم.

مبحث ۱۱

«خلاصه»

احوال نومده اصل مقصدمز اولان
 رؤیا بحثده اس اساس مبحث اولق اوزره

نظر اهمیتہ الہ جغمز شی اعصابک قوہ
 متحسسه سندن متولد اولہ ررق دماغده موجود
 اولان قوہ و اہمہ در • اشبو قوہ و اہمہ
 انسان او یودیغی زمان دکل حتی او یانق بو -
 لندیغی زمان بیله کوزلری او کندی غول یبانی
 فلان کبی بر طاقم خیالاتک تجلی ایتسیله ثابت
 اولیور • بوندن ماعدا قوہ حافظہ ده
 موجود اولان محفوظات دخی انسانک اویقویہ
 وار مسیله زائل اولیوب بالعکس اویقو حالیلہ
 حواس ظاہرہ تعطیل خدمت ایلد کیری زمان
 هیچ بروقتده قطعاً و قاطبہً ایشندن قالمیان
 قوہ مفکرہ اشبو محفوظات قوہ حافظہ ایله
 اشتغال ایدرک انلر رؤیا صورتندہ تجلی
 ایدیور •

وولتر قوہ حافظہ رؤیا حالندہ قوہ

مفكره يه برطاقم سرمايه اشتغال تدارك ايليه.
 جكي حقننه اقوال حكمايه اعتراض ايلش
 ايسه ده حقسزدر . بودعواسني يوروتما
 ايچون « اكر رؤيا قوه حافظه دن نشأت
 ايلسه انسانك هيچ عقلنه كليان قاريشق و غر-
 يب شيلري كورمامسي و دائماً محفوظاتيله
 اشتغال ايتسي لازم كلورايدي » ديمسي كفايت
 ايتمز . بيز بوندن اول دخی ديمش ايدك كه انسان
 هيچ دوشونماش ايكن رؤياده كورديكی
 شيلري اولجه كورمش و دوشونمش اولديغي
 حالده اونوته پيلور . حالبوكه قوه و اهمه-
 نك حال بيدار يده اولديغي كي حال نومده
 دخی انسانه هيچ عقلنه كليان شيلري توهم
 ايتديروب رؤيا صورتنده كوستره بيله جكي
 پك بديهي و ثابت ايكن وولترك بواعتراضنه
 اصلاً محل قالمز .

بز رؤیانک قوه حافظه ایله قوه واهمه
 طرفندن دماغه سرمایه اشتغال تدارک
 ایدلمسندن و بونلرک قوه مفکره اوکنده
 وجود بولمسندن عبارت اولدیغی حقنده کی
 اقوال حکمایه اول قدر قانع اولمشز درکه
 اسباب خارجیه دن متحصل رؤیایر ایله انسانه
 صنعی اوله رق رؤیا کوستره بیلک امکانلری
 شو قناعتلرک بر قاتدها تقویه سنی موجب
 اوله رق وولترک اعتراضی حکمسنز کورمکه
 مجبور اولمشز در . مع هذا صومنا مبول
 بحثنده وولترک مطالعه سنی جمله یه ترجیح
 ایلرز . یعنی بز دخی اویقو حالنده اویانق
 بولندیغی زمان بیله اجرایی صعب اولان
 شیلرک اجرا اولندیغنه دائر اولان مبالغه لی
 روایاتی قبول ایده میهرک غایتی انسان کور-

دیکی رؤیایه ویانخود رؤیا کور میورسه بیه
 اشتغالات ذهنیه سنه مطابق اوله رق بعض
 سوز لر صایقلاد قلی کی بعض حر کت لر دخی
 اجرا ایلدی کی قبول ایدر و بونک وجه
 و حکمتی اولق اوزره دخی انسانک اختیاری
 البته قوه مفکره مرکزی اولان یلینده اوله
 جغندن بین کندی تخیلات و تصوراتنی بر
 اختیار و اراده صورتنه دخی قلب ایدنجه
 اعضای وجودک او ارادهیه توفیق معامله
 ایلیه جکی قضیه سنی بولورز .



○ ❖ بن نهيم ؟ ❖ ○

(حکمت مادیہ مدافعہ)

Ahmet Nihat

محرری

احمد مدحت

Ben neyim



ترجمان حقیقتك مواد حکمیہ قسمنه تفرقه
ایدلہ کدن صکره ایلک دفعه اوله رق آیریجه
کتاب صورتنده دخی طبع اولمشدر

استانبول

۱۳۰۸

بین نہیم؟

(حکمت مادیہ یہ مدافعہ)

معلومدر کہ اور و پادہ « مادیون »
دنیلن بر حکمت غریبہ اربابی کیتدجکہ
چو غالیور . حکمتدہ کی غرابت انتاج
ایلدیکی ثمرات حقندہده انظار استغرابی
جلب ایللیور . زیرا بو حکمت طبعیاتی ده
معنویاتی ده علی العمیا رد ایدی و یرہ رک
صرف مادیتن عبارت بولنان ماہیتنی

معلومات ناقصه و قاصره ار بانه وهله
 جهلايه قولايجه او كرتديكندن آنى قبول
 ايدنلر يك قولاي چوغاليور ايسه ده نتيجه
 حالده انسانلغى او عنواندن بكمه نيلن فضائلدن
 بالتجريد عادتاً بهيميت منزله سنه ايندير مسيله
 ار بابنى كافه علايق بشريه دن مجرد و بتون
 مكونات عليه نه و حتى كندى نفسنه بيله دشمن
 بر جاني ايدوب براقيور.

اوت ! كافه علايق بشريه دن مجرد !
 زيرا آنالق بابالق اولادلق قرداشلق كى
 علائقى او قدسيت قديمه سندن اسقاط
 ايلد كدن ماعددا ازدواجى صافدرونانه
 براسارت حكمنه قويه رقى منعله و مناسبت
 رجال و نسوانى ده و حوشك و طيورك
 مناسبات حيوانيه سى صورتنه افراغله

والديت ومولوديتي و بناءً عليه اخوت
و سائر كونه قرابتی حكماً دخی اور ته دن
قالدير ييور . بو حالك تعممی لازم كلسه
معاذ الله تعالى هيئت اجتماعيه بشريه بر
كويك سوروسنه دونه جك !

اوت ! بتون مكوناته وحتى كندی
نفسنه بيله دشمن بر جانی ! زیرا انسانلر
آره سنده آناللق بابالق اولادلق قرداشلق
كبي علايق و مناسبات طبيعیه قالمقدن
صكره دوستلق همشهريلك هم نوعلك كبي
مناسبات انسانيه ومدنيه می قالور كه نوع
بشر يكديكرينك حقوق ماديّه و معنويه سنه
رعايت ايلسون ده دوائر اجتماعيه مدنيه ده
انتظام و انضباط قالسون ؟ انك ايچون
بو حكمت عجيبيه نك چو غالديني يرلرده



جنايتلر چوغاليور. اتخارلرده چوغاليوركه
ايسته كندی نفسلرينه عداوت و خيانت
ديمك دخي بودر.

« حكمت » نامنى بيله چوق كوره.
جكمز بو عجيبيه نك معلومات ناقصه و قاصره
اربابى بيشنده سهولت و سرعت انتشارينه
سبب طبيعياتى ده مغنوياتى ده على العميا رد
ايدى و يرملرى يالكىز مادياتى اله آلملرى
قضيه سى اولديغنى سويلدك . بونى براز
ايضاح ايتلى يز :

عجيبه مذ كوره نك پيدا و شايع اولديغى
يرلرده « مغنويات » دنيلن شيشى نه حاله
قويمش اولدقلى قارئلر مزه معلومدر .
زيرا ﴿ مدافعه ﴾ ناميله يازمش اولديغى
اوچ جلد مز و سائر برچوق آثار حكيميه مز

بوبابده قارئلرمزه معلومات كافيه اعطا
 ايتمشلردر. بوحالده دها زياده تطويلا ته
 حاجت قالمقسر ين اكلاشيله بيلور كه
 معنوياتك اودرلوسني رد ايدى ويرمكه
 هيچ بركلفت يوقدر. نصل كه هيچ بر كمسه
 بويلاه بركلفتي كورمامكه درده ! واقعا
 برده معنويات صحيحه واردر كه آنى نه
 على العميانه ده باليقظه رده امكان يوقدر.
 اما بومعنويات صحيحه وحقيقه اوعجيبه
 حكيمة نك منتشر اولديغي يرلرده متعمم
 دكلدر. بناءً عليه ماديون « معنويات »
 دنيلن شيئك كندى مملكتلرنده كى صورت
 موجوده سنى رد ايدى ويرمكه هيچ
 صعوبت كورمز لر. بونده همان همان افكار
 عموميه يى دخى كنديلر يله متحد بولور لر .

طبیعیاتہ کلنجہ : شمذیکی حالہ طبیعیا۔
 تڪ بر قلعة ذی حیاتی دیمك اولان قامیل
 فلاماریون فی الواقع مادیونك و همیات
 عجیبہ سنی کندی حکمیات طبیعیہ سہیلہ
 خرپالہیہ خرپالہیہ پیراتہ پیراتہ اسکی
 پاچاورایہ چویرہ رك صورتلرینہ آتی
 ویریور۔ لکن قنالغك بیوکلکنہ نسبتلہ
 بوموفقتیک بروجہ مطلوب ثمراتی اقتطاف
 اولنہ بیلورمی ؟ قامیل فلاماریونك دقایق
 حکمتی اکلائیہ بیلمك ایچون علوم عائدہ سنہ
 وقوف لازمدر۔ مادیون مسلککنك اصل
 انتشارکاهی اولان عوام بینندہ ایاق طاقی
 میانندہ علوم مذکورہ منتشرمیدرکہ
 فلاماریونك سوزلری اکلاشیلہ بیلسون ؟
 علومہ اولور اولمز بروقوف ایلہ منسوب

اولانلر بيله دقايق حکميه نك او مرتبه سنه
 واردميه رق اكا نسبتله ماديونك سفسطه
 ومغالطه لرني بر حقيقت سهل التفهم اولمق
 اوزره قبول ایدی و یر یورلر . ایشته
 از جمله شوپنهوئر که کویا حکمادن عد
 اولنمشدر . رد حکمتی ایچون یازدیغمز
 بر جلدده بیان و تفصیل اولندیغی اوزره
 بر انسان سنوی یکرمی اوتوز بیک فرانق
 ایراده مالک اولمقدن صکره حکیم اوله
 میه جغنه قانمش و بونی عالمده قاندرمغه
 چالشمش بر اعجوبه در .

معنویات ایله طبیعیات بو وجهله
 کندیلرندن تباعد ایلدیکی حالده بونلرک
 یالکیز مادیاتدن عبارت قالان حکمتلری
 دمیرجیلره کومورجیلره وارنجیه قدر

هر كسك حسن تلقيسنه مقارن اولمزده
نه اولور؟ زيرا او حكمت ييوب ايچمكدن
ياتوب قالقمقدن و كوز ايله كور يلوب
ال ايله لمس اولنان و بالهندسه اولچولوب
بالحساب تعداد ايديلن شيلردن عبارت
قالور. بو خنر كي عظماسي ايچون بويله
ال ايله طوتيلوب كوز ايله كوريلن ماده لرك
اجزاي فرديه سنه طوغري سوق ذهن
ايديلهرك بونلرده كي « قوه » يعنى خوا-
صيه ده تتبع يولي قيه انه من ايسه ده فكر
حكمتي او قدر يوكسلتوب اينجلته مامش
اولانلر ايچون موجودات و آنلردن
ايديلهرك احتساسات مرعاده اوتلايان
قويونلرك صيغر لرك مشاهدات و احتساساتي
درجه سندن اوتيه كچه من . قو يوني

صیغری مثال اتخاژ ایدیش-مزه باقوب ده
ایشک ایچنده - ولوکه حیوانی اولسون -
برحلم برملایمت وارظن ایتمالی . مثالزی
برقورت برقلان اوله رق ایراد ایلسه ایدک
بلکه دها طوغری اوله بیلور ایدی .

یوق یوق ! ینه طوغری اوله مز
ایدی . هله بونلرجه جمعیت بشریه بر
آری قوغانه برقرنجه یوواسنه برقوندوز
مملکتته مشاهدردیمک کبی علویات
طبیعییه طوغری ارتقا واعتلاهیچ
طوغری اوله مز . حیواناتده برر حس
حیوانی وار . برر وظیفه حیوانیه وار .
انلرده بونلردخی یوق . برچفت کوکرچین
یاوروسنه اناسی باباسی مدت مدیده ییه جک
ایچه جک کتورمک اوچغنی اوکرتمک

صورتیه آنالق بابالق ایدیور. بو حس
 حیوانی ایمش. مادیون ایسه حیوانمیدر لر
 یا؟ آنلر چوجقلرینی طوغار طوغمز پیچ
 خانهیه براقیور لر. قانونلر نظرنده جزاسی
 اعدام برجنایت اولسه بلکهده طوغار
 طوغمز یاوریلرینی بوغارلرایدی. «سلامت
 و سعادت» دن عبارت اولان مقصد
 مشترک اوزرنده آریلری قرنجهلری قوندوز-
 لری جمع ایدن شی وظیفه حیوانیه ایمش.
 مادیون بو منزله پستیده قاله بیلورلرمی؟
 انلرک قاعده سی کندی بنی نوغندن اولان
 بریسنه: «سن اورادن دفع اول که یرکی
 بن ضبط ایده یم!» دیمکدر. طراز حکمتلری
 بودر: نفسی نفسی!

بر حکمت که دائره سی کوچ-وله

کوچوله نهایت « نفسی » منزله‌سنه اینیور
 آرتق او حکمتی تحصیلده نه کلفت قالور؛
 ایشته بونک ایچوندرکه حکمت مادیه طبایع
 طاغیه و باغیه‌نک کافه‌سنه موافق کله‌رک
 ار باب سفیله‌سی ده چوغایور.

دیه جکسکیزکه : بونلرک « نفسی ! »
 دیمه‌لری ده کافیدر. اکر نفسنی دوشونورلر
 ایسه ربلریخی ده دوشونورلر. معرفت نفس
 دخی بررأس حکمتدر.

آغز کیزی اوپه‌یم ! اوت ! نفسنی بیلن
 ربنی ده بیلور. حتی سزه شو اثری یازمغه
 بنی تشویق ایدن شی دخی ایشته یالکیز
 بو ماده‌دن عبارتدر. بزجه مادیونی قطعاً
 رد ایچون بیله شو معرفت نفسدن بشقه
 برشی اقتضا ایتمز. آنلرک نتیجه حکمتی

اولان بولکه ينه آنلرک اثبات بطلانی ایچون
برهان قاطع اوله بیلور . فقط باقهلم آنلر
نفسی سزک کوردیککز نقطه نظر دیمی
کور یورلر ؟

یوقاروکی فقره مزده بیان اولندیغی
اوزره برکره معنویاتی رد ایتشلر . آرتق
ر بوبیت خالقیت فلان آنلر نظر نده مصال
حکمنی آلمش . خالقیتی ر بوبیتی ماده ایله
انک خواصی منزله سنه قدر ایندیر مشلر .
« جوهر و عرض » دیه بزم حکمت قدیمه نک
اوتهدنبری موقع تدقیقه چکدیکی شیئی
آنلر شمدی « ماده و قوت » دیه آدلرینی
دکشدیره رک کویا یکی بولدقلری بر حقیقت
ایمش کی پیشگاه تتبع و تدقیقه المشارده جلالر
طولوسی دوشوندکن طاشندقدن صکره

بوله بوله بو ایکی مخلوقه خالقیت اسنادی
 حکمنی بوله بیلیمشار. چونکه جوهرک عر-
 ضدن عرضک جوهردن تفریق قابل دکلدر
 دیه بونلرک بشقه بر قدرته افتقارلری اولد-
 یغنی وکندی کندیلرینک خالق اولدقلرینی
 و قدم و بقا بونلرده بولندیغنی حکم ایدی
 و یرمشار. بناءً علیه نفسی آنلرک نقطه
 نظر نجه بیله جک اولورسه کز او معرفت
 نفسدن معرفت ربه نصل یول بوله بیله-
 جکسکز که اورب دخی ایشته جوهر ایله
 عرضندن عبارت چیقجه جقدر.

نصل ؟ بلاهتک بو درجه سنه
 « حکمت » دیمکدن حیا ایدلک لازم کلزمی ؟
 فقط صبر بیورکز . باقکز دهانلر
 کوره جکسکز !

« حکماء » نامنی اغتصاب ایدن بو
 اشرای اشقیا اکر بنم « بن » لکمده
 بر موجودیت وار دیه فرض ایده جک
 اولسه لر شاید بن او بندگان ایله بونلرک
 حکمتنه مخالف اولورم خوفیله بنم بندگانمی
 بیله انکار ایتمشلر. بکا « سن یوقسک »
 دیورلر. بنم وارلغم خالقکمک ده وارلغنه
 اک بیوک کواه اوله جغنی بیله رک بنی یوق
 ایدرلر ایسه خالقکمک ده یوقلغنی اولی بالطریق
 اوله رق بکا اعتراف ایتدیره بیله جکلر نی
 تخیله بولنیورلر.

آنلرک نظرنده بن نه ایمشم بلیور-
 میسکمز؟ کولما مکزی دها شم دیدن اخطار
 ایله ایشته خبر ویرهیم :

بن دریدن معمول بر طور به ایچنه

یعنی برطلوم دروننه قونلمش برمقدارات
یاغ کیمیک صوفلانندن عبارت ایمشم !

بکا دیورلرکه : ایستر ایسهک بونلری
برده آنالیز ایدلم . اوزمان بونلر برطاقم
جوهرلره منقلب اولورلر . آزوت آسید
قار بونیـک فلان کبی . یالکز سن دکل
بتون نوع بشر بویله در . طارمله افندم !
بتون مکونات و مخلوقات بویله در . جمله -
سنک خالق ایشته بوجواهردرکه آنلرک
بررده عرضی خاصه سی قوتی وارد در . آنلر
قدیمدر . کندی خلقتلری ایچون بشقه بر
خالقه محتاج اولمیوب بلکه بالآخره هر
شیئی ده آنلر خلق ایدرلر .

کوجکزه می کیتدی ؟ بونلره اعتراضی
ایده جکسککز ؟ نه دیه جکسککز ؟ دیه -

جکسکیز که سزده حواس خمسہ ظاہرہ
 وارد ر . لمس ایدرسکیز ذوق ایدرسکیز
 کوررسکیز ایشترسکیز قوقلارسکیز ! آنلر
 بونلرہده جواب ویر یورلر . بوحسارہ
 دماغک کوزک جلدک برونک قولاغک برر
 ملکہ سیدر دیورلر .

« ملکہ » نہ در ؟ آنی تعیین ایدہ -
 بیلیورلرمی یا ؟ ایشته « ملکہ » والسلام !
 کوزک صورت آتش کلندن منبعث برقوت .
 کوز برمادہ رؤیت دخی برقوت !
 حدتکیز دھا زیاده آرتیور دکلی ؟ دھا
 ایلرویه واروب دیہ جکسکیز کہ سزده حواس
 باطنہ دخی وارد ر . تحسساتکیز وار عقلکیز
 وار الحاصل روحکیز وار !

آنلر سزک حدتکیزہ خفیف خفیف

تبسم مستهزیه ایله دیورلرکه : بونلر
 دخی بررملکه درلر. دماغك قوای متنوعه
 سی ! یوقسه روح دنیلن شی بیله جهالت
 زمانلرندن قالمه برظن بهوده ! روح نه در؟
 زرده در؟ وجودکزی تشکیل ایدن او
 مصنع ما کنه نك ایشله مسندن عبارت بولنان
 و « حیات » دنیلن شیئك کافه ملکاتیله
 ظاهرده تجلی حکمندن عبارت ! او ما کنه
 بوزولدینی کی اول باول ملکات مذکورده دن
 هیچ برشی قالمز. متعاقباً شکل وجودکزدن
 ده برشی قالمیه رق جمله سی ینه عناصر اصلیه
 رجعت ایدرلر .

یا بن ؟

سن کیم اولیورسك ؟ سن ذاتا وارمی
 ایدك که ما کنه بوزولوب انقازی ده

چورودكدن صكره كندىكى آرايه بيله سڭ ؟
ايش بو درجه يي بولدقن صكره
مناظره نكده اوزانمى طبعيدر. مناظره يي
علومه نقل ايتمك لازم كلوب آنلر دخی
بوندن چكنمزلر.

بحشمز مبحث انسان اولديغى ايجون
بالطبع بر « آنتروپولوغ » يغنى بر علم
احوال انسان عالمى بولوب اكا مراجعت
ايدرز. آدمجكز بزه « اوستئولوژى »
يغنى علم مبحث العظامدن باشلايه رق بنای
وجودمزی كيمكلر ايله قوردقن صكره
عضلاتنى انسجه سنى اعصابنى فلاننى ده
هپ ترتيب ايدر. بونلرك وظائفى تعداده
كيريشوب الحاصل « پسيقولوژى » يغنى
مبحث روحه قدر وارر. بوتشر يحاتك

هیچ بریسنه فیلسوف مادی اعتراض و مخا-
لفت، ایتمز. نهایت الامر او آنتروپولوغه
صورار که : هر عضوك ملكسى نه دن
منبعثدر ؟ اومدار انبعث ندر ؟ حاصلی
روح نروده در ؟ نه در ؟

آنتروپولوغ واقعا سیکر لر اوزرنده
برسیاله عصبیه جاری اولدیغنی واحتساس
وملکات آندن عبارت بولندیغنی ده سویلر
ایسه ده او سیاله هنوز اله النمامش انالیز
ایدلماش اولدیغدن ماهیتنی تعیین ایده مدیکی
کبی روحك ماهیتی سئوالنده ایکی اللرینی
یانلرینه ککو توروب قوللرینی کره رک
آووجلرینی آچهرق کوزلرینی ده سمت سمایه
دیکهرق کمال استغراق ایله حیرت جوابی
ویرر .

آرتق فیلسوف مادیده کی مظفر یتہ
 سوینبه باقلى ! ایشته دعواسنی قازاندی کیتدی !
 حکم ایتدی که بن بر طلوم طولرسی ات کمیک
 یاغ ژلاتین فلانندن عبارت ایمشم ! حیات
 روح فلان هپ او وجود ما کنه سنک نتیجه
 آثار فعالیتی اولوب ما کنه بوزولدق دن
 صکره بر زمان ایچون بن صافی الحمدن
 شحمدن عبارت قالور ایمش ایسه م ده
 صکره بونار دنخی متحلل اوله رق قسم
 اعظمی کونا کون غازلره متحولاً هوایه
 وقسم اصغری بعض عناصری حاوی طوی
 پراغه تحویل ایدی ویرر ایمش ده بتر کیدر
 ایمش .

★

★ ★

حریف دعواسنی بویله فنونه ده

تطبیق ایلهدیکی حالدده آرتق بونك بطالانی
 نره سنده اولدیغنی بولوب چیقارمق عوام
 طاقی شو یله طورسون اولور اولمز
 تحصیل اربابی ایچون دخی قابل اوله -
 بیلورمی ؟

واقعا آنتروپولوغه کندی اعتقادی
 کندی ایمانی صورارسکز . اوسزه دیرکه :
 شو انسان دنیلن ما کنهیی قرق ییلدر
 تشریح و تتبع ایدیورم . او قدر اثر
 انتظام کوریورم که بونك مؤثرینه حیران
 اولیورم . یالکز بن دکل ! کیمیا کر
 ارقداشم دخی بو حیرتده ! فزیقچی ارقد -
 شم ده بو حیرتده ! منجم ارقداشم ده بو
 حیرتده ! بر ذره دن الکزده فضای بی
 نهاییه وارنجهیه قدر کوریلن انتظام بر

عقل کل بر قدرت محیطه جمله مزی حیران
ایلیور. ذره لر ایچنده عوالم کورییور.
عوالم فوقنده عوالم وار! جمله سنده بر قانون
فرمان فرما اولیور. جمله سی متحرک اوله رق
جمله سی ده ایلک قوماندائی بر قومانداندن
المش اولدقلری کوریلیور.

بوسوزی ایشیدنجه اومدهش فیلسو-
فک سزده موجب اولمش بولندیغی انقباض
براز زائل اوله رق کنیشجه بر نفس الیور-
سکز. ارتق شو جراثمه فلاماریونک لوی
فیکه نك و سائر طبیعیون حکمانك آثار
حکمتی اوقویه رق طبعکزده ایلک پیدا
اولان فرحی آرتدیریورسکز. حق سبحانه
وتعالی حضر تلرینک محیط کائنات اولان
آثار قدرتندن وارلغنه بالانتقال اکتساب

ایلدیککنز صفای روحانی ایله بختیار
اولیورسکنز .

لکن بن ؟
بن بنم بنلکمی انکار ایدن شریر ایله
بوغاز بوغازه کلینجه قناعت حاصل ایده -
میه حکم . زیرا اولاً کندی وار لغمی اثبات
ایتملی یم که بونده یالانی میدانه چیقان
شریرک خالقم معبودم حقندده یالانی میدانه
چیقسون بن موقه مایوس اولدینم کبی اوده
مؤبداً مایوس ومقهور اولسون .

اوت ! بن ده او قودم . فلاماریسو -
نلری ده او قودم فیکیه لری ده ! دارونلری ده
او قودم ده قارتلری ده ! شوپنهوئرلری
بوخنرلری بیله او قودم . انکار اولسان
بنلکمی بولق ایچون دوسته ده صوردم
دشمنه ده !

بر طاقی بکا « تظارف و تضامن »
 طریقنی کوستردی . یعنی بیکلرجه قوطی
 بر برینک ایچنه قونمش و یکدیگرینی
 تظارف و تضامن ایتمش اولدقلری کبی بن
 بابامده داخل ایتمش بابامده باباسنده اوده
 کندی باباسنده و هلم جرا ! اما غرابت
 بوندن عبارت دکل . بندهده بر طاقم اولاد
 اولدیغی کبی اولادمدهده وار ایتمش احفاد
 دمدهده ! یعنی بوندن صکره دخی ایچ
 ایچه بر سلسلهدر کیده جک ایتمش ! ایی اما
 آبا و اجداده طوغری بو کلش نره دن
 باشلایور ؟ اولاد و احفاده طوغری ده بو
 کیدیش نره یه قدر کیده جک ؟
 بوسئوالره جواب مقنع بولمی ! او
 ایسه امان یار بی نه قدر کوج ! ذاتاً

مسئله ده بوندن عبارت دکل ! حریف بنی
 انکار ایدیور بنی ! بنی انکار ایتدیکی کبی
 بابامک ده وارلغی انکار ایدیور. بندن
 اوپله برسلسله ارثی بیله کسوب آتیور.
 كذلك بر طاقی ده بنی اجرام سماویه نك
 بعضلرندن کتوروب بعضلرینه کوتوریورلر.
 اوصرده یه برسیاره اولان شوستاره
 ارضه دخی ایندیریورلر. بوراده اقامتم
 موقت اوله رق فردای مماتده بنی یه بشقه
 اجرامه کوندیریورلر. بونلرک فرضیاتی
 هم دهاتحف هم ظاهر حالده دهاتزاده
 موافق فن کوریلیور. زیرا بن اولدیکم
 زمان روحم شو ارضدن اوچهرق بشقه
 کره لره قدر وارمغه محتاج اولیور. ارض
 کونشک اطرافنده دوار دکلی یا ؟ آندن

آریلن روح ایلک طور دینی یرده طور
سون . ارض تباعد ایدیور . روح
طور دینی یرده طورر ایکن بشقه برسیاره
کندی سیران و دورانی اثناسنده روحه
چاتوب آنی کندی اوزرینه آلیور . بن
اوکرده یکیدن طوغیورم !

ای اما بوفرض و تخیلدهده بکا برفائده
یوق . چونکه بنم بنلکمی انکار ایدن
حریف بنده برروح فرض ایتیمورکه انک
عوالمدن عوالله سیران وجولانی فرضیا-
تنه قولاق ویره بیلسون . هله مسئله
نره دن کلوب نره یه کیتدی کمز مسئله سی
هیچ دکل ! حریف شوراده کی موجو-
دیتیزی بیله رد ایللیور . نره دن کلدی کمز دن
قطع نظر بالخاصه نره یه کیده ج کمز مسئله سی

آنی برقات دها چلدیر تیور . « آخرت »
 سوزینی هیج دیکله مک ایستمیور . بوسوز
 آنک ایچون « رب » و « خالق » کلمه لرندن
 دها زیاده شایسته فرار برسوز !

ای ! بن ده جبراً قهراً مادیون شریره
 قارشو مسکنت بیونمی بو کوب قاله جقمی یم ؟
 ذراتدن شمسو سه وارنجیه قدر هر شی
 خالقکمک معبودمک وارلغنه باهراً شهادت
 ایدوب طور دینی حالد بن « آه ! دها
 کندی وارلغمدن امین اوله مدم که سنک
 وارلغکی اقرار ایده یم ای معبودم ! » دیه
 چوجقلر کی اغلامقله می قاله جغم ؟

هیات ! بوجاهده ده صوک درجه یه
 قدر واروب البته کندیمی قورتاره جغم .
 بر کره کندیمی قورتاره یم آرتق اوته طرفی

قولای ! بن وارم یا ؟ کندی وارلغمدن
ایستدیکم کی استفاده ایده جکم. ایستدیکم
شیئه اینانوب ایستمدیکمه اینانیمیه جغم. هله
اک بیوک ایستدیکم حیرانی مشتاقی اولدیغم
ربمدر. ارتق اکا کافه شوائب تقلیددن
معری بر ایمان کامل مختارانه ایله ایمان
ایده جکم. هایدی او یله ایسه بسم الله تشمیر
ساق اجتهاد ایلیم !

فقط شوراجقده سوکیلی قارئلرمله دین
قرنداشلرمله خصوصی بر حسب حال ایده -
جکم. دیه جکم که :

بو حریفلر اتردن مؤثره انتقال قاعده
قدیمه سنی حکمدن دوشورمکه جالیشیورلر.
حتی اثبات واجب امرنده اک بیوک اثر

انسانك كندی وارلغی اولدیغی جهتله
 آنی بيله معدوم حکمنده کوسترمک ایچون
 التزام ایلدکلری شارلتانقلری مخصوصاً
 اومغالطات فیهیه قدر واردیر یورلر .
 بغایتہ تعالی سایه شریعت احمدیه ده فیو-
 ضات حکمت اسلامیہ ایلہ آنلره جواب
 مقنع اعطاسی محالاتدن دکل ایسه ده دشمنك
 النده کی سلاخی بیلمکله برابر بزم رزمه
 وصول ایچون قویدقلری شرائط عهدیه یه ده
 وقوف لازم دکلیدر؟ هم بونلرک سوزلری
 اساساً سفسطه اولقله برابر مغالطات
 فیهیه ایلہ اکا او یله بر قوت ویریورلرکه
 اولور اولمز طورانش ایلہ ردلری ده قولای
 کور یله میور . از جمله اثر دن مؤثره
 انتقال ماده سنك موجب اوله بيله جکی

تغلیطات حقنہ دیوورلرکھ :

— براورس اوزرنده بر ساعت کورر۔
 سکز، اوساعتک جامی قیرلمش . همده
 اوزرینه بر چکیچ ایله اوریلهرق قیرلمش .
 بو انکسار ایشته بر اثر درر . شمدی بونک
 مؤثرینه انتقال لازم کلورایسه بلاتردد ولا
 اشتباه دیرسکز که او ساعتک جامنی قیران
 چکیچ اوفاجق بر چکیچدر . اما پک
 اوفاجق . همده غایت یواش اورمشدر .
 زیرا جام قرلینی حالدہ ساعتک یلقوانی
 ایله عقربنی و بونلرک مربوط اولدینی
 محور مرکز یی ازمایش . قیرمایش .
 ساعتک مینہ سنہده هیچ طوقمایش . ایمدی
 بو اثر دن حتی بو آثاردن انتقال ایدہ ییلور۔
 میسکز که او جامی قران چکیچ یدی سکز

یوز اوقهلق بر چکیچدر؟ همده کیم بیلور
 قاج میلیون اوقهلق بر ثقلته اینمش اولدیغی
 حالدہ یالکز بواثری پیدا ایدرک دها زیادہ
 براثر پیدا ایدہ مامشدر؟ اوت ! ایشته او
 ساعت بر یوک ترسانہنک بخار واسطہ سیلہ
 ایشلہ یین چکیچ ماکنہ سنک اورسی اوزرنده
 بولنیور . باقکیز؟ چکیچده ایشته باشکیزک
 اوستندہ ایکی ستون آہنین آرسنہ شاہمر .
 دان واری صیقشدیر یلوب تعلیق اولنمش
 طور ییور . اوفاجق بر مانوہ لی یی النہ
 الہرق اداره ایلان استاد بواون بش یکر می
 قنطارلق چکیجی واپور قوتیلہ بردن برہ
 اوساعتک اوزرینہ ایندیر ییور اما ساعتک
 جامی ایلہ مینہ سی آرسندہ کی برایکی میلی
 مترولق مسافہ یی قطع ایتسنہ و مینہ یی دہ

ساعتی ده ازوب محو ایلمسنه میدان
ویرمکسزین استوپر ایدی ویریور. ایشته
اثر دن مؤثره انتقال ماده سننده بومثللو
غلطات بدیهی و آشکاردر. مادیون فلاسفه
ایسه بویله غلطات اوزرینه بنای حکمت
ایده من.

بوحر یفلر بحثی در حال دها ایلرویه
اک ایلرویه قدر کوتور ییورلر. اساً
اعتراضلر نی نصرانیتیه حصر ایده رک
دیورلرکه :

— سز ربکزک اثری اوله رق کندیگری
بولمشسکز. کندیگز دن عبارت بولنان
اثر دن ربکزه ده انتقال ایده رک آنی ده
آغزلی برونلی بویلی بوصلی برشی دیه حکم

ایلمش سکنز. کورمک ایشتمک سویتمک یرتمک
 کبی شیلری ده هپ کندیکزدن عبارت بولنان
 ائردن او مؤثره انتقال صورتیه اکا اسناد
 ایلمش سکنز. حالبوکه اثر مؤثرینک عینی ده
 اوله مز. برموز یقه جینسک یاپدینی گمان بر
 صندوق بر پرده لک اشیك دوت مندال دوت
 کیریش و سائردهن مرکبدر دیه گمانی
 یاپانک ده آنلردن مرکب اولسی لازم کلیه جکی
 کبی بو گمان اوزرینه اوق سورلیدیکی زمان
 چیقاردینی صدا کبی بر صدایی مؤثرک ده
 چیقارمسی هیچ لازم کلز.

ایشته بومطالعاتک کافه سی خاطرلرده
 اوله رق اعدای مر قومه یه قارشوا کا کوره
 اسلحه مدافعه تدارکی لازم اولدینی کبی هله
 آنلر بزی بومدافعه غیرتندن دخی مأ یوس

دوشورمك. ايچون اول باول بزم موجوديت
انئيه مزى رد وانكاره قالقشيور لر كه شو
اثرده بن يالكيز كندى بئلكمك ياقه سنى
آنلرك دست تعرض جبارانه سندن قورتاره
بيلور ايسهم سائر هر صورتله تأمين غالييت
ايچون يالكيز بوقوت بكا كفايت ايدر.

آنلر ميدان مبارزه يه دخول ايچون
الده فنون بولمقدن بشقه سلاح دخى قبول
ايتيور لر. كتب سماويه آنلرجه براهين
و دلائل غير مقبوله دندر. براهين عقليه
بيله قبول اولميور. تاكه فنون موجوده
ومتداوله يه موافق اولمديجه ! قدمای
حکما دن هيچ بريسنك سوزيني ده قبول
ايتيور لر. آنلرى كاملاً جهل ايله
اتهام ايليور لر. ققط ينه قدما مياننده

کندی وهم باطلارینه تقرب ایتمش اولان
 برقاق دانه سی او تخیهل عمومیدن استئنا
 ایدیلیورلر. شمدیکی علومه قدمانک هیچ
 بریسی نائل اوله مامش اولدیغی کبی آنلرک
 منتخبی اولان حریف دخی نائل اوله مامش
 بولندیغی ایراد ایده جک اولورسه ق جواباً
 دیورلرکه : شمدیکی کشفیات فیه آنلره
 میسر اولمش بولنسه ایدی مسلك مادی یی
 ده اوزمان شمدیکی قوت کافیه سیله تأسیس
 ایدرلر ایدی.

بونلرک مناظرده شودرجه یه واردیر.
 دقلری نازدن اوصانوبده واز کچه جاک
 اولور ایسه ک آنلرک جانلرینه منت ! زیرا
 احوالده کندیلمی بزه ایستدکلری قدر
 مستهزیانه تعرضاتده بولنه جقلرده بز آنلره

مدافعه بیه ایده میه جکر. فنون موجوده دن
 بشقه برهان و دلیل قبول ایتملرندن شکایت
 ایده جک اولور ایسه ک بزه : « نه یاپه لم ؟
 بز حقایق فیه نك نتیجه دلالتی اولان بر حکمته
 اتباع ایلور ز. سزك خاطر کنز ایچون بونجه
 فنون مثبت و محققه یی انکار ورد ایده میزیا ؟
 آنلر محققات قطعیه دندر. آنلرک غیر یسی
 ایسه روایات دن ظنون دن عبارت ! » دیر لر .

ایشته بو اسبابه مبنی آنلره قارشو
 اول باول یالکز کندی وار لغمی هم ده آنلرک
 دخی رد ایده میه جکلری فنون موجوده
 ایله اثباته مجبور اولدم . بحثی مورد مزه
 معاد مزه قدرده واردیره بیلور ایدم . اما
 اوزمان سوز زیاده اوزانه رق بحث دخی
 بر صورت مغلقه پیدا ایدرک بنجه آرزو

ایلدیکم قطعیت و ساده لک حصوله کله من.
ایدی. بر کره کندی وار لغمزی آنلرک ید
تعرضلرندن قورتاره لم اختیار مزی اله
اله لم ده نقاط سائره ایچون ده اوغراشه جق
قدر تمز زمانمز اوله بیلور. اما کندی وار لغمز
بیله آنلرجه مردود و منکر قالور ایسه هیچ
بر شیئه مقتدر اوله میه جغمز درکاردر.

*
* *

حکمت مادیه نظرنده بنم نه اولدیغمه
دائر بوندن اول برقاق سوز سویلمش
ایدیسه ک ده او سوزلر غایت مجمل و عاداتا
ایشی ذاتاً بیلنره براخطار بر تذکار قیلندن
ایدیلر. شوراده سوزی مادیون فلاسفه یه
براقه لم. بنم نه اولدیغمی آنلر سویلسونلر!
ایشته دیورلرکه :

« سن بر جسم مادیسک . مایهك
 ماده در . موالید سائرۀ مادیه دن هیچ بر
 فرقك یوقدر . لحوم وشحوم وسائرۀ دن
 فرقسز بر جسم مادی اولقله قالمیورسك .
 حقایق مادیه جه اوتلردن آغاچلردن بیله
 فرقك یوقدر . زیرا ماده اصلنده هپ
 بر در . پیدا ایلدیکی صور و اشکاله
 کوره بعض یرلرده نبات و بعض یرلرده
 حیوان صورتنده تجلی ایدر . بونلری تحلیل
 ایده جك اولورسه ق بریسنده بولدیغمز ماده .
 نك عیننی دیکر نده ده بولورز . تحللالت
 طبیعیه جه کاه نباتات حیواناته و کاه
 حیوانات نباتاته متحول اولور . مأکولات
 نباتیه وجود حیوانده حل اولنهرق
 لحمه شحمه تحول ایدر . مواد عضویه

حیوانیه دخی بالتحلل کو بره اوله رق
 بالآخره برنباتک کو کندن جسمنه نفوذ
 ایدهرک نباته تحول ایلر . ماده قوتدن
 تجرد ایده مز . مایه اصلی و حقیقی اولان
 ماده هانکی صورته تحول ایدر ایسه
 او صورتک طبیعت تشکیله سنجه قوت
 دخی کندهنی صور کونا کونده کوسترر .
 عضویات نباتیه ده آجیللق طاتلیلق اکشیلق
 کبی شیلر هپ او تجلیات عوارض ماده دندر .
 بو حال عضویات حیوانیه ده دخی عیناً
 بویله در . ماده مع قوتها کوز صورتنه
 کیرر کورر . قولاق صورتنه کیرر
 ایشتر . حتی بین صورتنه کیره رک تعقل
 و تفکر بیله ایدر . اما بونکله ماده دندن
 چیقمش اوله مز . آنی حل ایدر سه رک

کوررسک که صورت اصلیه لاتقناسنه
 عودت ایدر. اوت! ماده لاتقنی در. اصلا
 فنا بولمز. فانی اولان شی انک پیدا ایلدیکی
 صور موقتہ کونا کوندر. سن ده انک بر
 صورت موقتہ سیسک. سن فنا بولورسک.
 فقط سنی تشکیل ایدن ماده فنا بولمز. ماده
 فانی اولیوب باقی اولدینی کبی حادث ده
 اولیوب ازلیدر. سندن اول سنک مایهک
 کیم بیلور دها کیملرک وجودینی تشکیل
 ایتشددر. آنلردن برشی قالمدینی کبی
 سندن ده برشی قالمیه جقدر. سن کندیکده
 بر «روح» واردییورسک. اصل بنلکک ده
 اوروحدن عبارت صانیورسک. حیوانات
 سائرده و باخصوص نباتاتده اورو
 ح وارمی که سنده دخی اولسون؟ چورویان

بر دوه دیکتنگ نه سی قالیورکه ؟ کیلوب
 قزغانه کیرن بر قوزینک نه سی قالیورکه !
 سنده وارلغنی ادعا ایلدیکک و حتی سن
 اولدکن صکره انک بقاسنی بیله اومدیغک
 روح مواد سائرۂ عضو یه ده دخی بولنسه
 ایدی اوزمان مسئله بحثه شایان کوریلور
 ایدی . اما حیواناتده روح اولمادیغنی
 حکمهای روحانیون اعتراف ایدیورلر .
 روحی یالکیز انسانده واردر دیورلر .
 واقعا طبیعیون بودعوانک پک چوروک
 اولدیغنی کوردکلری ایچون روحی حیواناته
 نباتاته قدر تعمیم ایتک ایستیورلر ایسه ده
 ینه بیهوده زحمته کیریورلر ! اوت ! بزده
 کوریورز که چالی فصولیه سی نوعندن
 بعض نباتات بر دیوار قوغوغنه باش

اورديغى زمان كويا ايلروسنىك چىقماز
 اولديغى اكلا يورده قيور يلوب دونيور .
 بزده كورييورزكه نباتاتى ضياى شمسـه
 توجهدن هيچ برشى منع ايدهميور . بزده
 كورييورزكه برتخملك فليرى ايله كوكى سمت
 امتدادلر نى هيچ شاشميورلر . طوپراغه
 ترسنه بيله قونلسه لر ينه فلير قسمى طوپراغه
 طوغرى اوزانوب كيتميه رك ترسنه دونوب
 سطح ارضه چيقيور . كذلك كوك
 قسمى دخی سطح ارضه طوغرى كليهرك
 ترسنه قيور يلوب يره كوموليور . كذلك
 بر اوردك ياوريسى يورطه دن چيقار
 چيقمز يوزه بيلديكنى بزده كورييورز .
 لكن بونلردن نه چيقار ؟ طبعيونك ده
 ديدكلرى كى بونلره حس حيوانى وحس

نباتی دیراوتہ طرفہ لچی ویررسک. انسان
 تشکل عضویت جہتیلہ سائر حیوانلردن
 دہا منتظم اولدینی کبی حس حیوانی
 جہتیلہ دہ انلرہ فائق والسالم. یوقسہ بونک
 روح نرہ سندہ روحانیت نرہ دہ؛ براغاچی
 یاقارسک. هوادن آلدینی مواد غازیہ
 نہدن عبارت ایسہ ینہ غاز اولہرق چیقار
 کیدر یردن آلدینی موادامعدنیہ نہدن
 عبارت ایسہ اول مقدار کول اولورقالور.
 حتی اوکولی تحلیل ایتسہک مترکب اولدینی
 املاحی دہ اکلارسک. بر حیوانی یاقارایسہک
 عینی بو نتیجہ بی کوررسک. بر انسانی یاقسہک
 ینہ عینیلہ بو نتیجہ بی کورہ جکسک. مواد
 عضویہ نک کافہ سی صورت ترکیب و تشکلنہ
 بعض ملکاتہ جولانکاه اولور. نباتات

میاننده بعضری وارد که کندیلرینه طویو-
 لور طویولمز طوقونلسه لرزه ناک اوله رق
 تبدیل شکل ایدر لر. بو حال ماده ناک ایشته
 اونباتده کوریلن شکلده متشکل اولسنک
 خاصه سیدر. اونباتی تشکیل ایدن ماده یی
 بوزوب براورومجک یاپه جق اولسه ق اوده
 ایکی بیک دانه سی بر آرده ده بو کولسه بر قیل
 قالنغننده اوله میه جق قدر اینجه تلر افراز
 ایدرک محیر عقول مهندسین اولان یووالر
 یاپارایدی. انسانده کی تشکلات بونلرک
 جمله سندن ده ا زیاده مکمل اولدینی ایچون
 خواص بشریه دخی جمله سندن ده ا
 عالیدر. لکن بو احوالک کافه سی مادیتده
 بونلرک مساوی اولملرینی منع ایده مز.
 هرشیده مساوی اولدقلمی کی «روح»

دینلن ونتیجه خواس تشکل اولان شیده
 دخی مساویدرلر. یعنی حقیقتده برنباتک
 روحی فصل یوق ایسه بر حیوانک بر انسانک
 ده روحی یوقدر. او انسانک بناسی وجودی
 محو اولنجه روحی دخی محو اولمش اولور.
 روح واردرده آنده بر بقا واردردیمک
 صرف اثر جهل ونادانیدر! »

ایشته بنم نه اولدیغمی سویل دیار. دقت
 بیورلندی یا بونلر حکمت طبعیه یه نه قدر
 تقرب ایل دیار. او حکمتک ده قوتندن کند.
 یلری استفاده ایتمک ایچون !

شمدی بز ایسترایسهک شورادن بر
 کریزگاه طوتدیره رق بونلرله اثبات واجب
 ایچون بر مناظره شدیدیه کیریشه بیلورز.
 اولادیرز که ماده و بزجه دها طوغریسی

عناء مر دنیلان شی حق سبحانه و تعالی
 حضر تلرینک دستگاه خلقتی ایچون خام
 اشیا مثابه سنده اولوب اول قدیر مطلق
 بونلری ایستدیکی شکل و صورته صوقه رق
 هر برینه ایستدیکی استعدادی ویرر.
 بوکاراضی ایسه کز آره مزده هیچ بر اختلاف
 قالمیارق غایتی « هر کسک مقصودی بر اما
 روایت مختلف » دی ویررز. لکن آنلر
 بونی قبول ایده مز لر. ذاتاً آنلرک سردایلد.
 کلری ملاحظات بر صانع واجب الوجودک
 ردی ایچوندر. او حالده عناصر متخالفه نک
 صور معلومه مکوناته نه کی بر قدرت
 سائقه نک سوقیه کیردکلرینی صورارز.
 ذاتا آنلرده موجود اولان جوابی اعطا
 ایدرک « تصادف ایله » دیر لر. تصادفک

بو قدر دائمی بو قدر عمومی بر انتظامی تأمین
 ایده میه جکندن بحثله اثبات واجبه قدر
 آرتق بزم ایچون میدن آچلمش اولور.
 لکن بزم مقصدمز بو دکل ایدی.
 بزاولا بویله بر مناظره یه کیرشمک ایچون
 کندی وارلغمزی اثبات ایده جک ایدک.
 ذاتاً آنلردخی بزى بو وادیلرده سوزسویله
 بیلیمکدن منع ایچون بزه مادیتدن بشقه
 بروارلق حکم ایتمامش لر ایدی. سوزک
 قیصه سی بزى حق کلامدن وحق مدافعه دن
 بیله منع ایتمک قدر وارمش لر ایدی. بناءً
 علیه آنلرک بو «تصادف» جوابی ویرملر.
 ینه سببیت کوستره جک اسئلّه متقدمه یی ده
 ایراده حاجت کورمیه رک بز بحشمزی ینه
 باشلا دیغمز صورتده یوروتمک عزمنده

دوام ایلرز .

بو حالده اولامادیونک بزم تعیین ماهیت
مادیه من حقننده سویلمش اولدقلری سوز-
لری کوزلجه و تمامیه اکلایوب اکلایه -
مامش اولدیغمیزی کندیلرینه کوس-ترمک
ایچون دیرز که :

ماهیت مادیه من حقننده سویلدیکنز
س-وزلر قوانین طبیعیه یه ده هیچ مغایر
دکلدرلر . فی الواقع او نقطه نظرجه
موجودیت بزم وارلغمز دیمک اولمیوب
بلکه بزم دخی ماده یه عائد بروارلق دیمک.
یعنی بزمزه مالک اولمقدن زیاده ماده بزم
مالک اولیور . بزم « مواد متشکله من »
یاخود « عناصر متشکله من » دیهمیه جکنز .
ماده دیه جک که « سز بنم شکل و صورت

ویردیکم وجود لر سکز . بنم مخلوق لر مسکز !
 او یله دگلی !

بزم شو سوز من ماد یون فلاسفه نک
 زیاده سیاه خوشنه کیده جک . پک اکلایشلی
 شیلر اولدیغمز دن بحثله بزه تحسینار آفرینلر
 یاغدیره جقلر . فقط بز شو مسئله یی دها
 درین اکلایوب اکلاماش اولدیغمزی
 اثبات ایچون :

— او یله ایسه بز بر قول عتیقه کوره
 هریدی سنه ده بر کره و دیگر بر قول جدید
 کوره هر چند ماه ده بر دفعه خالق مز ی تبدیل
 ایدیورز . چونکه بو کون وجود منک
 تشکل ایلدیکی مواد بر قوله کوره یدی
 سنه و بر قوله کوره چند ماه مقدم یوق
 ایدی . اومت ظرفنده پیدا اولدی . ینه

او قدر مدت صکره یوق اوله رق یرینه
دیگرلری قائم اوله جق .

دیجیه او کمال انبساط ایله بزه تحسینار
آفرینلر یاغدی ران پروفسورک چهره سی نه
قدر بوزوله جغنه سز دقت ایدیکز . بزم بو
سوز مزده کی حکمت نره لره قدر واره جغنی
احتمال که قارئلر مزدن پک چوقلری وهله
اکلاویه مامشدر . فقط او حکمت مادیه
معلمی وهله اکلامشدر . بو مقدمه ایله
جان طمارلرینه طوقندیغمزی ده جانلرنده
پیدا اولان آجی ایله اکلامشدر .

آثار حکمیه مزدن بریسنده ایجه
تفصیلات عرض ایلمش ایدک که انسانک
وجودی دائمی برقرارده طور مز . بوکون
پارمقلمزی تجهیز ایلان طرناقلر بوکون

وجهمزی تزیین ایلیان صقال و بیق و سائر
توکار بوندن چند ماه مقدم یوق ایدیلر .
بز آنلری بر یاندن کسدکجه انلر کو کدن
سوره رك موجودلری منعدم اولدی .
یرلرینه یکیلری کلدی .

ینه بونك کبی وجودمزرده جولان
ایدن قانلر دخی بوندن بر زمان اولکی قان
دکلدر . بر زمان صکره بوندن اثر قالمیه رق
یرینه تازه سی یکسی کله جکدر . زیرا قائمز
وجودمزی هر دفعه جولاننده حرارت
غریزه مزله یانه رق جکرلرده بالتصفی
کوموری آسید قار بونیق صورتیله نفسمز
ایله برابر اغز مزدن چیقوب کیدیور .
بوصورتله لاینقطع اکیسلر قانك یرینه ده
هر کون غدامزك پیدا ایلدیکی کیلوس

قانه قاریشه رق تضمین وجبر مافات حکمنی
الیور .

طبیعیون حکمانک غایت ماهرانه
ومتحیرانه بر صورتده اثباتلرینه کوره
بو تجدد دائمی جلد مزده لحم وشحم وعروق
واعصاب مزده واردرکه تفصیلاتک بوجهتی
دها ایلرویه کوتوره جک یر بوراسی
دکدر . ذاتاً بو عجبیه طبیعیه پک چوق
کمه لره معلوم اولدینی کبی مناظر مزاولان
مادیون حکمایه دخی معلومدر . بناءً علیه
مرازمزی انلره ا کلاتمق ایچونده تطویلات
دورا دوره محتاج دکنز . انلر مرازمزی
بزم ا کلاته بیله جکمز درجه دنده زیاده
اوله رق ا کلاهمش لردر . ذاتاً بو ا کلایش
آنلر ایچون بر بلیه عظیمه درکه یوقلغنی

ادعا ایلدکاری روحلری نی اڤ زیاده تعذیب
ایدن دخی بو حالدر . بو حال انلر ایچون
کندی کندینه قائم و دائم بر اعتراضدرکه
جواب شافی و مقنع ایله انی ازاله یه بر درلو
قدرت بوله مدقلرندن اضطراب روح ایله
قیوریم قیوریم قیور انورلر .

اما بو اضطرابلری نی انلر بزه کوستر -
مامک ایسترلر . کتابارنده بوکا دائر اولان
بحثی پک تر کچرلر . حتی بزم علیهمزه
تحویل حکم و برهان ایچون غایت اوسته اقلی
بر مغالطه حکمیه یاپه رق دیرلرکه :

— اوت ! خالق وجود کز اولان ماده
غایت متبدل غایت متحولدر . بو ایسه مع قوتها
ماده نك فعالیت دائمه سنی کوسترر . اوت
بوکون « بنم . بزز » دیدیککز وجودی

تشکیل ایدن ماده چند ماه و یا خود چند
سنه صکره بالتدریج و بالکلیه آیر یله رق
سزدن بشقه سائر وجودلری ده تشکیله
کیدزلر . احتمال که چند ماه و یا خود چند
سنه اولکی احمد مدحت شمدی بر کل
فدانی بر کله بك بر صوغو لجانله بر قاقده
سائر بوجك و یا خود چنچك وجودینه
منقسم اولمشدر . لکن بوندن قاعدهٔ اسا -
سیه من ایچون نه مخالفت کور یلور ؟
ماده ده کی قوهٔ خالقیه ایشته بویله نظر
حکمت مزده بتون بتون واضحاً متجلی اولیور .
بز اولدیکمز زمان مادیاتمزك اولیه جکنی
بز بویله صورته کویستریور . یعنی بزدن
اول ایشته وجود من بهر چند ماه و یا خود
بهر چند سنه ظرفنده بر کره بز کوره هلاک

اولوب بشقه لرینه کورده یکیدن تولد
ایدیور .

مسئله شو وجهله نازکلاشد که قارئلر -
منك دخی نظر حکمتلرینی دوت آچمه لرینی
رجا ایدرز . زیرا حقیقت مطلوبه بی شو
مغالطه حکمیه دن قورتاروب خلاص ایلمک
ایچون بو آچیق کوزلیکه بوزیرکلیکه
احتیاج تاممز واردر . بناءً علیه بریانندن
« فیلسون مادی بزه اولمکسزین برچوق
دفعه لر قالی دکشیدیرتیور » لطیفه سیله
برازده کوله لم اما شو حقیقت فنیه بی انکاره
امکان شویله طورسون ذاتاً انلره قارشو
اصل برهان فیممز دخی بو اولدیغندن بو
ایپ اوجنی زنه ار المزدن براقیه لم :

شو موجودیت مادیہ مزك لا ینقطع
 تبدلی وجود مزك مخلوق ماده اولیوب
 بلکه مخلوق بالماده اولدیغنی اثبات ایدن
 برهان مادی و قطعیدر . اکر بز ماده نك
 مخلوقی اولسه ایدك خالق مز اولان ماده نك
 بزدن انفكا کیله مخلوقیتك ده بزدن انفكا کی
 لازم کلور ایدی . مخلوق بالماده اولور -
 سهق حضرت خالق بزم جسمانیتمزی مایه
 ماده ایله خلق بیورمش اولورکه انی ده
 لسان حکمت شرعیه « طو پراق » دیه
 تعبیری ایدر . بو « طو پراق » بر تعبیر اعمدر .
 اکا برده « طین » تعبیر اولننجه ایشته صو
 دخی داخل اولمش اولورکه موجودیت
 جسمانیہ مزك درتده اوچندن زیاده سی صو
 اولدیغنی ار باب علومك تحلیل ده میدان قویار .

نعمه الله - دن بلا اسراف یی - یوب ایچمه
 ماذونیت و حتی مأمور یتمیزک وجه و حکمتیه
 شو موجودیت جسمانیه مزک لاینقطع تبدل
 و تجدیدی آره سنده ده بیوک بر مناسبت فیه
 و حکمیه موجوددر . دیمک اولیورکه
 موجودیت عنصریه مزدن نه مقداری
 اکیسیدکجه حق سبحانه و تعالیٰ حاضر تلیزینه
 عنصریات ایله او مافاتی جبر و اکمال ایچون
 ییوب ایچمه مزی تدبیر بیور مشدر .

بو حالده بز ماده نك مخلوقی مصحوبی
 دکلز . ماده بزم لوازم تکملات جسمی -
 نیه مز دندر . اکر ماده نك او تبدلات
 و تحولاتی ایله بزدن آیرلمسی اوزرینه
 بزیده بالتدریج الوب کورتورمک کبی
 بر حال اولسه ایدی مادیون حکما یردن

کـوکه قدر حق قازانور ایدی . بزده
 قانع اولور ایدک که بزده بزلک ووارلق
 اولیوب بزده ماده یز بزده کی وارلق ده !
 اما ایشته ماده بزدن آیرلیورده بزینه
 وارلغمزده قائم واجل مسامزه قدر دائم
 بولنیورز .

تطبیق وایضاحک بودرجه سی انیئتمز
 بشقه جسمانیتمز بشقه اولدیغنی یعنی بو
 وجود جسمانی ایچنده بر روح بر « بن »
 موجود بولندیغنی هله اهل انصافه تسلیم
 ایتدیرر ایسه ده فیلسوف مادی یه تسلیم
 ایتدیره مز . بحثک بو مرتبه سینه قدر
 ارقه مزدن قوشوب یاقه مزه صاریلور .
 زیرا تسلیم بحث ایدرک بز یو ویره -
 جک اولسه بز آرتق وارلغنی اثبات ایلد -

يکمز روحك بقاسنه فلانه وخالق روح
اولان ر بمنزه وانکله مناسباتمزه طوغری
بحثی یوروتهرک فیلسوف مادی بی پک
کیروده براقیرز . بز بحث حکمتمزی
یوکسـلـتـدجـه او اشـاغـیدـه قاله رق نهایت
بعنایتہ تعالی او اسفل سافلین انکارده
قالدیغی حالده بز اعلائی علین وصوله
قدر — فضل ر بمنز ايله — یول المش
اولورز .

فقط عجله منزه ؟ بز انلرک اللرنندن
قاچوبده قورتلماغه محتاج دکلز . انلر
مأیوس اوله رق بز م یاقه مزی براقسـو -
نلرده بز کندی کندیمزه قالدقن صکره
ایستدیکمز کی حرکتده مختار بولنورز .
بناءً علیه تا بحکک بودرجه سنه قدر بزی

تعقیباً سو ویلدکلری سوزلری دیکله یه لم .
ایشته دیورلرکه :

— سزك وجودكزی تشکیل ایدن
ماده نك لاینقطع تبدل ایدرك هر ذره سنك
یرینه ذرات جدیده کلسی و بوندن سزك
هویتكزك کویا تبدل ایتما می سزده
« بن » لك بشقه مادیت بشقه اولمسنی
قبول ایتدیره من . بو باده نظر دقت
وحکمته انه جق دها پك چوق شیار
واردر از جمله اوچ یاشنده کی بر انسان
اون درت یاشنده کینك یکر می یاشنده کینك
اوتوز بش یاشنده کینك الی الشمس
بش سسکسان یوز یاشلر نده کی انسانك
عینیدر دیه ادعا ایده بیلور میسکز ! بو
حاله « ایشته ماده بزدن آیر یلیورد،

بزینہ وار لغمز دہ قائم والی اجل مسمی دائنز «
 دیہ استنتاج ایلدیککنز حکم باطل اولدیغی
 کندی کندیسنه میدانہ چیقیور . انسانک
 هر چاغنده کی احوالنه کوره فیز یولوژی
 و پس یقولوژی او قدر متخالف حکملر
 و یر ییور که بر چاغنده کی انسان دیکر چاغده
 کی آدمک یا صورتاً و یا سیرتاً عینیدر دیمکه
 امکان متصور اوله میور . بونک تفصیلی
 و ایضاحی البتہ معلومکنز اولدیغندن بوراده
 ایرادلرینہ لزوم یوقدر . زیرا بز
 « انثرو پولوژی » درسی و یر میورز .
 حکمتدن بحث ایدیورز . بورالرینی بیلیمیان
 فرق ایتمیان انسانک بو مناظره حکمیہ یه
 اشتراکی ده جائز اوله مز . ایمدی بزینہ
 ادعای اولمزده ثابتز . انسان موجودیت

مادیہ سندن عبارتدر . اندن بشقہ
وجودده بر « بن » یوقدر . روح فلان
اساطیرا اولین قبیله ندر . هله روحك قدمنی
بقاسنی تخیل بالکلیه مستبعددر . انسانی
هانکی چاغنده نه کی خواص ایله ماده
نصل تشکیل ایدیور ایسه انسان دخی
اویله اولیور . چوجقلق کنجلك بایاکیك
اختیارلق بوناقلق کی حاللر کوستریور .
اگر سزك ادعا کرده کز کی انسانده
بر روح بولنسه او روح دخی باقی اولسه
وانسانك موجودیت جسمانیه ومادیه سنده کی
تبدل وتحول دائمی اورو حدن مستقل واندن
بشقہ برشی بولنسه ایدی انسانك هر چاغنده
بر بشقہ درلو احکام فیزیولوژیقیه
و پسیقولوژیقیه کوستره بیلمسی قابامی ایدی؟

انسان هې برحاله بولنلی ایدی !

نصل ؟ شمدی فیلسوف مادی بی بو
اعتراضلریله براقوب قاقچق جائز کور-
یلورمی ؟ صکره « قاجدی ! » دیمزمی ؟
بز ایسه قاقچقلا دکل مردانه مدافعه ایله
قورتلمق ایستیورز. بز قاقچیه لم او رجعت
ایلسون دیورز !

اے تحفی شوراسی که فیلسوف مادی بزه
بوسوزلری اصل کندی وجدانک خلافتنه
اوله رق سویلیور . ذاتاً بونلرده اصل
کندی وجدانلرینی اقناع و تطمین ایده جک
حکمت یوقدرکه ! وار اولسه ایدی اتحاری
تجویز واجرا دخی ایدرلرمی ایدی ؟
روحلری دائم اضطرابده چونکه فکرلری
دائم اشتباهده در. کندی حکمتلری کندیلرنده

اطمئنان قلبی موجب اولہ میور . بریرہ
بل باغلا یہ میور لر . انک ایچون نظر لر ندہ
روحک دہ حیاتک دہ اہمیتی قالیمسوب
ہر جہتلہ مایوس ومقہور اولمقدن ایسہ
باری کبروب کیدہ لم دیور لر .

اوت ! بزہ سو یلداکاری شو صوک
سوز دخی موافقت فنیہ سیلہ برابر مطبق
لہنہ تطبیق خصوصندہ کی خدعہ کارانی
بیلداکاری ایچون وجدانلر ینہ مغایر اولہ رق
سو یلنیور . انلردہ کی حکمت وجدانلر ینہ
موافق اولسہ ایدی جملہ سی او نقطہ
اوزر ندہ اجتماع ایدرک بر جاعت اولور لر
ایدی . اورو پاچہ مقدار لری او قدر چو غا
لدینی حالہ ہنوز لیور پولدہ کی طقساں

بش مهتدی انکلیز لر قدر اولسون بر جاعت
تشکیل ایدہ بیلدکاری یو قدر .

*
* *

مادیونک بزہ شو صوک هجو ملر ینہ
قارشو ایکی صورتلہ مدافعہ ایدہ جکزر .
بر یسی پسیقو لوژی وفز ییولوژی نیک
یکدیگر ینہ تطبیقیلہ . دیگر ی دخی یالکز
فیز ییولوژی ایلہ . باقاسہ اولایالکز فیز -
ییولوژی ایلہ مدافعہ ایدرک بعدہ پسیقو -
لوژی بی دہ بحثبہ قائمق لازمی کلنور کی
کور یلور ایسہ دہ اولیلہ دکلدر .

مجادله مزک بوجهتندہ پسیقو لوژی
بر نوع استطراد صورتندہ اولوب اصل
بحتمزایسہ فیز ییولوژی یه عائد اولدیغندن
او استطرادی بعدالاجرا صدد اصلی یه
رجوع ایتملی یز .

فیلسوف مادی نه دیـور ایدی ؟
 جسمانیت مادیه مزك تبدل و تحول دائمی
 روحزدن مستقل واندن بشقه برشی اولسه
 ایدی انسانك هر چاغنده بر بشقه درلو
 احكام فیزیولوژیقیه و پسیقولوژیقیه
 کوسترمیوب هپ برحاله بولنمی لازم
 کلور ایدی .

بحثك فیزیولوژییه عائد اولان قسمی
 صکریه براقور ایسهك پسیقولوژییه عائد
 اولان قسمی ایچون بلا تردد ولا احتراز
 دیرزكه : اوت ! انسان هر چاغنه کوره
 بر بشقه درلو احكام پسیقولوژیقیه
 کوسترمیوب روح هپ برحاله بولنیور .
 ایشته ایضاح ایدلم :

قدم و بقا و تعبیر دیگرله ازلیت

و ابدیت مادیونك دیدکاری کبی ماده ده
اولمقدن زیاده روحده اولمق بزم ایچونده
هر کس ایچونده عقله اك ملایم کلندر .
زیرا حق سبحانه و تعالی بزم ایچون روحی
آنالیزایدہ بیلمك قابل اوله بیلہ جك بر صورتده
یارا تمیوب « او بنم امرمه عائد برشیدر »
بیورمشدر . اما ماده یی جمله ایچون آنالیز
ایتمك قابل اوله جق بر صورت بظاہر
موجودیتله یارا تمشدر . ماده یی روحه
ظرف ایتمشدر . اولوم دیدکاری حل غریب
ایله روحی جسدن آیردینی زمان ایشته
روحسز ماده اورته ده قالیور . بزجه
بر امر ربانی اولان روحده قدم و بقا
بولندجہ انك بودنیا اوزرنده کی مسافرتی
مدتی نهدن عبارت قالورکه اومت ظرفده

روح صبی اولسون بابا یکیٲ اولسون
 قارتلاشدسون اختیار لانسون ؟ برقاق بیك
 سنه عمری اولان بر شخصك او عمرندن
 یالکزر بر ثانیه لك قدر بر زمان ظرفنده
 چوجق بابا یکیٲ اختیار اولسی کی
 تحولات ذهنه صیغه بیلورمی ؟ قدم و بقا
 دنیلن شی او یله برقاق بیك سنه یه ده تشبیه
 اولنه مزکه بو عالم دن مدت کذارمزی
 بر ثانیه یه قدر تشبیه ایده لم . کائناته نسبتله
 کره ارضی بر ذره یه تشبیه ایدر لر . کائنات
 اولچالمش ده ارضك نسبتی ذره قدر اولد
 یعنی کور یله رکمی بوسوز سویلنمش ؟ او
 بر تشبیه در . بزم ده برقاق بیك سنه لك
 عمره نسبتله بر ثانیه دیشمز بر تشبیه در .
 بو مسئله اوزرنده فیلسوف مادی چشم

دقتنی پک قوتلی آچلیدر . بوسوزهر زمان
هر کسدن ایشتدیکی سوزلردن دکلدر .
بوسوزی اورو پا حکما سندن دکل بر منتسب
حکمت قرآنیه دن ایشتیور . بناءً علیه :
« بقای روح سنجه مکنون و متوهم بر
شیدر . بنجه مسلم دکلدر که بوجوابی
قبول ایدیم » دیه بورومه دن رد دعوایه
استعجال کو ستر ماملیدر . بن سوزمی انک
غندنده مسلم اولان فنه دخی تطبیق ایده جکم !
« هی من امر ربی » اولان روحک
ملکات فیزیولوژیقیه دن اک زیاده مجرد
و بناءً علیه اک صافی تجلیاتی کورمک
ایچون حال صباوته و حال پیرییه باقلیدر .
اما نظر حکمتله باقلیدر اکهواره معصوم
میتنده میشیل میشیل او یور ایکن او یانه رق

والده سنك يوزينه بر طور كرو بيا نه ايله
 كولن معصوم صافیده کی حاله باقلمیدر .
 فقط بو نظر دقت عطف ایلدیکی زمان
 په داغ وژی یعنی علم تربیه الاطفالك
 انسانی ارشاد ایلدیکی حکمت دخی کوز
 اوکنده اولمیدر . یعنی دوشونمیدر که
 چوجقده مادی معنوی بر راحتسنلك
 بر احتیاج بر مظلومیت اولمز ایسه چوجق
 آغلامیه جق تیتیزلك کوسترمیه جکدر .
 كذلك کوشه وارسکی طفولیت ثانیه ده
 بولسان پیر حکمت ضمیره ده باقلمیدر .
 اکاده او نظر حکمتله باقلمیدر که اولادینك
 حال عجز طفولیت و صباوتنده شفقت
 پدرانه سنی انلره حامی و خدمتکار ایدرک
 بیوتمش اولان او پدر کامل شمیدی کندیزی

حال عجز طفولیت ثانیه به کلدیکی زمان
 دخی اولاد ذی اقتدار ینک شفقت حامیانه
 وخادمانه سنه تمامیه نائلیت حقنه مالکدر .
 کندیزی کونا کون قیدسز لقرار شفقتسز -
 لیکار ایله رنجیده ایدلمیه جک . الده کی
 صافیت ملکانه یه رنجش کونا کون ایله
 خلل کتورلمیه جک .

بو ایکی صافیت آردسندده بر زمان
 اولمشدرکه او روح صافی صاحبی گاه
 اسیر تهور گاه مغلوب غضب اوله رق
 روحک او صافیت ملکانه سیله توفیق
 قبول ایدمه جک نیجه حالدرده بولنمشدر .
 لکن بواحوال مستغیر به نک اسباب موجب
 فیه سی نهدر ؟ بونی موشکافانه بر دقت
 ایله تتبع وتعیین ایتیه جک اولور سه ق

قراكلغه قوبور صيقمق قيبلىدن اوله رق
 بوش يره مناظره و مجاهده ايتمش اولورز .
 نسواندن بريسنك عضو نوعيسنى حال
 طفوليتتده تتبع ايليان انترو پولوغ
 او عضوده بالاخره ذكور ايله مناسبت
 معلومه يه دلالت ايدجك هيچ بر حال
 يوله ميوز . ار ككك ممه سنده چوجق
 امنير مكه دلالت ايليه جك هيچ بر حال
 بولنديغى كى ! صكره اوصيه يى مرتبه كال
 نسوانيه سنى بولديغى زمان تتبع ايدىيور
 باقيور كه توليد ايچون لازم كلن استعدادلرك
 كافه سى اوراده همان اول يوق ايكن يكيدين
 پيدا اولمش ! بو تتبع ار ككده دخى بويلاه
 بر نتيجه انتاج ايليور . شو بحثى تفصيلات
 لازمه فنيه سيلاه ايضاح و تفصيل ايتمه

مجبوریت مانع اولور . هم او قدر تفصیله
 حاجت ده یوقدر . کیفیت ارباب فقه
 معلوم اولدیغندن قارئلر منی ویاخود
 شومسئله ده معارضه اولان مادیونی الدا -
 ته جق دکلزیا ؟ ایمدی عضو مذکورک
 تشکلات ابتدائیہ سی کندی صاحبندہ
 احساس شہوتی ایقاع ایتما مکده بولندیغی
 وروح بوعضوک ملکہ فزیولوژیقیہ سندن
 متحصل احتیاسدن آزاده اولدیغی حالده
 هیچده اسیر شہوت اولیور ایکن صکرہ
 تکملات نوعیہ نک حصو لیلہ بالفرض
 اسیر شہوت اولیور ایسه بو حال روحده
 بر تبدیلی کوسترر ؟ یوقسه عضوده بر تبدیلی ؟
 بر ثانیہ بیلہ ترده حاجت قالمق سزین تسلیم
 اولنور که تبدل بر تبدل پس یقولوژیقیہ ،

دکل بر « تبدیل فزیولوژی قیه » در .
 هپ تبدلات فزیولوژی قیه دن اولمق
 هپ اساسی ایشته او موجودیت مادیه
 وجسمانیه مزك لا ینقطع تبدل و تحول ایتسی
 مسئله سی اوزرینه مبتنی بولمق اوزره
 مرور زمان ایله اعصابه صلابت دماغه
 وینه دماغ طویل دیمك اولان مردار
 ایلمكه قوت و متانت کله رك هله برچوقده
 عوارض و مشاهدات و امثال و اسباب
 خارجیه دن طولای انسانده تهور حرص
 فلان کبی امراض نفسانیه پیدا اولیور .
 بونلری ده روحه عائد بر تبدلدر دیه حکم
 ایلمك روح علینده نه یمان بر افترا در . بونلر
 هپ حواس ظاهره و باطنیه مؤکل اولان
 عضولرك ار باب فن نرزنده ایشته « ملکه »

دنیلن مقتضیات فعالانه سیدر که بر زمان
یعنی صباوتده یوق و یاخود پک آزایکن
بر زمان صکره یعنی کال چاغنده وار اولمش
یاخود چوغالمش و بر زمان صکره یعنی
هرم چاغنده ینسه آزاله حق ینسه یوق
اوله جقدر .

روح ایسه بونلرک اک آزغناخی زماننده
بیله بونلره معارض بولنمشدر . مادیون
اگرچه کندیلرنده کی احوال روحانیه یی
هیچ تبحر به ایتماش کی طورانورلر ایسه ده
احوال روحانیه لر یی دائما تتبع ایله تزکیه
نفس مجاهده سنده بولنان روحانیون حتی
حقیقیون حتی طبعیون بیله روحک بو
معارضه سنه دقت ایتمشدر وایدیورلر .
بغیر حق کسه یی اینجتدکلی و حتی برکلی

آغلالتدقلری زمان روحنک کنیدیارینی نصل
 مؤاخذہ ایلدیکنی کوز ایله کوررجه سینه
 حس ایلیمشاردر وایلیورلر. والاھرلسانده
 « ندامت » کلمه سی معناسز برکله حکمنی
 آلورایدی. ندامت نه در؟ انسانک روحه
 قارشو مسئولیتندن متولد برمحجوبیت
 دکللی؟ پک چوق کره اولورکه انسانک
 درونندن برقوت یعنی روح « بونی نیچون
 بویله یاپدک؟ » دیه انسانی یر بتورر.
 حتی انسان بوکا جواب ویرمکدن مرام
 اکلاتمقندن عاجز قاله رق! « ای! یاپدم
 ایسه یاپدم. نه یاپهیم؟ » دیه طغیان
 درجه لرینه قدرده وارر.

انسانده کی امراض نفسانیه نک کرک
 بیداسی کرک تزیادی مایکات فزییولو-

ثیقہ سنک ملکات روحیہ علیہنہ طغیانی
 اثری اولدیغنه وحتی بونده عسوارض
 و مشاهدات و امثال و اسباب خارجیہ نكده
 پك بیوک حکمی بولندیغنه بر برهان مادی
 دخی تنها یرلرده یاشایان آدمرا یله مراکز
 مدنیہ ده یاشایان آدمرا آره سنده کی صفوت
 و تسلطنت فرقیدر .

بر کویلیده کوردیکمز صفوت قلبی
 نهیه حمل ایدم جکمز ؟ او صفوت قلب که
 عادتاً معصومیت طفلانیه قریب برشیدر !
 بونی ملکات روحیه سنجہ بر نقصانه حمل
 ایدم بیلور می یز ؟ چونکه اسبابی ظاهر
 و باهر در . او بیچاره نك تنم و تعیشی عضو-
 لرنده کی ملکات فزیولوژیقیہ یی آزعخلق
 درجه سنه واردیره جق مرتبه ده دکلدرد .

نه یر نه ایچر که ؟ نه قدر تابس ایدر نه وجهله
اتخاذ سکنا ایلیه بیلور که ؟

اقونومی بی آیری آنتروپولوژی بی آیری
اتنوغرافیا بی ده آیری اوله رق تحصیل و تتبع
ایلد کدن صکره بر کرده ده بونلری یکدیگریله
تطبیق ایدم ده اندن بر حکمت چیقارم . بعض
ملتلری بعضلرندن دها حلیم دها صافی کور -
یورز . بر ملتک بیله بعض اقسامی بعض
اقسامندن دها معتدل دها سلیم بولیورز .
بومسئله بی بر کره اتنوغرافیا به تطبیق ایدرک
مثلا « هندیلر حلیم اولورلر . اوروپالیلر
کی غضوب دکا-درلر ! » دی و یرمیه لم
یاخود « شو آدم انفائی اولدیغندن حلیم
وشو ایسه دموی بولندیغندن غضوب »
حکمی اعطا ایدی و یرمیه لم . بر کرده ده

بونلرك احوال اقونوميقيه لر ني يغني نصل
 ياشادقلريني دوشونه لم . قيش موسملرنده
 مكمل شمينه لر صوبالر قالوريفرلر ايله
 تسخين اولنان يرلرده اوتوروب فلانه لاله
 صاريله رق پالطولره كورككره كوموله رك
 قيشك يازدن فرقني بر اقامش اولان اهالي
 صوغوغك ده صيجاغك ده تاثيراتنه كوكس
 و يرمكه محكوم اولانلره بگزرمي ؟ هر
 نوبت طعمانده بالق قوش قويون صغیر
 اتلريله سبزه و حميرلری بر قاعده طيه
 و حفظ الصحیه ايله قانون آلتنه انمش اولان
 و او اطعمه ني اينجه شرابلر ايله نفيس
 بيرلر ايله ترطيب ايليان خلق صوده
 قينامش پرنچ صوده حاشلانمش آسیده ويا
 ماماليغه ايله وچشمه ودره صويي ايله

تعیش ایدن خلقه نسبتی قبول ایدر ؟
 آرتق مشروبات کئولیه نك طبع بشرده
 موجب اوله جنی تغیرائی حسابیه قویمیه لم .
 فقط او متعم خلقك مجامعده انواع شیطنت
 میدان الدینی حالدیه بواهل ریاضت خلقك
 مجامعده او یولده کی سوء امثال دخی
 بولم دیغنی حسابدن خارج طوته میز . ایشته
 بوتدقیق بزه کوسترکه « ترقیات مدنییه »
 و « مسعودیت مدنییه » دنیان عالمردیه کی
 خلق تنهالق یرلرده کی آدمیر کی صافی
 اوله مزلر .

بونی دوشونه لمده متعاقباً تخطر ایدیه لم که
 او تنعمات مدنییه ایچنده بولسان خلقك
 روحی بوکلفتساردن محظوظده اوله مز .
 براستغراقدر کیدراما آره لقدمه بر روحك

کندی احساساتنه مراجعت ایدلمدکجه روح
 بو کلفتلردن صیقلدیغنی هیچ صاقلامز .
 بونلری بر اشکنجه اوله رق چکدیکنی
 درمیان ایدرک شویله صحرالق تنهالق بریره
 آتلمغنی پک ایستر . شاعر لر که احساسات
 روحیه لرینه البته بانقه جیلردن ده ز یاده
 تابعدولر دائماً چنزاری چاغلایانلری
 قوشاری چیچکاری تخیل ایدرک اولانجه
 فصاحت و بلاغتیله بونلری تغنی ایدرلر .
 فیلسوف که البته سیاسیوندن ز یاده احتسا-
 سات روحیه سنه مطیعدر اوده سکوت
 و سکون یرلرینی کمال تحسیر ایله ایستر .

ایشته مادهٔ ثابت اولدی که روح
 هپ بر حالده در . تبدل ایسه ملکات
 فیزیولوژیقیه در . بوده موجودیت

مادیه و جسمانیه نك تحول دائمیسی اثر یدر .
بر اهل شهوتك جان آتدینغی بر محبوبه دلارایه
بر صبی بر پیر هیچ ده او نظرله باقز .

★
✱ ✱

شوراجقده اعدامز بولنان مادیون ایله
بر قاق دقیقه لق بر متارکه عقد ایده لم ده
احبامز اخوانمز بولنان اهل ایمان ایله
ایکی چفت سوز ایده لم :

ای اخوان دین ! مادیون ایله اولان
شو مناظره و مجادله سزه لسان شریعتمزك
اصطلاحات متصوفه مزك « نفس » و
« روح » تعبیر ایلدکاری قوتلر حقننده
برخیلی ایضاحات و تفسیرات فیه و یردی .
دکلی ؟ ار باب دیندن پك چوقلری واردرکه
اساساً مؤمن و معتقد اولدقلری حالد

بو مثلاًو تعبیراتك و اھیتلرنده اولان اھمیت
عظیمه یی تقدیر ایدمه یه رك غافل بولورلر.
هله تحصیلاری ناقص اولانلرکه انلر مقد-
ماتدن عبارت اوله رق استحصال ایلدکلری
بعض معلومات سطحیه اوزرینه در عقب
فیلسوف کسیره رك بوکی شیلری همان همان
افسانه و افسون اوله رق تلقی ایدرلر .

بیللملی یزکه مأخوذ من لوح المحفوظ
اولان قرآن عظیم الشان بر خزینة حکمت
محضه در . ایناملی یزکه اندن اقتباس انوار
حکمت ایدرک بونجه مؤلفات جهان بهالریله
کتبخانه ملیمنزی زنکین ایدن علما و مشایخ
«رحمة الله علیهم اجمعین» افندیلر من حضراتی
اویله سعی عبثله اشتغال ایتمش متوهمین
مادیونه بکزه مزلر. بزى ارشاد ایچون پیشگاه

انظار حکمت و انتباهمزه قوید قلمری حقایق
 زمانمزه اورو پاده متری کوریلن علومه
 اصلا مخالف دکدرلر . فقط علوم مذ -
 کوره تعلم ایدیلور ایکن یالکز صحیفه لک
 اوزرنده کی س - و زلر نظرلر مزی تغلیط
 ایتاملیدرلر . انلرک ضمئلرنده کی حکملر
 ذهنلر مزی تنویر ایتملیدرلر .

ایشته ثابت اولدی که نفس دیدیکمز
 شی حکمای جدیده نک « ملکات فیزیو -
 لوژیقیه » دیدکلری شیدر . یعنی هر
 عضوک مقتضای طبیعیسندن متولد حکم که
 روح اندن عالی اندن صافی برملکه ملکیه
 ایله بزى انسانلق شرفنه دعوت ایدر .
 نفسک الجا آتی روحدن مستقل برشی
 اولدیغنی بداهه کورمک ایچون تجلیات

نفسیه نك اك باهری اولان شهوتی مثال
اتحاد ایدم . صبی ایکن بزده بو بلا یوق
ایدی . بیر ایکن ینه یوق اولیور . جوان
ایکن بونك الجاسنی روحه اسناد وافترا
ایتمك نصل قابل اولورکه او ملکیه
مؤکل اولان خصیتینی چیقاردقلری کبی
انك الجاسی ده ایشته محو اولوب کیدیور .
روح ینه کندی ملکات ملکیه سیله باقی
قالیور .

امراض نفسا ینه نك كافه سی ده
بو یله در .

سراج وهاجز اولان قرآن عظیم الشا -
ندن اقتباس حکمتله مربی انام اولان
علما و مشایخ کرام افندیلر من حضراتی نعم
الهیة دن تنعم خصوصنده کی مختار یتزله

برابر اسرافى نهى قناعتى امر بيور مشلر .
هر فضيلتك مراتبى اولدينى كى فضيلت
قناعتك ده مراتبى واردر . هله اول باول
قناعت دنيلن شى مسكنتله مترادف دكلدر .
اله كچميه جك اولان بر نعمتن مأيوس
اولوب ده « بن او نعمتسزده قناعت ايدر »
ديمك مسكنتدر . فضيلت قناعتك مراتب
عاليه سنده پرهيز و رياضتى بولورز . ايسته
نعمت الله اما او پرهيز كارينه رياضت
ايلور . علومدن مكتسبات سطحيه اربابى
بونى حيوان كى آچلغه حمل ايدرلر . علم
حفظ الصحه يي ده برهان اوله رق ايراد
ايله يوب مثلاً ات يميان وجودك هالك
اوله جفنه حكيم و يررلر . نه صافدرونانه
جهالت ! آفر يقاده هندستانده يوز بيكلرجه

ملیونلرجه نفوسی مشتمل مالی وقبائل
 وارکه آورو پالیرک برهفته ده یدکاری آتی
 بر ییلده بلکه اون ییلده میورلر . نه دن یوز
 یاشنه یوز یکرمی یاشنه قدر یاشایه بیایورلر ؟
 اهل ریاضت ملکات فیزیولوژیقیه یی
 آرتدیروب نفسی آزدیرمایق ایچون پرهیز
 ایدرلر . انلر ایچون اختیاری اولان
 بو ریاضت عموم ایچون قسماً اضطرابی
 حکمنه قونیله رق آورو ج فرض ایدلمشدر .
 نه قدر موافق فن نه قدر مطابق حکمتدر !
 هیچ اولمز ایسه کونده یدی سکز ساعت
 آچاغک محکومی مغلوبی اوله رق نظر
 حکمتی آچار فکر حکمتی تنویر ایلرز .
 او مغلوبیت حد ذاتنده نفسک مغلوبیتی
 اولدیغنی دوشسونه رک بر مجاهده نفسیه ده
 بولنورز .

انواع عبادت و ذکر و فکر دخی
 بویله در. بونلری عبث ظن ایدن کنجبارک
 اصل بوظنلری عبثدر. حضور مغنوی
 رب العالمینده مشول ایله ایجابنه کوره یوز-
 مزى يرلره سورده رك کوس-ترديکمز ذلت
 وافتقار ايشته تمام نفس طاغیه و باغیه مز
 ایچون رغم حکمنی اله حق بر تربیه در .
 اوروپا فلاسفه مادیونی انسانده
 بر روح اولدیغی ادعاسنده ایمشالر .
 روحلر ينك كافه الجا آتني محو ایتمش اولد-
 قلری حالده فی الواقع کندیلرنده بر روح
 بولندیغندن خبردار اولمالری استبعاد اید-
 لمالیدر . اولجه دیدیکمز وجهله او قدر
 تنعم او درجه لرده افراط تنعم حالنده بولنان
 بر آدم ایچون فضائل روحیه دن بالکلیه

تجربۀ دلہ ہاں بر نفس مطلقہ و محضہ حالی
 آلق ضروری دکلیدر ؟ حریف کینور
 قوشانور یر ایچر و باخصوص ایچر !...
 بوصورتلہ قوتلری شدتلری آرتہ جق اولان
 امراض نفسانیہ سنک ہر بریسنہ اجرای حکم
 ایدہ جک اولان فحش کین غرض شقاوت
 شیطننت میدانلرینی آچیق بولور و بر کون
 بر آن کندیسنی حضور رب العالمیندہ فرض
 ایدرک روی تضرع و عبودیتی سجدہ گاہ
 تذلل و مسکنتہ قویمق شویلہ طورسون کمال
 استکبار ایلہ وجود واجبی بیلہ انکارہ قدر
 وارر ایسہ او آدمک حالی نہ اولور ؟ ارتق
 بو بہیمیت حقیقیہ « ایشتہ بندہ روح دخی
 یوقدر ! » دیہ اعلان جنت ایلر ایسہ
 استبعادمی قلنور ؟

بویله آزغنجه سینه ایش اولدینی بر
 تربیه مقتضاسیجه انا بابا شفقتی اولاد
 قرنداش محبتی وطن سوداسنی قوانین
 الهیه ومدنییه انقیاد غیرتنی انسانیت
 ماکانه لذتی غیب ایتیش اولان بو زواللی
 ضال برده مضل کسلیله رک بزه وعظ
 ونصیحت ویرمکه دخی قالدشور ایسه
 کولرمیسکز ؟

کولمیکز ای اخوان دین آجیکز !
 اکثریا بر بلیهیه دوچار اولان آدم او
 بلیه دن قورتلیمی احتمالندن زیاده بشقه -
 لرینکده اکا دوچار اولمی ایله متسلی
 اولور . « البلیة اذا عمت طابت ! »
 دیمشله . برقبوره صورمشارکه کندیمی
 دوزملور ایسه می ممنون اولور یوقسه

بتون دنیا قبور اولورسه می ؟ ایکنجی
صورتی ترجیح ایلمش !

ایشته او فلاسفه لایفلاحون بویله کافه
معنویات فضائل بشریه بی غائب ایدرک
الهی انکار ایلیه رک کندی روحلرینی
انکار ایلیه رک کندی کنسیدلرینی مرتبه
بهیمیه ایندیرمکه دخی قالمیوب نهایت انواع
حیواناتدن هیچ بریسنده طبعاً و طبیعه
کورلمیان وعقر باره بیله بهتان اوله رق اسناد
ایدیلن اتحار بلیه سیله جانلرینی جهنمه
اصمار لایوب کیدیورلر . هذه مجازاتهم
وهم لها مستحقون !

*
* *

صددن چیققدق ظن اولمسون .
سوزمزی نروده براقدیغمز پک اعلا

خاطر مزده در. مادیونك بزه سویلدیکی بر
 سوزی ایکی درلو مدافعه ایده جك ایدك .
 او سوز جسمانیت مادیه مزك تبدل و تحول
 دائمیسی روحزدن مستقل واندن بشقه بر
 شی اولسه ایدی انسانك هر چاغنده بر
 بشقه حاله کیرمیوب هپ بر حاله بولنسی
 لازم کله جکی قضیه سی ایدی . بوکا
 و یردیکمز ایلک جوابده انسانده کوریلن
 تبدلاتك هپ فیزیولوژیقی اولوب روحك
 ایسه هیچ تبدل ایتدیکنی وحتی او تحولات
 فیزیولوژیقیه یه معارضه ده بیله بولندیغنی
 کوسترمش ایدك .

بو جواب بزم غلبه مز ایچون کانیدرده
 فضله در بیله . فقط فیلسوف مادی بونکله ده
 قاعت کوسترمك ایستمز . بوجوابمرك

اینچنه بعض مسائل روحیه علاوه ایش
اولدینغمزدن و باخصوص اومسائل روحیه یی
برهان اوله رق ایراد ایلیمش بولندینغمزدن
بزه دیرکه : بن روحك عدم وجودینی
ادعا ایدوب طورر ایکن سن گویا روحك
موجودیتنه قائل ایمشم کبی بکا اندن
برهان کتور ییورسك . برهانکی ده قبول
ایدهم مبرهن لهکی ده !

شمدی بحث تصفی ایده ایده او یله بر
نقطه یه ایندی که بو نقطه ده موجودیت
جسمانیه من بریاندن وقوع افرازات و دیگر
طرفدن وقوع ادخالات و انضمامات ایله
تبدل و تحول ایلدیکی حالدیه بوتبدل و تحو -
لدن آزاده و اندن مستقل برشیشك یعنی بر
روحك بر « بن » لكك ینه بزده باقی

قالديغنى قطعياً وصراحه اثبات ايلمك
ماده سندن عبارتدر. بوتحول وتبدلدن آزاده
قالان شى ايشته روجمز اولديغنى اولجه اثبات
ايلمش اولديغمزى ده خصم قبول ايتيور.
انى بر اثر ايله هم ده روحدن بشقه بر اثر
ايله اثبات ايتمكلكمزى ايتيور .

آه ! اكا قالسه بونى هيچ ايشته ميه -
جك . زيرا ايشته بو طابنه وقوعبوله جق
مقابلله ماديقي بسبتون حكمدن دوشوروب
حقيقتى ميدانه قويه جق ده بچاره فيلسوف
طاسى طراغى طوپلايوب كيده جك . اولجه
دخى خبر ويرمش اولديغمز اصل جان
طمارى ايشته بودر .

اما فيلسوفك ايتديكى شى قارئلر من
كندى نظرلرنده كوزلجه تعين بيورمليدر

لرکه آرد مزده وقوعه کله جاك اولان شو
صوك مصادمه نك شدت ودهشتی ده
کوزلجه تقدیر بیورده بیلسونلر . بزده اویله
بر حال بولنملی که موجودیتی وجود مزك
تشکلی زماننده بدأ ایتمش اولماملی !
صکرده دن عارض اولمش بولنملی . بر کره
عارض اولدق دن صکره دخی موجودیت
مادیه مزك تبدلات و تحولات دائمه سنه
تبعیه اوده زائل اولماملی . یننه ثابت
قالملی . بر مثال مادی اولمق اوزره مثلا
چیچك بوزوغی و یاخود هر هانکی
التیامپذیر اولمش بر یاره کی . ایشته وجو -
دمزده بوتمغا اول یوق ایدی . صکرده دن
عارض اولدی . بردهاده تحولات و تبدلات
مادیه و جسمانیه مزه تبعیه زائل اولمیور .

ها ! برکتی بده کوزمه ایلمش ایدی که
استدلالاتی فته دکل عقلنه ذکاسنه تطبیق
ایدن برذات عینی بوماده بی تحولات وتبدیه
لات مادیه وجسمانیه علیهنده برهان اوله رق
ایراد ایلمش ایدی . اکر چند ماه ویا خود
چند سنه صکره بوکونکی وجود مزدن اثر
قالیه رک وجود مزک بتون بتون یکیلنه جکی
دعواسی صحیح اولق لازم کلسه ایدی
وجود مزده کی بعض یاره یرلرینک ده
زائل اوله رق صکره دن پیدا اولان یکی
وجودده انلرک بولنمسی لازم کله جکنی
سویلمش ایدی . بوملاحظه یه فنا التفات
اولنمه مز . زیرا اوکی یاره یرلری ایلك
یاره حالنده ایکن خلقت ابتدائیه سی مختل

اولمش ديمك اولوب التيام حالنده ايسه خلقت
 ابتدائيه نك عيني عودت ايده مز . پارمغي
 كسيان بر آدمك تكرار پارمغي سوروب
 چيقه مز . چوجق ايكن ديشي چيقه انك
 يرينه بر ديشي دها چيقديغي كور يليور
 ايسه ده او آدمه حد ذاتنده ايكي صره
 ديش وارده انك ايجون چيقيور .
 پارمغي كسيان آدمك او ياره سي اي اولمسي
 كسيلايكي يردن يكي پيدا اولان بر اينجه
 دري ايله بوزولمسندن عبارتدر . خلقت
 ابتدائيه سي استعداديني غائب ايدن او يرده
 ياره بي متعاقباً ايلك پيدا اولان دري اينجه
 و بوزوك برشي اولديغي كي بعض تحولات
 و تبدلات اوزرينه دكشه جك اولان دريلر
 دخی هپ اويله اينجه و بوزوك برشي

اوله رق دکشه جکدر . حتی موجودیت
 ماده و جسمانیه مزك لاینقطع تجدیدی اویله
 طرناغمزی بریاندن کسدی کمز حالده بریاندن
 تکرار سورمه سی قاعده سنه ده هر عضو -
 مزجه تابع دکدر . ییلان دریسنی واستاقوز
 قبوغنی آتهرق یرلرینه دیکرلری پیدا
 اولدیغی کبی ده دکدر . یعنی دریمز
 پول پول منفرز اوله رق یرلرینه ده ذره
 ذره یکیمی کلمك صورتیه ده دکدر .
 بویله اولسه ایدی بعض کردلرک و عربلرک
 قوللرینه یوزلرینه دوکدر دکلری سیاه
 شیرکده یرلشوب قاله میهرق زائل اولملری
 لازم کلور ایدی . کیمکلمر مزه وارنجیه
 قدر هر جهتی قالبور کبی مساماتلی اولان
 وجود مندن ایلیمکلمر کیمکلمر بیله نیجه تبدلات

و تحولات ایله تجدد ایدیورلر . بونک
وجه و صورتی ارباب تتبع و تدقیق طرفندن
جلد لر طولوسی تطویلات و تفصیلات
ایلله شرح و ایضاح قلم مشدرکه انلری تماماً
بوراده ایراد ممکن اوله من .

ذاتاً بوتبدل و تجدد مسئله سی عندالعموم
قبول دخی اولمش بولندیغندن بوبابده
مجادله جدیده ارضک کرویتنی یکیدن
اثباته چالشمق صورتنده بی لزوم و حتی
عشدر .

مرام ا کلاشمدی یا ؟ مثال مادیسی
اوله رق اخطار ایلدیکمز چیچک بوزونتیسی
ویا خود سیاه دقه لر کبی عن اصل بندیکمزده
داخل اولدقلری حالد صکرده دن کلوب فقط
تجددات جسمانییه تبعاً زائل اولمیان شیلری

ایستیورلر اما بونلرک معنویسنی ایستیور -
 لرکه شو وجود جسمانی ایچنیده برده
 انایت روحانیه بولندیغنی و او شیء عارضی
 ولایزال ایشته او انایت روحانیه مزله
 برابر باقی قالدیغنی کوره رک روحکده
 موجودیتنی تسلیم واعترافه مجبور
 اولسونلر .

واقعا بو تکلیف همان مالا یطاق
 دنیله جک قدر اغر برتکلیفدر . فقط حق
 تعالیٰ حضرتلری فیضلرینی آرتدیرسون
 طبعیون وحقیقیون حکما حضراتی
 بوندن دخی روگردان اولمامشاردر .
 تکلیف نه قدر اغر اولورسه اولسون
 ایستینلن شیء حاصل ایدیله بیله جک اولد -
 قدن صکره ارتقاندن تکلیف قالدیلورمی ؟

ایشته شو نقطه نازکده طبیعیونک
 حقیقیونک مادیونه و یردکاری جواب
 مقنی بز دخی ایراد ایده جکرکه بوندن
 صکره سی ایچون مادیونه لام جیم
 قالمیه جقدر .

موجودیت مادیه و جسمانیه مز دائماً
 متبدل دائماً متجدد ! دکی ؟ دماغز دخی !
 دماغ نه در ؟

جمله عصیه نک مرکز اجتماعی !
 تاراف تلاری کی وجود مزک هر طرفه
 یابلش و بر طرفه ایکنه باطیر لسه برقچ
 یردن زده لنه جک درجه لردد اینجلوب
 چو غالوب هر جهتمزی استیلا ایتش اولان
 الیاف عصیه نک مرجعی !

اوشوسهك اوشوديكمزی طویان
جلدمز دكلدر . جلدہ منتهی اولان الیاف
عصیہ برودت دنیلن بو عارضہ یی
دماغہ نقل ایلدکلرندن اصل اوشومکی
حس ایدن دماغدر . برطرفز یاقاسہ کذلک
اوده الیاف عصیہ واسطہ سیلہ دماغہ نقل
اولنور . مدققین حکما بوانتقالک وجودندہ
شبهہ سز اولدقلری کی انتقالک سرعتی
بیله اولچم شلردر . موجودیتندہ کی شبهہ
سزلک بدیہیدر . زیرا برلیف ناقل عصبی یی
کسهجک اولسه قده اولیفک خدمت
نقلیه سنده بولندیخی عضوی یاقه جق
اولسه ق اغریسی آجیسی حس ایدلنز .
اما انتقالک سرعتی بر ثانیہ یه نسبتله شو
قدر مترودردیہ ویریان خبر بزجه قابل

تطبیق اوله مدینی جهته او قدر قطعاً
صحیح کوريله من . شو قدر که مادام که
انتقال واردر زمان دخی واردر دیرز .
زیرا زمانسز انتقال فنا باطلدر .

دماغ جمله عصبیه نك مرکز اجتماعی
اولدینی وحواس خمسۀ ظاهره نك کافۀ
تحسیناتی اورایه انتقال ایلدیکی حالده
مرتبه تحقّقه کوریلور که دماغ مرکز
تحسیناتدر . بوکا نه مادیونك نه طبیعیونك
هیچ برکمه نك اشتباهی اعتراضی یوقدر
فنونك بویولده کی احکامی اول احکام
عمومیه دندر که برصنف حکمانك دیکرینه
حجت اوله رق اثباتی ایچون اویدرلمش
اولیوب حقایق احوال بونلردن عبارت
اولمق اوزره کشف اولنشددر .

شمدی شو نقطه دن بدأ و کمال اهمیتله
دقت ایتمه باشلايه جغز که :

حواسک دماغه بعض انتقالاتی دماغده
ثابت قاله میوب چار چابق زائل اولیور.
وجود منک برطر فنده حصوله کلن وجعک
زوالی کی . منتقلات حسیه نك برطاقمی
ایسه آزچوق دماغده برطوتیور . اوزمان
مفکره من انی تفکر وعقل من انی تعقل
ایلیور . واهمه من انک اوزرینه و همار بیله
بنا ایلیور . بو حاله باقه رق حکما عقل فکر
وهم فلان دنیلن شیلری هپ دماغه
یرلشدیور لر . یرلرینی بیله تعیین ایدیور لر .
دماغ عقده عقده قاتمر قاتمر برشی اولوب
هر عقده نك هر حجره نك هانکی ملکه یه
محل اولدیغنی بیله کوستریور لر . بورالرده

دخی اختلاف یوق . جزوی مغایرت
 واریسه ده اناردخی اقوال ضعیفه و اقوال
 قویه درجه سنده بر تفاوتدن عبارتدرلر.
 غایتی شو حجریه فلان حکیم و اهمیه یی
 یرلشدرمش ایسه فلانجه حکیم اورایه
 مفکره یی یرلشدرمش . حکمای سائر دندده
 بعضاری برینک دیگر بعضاری دیگرینک
 قوانی یا قوی کورب قبول ایتمشلر یا ضعیف
 کوروب رد ایلمشلر . اما کافه تحسینات
 و تقهومات و توهمات و سائر و ات انسانییه
 مرکز اجتماع بین اولدیغنده کیسه نه نک
 انکاری یوقدر .

ایمدی انسانک موجودیت مادیه
 و جسمانییه سندن ماعدا برده روحی یعنی
 انایت روحیه سی بولندیغنه قانع اولان

حکما اوروحی وجودک هانکی محله
 قویق هانکی عضوی اوسلطان اقلیم
 وجوده تختگاه ایتک لازم کله جگنی
 اوتهدنبری دوشونه دوشونه گاه قانه گاه
 قابه وضعی تخطر ایلدکن صکره نهایت
 بونلرک کافه سی دماغک خدمتکارلری
 اولدقلرینی کوردرک و مجمع تحسینات
 و مرجع ملکات هپ دماغ اولدیغنی
 اکلایه رق اورای سلطان روحه قرارگاه
 عالی اولق اوزره تعیین ایلمشلردر.

ایشته قیامتله دخی بونک اوزرینه
 قوپمشلردر .

مادیون حکما روحی قبول ایده میهرک
 انی اقلیم وجوددن طرد ایلمک جراتی
 دماغ سایه سنده بولدقلری یعنی بزم روحه

عطف ایلدیکمز خواصی انلر دماغه عطف
ایتدکاری و بوصورتله روحک دخی
برمادیتدن عبارت بولندیغنی و او ماده نك
چور و یوب فنا بوله رق بناءً علیه روحده
قدم و بقا تصور اولنه میه جغنی خلیا
ایلدکاری حالدہ طبعیونک حقیقیونک
روحیونک فی الانیونک او بر یغین ایلیمک
طور به سنی جانہ قرارگاه اتخاذا ایتلرینه
رضا کو ستره بیلورلرمی ؟

آلکز سزه بوغاز بوغازه برجنک !
مادیون « جام بروهمی برخیاالی بر یوقی
کتوروب بزم وارمن حقیقت مادیه من
مقامنه نه حقله اقامه ایدیورسکمز ؟ » دیه
بار بار باغیر ییورلر طبعیون ایسه « سزک
وارکنز بر موجود مایدیر . بزانی انکار

ایتمیورز. بزم وارمن ایسه بر موجود
روحانیدر. سزده انی انکار ایدهنر سکنز.
انک قرار کاهی بوراسیدر. هر عضوک
مجمع ملکاتی دماغ اولدینی کی دماغک
مرجمی دخی روحدر « دیورلر.

بو حالده ایکی فرقه نک آردسنی
بولق ایچون ایشته اولجه دخی دیدیکمز
وجهله ماده تدن مجرد و حادث
ولایزال اوله رق اصل روحه عطفی
لازم کن برشی بولوب اثبات مدعایه
طبیعیونی دعوت ایتمشله. انلر دیمش که :
— موجودیت ماده و جسمانیته من

دائما متبدل دائما متجدد ! دکللی ؟

بالطبع جواب ویرمشله که :

— اوت !

— دماغمز دخی !

— اوت ! دماغمز دخی !

— پارماغمزده کی طرناق بوندن بر

زمان اولکی طرناق اولمدیغی طمارلر مزده کی

قان بوندن بر زمان اولکی قان بولمدیغی کی

قفاطاسمزك ایچنده کی دماغ دخی بوندن

بر زمان اولکی دماغ اولمدیغی قبول

ایدرسکز یا ؟

— اوت ! اوت ! تکمیل وجودمز

دخی بر زمان ظرفده متجدد اولدیغدن

بووجود بلاشه به بر زمان اولکی وجود

دکدر .

— حالبوکه بزم روحمز هیج بروقت

متجدد اولیسان قدم وبقا صاحبی بر امر

الیه بدر . انک ایچون کندیسیدی ده محفو-

ظاتی ده او یله تبدلات و تجددات جسمانیه من
ایله متبدل و زائل دکلدر. قوه حافظه نك
وجودی و بقاسی روحك وجودندن
و بقاسندندر .

— نه دن؟ هیچ او یله شیمی اولور مش؟
حافظه دخی دماغك بر ملكه سیدر .

— خیر اقدیلر ! هرشی دماغك
بر ملكه سی اوله بیلور اما حافظه دماغك
ملكه سی اوله من . اولسه ایدی دماغك
تجدد و تبدل ایلدجكه حافظه نك ده تبدل
ایتمسی لازمكلا-ور ایدی . ظرفك زوالی
مظروفك ده زوالی موجبدر .

هیچ مادیون ایچون بومدعایی بوحق
تسلیم امکان داخلمده میدر ؟ بونی تسلیم
ایدر لر ایه صکره الارنده نه قالور؟ بناء علیه

انلر طرفندن کاسون مکابره ! معانده !
 لکن طبع سلیم فکر مستقیم ارباب ایچون
 قبول حقه شو برهان کفایت ایلمشدر .
 زیرا قوه حافظه قوا وملکات سائریه
 قیاس قبول ایده مز . دماغك قوا وملکات
 سائریه سی تحسینات واقعہ سنده غایت سریع
 اولدینی حالده حافظه انلره نسبتله غایت
 بطیدر . انسانك بر طرفنده کی آتش یانیخی
 پرہ ینی کی در حال ذهنه انتقال ایدر .
 اما در حال قوه حافظه یه انتقال
 ایده مز . بر آدمك ذکاسنده سرعت انتقال
 اولور . لب دیمدن لبالبی بی اکلار . فقط
 حافظه اولیه دکادر . بر شیدی حافظه یه قبول
 ایتدیرمك ایچون تکرار لر تا کیدر لازمدر .
 انك ایچون ده ایشته دماغ بر آغری نی بر غصبی

سائر کونه برانفعالی ازچوق برزمانده
اونوتور اما حافظه اونوتمز . دماغده کی
سرعت ایله حافظه ده کی بطائت بونلرک
بشقه بشقه شیلر اولدیغنی اثباته کافیدر .
حتی دماغده وقوعه کلن ادنا برعارضه
اوآنده موتی ایجاب ایدیور . پک چوق
حکمانک قبولنه کوره قفا کسیدکن صکره
بیله حافظه برازدها تخطر اتنده دوام ایلور .
وجودک اقسام سائر هسی کی دماغ دخی
تبدل وتجدد ایلدیکی حالده حافظه یه تأثیری
اوله مامسنی مادیون هیچ بروجهله تأویل
ایده میورلر . انسان غضب کی مرحمت
کی تحسیناتی بیله اونوتیورده برزمان
صکره تخطر ایده میور . عشق بیله برزمان
صکره زائل ! اما حافظه او یله دکل !

مثل سائر حکمنده اوله رق دنیلو رکه انسان
 چو جقلغنده بلله دیکنی مدت العمر او نو تمز .
 طوغریدر . چونکه چو جقلغنده روح
 نیجه امراض نفسانیه ایله بیزار دکل ایدی .
 حافظه انلری دها قولای بناء علیه دها
 قوتلی ضبط و حفظ ایلدی . صکره لری
 ایسه بو امراض نفسانیه روحه ده حافظه یه ده
 فتور و یرمکه باشلادی یا ؟ حافظه ده کی
 بطائت اکلاشلدی یا ؟ انک بطائتته ضمیمه
 برده نفس طاغیه و باغیه بر آنده بیهک
 مواردات ایله انی اشغال ایلر ایسه حافظه ده
 ارتق حفظه قدرتمی قالور ؟
 انسان قر قندن صکره تکمل ایدر دیر لر .
 طوغری دکلی یا ؟ اندن صکره ارتق او

امراض نفسانیہ یہ اعتدال کلمہ باشلاوردہ
انک ایچون .

الحاصل مسئلہ ہانکی جھتدن تلقی
ایداسہ حافظہ دماغدن بشقہ وروحہ انتسابی
مرجع بر خاصہ کوریلیور . ذاتاً انسانیتک
کمال خاصیتی دہ حافظہ دن عبارت کوریلیور .
حافظہ یی قالدیر کز . دماغک ملکات
سائرہ سی پک عجایب قالور . تفہم تفکر
وتوہم کبی شیاریک معاونت حافظہ اولمدینی
حالدہ خار جسدہ کی تجلیاتی انسانہ عادتاً
» دلی « دیدیر تر .

خیر خیر ! دلی بیلہ دیدیر تہ من .
اندہ دہ اک بیسوک حکم حافظہ نکدر .
دلی دہ فیکر ثابت وادر کہ حافظہ دن کلور

حافظه روحك خزینة فضائلیدر . كوز
 برشیئی كورر . انی دماغه عكس ایتدیرر .
 دماغ انی در حال حس ایدر . اما ماهیتنی ده
 در حال تعیین ایده من . ایده بیلرسی لازم
 کلسه هیچ کور مدیکی برشیئی ده در حال تعیین
 ایدی ویررسی لازم کلور ایدی . حالبوکه
 هیچ کور مدیکی برشیئی انسان لمحہ بصرده
 تعیین ایله مطمئن اوله من . اوزون اوزا-
 دی یه انی تماشا ایتک ایستر . تا حافظه سنه
 قبول ایتدیرنجیه قدر ! اما حافظه نك
 ذاتاً محفوظی اولان شیئی ویا امثالنی انسان
 کورده جك اولسه دماغك انی حافظه یه
 عرض ایترسی قبول ایتدیررسی لازم کلد-
 یکندن انسان یعنی اصل انسانا غمز دیمك
 اولان روح انی همان هیچ ده مهمسه من .

کور مامشہ دہ دوزر۔ مثلاً ہیچ کور مدیکر۔
 بر رسم لوحہ سی سزی کندی یا نندہ سا۔
 عتر جہ توقیف ایدہ بیلور۔ صکرہ لوحہ بی
 مبايعہ ایدر سکر۔ او طہ کزہ دہ آصار سکر
 حافظہ اندن لزومی قدر نصیبی المش
 بولندیغدن رسم ہر زمان کوزکر اوکنندہ
 بولندیغی حالہ حافظہ کز ارتق انکلہ
 اشتغال ایتمز۔ بو حالہ دماغ کز دخی حافظہ یہ
 یارانہ میہ جغنی اکلا یہ رق انکلہ اشتغال دن
 وازچر۔ او صورتہ کہ مثلاً اور سمک
 بویالری صولسہ دہ اولکی لطافتی کلیاً
 متغیر اولسہ بردن برہ فرقندہ اولامز سکر۔
 انسان او یور ، حافظہ او یومز۔
 چونکہ روح دخی او یومز۔ او یقونہ در؟
 کافیہ ماکاتک کرکی کی تعطیل اشتغال ایتسی دکلمی؟

حالبوکه او یقوده روح دها او یانق حافظه
 دها پار لا قدر. چونکه موارد متابعه نك
 ارقه سی کیل مشدر. او یقوده روح خزینہ
 حافظہ موجود اتنی او یانق حالندہ کی
 کی تخطر نوعندن کور میوب عادتارای العین
 کورر. حالبوکه کوزلر قیالی و ملاکہ رؤیت
 بالکلیہ معطلد. آرتق حافظہ دماغدندر
 دنیہ بیلور می ؟ آرتق روحك بالاستقلال
 موجودیتندہ شبہہ قالور می ؟ حافظہ
 دماغدن و روح دخی اندن اولسہ ایدی
 دماغہ برابر بونلرکده او یومسی لازم کلور
 ایدی. شایان دقتدر کہ اوزمان وجودك
 بر طرفندہ کی حادثہ بی یعنی مثلاً بر تحتہ
 کھلہ سی آجیسنی دماغ حال بیدار یسنده کی
 کی سریعاً و مکمللاً طویہ میور. روح

و حافظه ایسنه او حالده آفاق و افلاکی
 تماشا ایلور. تحتہ کھلہ سنک آجیسی نہایت
 دماغی بیدار. ایدہ بیلوب ده بونی روحه
 عرض ایلدیکی زمان روح ایشته دماغه
 تابع اولان ملاکاتک بر طاقنه حاجت دخی
 کور مکسزین کندی کندیسنه ایجاب حالی
 اجرا ایتدیریور. کوز قبالی اولدینی
 حالده پارمغه او تحتہ کھلہ سنی بولدیروب
 ازدیریور.

مادیون بونلرک علیهنه هر نه اعتراضده
 بولنسلر انسانه اصلا قناعت بخش اوله -
 میورلر. انار بو عجب ایبک کافه سنی، دماغه
 اسناد ایتک ایچون سوزی یاش دری کی
 هر طرفه طوغری چکوب اوزاتیورلر
 ایسده بو طرفه چکسلر اوتہ طرفی آچیق

قالیور. زیرا انفعالات دماغیه نك كافه سی
 سریع الزوال اولدینی حالد یالکز قوہ
 حافظه روحه رفاقتده بولنه بیلیور.
 مادیونك « اوله ایسه رحم مادرده کی
 شیلری ده حفظ ایتلی ایدی . اوله ایسه
 تقرب موده انسانی انجق روحله برابر
 بر اقلی ایدی . حالبوکه انسان قونداقده کی
 حالنی بیله بیلمیور. روحدن اول حافظه سی
 کندیسنی ترك ایلیور » دیه ایتدکاری
 اعتراضده بر حکم اوله میه جنی درکاردر .
 حافظه نك موارداتی حواس ظاهره و دماغ
 طریقیه اولدینی حانده بو طریقلر هنوز
 معطل ایکن اورایه نه نقل ایده بیلیور لرکه
 حافظه انلری حفظ ایده بیلسون؟ قبل المعات
 حافظه نك انسانی ترك ایتسی یعنی انسانك کند.

یسنی غایب ایلمسنی ایسه روحدن اولوقو عبو-
 لیور ایسه ده قوای سائرده دن صکره اولدیغی ده
 محققدرد. بین او یودیغی زمان محفوظاتنی رأی
 العین کوررجه سنه کوردیکی کبی احوال
 سکر اتده دخی بین فلان ایشلرینی بتورمش
 اولدقلرندن حافظه کندی محفوظاتنی صوک
 دفعه اوله رقینه رأی العین کوررجه سنه
 کورییه-ور . محتضرك هذیان محمو مانه
 نوعندن بعض سوزلری بومشاهدات عجیبه یی
 اثبات ایللیور.

حافظه نك دماغدن مستقل و روحه
 مقترن بر معجزه ربانیه اولدیغی انکاره نصل
 امکان بولانه بیلور که انسانك حیوانات سائره-
 دن مابه التیزی اولان ناطقیت بیله حافظه نك
 تحت ضمانده در . ایشته شو بچاره نك

بینی پک مکمل اما قولانغی بوزوق اولد -
 یغندن اصوات نطقیه یی بین طریقاه حافظه
 یه نقل ایدمه دیکی ایچون دلسز قالمش .
 حافظه ده کی مکملیت ایسه انسانی یالکز
 بردکل برقاج لسان ایله ناطق ایلیور .
 حیوانات سائر ده ایسه فقدان ویا خود
 نقصان دماغ دکل نقصان حافظه ترقیات
 کامله لرینی منع ایلیور .

* *

ای ! جناب حقه فصل حمد و ثنا
 ایتیمه لم که اسرار خلقتنده کی دقایق بر طاقم
 ظنون و اوهام باطله اربانی تا او خالق کریمی
 تا انسیانک کنسیدی وار لغنی بیله انکاره
 مجبور ایدمه جک قدر مغلق و مستور کو -
 رلدیکی حالده ایشته برجهتدن ده بونی

میدان علانیتہ قویہ حق قدر واضح بر
 اہمیت طبعیہ ترتیب ایامش و دیلہ دیکی
 قوللرینی بو برهانلرله ارشادده بولنمشدر !
 هدامن فضل ربنا !

روحز شوکسوه وجوده بورونمش
 بر موجود معجز نمای خدا اولدینی مرتبه
 تحققه واردی یا ! اما برر مقدار زمان
 ظرفنده تبدیل کسوه ایدرجه سنه وجودده
 بر تبدیل کوریلے-ور ایمش . اوده ربمzk
 بر اثر قدرتی !

هم آرتق « ربمز » دیمکه مادیونه
 قارشو دخی صلاحیت قازاندق . کندی
 وجودمزی کندی وار لغمزی اثبات
 ایلدک یا ؟ « وار لغم خالقکم وار لغنه شاهددر ! »
 مادیونک آرتق انکار باری تعالی

فضیحہ سنی کوزہ الدیر مہرینہ قولاقی
 ویریلور کہ یتیم سکیسان کیلوغراملق
 بروجود بشر ایچندہ کی روحی بولہ مدقلری
 محضا کندیلری بولہ مدقلری ایچون
 وجودینی ده انکاره قالقشدقلری حالده
 قوجه کائناتی محیط اولان اول روح عالمه
 عقل بیله ایردیره میه جملکری درکاردر .
 حذلهم الله !
 اتتها









Ahmet Hithak

— مقابله به مدافعه —

Mudafaiyya

mukabale

و — مقابله به مدافعه —

موسیو دوائتک «مدافعه» به مقابله سینه
قارشو احمد مدحت افندینک مدافعه می

ترجمان حقیقته تفرقه ایدلدکدن صکره
ایلاک دفعه اوله رق
آریجه کتاب شکلنده دخی طبع اولنمشد.

استانبول

۱۳۰۰



❖ مدافعه به مقابله ❖

و

❖ مقابله به مدافعه ❖

اهل اسلامی کندی عقاید دینیه لری
خصوصه صنده کو یا تخطئه و ابطال ایدرک
قبول نصرانیتہ تشویق ایتکه چالیشانلره
قارشو اخوان دینی ایضاظ و مدافعه یوللو
قلمه النهرق بند بند تر جهان حقیقته درج
ایدل دکن صکره آیر یجه رساله شکنده او-
لهرق دخی باصلمش اولان اثر عاجزانهم
نصلسه نصارادن برچوقلرینک فوق الحد
حدتلی نینی جلب الیشدر *

نیمائیر برطاقم غیرتکاران اهل اسلام



طرفلرندن دخی بو یولده ردیه لر یازلمش او
لدقلمری حالده نصار انک انلره ایلشیک
ایتموبده مدافعه عاجزانه مه قارشو ابراز
آثار غضب و تهوور ایتش اولملرینه بادی
امرده استغراب ایدلمش ایدیسسه ده ارباب
انصافدن اولان بعض خرسیتیانلر ایل
وقوعه کلان مجاوبه مده دیکر ردیه لریالکز
خرستیانلغی ذم و تزیفدن عبارت اوله رق
نصاراجه هیچ برکونه سوء تأثیری موجب
اوله میه جغنه مقابل مدافعه عاجزانه م نصرا
نیتی ینه انلرک کندی اصول کلاملری دائره
سنده تخطئه وابطال ایلدیکی جهته ال
جدی برمدافعه اوله رق انجق مدافعه عاجزا
نه می تلقی ایلدکاری ایچون او هجومی زده
مسارعت کوستردکاری نی اکلانجه ولو که

من غير حد اولسون قلمده برحس افتخار
بولشمدر.

مدافعه نك ظهورندن متاذى اولان
بعض نصارانك استانبولده روجه والسنة
سائر اوزره باصيلان غزته لره وحتى حروفى
روم ولسانى عثمانلى اوله رق چيقان مطبو -
عاته درج ايتدكلى ورقه لر او قدر محقرانه
و بى ادبانه كورلمشدر كه بونلره ارباب ابدن
اولان پك چوق خرس تيانلر دخی شاشمشلر -
در . از جمله مدافعه رساله سى بوقفیرك اثرى
اولديغنى بيلمك كيمسه اولديغنى حالده بعض
قره مانلىلر تجاهلدن كله رك مدافعه بى يازان
ذاتك يهودى اولديغنى و كاه دینسر بولنديغنى
مقام تحقیرده اعلان ايتمشلر در .

بو حقارات بى ادبانه انحق خصمك رد

مدافعه ده کی عجزندن نشأت ایتکه بونلر
 دخی محرر ایچون بشقه جه برمدار افتخار
 اولدیغندن بر چوغی ترجان حقیقه درج
 واعلان قلندیغی کبی بر طاقی دخی بالاخره
 جمله بوجموعه یه درج ایدلمک ایچون حفظ
 ایدلمش ایسه ده بونلر میاننده بر تلکی یه ار-
 سلانک صید ایلدیگی شکارک اشکنبه سی
 دروننده کی مزخرفاتک یدیرلمش اولسی کبی
 حکایه لر و تمثیلر بولنده رق بونلر ایسه یالکز
 فقرات مذکوره یی یازان ادب سزلردن ماعدا
 جمله نك معده سنی بولان دیر، جق شیر اولسیله
 او مثلاً و مردار لقلر ایله صحایف پامکرک
 تلویث ایدلماسی بعض طرفلردن اخطار
 بیورلمغله بزجه دخی بونلردن واز کچمک
 جهتی ترجیح اولمشدر.

استانبولدن اوروپا مطبوعاتنه و آتته
 غزته لرینه دخی مدافعه علیه برچوق
 مکتوبلر یازیلهرق خطابک مخاطبه کوره
 اولسی قاعده سنجه اکرچه بونلر دهانا
 موسکارانه بر صورتده یازلمشیر ایسه ده هیچ
 بریسی مدافعه یی رد یوللو قلمه النیه رق
 یالکز ترجان حقیقت محررینک دین نصارا
 علیه شویله کفر آمیر شیلر یازدیغی بویله
 شدتلر کوستردیکی و حالبوکه اسلامیتک دخی
 نصارایی اهل کتاب طایفه قارشو بو کفر
 آمیر شیلرک لایق اولیه جغی طرزنده حکایه
 و ملاحظه لردن عبارت بولنسیله بزجه و سلا
 تر افکار جدیه اربا بنجه انلر دخی نظر اهمیتدن
 دور قالمشلر دره

حالبوکه «بایبل هاوس» نامیه در سعادتده

بر شعبه سی بولنان امریکا میسیونر جمعیتنک
 رئیس موسیودوایت حضرتلری مدافعه مزى
 سائر نصارادن دهها بشقه درلو براهمیتله
 تلقی بیورهرق مدافعه مذکور هی مقابله سز
 براقورلر ایسه نصارادن یک چوق کیمسه لرك
 عقاید دینیله رینه وهن عارض اوله جغنی
 بعض اخطار اتله اکلا دقلرندن فن وادب
 دائره سنده بر مقابله یازمغه باشلا دقلری طرف
 عاجزانه مزدن استماع اولمغله برده شو مقابله یی
 کورمکه مراق حاصل اولمشیدی . حتی
 روایت واقعیه کوره مذاهب نصارانک
 اک یکیمی و بناءً علیه سائرلرندن دههاز یاده
 تصحیح و اصلاح دیده سی اولان پروتستانلغک
 نشری غیرتنده بولنانلرك تلقین وارشاد لریله
 مذاهب سائرهنک برچوق بدعتلرینی ترک

ایدن بعض خرسستیانلر « مدافعتک بیان
ایلدیکی احوال صحیح و واقع ایسه لر خرسستی-
نلغاک فی الواقع دین حق دیه قبولنده تردد
اولنور . بناء علیه بوکا مطلقا برردیه
یازمیلدر « دیه مومی الید موسیو دوایت
حضرتلرینی بر صورت مخصوصه ده تشویق
دخی البشرایمش .

الحاصل موسیو دوایت حضرتلری
مدافعه مزدن شایان رد و تصحیح کوردیکی
مباحث اوزرینه قلمه الدقلری مقابله ناک
اولا بر قسمی غزته خانه مزه کوندیره لر نشر
اولنوب اولنیمه جفنی استمزاج ایلدکلرنده
حریت افکاره الزیاده رهایت و حرمت
غیرتنده بولنمقلغمز حسیلله مقابله واقعه سنی
بزم دخی کندی مطالعاتمزه برابر درج

و نشر ایده جگمزی و وعد ایلمک کیمز لک اوزرینه
 مومی الیه هم متعجباً و هم ده متشکراً مقابله -
 سنک تمامی دخی مطبعه مزه کوندیر مشلدیر .
 ایشته بود دفعه اتخاذا ایلمدیکمز سر لوجه نك
 قسم اولی یعنی « مدافعه یه مقابله » جمله سی
 موسیو دوایت حضرتلرینک ردیه سنه
 سرنامه اتخاذا اولنده رق قسم ثانیه سی یعنی
 « مقابله یه مدافعه » جمله سی دخی بزم
 آوردیه قارشو بیان ایده جگمزمطالعاته
 سرنامه اتخاذا قلنده رق سایه حکمتواید
 حضرت پادشاهیده بو مثالو حقایقک جمله
 نظرنده موازنه ایلمدیکمز بیلمی ایچون بروجده
 آتی صحایف نشریات کشاده ایلمشدیر .
 موسیو دوایت حضرتلرینک مقابله لر -
 ینه کیمدی وضع ایلمدیکمزی عنوان عمومی

« خرسٲیانلغك ماهیتی » اولوب بو عنوان
عمومی یی ابقا ایله مقدمه سی بروجده آتی درج
اولنور .

- خرسٲیانلغك ماهیتی -

مدافعه عنوانیله معتبر غزته کزل برچوق
نسخه لرنده مندرج اولان مباحثات خرسٲیا-
نلغه دائر محررافندینک میدانه قویه جغی
یکی خبرلری بیلک مراقیله چوق دقتلی
مطالعه ایدلمشدر . لکن معلومات صحیحه
کبی کوسترلش بعض تحف خیالاتدن ماعدا
یکی برشی کور یله مدیکندن مطالعه دن
ایدیلان استفاده مذکور مباحثاتک مطالعه
سنه صرف اولنان وقته دمکی دینلسه
حقیقتدن بعید دکدر . زیرا مذکور
مباحثاتده درمیان ایدیلان برقاج صحیح

و فوائد تاريخيه بيله تاريخه اصلا بگرميه :

جك بر صورتده تحرير ايدلمشدر .

خرستيانلغك تاسمس و انتشاري تاريخي

عموم سکنده سنه معلوم اولان بر مملكتده

مدافعه مباحثاتي بلکه لطيفه کبي تلقی اولنه

يلور ایدی . فقط مدافعه نك پك جدي

ظن اولنه حق طرزده يازلمش اولمسيه بو

مملكتده صحيحاً علم تاريخ ديو تلقی ايديله

يلور . همده ممالك عثمانيه ده بولنان مختلف

ملترك مناسباته سوء تأثيري موجب اوله

يلور . بوسيدندر كه مدافعه نك تاريخ

خصوصنده نه درجده ده اعتماده شايان

اولديغني مختصراً كوسترمكي كنديمزه

وظيفه ذمت عد ايدرز . مدافعه برقاج

خصوصاتك اثباته قالقشمشدر كه انلرده

مختصراً آتيده ذكر اولمشدرلي .

(۱) حواریون جاهل و باخشم و

خائن ایدیلر - همده معجزه اجرا اید و مدیلر
(برنجی و ایکنجی مجتهد مراجعت اولنه)

(۲) میلادک ایلک اوچ عصرنده
خرستیانلغک انتشاری هیچ مثابه سنده ایدی
(برنجی و اون ایکنجی و یکرمنجی مجتهد
مراجععت اولنه)

(۳) ایلک اوچ عصرده خرستیانلق
یالکز ایکی دفعه ظماً منع اولندی . (یدنجی
مجتهد مراجعت اولنه)

(۴) ایمراطور قسطنطین خرستیانلغی
قلنج قوتیله روما ممالکنده نشر و تأسیس
ایتدی . (طقوزنجی و اون ایکنجی و
... الخ مجتهد مراجعت اولنه)

(۵) علم تاریخ خرستیانلغک بار بارلق

اولدیغنی اثبات ایلدور . (یگری برنجی
مجتله خاتمه یه مراجعت اولنه)

(۶) خرستیانلغک اساسی یالان تفرعاتی
یالان و مقدس صایدیغی انجیل ایسه دوزمه
واویدورمه برشیدر . (التجبی مجتله
مراجعت اولنه)

مدافعه نك بیانات تاریخیه خصوص صنده
اعتماده شایان اولدیغنی و خرستیانلرک کندی
اجدادلرینک دینه مجتله صارلمرینه کافی
سبب بولندیغنی کوسترمک ایچون بالاده
مذکور نقطه لرک هر برندن بحث ایتمک
نیتندیز . امدی ادب و نزا کته حرمة
حقارته حقارتله مقابله ایتیه حکمزدن آتیده کی
فقره یی مدافعه محرری افندینک دعوت ایلد-
یکی چو ابلردن جزئی برشی اولمق اوزره

هزه كزه درج ايلكزي عدالت و حفايت كزه
عطف ايدرز *

« مقدمه مدافعه »

مدافعه مزك چوق دقتلي مطالعه
بيورلديغني ايشتمك بزم ايجون موجب
اطمئنان اولور ایدی . تأسف ايدرز كه
ينه مقدمه ده موسيو دوايت حضرتلری مدا-
فعه مزى اول قدر دقتلي او قومامش اولد .
قلرينى بزه كوستريورلر . حتى « مطالعه -
دن ايديلان استفاده مذكور مباحثاتك
مطالعه سنه صرف اولنان وقته دكمدي » ديه
ايتدكلرى شكايته دخي ينه بودقتسز مطالعه
بيورمش اولملرى قضيه سنك سيبيت كوستر-
ديكى اكلاشيليور .

موسيو دوايت حضرتلرينك اثر مزى

دقتله مطالعه بیوز مامش اولدقلرینی اثبات
 ایدن فقره دن اول مشارالیهک بر اندیشه سنی
 کور یوزرکه اول امرده بو اندیشه لرینی دفع
 ایتیکه مسارعت ایتلی یز . شویله که :
 مسرتدوایت حضرتلری مدافعه مزک
 ممالک عثمانیه ده بولسان مختلف ملتک منا
 سباتنه سوء تأثیری اوله بیله جکندن بحث
 ایدیورلر . امین اولسونلرکه بو اندیشه لرینه
 محل یوقدر . بویله بر اندیشه اولسه اولسه
 اسلامی تحطئه وابطال ایله مسیحیته دعوت
 ایدنلرک نشریاتندن و برده بعض نصارا
 مکتبلرنده کنج شاگردانی اسلام علیه دهها
 هنکام شباتلرنده تهییج ایچون ویریلان در
 سلردن تولد ایده یلور . مدافعه مز ایسه
 نصرانیتک خلاصه تاریخ انتشارینی طوسی

طوغری اوله رق میدان قویغله نصارا-
 دن انسانیتپرور و فکر ائتلافه محبت ایدر
 اولانلره نه قدر اساسین بر غیرت اوزرینه
 اسلام کی جهان ایله مستعد ائتلاف اولنلره
 قارشو بغض ایتمه تشویق اولندقلرینی کو-
 ستره رک بین الملل مطلوب اولان حسن منا-
 سبتک تأیدی بيله مدافعه نک بشقه جه بر
 نتیجه مثره سی اوله رق امید اولنه یلور .

اگر مدافعه مزی دقتله مطالعه بیور مش
 اولسه لر ایدی اثر مذکورک خرسیتیان
 وطنده اشلمز علیه اسلامک بغض و عدا-
 وتی تحریک ایچون دکل یالکز کیجه کوندوز
 دعوت اولندقلری نصرانیتکینه نصارا
 میانده نه قدر مخالقات مبطلانه یه دوچار
 اولدیغنی کورملری ایچون قله انمش بولند .

یغنه ده موسیو دوایت حضرتلری واقف
 اوله رق شواندیشه لرینه هیچ محل اولدیغنی
 کندی کندیلرینه حکم ایدرلرایدی . لکن
 یوقاروده دیمش اولدیغمز و جهله اثر عاجزا-
 نه مزى دقت نظریه لريله بحق مشرف
 بیور مامش اولملری کندیلرینی بو اندیشه یه
 دوچار ایلدیکی کبی مقابله لرینک مباحث سا-
 ره سنده برچوق خطیئاته دخی دوچار
 ایتمشدر .

مقابل و مناظر من حضرتلرینک عدم
 دقتلرینی اثبات ایدر شیلردن شو مقدمه ده
 همده الکی زیاده کوزه چار پانی باقکزه ها-
 نکیسیدر :

مشارالیه حضرتلری مدافعه مزدن
 شایان مقابله کوردیکی موادی نومرو صره -

سیله تعیین ایلدیکی صروده برنجی نومروده
 «حوار یون جاهل و باخصوص خائن ایدیلر
 همده معجزه اجرا ایده مدیلر» سوزلرینی
 بزه اسناد ایلله اثبات مدعا ایچون دخی مدا.
 فعه مزدن برنجی وایکنجی مجتته مراجعتی
 توصیه ایلور.

بو توصیه لرینه اول بزا تابع ایدرله برنجی
 مجتمزی تکرار او قودق . مدافعه مزله بر
 نسخه سنی قارئلر مزدخی لطفاً اللرینه الهرق
 برنجی مجتتی تکرار او قوسونلر . اشبو برنجی
 مجتته حوار یونک جاهل و باخصوص
 خائن اولدقلرینه و «همده» معجزه اظهار
 ایده مدکلرینه دائر بر سطر کوره یلورلر ایسه
 بزه دخی اخطار بیورسونلر . زیرا برنجی
 مجتته بزبوکا دائر هیج بر سطر کوره میوب

یالکز خرس تیانلغک مبادیسنده فلسطین طر -
 فلرینک احوال سیاسیه و علمیه و حکمیه سنه
 دائر بر خلاصه تاریخیه یامش اولدیغیزی
 و بو خلاصه ده ایسه حواریلرک خیانتنه
 و اظهار معجزه دن عجز لرینده دائر بحثه کیرشمک
 شویله طور سون خرس تیانلغه دائر بیله هیچ
 بر بحث ایتیمه رک مجشک سرلوحه سنده
 سویلدیکمز و جهله یالکز اول اثناده فلسطین
 طرفلرینک یعنی رومالور اداره سنده بولنان
 بر یهودی مملکتینک احوال سیاسیه و علمیه
 و حکمیه سنندن بحث ایلدیکمیزی کوردک که
 بو مجشک عائد اولدیغی زمانده حضرت
 عیسی بیله هنوز تعلیم دینه باشلامامش
 ایدی

ایکینجی مجشه دخی تکرار مراجعت

ایلدک . بونده واقعا حواریونک مبدأ
 ومنتھالینه دائر موجود اوله بیلان معلوماتی
 خلاصه ایتشیز . فقط موسیو دوایت
 حضرتلری « همده » قیدیه تقید و تاکید
 ایدرک او مجتهد حواریلرک معجزه اجرا
 ایده مدکارینی خبر و یردیکمزی بیان بیورد-
 یغی حالده ذکر اولنان ایکنجی مجتهد نه
 معجزه اجرا ایلدک لرینه و نه ده اجرا ایده-
 مدکارینه دائر حرف واحد سونلدی کمزی
 وحقی مجتهد مذکورده « معجزه » کلمه سی
 بشقه بر مناسبتله اولسون بر کره جک بیله
 یازلاماش اولدیغنی کورنجه استغرابمز
 آرتدی .

موسیو دوایت حضرتلری نیک مدافعه -

چیزی بو قدر دقتسز او قومسی بزجه موجب

تأسف اوله یلور . زیرا کندیلری کبی
 متبحر بر فاضل طرفندن اثر عاجزانه من
 تدقیق و تنقید بیور یله رق خطیئتمز میدان
 قونیلور ایسه بزجه دخی موجب تصحیح
 اوله جغی اعتقادنده ایدک . فقط دیگر بر
 تأسف شو ایلاک تأسفه غلبه ایلدی .
 تنقیدلرینک مباحث آتیه سنده موسیودوایت
 حضرتلری استدلال واستشهاد ایچون
 « فلان کتابک فلان بحثه مراجعت
 اولنه » دیه اشارتلا ایلدکارندن هنوز
 چند کون ظرفنده میدان انتشاره چیقان
 اثر عاجزانه منک مباحثه ایدیله چک مرا -
 جمت بو قدر یا کاش اوله رق توصیه بیور -
 یلور ایسه بر طاقم کتب عتیقه ونادره یه
 توصیه ایدیلان مراجعتلرک نه قدر یا کاش

اوله بيله جيڪي احتمالي پڪ جدي بر اسفاه
 بزي متأسف ايدرك اثر مزك اهميتسز مطا.
 لعه ايدلسندن متولد ايلك اسفك تأثيري
 هيچ مشابه سنه ايندي .

ايکنجي اوچنچي و دردنجي بشنجي و
 التجبي نومرولرده كي خلاصه لرنده دخي
 مدافعه مزك مجشلي اصل حقيقيسندن
 چيقارلق ايچون ايجه كفتلر اختيار بيور .
 لش ايسه مواد مذكوره دهاصكره قارئلر .
 مزك نظر دقت و محاكمه لرنده متجلي اوله .
 جقلى جهته برنجي نومرولى خلاصه يي
 برمنوال معروض تدقيق ايديشمز كي انلري
 ده همان بوراجقده تدقيق ايدر ايسه ك
 قارئلر مزك ذهنلري طواوب اوروله جقلى
 ايچون واز چكيدلر . برنجي نومرولى

خلاصه بی همان تدقیق مزایسه او بمحشره
 موسیو دوائتک یازدیغی مقابله قارئلر مزك
 نظرینه چارچاپق عرض اولندیغی ایچون
 لازم کورلدی . بو خلاصه ده خبر و یردیکی
 بحثك تفصیلاتنی ایسه موسیو دوائت
 حضرتلری شو صورتده یازیورلر :

« ۱ »

❖ حواریونك صفات و احوالی ❖

مدافعه حواریونك خائن و جاهل اولد .
 قلمینی و باخصوص بطروس ایله پولوس
 نام حواریلرک عاداتا بد اخلاق کسه لر
 اولد قلمینی کوستره جک صورتده برر
 ترجمه حال ترتیبیله تواریمخک بو ذاتلر حقنده
 بشقه بو خبر و یرمديکنی بیان ایدیور .
 حالبوکه حواریلر اجرای مأموریتده

مباشرت ایتد کدن صکره انجیل شریقله
 توار یخده بونلرک بد اخلاق اولدقلرینی
 ایما ایدر برحرف بیله یوقدر . مدافعه نك
 بیاناتنده صحیح بر نقطه واردر . همده
 مدافعه محرومی یالکزی بو نقطه یی دلیل و
 برهان ایله اثبات ایتشدیر . بونقطه ایسه
 حواریونک مأموریتیه نصب اولنمزدن اول
 جاهل صنفندن اولملریدر . اما اللهک
 بعضا اوقویوب یازمه بیلیان امی کسه لری
 نشر دین ایچون تعیین ایتدیکنی تاریخه
 آشنا اولان ذوات کرک مسلمان و کرک خر-
 ستیان تصدیق ایدرلر . بناء علیه حواریونک
 جاهل و فقیر صنفندن اولملری انلرک اخلاقیه
 مأموریتلرینی لکه دار ایتکه سبب
 اوله من .

حوار یونک معجزه اجرا ایدہ مدکارینہ
 وایدہ مز اولدقزینہ وحوار یوندن پولو -
 سک جالیدل نام مملک قزینہ تعشق ایدوب
 مرانہ نائل اولہ مدیغی ایچون خرستیان
 اولدیغنه و یهودیلردن انتقام المق غرضنده
 بولندیغنه و پولوس ایله پطروسک شدید
 منازعه و محاربه ایتدکلرینہ وایکیسنک
 دخی بومنازعه سببیلہ اعدام اولندقزینہ
 دائر مدافعه نک افاداتی خیالدن عبارتدر •
 همدہ مدافعه محرری بو افاداتدن یعنی پولو -
 سک برقایچ سنہ روما شهرنده اقامت ایتدیکنی
 واوراده اعدام ایدلدیکی و پطروس ایله
 برابر منازعه سببیلہ اعدام ایدلدیکی بیان
 ایتدکن صکره پطروسک روما شهرینہ
 اصلا کیتدیکنی بیان ایدیور :

حوار یون حقننده تار یخک بیاناتی
 شوندن عبارتدر . یعنی موثوق اولان
 سندات حوار یونک حضرت عیسا دن
 ایشتمش اولدقلرینی نشر ایتک ایچون الله
 طرفندن تعیین اولنوب مأمور یترینی
 معجزه لره اثبات ایتدکاری بیان ایدیور
 میلادک او توز اوچ سنه سندن یتمش سنه سنه
 قدر حوار یون تعلیمات مسیحیه دیو خلقه
 نشر ایتدکاری تعلیماتی روح اه طرفندن مأمور
 اولدقلری حالده نشر و بیان ایتدیله وایلاک
 خرسیتیانلر قبول ایتدکاری انجیل شریف
 حوار یونک نشر و تصدیق ایلدکاری
 تعلیماتدن عبارت ایدی . زیرا حضرت
 عیسی بالذات کلمه الله اولدیغندن دنیایه
 یاز یلی بر کتاب کیتور میوپ کندی سپرت

و نطقيله كلام اللهنى تعليم و بيان ايدرايدى .
 ايلروده انجيل شريف حقنده بحث اولنه .
 جغندن بوراده شوقدرينى بيان ايدرزكه
 رسوللرايله كورشمش آدملردها صاغ بولنده .
 يغى زمانله اوزمانه يقين دوشن زمانلردن
 يعنى ميلادك طقسان سنه سندن اوچ يوز
 سنه سنه قدر اولان مدتدن قالمش اولوب
 خرستيان ونيوستيك و بت پرست علما و
 فيلسوف و شاعرلرك اثارى اولان برطاقم
 كتاب و رساله لر حاله ميدانده در . بو اثرلرك
 مالى موجبنجيه او عصرده حوار يون
 حضرت عيسا نك تعليماتنه شاهد صحيح
 بولنش و محض اشهاد ايتك ايچون حضرت
 عيسا طرفندن انتخاب اولنش و الهام الهى يه
 نائل اولمش و معجزه اجرا ايتك قوتنه

مالک اوله رق عموم بنی بشری تعلیم ایتمه
 کوندرلش کیمسه لر عد اولنورلر ایدی .
 مذکور قدیم اثرلردن محررلری خرسیتیان
 اولان نیجه کتابلر کمال فصاحت و بلاغت
 ایله تألیف اولندقدن ماعدا انسانک اصلاح
 اخلاقی خصوصنده افکار مفیده ایله مملو
 اولمغله محررلرینک عالم کیمسه لر اولدقلرینی
 اثبات ایدرلر . بو کیمسه لرک جله سی کند .
 یلرینک حسیات نیجیه لرینی حواریونک
 تعلیماته اسناد ایدرلر . بناء علیه بو کتابلر
 حواریون پاک و دیندار ذاتلر اولدیغنی همده
 انلرک تعلیماتنک تأثیری برسنه بش سنه دکل
 عصرلرجه باقی قالدیغنی اثبات ایدرلر .
 امدی سوزی و تعلیماتی عالمده بودرجه
 تأثیر ایتش اولان ذواته جاهل صفتی

ویر یله مز • بوزاده و یردیکمز خبرلر
خیالات اولیوب اولوقتمک تحریرات
تاریخیه سی ایچنده اوله رق ممالک مختلفه ده
محفوظ بولنان کتابلردن استخراج اولند -
یغندن یونانی ولاتین و سریانی لسانلرینی
اوکرمک زحمتنه قاتلنسان هر مسلمان صحیح
اولوب اولدیغنی تصدیق ایده بیلور •
لکن ظنمه کوره حواریون حقنده سو -
یلنیلان هر قنغی بر افترای جرح ایتک
ایچون مسلمانلر عننده اک مقبول برهان
سوره یس ایله تفسیرنده کور یله بیلور •
چونکه بطروس و پولوس نام رسوللرک
انطاکیه اولان زیارتلرینه و کیمک طرفندن
مأمور ارسال ایلدکلرینه و انطاکیه ده
نه کی معجزه لراجرا ایلدکلرینه دائر تفسیر

مفصلاً خبر و یر یور . بالاده ذکرا یتدیگمز
 برهانردن مدافعه نك خبردار اوله مامسی
 ار باب مطالعه یی یوک شهبه لره دوشور .
 یور . دعوا مز دخی بودر که دلیل خر .
 ستیان سنداتندن و تحریرات تار یخیه دن
 الیه جغی مدافعه ده بیان اولند قدن صکره
 بویله دلیلر کتوره جا یرده تصورات ایله
 خیالاتدن بشقه میدانه برشی قونلندی .
 بو کیفیت ایسه مدافعه نك وقوعات تار یخیه
 خصوصنده اعتماد شایان اولمدیغنی اثبات
 ایدر . دعوا مزه حق و یرن دلیلر مدافعه .
 نك هیچ بر مجشده اکسک اولمدیغی ایلروده
 کور یله جکدر .

❀ برنجی مجشده مقابله ❀

«حوار یونك صفات و احوالی» سرلو .

حەلى برنجى فېخشنە موسیو دوايت
 حضرتلى حوار یونک و باخصوص
 بطرس ایله پولوسک ترجمه حالرینه دائر
 سولدیگمز سوزلری بزم کندی طرفزدن
 ترتیب ایلیش اولدیغمزی بیان ایلیور .

مدافعه نك « ۱۴۲ » نومرولى صحیفه

سندە تصریح ایلیشیدک که حوار یلری
 « جاهل فقیر حیثیتسز حبسبسر » دیه ایلیک
 تعریف ایدن ذات قاردینال غوسه در .
 انسیقلو په دی و سائر بونجه تراجم احوال
 کتابلری ده قاردینال مو می الیه اتباعاً و یله
 یازمشلردر . بوراده فضله اوله رق شونی ده
 اخطار ایده لم که : خرس تیانلق کلیساسنک
 تاریخی اولمق اوزره وقتیه فرانسه قرا
 لنک کناهنی چیقاریجی رتبه سنه وارمش

اولان قاردينال فلور طرفدن قلمه النهرق
 بزم المزده کی نسخه سی ۱۷۶۹ سنه سنده
 یعنی بوندن بر عصردن زیاده مقدم بر
 زمانده باصلمش اولان تاریخده بر نجی کشا-
 بده سن مایتاسک حواریلکه انتخابی حکایه
 اولندیغی صرهدده « خائن پودانک یرینه
 دیگر بر حواری انتخابی بطرس تکلیف
 ایلدی » دینلمشدر . کذلک مدافعه نك
 « ۱۴۴ » نومرولی صحیفه سیله اشاغی یه
 طوغری اولان صحیفه لرنده کوسترلمشدرکه
 حواریلردن بعضلرینک ایمانسزلغنی حکم
 ایدن بالذات خرسستیانلرک عیسایسیر .
 « ای شیطان ! » خطاب تحقیری عیسانک
 اغزندن چیقمشدر . بطرسک خیانتلری
 و بیولک یعقوبک فراری و طوماسک عدم ایمانی

و پودانك حضرت عيسانك قاننى بر قاچ
 درهم كو موش مقابلنده فروختى قضيه لرى
 هب انجىلارده مقيد اولان شيلردر . حقيقت
 حال بو قدر آشكار ايكن » ترجمان حقيقت
 محبرى حواريلىره برر ترجمهء حال ترتيب
 ايتمش » ديه بزه ساخته كارلق اسنادى
 موسيو دوايت كې منصف اولملىرىنى كو -
 كلزك آرزو ايلديكى ذواته ياقيشورمى ؟
 ولو كه ياقشسون . بوندن كنديلرينه نه فائده
 حاصل اولور كه ار باب دقتدن اولان مراق
 صاحبلىرى جزؤى تدقيق و تحرى ايله
 حقيقتى بولهرق انلك انصافسز قلر ينى ينه
 كنديلرى عليهنه برهان اولمق اوزره شايدان
 احتجاج كوررلر .

اما موسيو دوايت حضرتلرينك



« حواریلر اجرای مأموریتده بیجا شرت
ایلدن صکره انجیل شریفده توارینخده
بونلرک بد اخلاق اولدق رینی ایسا ایدر بر
حرف بیله یوقدر » دیمرینه باقیلور ایسه
حواریلرک اجرای مأموریتده بیجا شرت
ایتمزدن اول بد اخلاق اولدقلرینی کندیری
دخی یک قوتلی انکار ایتمدکری کلاشیلور .
ذاتاً نصوص انجیلیه ایله مثبت اولان شئی
انکاره مجال ده یوقدر یا! یوقد ووده ترجهان
حقیقت محرری کندیلکندن بر ترجمه
حال ترتیب ایتمشدر » دیملری بر اثر غفتمه
بردقتمزلکه چل اولنور . او یله ایسه
حواریلرک اجرای مأموریتده بیجا شرت
ایلدن صکره دخی آز ایلمیلنقدده دوام
ایدنلری بولندیغنی و اخلاقه غرابتلری

کوراندیکنی ده انجیل ایله اثبات ایدر ایسه ک
 موسیود وایت حضرتنرینه البته قناعت
 کلهرک « بونی ایسا ایدر بر حرف بیله
 یوقدر ! » دیه و یردکاری حکیم قطعینی ده
 کیرویه الورلر ظن ایدرز .

حضرت عیسانک عروجی ایله حوا -
 ریلر نثر دینه باشلادقلری صرهد ده مذهب
 افلاطونی وسائر مذاهب حکمیهد ده بولنانلر
 کبی بونر دخی اشتر اکیون کبی یشامغه
 یعنی ذاتا بالقجی و فقیر ایکن او صفتی ده
 ترک ایتملرندن طولای هیج مدار معیشتلری
 قائمیان حواریلر ایلاک نشریاترینی قبول
 ایدنلره ماللرینی مللکارینی صامت دیروب
 انمانی ایله جمعیت جدیده مسیحیه بی بسیله
 مکه باشلامشیر ایدی . انجیلک رسوللارک

اعمالی قسمتك بشجی باینده ایضاح و تفصیل
 ایدلیدیکی اوزره بوصورتله ملکرینی
 صاتوب یاره لرینی حواریلره تسلیم ایدنر
 میانده حنایا اسمنده بریسی وار ایدی که
 هر نه قدریه وودیلکی مسیحیملکه تحویل
 ایتش ایسه ده یهودیلره مخصوص اولان
 احتیاط دوراندیشانه پی هنوز براقه ما-
 مش اولدیغندن ملکنی صاتیغنی زمان
 اقچه نك برقمینی کتماً صاقلایوب
 دیگر مقدارینی حواریلره کتورمشیدی .
 بطرس بو حیلهدن خبردار اولدیغنی ایچون
 « شیطان نه دن سنك قلبکی استیلا ایلدی که
 روح القدسه یالان سويله فکه جسارت
 الوبده ملکک بهاسندن برقمینی طولاندر-
 دل؟ » ديه عتاب وتهیدیه باشلاينجه بیچاره .

نك اودی قسوپه رق شمان اوراده جانی
 چیقیمشدر . اوراده موجود آدمردن بر طاب
 قی تهدید مظلومی اولان بو بیچاره یی دفنه
 کوتورمش اولدقلری زوجه سی سفیرا کلد -
 کده بطرس اکا دخی « ربك روحنی امتحان
 ایچون قوجه ك ایله اتفاقه سبب نه در؟
 ایشته قوجه ك جزاسنی بوله رق وفات ایتدی
 انی دفن ایتکه کیدنلر کادکاری کی سنی
 دفن ایتکه کوتوره چکاردر . زیرا سنده
 بو طولاندیر یجیلغاك جزاسی اوله رق اوله -
 جكسك » دیه تهدیده باشلاینجه بیچاره قادین
 دخی قورقوسندن هلاك اوله رق فی الواقع
 انی ده کوتوروب دفن ایتشلردر .
 ایشته انجیلده مصرحاً و مؤلفین
 حکایه ایدیلان بوقضه یی برده انجیلان انسا

نلری اکوب بیچمکدن و معیشت ایچون
 دوشونمکدن قطعاً منع ایدرک انجیق جناب حق
 توکل ایله مأمور ایتسنه تطبیق ایلیدجک
 اولور سهق بطرسک بویله انسانی هلاک ایده
 جک قدر تهدیدلری موافقمیدر دکلیدر ملا
 حظه یه محتاج قالور .

کذلک انجیلک رسوللرک اعمالی قسمنده
 اوننجی بابده مفصلاً حکایه ایدلدیکی وسائر
 بابلرنده دخی تکرار اولندیغی اوزره بطرس
 یافده ده دباغ سیمونک خانه سی طامنده وحی
 الهی مقدمه سی اوله رق برینخودلغه دوچار
 اولور . بو صره ده کؤک آچیلوب بیوک
 برچار شبه بکزر برقاب ایچنده هر درلودرت
 ایاقلی یرحیواناتی و وحشیانیه حشرات
 وهوا قوشلری یره ایندیریلور . برنده

بطرسه دیرکه : یا بطرس ! قالدق بو حیوانلری
 بو غازلره ویه ! » بویله برووحی اوزرینه بر پیغمبر
 ایچون نه یایمق لازم کله جکنی ملاحظه بیو-
 ریورسکزی یا ؟ امر آلهی یه امتثالاً در حال
 قالدقملی ! اویله دکلی ؟ باخصوص که انجیلک
 تصریح و ایضا حنه کوره اوساعتمده بطرسک
 قرنی ده آج اولوب دباغ شمعونک خانه سنده
 کندیسسی ایچون تهیئه ایدیلان طعامی بکله-
 مکده ایمش .

خیر ! بطرس حضرتلری کو یا جناب
 حق وظیفه سنی بیلورمش ده کندیسسی ده
 ای بیلورمش کبی دیرکه : « خیر یارب !
 هیچ بروجهله بونلری یمم ! زیرا بس هیچ
 حرام و ناپاک نسنه بدم ! »

کور دیکز می ایمان قوی صاحبی آدمی ؟ حتی

ایک-نجی دفعه خطاب کلدرك « اللهك ياك
ایتدیکی نسنده نسن حرام دیمه ! » دیه میسی
تکرار امر اولندیغی حالده بطرس حضر-
تری بو امری دخی بکنمیدرك او چنجی دفعه
واقع اولان خطابه دخی اطاعت ایتمینجه
چارشب طولومی حیوانلرینه کوکه
چکیلور .

کذاک حواریلر اجرای مآدوریتیه
مباشرت ایلمه کدن صکره پولوسک غلاطیه -
لیلره یازدیغی مکتوبک ایک-نجی بابنده
بعض یالانجیلرک اخوت مسیحیه دأره سنه
کیرمش اولملرندن شکایت ایدیلوب بوشکایتک
هانکی حواری حقنده اولدیغی مصر ح دکل
ایسه ده برقاج آیت الت طرفنده « اما بطرس
انطاکیه کلدیکی زمان بوزینه قرش-و

مقاومت ایتدم . زیرا آزار نغسه مستحق
ایدی « دیه بطرسک رومالور ایله بولندیغی
زمان انلرک ممنوع اولان طعاملرینی یئمک
و یهودیلر ایله بولندیغی زمان مجبور اشریعت
موسویه ایتکامنه رعایت ایتمک کبی ریاکار
رانه و منافقانه حاللرینی حکایه ایلکده در
بو حاله کوره بطرسمی فی الحقیقه ریاکار
و منافق اولمق یوقسه پولوسمی یالانجی
وغرضکار صاییلق لازم کله جکنی دوشونمک
ارباب مطالعه یه عائد بروظیفه حکمنی آلور
موسیو دوایت حضرتلری حواریلر
جاهل واهی آدمی اولملری شانلرینه نقیصه
و یرمیه جکنی اثبات ایچون بعضاً اوقو یوب
یازمق بیلیان امی کیمسه لری جناب حق
نشر دینه مأمور ایلمدیکی نزد اسلامده دخی

منكر اوله ميسه جنى بياننه برايمه و اشرا بده
بولنيورلر .

اكا شهيد يوق : حتى نبي ديشان افندمن
حضرتتري دخی امی ایدیلر . شو قدرکه
هرامینک دعواى نبوت ایتسی تسلیم او-
لنورمی اونمز می بوراسی جائی دقتدر . حتی
اورو پائی ار باب تزینفدن بعضری حوا-
ر یلر ایچون « جبل اها لیسندن بر قاق بالقیجی
مؤخرأ بر طاقم یرلره مکتو بلردخی یازمشر .
حتی بونئردن بعضلر ینک میرنامه لر ینه نظرأ
یونانجه یازدقوری اکلاشیلور . عجیبا
یهودیمجددن بشته لسان سولایان او قومیان
هیچ یازدیسان آدیلر بو مکتو بلری نصل
یازمشر . دیه مؤاخذه ده بولندقوری حالده
ینه مدافعه مزده بو کبی روز کلکاره انکات

ایتمه ركه حوار یرك حاض ماھل اولدقری
 حقنسه یالکز قاردینل زسه نك تعبیرینی
 ایراد ایله اکتفا ایلمشیدك . حوار یلك
 خدمتی امیلك لكه دار ایتمه جكنی بز موسیو
 دوایت حضر تلمدن زیاده تصدیق
 ایدرز . یالکز موسیو دوایت حضر تلی
 بو خدمتی لكه دار ایده جك اولان قیود
 سائرہ یی و بونردن بعضری دیمك اولان
 پالوده مصر ح فقراتی تاویلہ بر یول ارا -
 سونلرده امیلك بحثنی بر طرفہ براقہ بیلورلر .
 حوار یوندن پولوسك معلمی جالیئنه
 كو جنه ركه یهودیلردن انتقام ایچون خرستیان
 اولدیغنه و بطرس ایله منازعہ شدیده یه
 کیرشدیکنه و ایکسینك دخی بو مجادلہ سببیلہ
 روما ایمپراطور ینك پنجه قهرینه دوچار

اولد قلیینه دائر مدافعه مزك بشنجی مجشده
و یردیگمز معلومات تار یخیدی موسیو
دوایت حضرتلری « خیالدن عبارتدر »
دیهر د ایتك ایستورلر . عجبا او معلوماتك
بویله ایکی کلمه جکله رد اولنه بیه جکمه
موسیو دوایتك کندیزی دخی جدا و صحیحاً
ایناه یلورمی ؟

« ۱۸۷ » نومرلی صحیفه دن « ۲۰۲ »

نومرولی صحیفه یه قدر اشغال ایلان بشنجی
مبشمزی مراقله بردها کوزدن پکیره جک
اولان قارئلر مز کوررلر که بز او مبشمك محتو-
یاتی لوسیه ن نام مؤلفك « فیلو پاتری
محاوره سی » نام اثرینه و قانتو تار یخ عمو-
میسنك بشنجی جلدینه و انجیللردن « رسو-
للرک اعمالی » قسمنه و آنسیقلو په دی نام خزینه

معارفه و پولوسك غلاطيه لولره يازديغي
 كندی رساله سنه و كاپسا اولياسندن سن
 ژرومك كويا پولوس و پطرس اره سنده كي
 منازعه بي مصالحه يه تحويل غيرتيله يازديغي
 « برنجي او ملي » نام اثرينه و سنت او كو -
 ستن نام ديكر او ليسانك سن ژرومي
 تنقيد و مؤاخذه يولو يازديغي رساله سنه
 يعني يدي معتبر مأخذه بناء ايدر ك يازمشر .
 بوماخذرك هيچ بريسي انكاره هيچ بر
 نصرانينك قدرتي اوله من ايكن موسيو
 دوايت حضرتلرينك « خيال دن عبارتدر »
 ديه رد ایدی و یرمك ایستملری حقیقه
 استغرابه شایان کوریلور . اکر خفیف
 مشرب آدم لر دن اولوب ده بیهوده استهزاردن
 لذت اله بیلیمه ایدك هر حالده شایان حرمت

کور دیکمز موسیو دوایت حضرتلرینک
ذاترینی دکل فقط شو افاده لرینی شایان
استهزا کورر ایدک .

پولوسک ترجمهٔ حالی خصوصنده بز
کندی خیالمره قایللق شویله طورسون
بشقه لرینک خیاللرینه دکل بیاغی حقیقته
قرب روایتلرینه بینه صددک خارجنده
اولملری حسبینه التفات ایتماشیدک . سن
پول حقنده یازمش اولدیغمز ترجمهٔ حالی
بالاده تعداد ایلدیکمزیدی مأخذدن ماعدا
بانخاصه معلنک قزینی اله مدیغندن طولایی
یهودیلردن اخذتار ایچون مسیحیتی قبول
ایلدیکی ایدنویلتیرنک اعمال رسلدن اولنق
یعنی انجیللردن معدود بولنق اوزره قبول
ایلدکلی بررسالهٔ قدیمهٔ مقدسه ده مقید

ایمیش که مؤخرأ بشی الشیور بار چند و منبر
 آثار قدیمه انجیل دکندر دینه رد اولند قری
 صروده بوز ساله دینی مجرد شو پولوس
 ققره سندن طولانی رد اولمشدر . بونکاه
 برابر کلیسا نظر نده پولوسك اشبو معاشته
 مایوسانه سنی رده یك بیولا اهمیت تویریله ورك
 مجرد شامه کیندر ایکن ایشته دیکى صورت
 صمدانی اوزرینه خرمیتان اولمش بولند بفرقه
 عالمی ایناندر مفره پک زیاده غیرت ایدلمشدر .
 حتی الله مشهور کلیسا مجرد لرندن ایضاً کندی
 تار یخنك اوتوز نجی بابنی یالکیز شو پولو-
 سك معاشته سی ماده سنی رده حشر ایدرك
 براز وقت اول مسیحی لرك الكیسولك دشمن
 وجلادی ایکن براز وقت صکره همده
 عیسایى کور مکسزین حواریلر یله بيله کو-



روشمکسزین کندی کندیسند خواری سوری
و یرن ذاتک وهله یهودیلره خصم و مسیحیلره
دوست اولسی مطلقاً سمدان کوردیکی
علامته مبنی اولدیغنی تأییده زیاده
چالشمدر .

(پولوسا غلاطیه لولره اولان رساله -
سند برنجی بابده کندی افاده سنه کوره
کویا جانب سمدان کوردیکی اشارت اوزرینه
مسیحیتی قبول ایلدکن صکره بطرس و
سائر حواریلره مراجعت ایتیمه رک عربستان
طرفلرنده اوچ سنه کزدکن ونشر دین
ایلدکن صکره اورشلیمه وارمش و یالکیز
اوزمان اون بش کون بطرس ایله کورو .
شمشدر)

حاصلی مراد من پولوس حقنده خیال دن

هم ده خیال شاعرانه دن عبارت بر ترجمه
 حال یازمق ایستمش اولسه ایدک خیاله ده حاجت
 قالماق اوزره غریزه تسله فقره سنی یازار
 ایدک . یازمیشمک سببی محضاً صد ددن
 خارج اولدیغی ایچون ایدی . تسله
 خرسیتیانلغک غریزه لر مرتبه سنه واردیر .
 دیغی برقادین اولوب هر نه مقصده مبنی
 ایسه ارکک قیاقنه کیره رک پولوسک یانه
 کلورایمش . قدمادن تر تولیده ن « بابتم »
 سرلوحه سیله یازدیغی کتابک اون یدنجی
 باینده دیورکه بوقره پولوسک ارقداشلرندن
 برپایاس طرفندن یازلمشدر . ینه قدمای
 مؤلفیندن قبریسیلی ژروم غریزه تسله نک
 برارسلانی ایمانه کتوره رک واقیر ایلدیکی
 حقنده کی فقره یی تکذیباً رد ایلدیکی حالده

غیر یزەنک پولوس ایله اولان مناسیبتی
تصدیق ایلور . انجق بومثالوتیلر معیشت
وحیات خصوصیه عاید اولدقیزی
ایچون اولجه مدافعہ مزہ درج اولمادیغی
کبی شمدی دخی بر اهمیت مخصوصه ایله
موقع تنقیده چکلمیه جکدر . یالکز موسیو
دوایت حضرتلرینک کوسترمتی اولدقیزی
لزوم اوزرینه بوقدر حکایه ایدلمشدر .

موسیو دوایت حضرتلری بزده بر
تناقض بولمش اولمندن طولایی پک زیاده
سوینه رک پولوس ایله بطرسک روماده
اعدام ایدلدکارینی بیاندن صکره براردلق
دخی بطرسک روماشهرینه اصلا کیتماش
اولدیغنی یازدیغیزی درمیان بیور بیور .
مناظرمن حضرتلرینک شوسو ینجیزی

پك معصومانہ اولديغى ايچون بوبابده
 كنديلر يني مايوس براقامغى آرزو ايلر
 ايديسه كده نه چاره كه بو آرزولر يني حصوله
 كتورمك ايچون مهم برقصيه يه قارشو كوز
 يومقلغمز لازم كله جكي جهته موفق
 اوله مدق .

بطرسك رومايه كلوب اوراده اعدام
 ايدنسي كلسا مورخلرينك زعم جعليلر يدر كه
 بوندن مقصدلري دخی روماپالرينك طو -
 غريدن طوغري يه پولوسك اخلافي اولمبوب
 طوغريدن طوغري يه بطرسك اخلافي اولد -
 قلريني خلقه اينساندير مقدر . زيرا پولوس
 حضرت عيسايي كورمديكي كبي حواريلردن
 بريسي طرفدن دخی اخذدين ايتديكي ايچون
 پاپالرك اكا منسو بيتي في الحقيقه خوشه

کیتمز • بطرس ایسه کلیسانک تمل طاشی
 اوله جغی کویا حضرت مسیح طرفندن خبر
 ویرلمش اولمسیله اکا منسوبیت دها قوتلی
 اوله جغندن بطرس رومایه کتور یلوب
 اوراده شهید ایتدیرلمش •

قط هایدی باقهلم رسولارک اعمالی
 آچهلده بطرسک فی الحقیقه رومایه کیتدیکنه
 دائر برقید ارایهلم! بیهوده یورلمش اولورز •
 زیرا بوقید فی الحقیقه یوقدر • بطرسک رومایه
 کیتدیکی انجیللرایله اصلا اثبات اولنه مز •

او حالده بز مدافعه مزده تناقض ایتماس •
 مشزدر • ایکی روایتک ایکیسنی ده حکا •
 یه دن عبارت بر مورخلک وظیفه سنی ایفا
 ایتمشزدر • تناقضی ایسه یالکز موسیودوایت
 حضرتلری توهم بیورمشلردر •

موسیو دوانیت حضرتلری « حواریون حقهنده تاریخک بیاناتی شونلردن عبا-رتدر » دیه حواریلرک کیفیت تعلیملرینه دائر بعض معلومات ویریور . معلومات مذکور هر رسوللرک اعمالی دیه موجود اولوب بجهلئ اناجیلدن عد اولنان آثاردن بشقه « تاریخ » صفتنه لایق هانکی اثرلردن اقتباس اولمش ایسه تصریحاً بیان بیور . لسون . « رسوللر ایله کوروشمش آدملر ده اصاغ بولندیغی زمان ایله اوزمانه یقین دوشن زمانلردن یعنی میلادک طقسان سنه سندن اوچیوز سنه سنه قدر اولان مدتدن قالمش » دینلان ذوات میاننده حواریلر حقهنده ویریلان معلوماته شهادت ایدن نیوستیق اوبت پرست علما و فیلسوف و شا-

عمرار کیمز اولدقلمز و بونلرک آثاری اولان
 و حالاً میدانده بولسان کتاب و رساله‌ار
 هسانکیملری بولندقلمز تعیین ایدلسون .
 بونلری او قویوب استفاده ایچون یونان
 و لاتین و سریانی لسانلرینی او کرمکده
 احتیاجز یوقدر . زیرا قدماک کافه آثاری
 الیوم انکیملر فرانسه المان کی السنه غر-
 یه یه ترجه ایدلش بولندیغنسن
 امهرینی او کورنور ایسه ک بالمراجعه
 دفع شبه ایده ییلورز .

بو بخشد و یردکلمز خبره اینانه میور
 کورونیکلمزی موسیو دوایت حضرتلری
 سه تربده مزه جل بیور مسونلر . زیرا مقدمه
 لرنده کنایه ارمزک برنجی و ایکنجی
 محترینی تعییناً مراجعتلری توصیه بیور .

دقلر حالده حین مرا جمعترده دیدکاری شیرلی
 او مجتهدده بولمهز ایسهک بویله سوزی
 بورومیه کتوره رک و یردکاری خبر لره
 دخی اینانه مامقده معذور قاله جهمزی کند -
 یلری ده کمال انصافله اعتراف بیوررلر
 صانورز .

بزمدا فعه مزك ایکنجی مجتهدده حوا -
 ریلر حقمنده و یردیکمز معلوماتک تاریخ
 نظر نه اندن دهها زیاده سی محقق اولدیغنه
 او قدر امینر که موسیو دوائتک بو بابده
 بیهوده ادعای ایله یورولدیغنه آجیمغه قدر
 وارمقدن بیله احتراز ایتیز . بطرس ایله
 پولوس حقمنده کی خبر لر اخبار تاریخیه دن
 عد اولنه میهرق انجیل مقامنه قائمدر دیه
 اعتقاد اولنان رساله لردن مستدلدرلر .

یوقسه «آندر» و «فلیب» و «یعقوب»
و «بارتله می» و «طوماس» و «سمعون»
و «یودا» نام حواریلرک یالکیز حضرت
عیسانک خدمتیه کیردکلرندن عبارت برر
خبر موجود اوله رق وقعه عروجدن
صکره نه اولدقلری بالکلیه و قطعیاً مجهول
قالمشدر . حتی یوحنا ایله متی صاحب
انجیل عد اولدقلری حالده بوانجیللری نه
زمان و نزهده هانکی لسان اوزره یازدقلری
بیلله تاریخ نظرنده قطعیاً تعین و تحقق ایده .
میه رک برچوق اختلافلر ایچنده قالمشدرکه
بوراسی ایلروده مبحثی کلدیکی زمان شرح
ایدیله جکدر . ایمدی یدیسنک بقیه احوالی
وایکیسنک جمع و تألیف انجیل خدمترلرینک
کیفیتی و ماهیتی بالکلیه مجهول اولان حوا.

ر یلری او یله غنیوستیک و بت پرست علما
و فیلسوف و شاعر لر ینک کتاب و رساله لر نده
سرمایهء مقال اولمش و یونان و لاتین و سر -
یانی لسانلر نجه بر چوق کتابلر اشغال ایلش
اصلاح عالمه موفق . شاهیر رجالدن عد
ایتمکله نه موسیو دوایت ونه ده سائر بر عاقل
کندی کندیسنی الداتمغه چالشمقدن بشقه
هیچ سعینده بولنش اوله مز .

« ۲ »

❀ خرسیتیا نلغک تاریخ انتشاری ❀

کیبیین (ژیبون) وقانطو کبی مورخلر
یا خود آنسیقلو په دیبایازانلر خرسیتیا نلغک
انتشاری تاریخنک تحریرینه تشبث ایتد -
کارنده معلومات لازمه یی حواریونک اخلاق
و مأموریتلرینه دائر معلومات استحصالی

خصوصاً صندھ مطالعہ سی ہوندن اول قارئین کرام۔
 مدہ تو صید اولنان و کیبیین تار یخناک مقدمہ سندھ
 فن تار یخہ یاور و معین اومق اوزرہ اشعار
 ایدیلان براہین و سندادن آلورلر کہ مذکور
 براہین و سندات (ژوستدن) (ایرہ نئوس)
 (پولیقارپ) (اکہ سیدپوس) (ترتولیان)
 و (اور یژن) کی خرسستیان محررلرک
 و (کلسوس) (لوسیان) (پلین)
 (طاسیطوس) کی بت برست محررلرک
 و (مارسیون) و (والانتنان) کی نیوستیق
 محررلرک آناری کی برچوق آتاردن عبارتدر۔
 ہونہ کر ایتدی کمز محررلرک کافہ سی دخی
 قسطنطنینک زمانندن اول یعنی میلادک
 متعسان و اوچیوز تار یخوری ارہ سندھ
 یاز مشردر۔ مدافعہ چوقجہ قانطو تار یخندن

معلومات و شہادت تار یحیہ استخراج ایتشد
 لکن بلکہ تانطونک خرسیان اولدیغی
 ایچوندی که انک یازدقردن بر چوق شی
 ترک ایتشد کذلک کیبیینک بیطرفلغنی مدح
 و ثنا ایله ذکر ایتدکن صکره مذکور
 مورخک اثرندن دخی بعض فقره لر استخراج
 ایتشد . کیبیین خرسیانلغه خصم ایدیسده
 کورینور که خرسیانلغک انتشارینه دایر
 و یردینکی خبرلر دن بر چوغنی مدافعه محررینک
 نظر دقتنه چار پامشدر . بو بندده مدافعه نک
 بو خصوصده ترک و اهمال ایتدینکی شیلری
 اکمال ایتکه ایتدار ایدہ جکز .

خرستیانلغک انتشارینه دایر مدافعه نک
 اصل بیاناتی شوندن عبارتدر . « خرسیان -
 نلق قلیجه ال اور مدقجه میدانه چیقماش

یعنی سیف و قلمك اتفاق اولینجه هیچ برایش
کور یاه میه جکندن عبارت بولنان حقیقت
میدانه چقمشدر »

مدافعه بوادعاسنی اثبات ایتك ایچون
اولا خرسیانلغك ابتدادن بوزوق اولدیغنی
وثانیاً ایلک اوچ عصرلرده خرسیانلغك
اندشاری خصوصنده تار یخك دقته شایان
برشی ذکر ایتدیکنی کوستر مکه چالیشور .
(۱) ایلک عصرده خرسیانلغك حالی .
بو خصوصده مدافعه نك بیاناتی شودر

« مسیحیت نامنه ظهور ایدن مذهب در حال
مذاهب فلسفه ایله قار یشهرق ومذاهب
فلسفه بالطبیعی مسیحیته غلبه ایدر
مسیحیتك حکمی کرکی کبی دکل بتون
بتون غائب اولدی »

مدافعہ خرسٲیانلغک حکمی بٲون بٲون
 غائب اولسی قدس کلیسامی طرفدن یدی
 نفر دیاقر انتخاب ایدلدیکی و قتن یعنی
 میلادک اوتوز اوچ تار یخنده مسیحک
 سمایه عروج ایتدیکندن برقاج هفته صکره
 باشلادیغنی بیان ایدیور . مدافعہنک بو
 بیاناتی حقیقتدن نه درجه بعید اولدیغنی آز
 بر ملاحظه ایله اکلاشیلور . حضرت
 عیسی نک مسیح اولدیغنه اینانان مسلمانلر
 وخرستیانلر ایچون اول بیاناتک اعتماده غیر
 شایان اولدیغنی بدیهیدر . زیرا او یله
 برشیئہ اینانمق حقیقت الهیہنک برقاج سنه
 اولسون مذاهب فلسفیہ بالطبع قارشو
 قویہ مز اولدیغنه اینانمق دیمکدر .
 کذلک مدافعہ حوار یونک قدسده بر

ایش کورده مد کفرینی بیان ایله « قدسده
 دیکیش طوطیره میسهرق اطراف و مسالت
 بهیده به طاعنش و یا بلشدر
 اهالی دخی بونتر کفر ایتدیلردیه بدچاره لری
 یقالا دقوری کبی اعدام ایتدیلر « دیمشدر .
 حالبوکه مدافعه دخی قدسده حواریون
 یدیلر تأسیس اولنان کلیمسا اوزرینه اون
 بش نضر امامت امامت ایتدکفرینی قبول
 و میلادک التمش تار یخنده پولوس رسوات
 اخذ و گرفت ایدلدیکی وقت قدسده بعض
 حوارینر بولندیغنی اقرار ایتش اولدیغندن
 حواریونک قدسده دیکیش طوطیره مد -
 قلمرینه و آز و قتده اعدام ایدلدرینه دأر
 اولان بیاناتک بالذات مدافعه محرری
 طرفدن تحکیم ایدلش سهویات اولدیغنی

صالت ذکر ایتکه بچه پیلورز : بعده
مدافعه ایک بجی عصرده نیوستیقزلک الی
قدر فرقه مذهبیسه لورینی برر برر تعریف
ایله انلری برنجی عصرک خرسستیانلری
دیو کوستریور . فقط نیوستیقزلری خرسستیان
تسمیه ایتدکن صکره برده نیوستیقزلک
چله خرسستیانلری دیوانه عداقدکلرینی
بیان ایتسندنه درجه تناقض بولندیغی
بیاندن مستغنیدر . بالذات مدافعه نیو :
ستیقزلک خرسستیانلر حقنده نه افکارده
اولدقلرینی شووجهله تعریفایدن :

نیوستیقزلک افکارنجه « انلر (خرستیانلر)
کندی ذهنرنده برشی محاکمه ایتکه مقتدر
دکلدرلر . زیرا اقتدارلری اولسیدی
خرستیان قالمزایدیلر . « کیمین روما تاریخنک

اوان بشنجه باینده نیوستیقلاک الی فرقہ
 مذہبیدلرینی تعریف ایدر . بونلر خر-
 ستیانلری مذہب یرینه حکمت فلسفیہ یی
 قبول ایتدکلری ایچون تحقیر ایدرلر
 ایدی و شریعت موسویہ نک الله طرفدن
 و یرلمش اولدیغنی والله دنیانک خالق اولد-
 یغنی انکار ایدرلر ایدی . لکن بوصره ده
 مدافعه تاریمچسه صحیح بر خبر و یرر که
 بو خصوصده بزدخی هم افکارز . یعنی
 نصرانیلرک حضرت عیسی نک حقیقی دین
 و مذہبنی حفظ ایتمش اولوب انلرک حقیقی
 خرستیانلر اولدقنرینی بیان ایدر .

روما مالکنده بولسان خرستیانلر
 حضرت عیسی نک عروجندن یوز سنه
 صکره یه دک قدسده کی نصرانی کلیسا سنه

انا کلیسا نظر یله باقارلرایدی . میلادک یوز
 اوتوز الی تار یخنده قدس کلیساسنه ناظر
 اولق اوزره یهودی نسلندن اولمیان بر
 یسقو پوسک انتخابنه دک نصرانیلر دیگر
 خرستیان کلیسالرینی کندیلر یله هم مذهب
 عدایدرلرایدی وانلر اردسینده فرقه یوق
 ایدی .

ایکنجی عصرک ووسطنده یازمش اولان
 هکه سیدپوس نام نصرانی مورخک و شهید
 ژوستنک شهادتی بودر . و بو شهادتی جمله
 خرستیانلرک اتحاد و اتفاقنی رومایه برتهلکه
 کبی کوسترن بت پرست مورخلر تصدیق
 ایدرلر .

واقعا انسان انسان قالدقجه هر دیندن
 نیجه مذاهبتک ظهوری مأمولک خار چنده برشی

دکدر . و خرسیانلق بو قاعده دن مستشا
 طوتيله ميوب ايکنجی عصرده خرسیانلق
 دروندن دخی بعض مذهبلر ظهور ایتکه
 باشلادیلر . لکن ایلروده کور یله جکی
 کبی مذکور مذهبلر ظهور ایتزدن دین
 مسیحی یوز سنه ظرفنده انتشار بوله رق
 شرقدن غربه قدر نیجه ممالکده یرلشمش
 ایدی . سنه لردنبرو درینه کوك صالمش
 قوی براغاج حاليله هواده دخی برچوق
 دالار آچار و بویله براغاجك بعض دالارنده
 خام و یاخود چوروك میوه کورلسه یيله
 بو کیفیت اغاجك دالشمسنه و خصوصاً
 صاغلام اولان بدننه قارشو اعتراض ایتکه
 بر سبب صایيله من . ایمدی بدنی براولان
 یعنی تعلیمات و اوامر مسیحیه اساسی اوزر .

نده تأسیس اولمش اولان خرستیان مذ-
 هبلرک بعضیسنده بعض او یغونسزلق
 یاخود احققلق کورلدیکی تقدیرده برشعبه-
 ده کور یلان قصور ایچون عموماً خرستیا-
 نلق تقبیح ایدیله مز * بوسیدندرکه مدافعه
 خرستیانلغک بوز یلوب غیب اولدیغنه
 دائر برطاقم اغر سوزلر ایراد ایتدیکی زمان
 هم تاریخه مخالف هم منطقه مفایر خبرلر
 ویرمش اولور *

(۲) قسطنطیندن اول خرستیانلغک

انتشاری *

مدافعه حضرت عیسی دن عصرارجه

صکریه دک روما تاریخنده خرستیان اسمی

ذکر اولمش اولدیغنی بیان ایدر *

(طاسیطوس) و (سوتیطونیوس) نامان ایکی

بت پرست دور خلر (نرون) زده اند عروج
عیسایان اوتوز سینه صافه ظهور ایدن
وقوعات صره سنده رو ما شهرنده بر چوق
خرستیان بولندیغنی ذکر ایدر لر .

(طاسیخوسک وقعه نامه می باب ۱۵
بند ۲۴ ایلک سوه تونیوسک نرون بحثنده
باب ۱۶ مراجعت اولنه)

مدافعه بت پرست فیلسوفنرک خرستیان
نلغک حقیق بر دین اولدیغنه دلائل و براهینله
قانع اوله رق ایناند قلمینی استهزا ایدیور .
لکن آتنه لی (آرسطیدیس) و اسیریالی
(طاسیایان) و انطاکیالی (توفیلوس)
و آتنه لی (آتاناغوراس) و اسکندریه لی
(قلامانس) و ساردلی (ملیتو) و پاتموس
و سائر فیلسوفنر فصاحت و درایت صاحبی

اولدقلرینی کوسترن اثرلر بر اقلشردروهمان
 بوذاتلر قانع اوله رق خرسستیانلغی قبول
 ایتدکارینی اقرار ایدرلر (کیبیین تار یخنک
 باب ۱۵ مراجعت)

مدافعه خرسستیانلغک ایلک اوچ عصر
 لرده کوزه اوره جیق درجده انتشار
 بولدیغنه دأر تار یخده برکونه ایضاحات
 بولمادیغنی بیان ایدیور .

حضرت عیسی نک عروج ایتدیگی
 وقت احتمالاً قدس شریف خارجنده و محقق
 اوله رق فلسطین دیاری خارجنده دین مسیحی
 انتشار بولماش ایدی . اوتوز سنه ظرفنده
 انطا ولیده وروم ایلیده و یونانستانده وایتا
 لیاده و مصرده برچوق شهرلرده خرسستیان کلیسا
 لری تأسیس و تشکیل اولندیلر . حضرت

عیسی نك عرو جندن او توز ایکی سنه صكره طلا
 سینوس نام رومالی مورخك بیانجه روما
 شهرنده خرسیانلر « وافر بر خلق » ایدیلر .
 حضرت عیسان صكره سكرسان سنه
 یکمزدن (تراژان) ه یازدیغی مکتوبك
 بر قسیمی مدافعه محرری طرفندن استشهاد
 ایدیلان (پلین) نام بت پرستوالی کندی
 زماننده اناطولیده « کرک شهرلرده کرک
 کو یلرده هر صنفدن ارکک وقادین یک
 چوق کسهلر خرسیان اولدقلرندن بت
 خانهلر صانکی جماعتدن خالی قالمش »
 اولدقلرینی بیان ایتشدلر . (لوسیان) نام
 بت پرست فیلسوف دخی کندی وطن
 اصلیمی اولان (پونطوس) ایانتنك
 خرسیانلر ایله طولو اولدیغنی یازمشدر .

کبیین خرسیتیانلغک عجائب صورتده
 انتشار بولدیغنی قبول ایدوب قسطنطینک
 زماندن اول خرسیتیانلق عجمستاندن
 انکتریه قدر وروما ممالکنک هر طرفنده
 وحدود دن اوتده بار بار اره سنده
 یائیش اولدیغنی و قسطنطیندن الی سنه اول
 یالکز روما شهرنده الی بیك خرسیتیان
 بولندیغنی یازمشدر . و کبیین کبی خرسیتیا
 نلغه دشمن اولان بر مورخ قسطنطینک
 زماندن اول روما ممالکنک عموم سکینه -
 سندن خرسیتیانلغنی قبول ایدنلرک مقداری
 یوزده یکریمی کچمدیکنی بیان ایتدیکنده
 بو کیفیتک کندیسنه خوش کلدیکی حالده
 وقوعات تاریخیه دن مجبور اوله رق بالاده
 مذکور نسبتی قبول ایتدیکنی بیان ایتک

ایستر . (مدافعه بونسبتی کیببیدن الورکن
یوزده یکر می یازده جق یرده یوزده بش
یازوب خرسیتیان مورخمرک و قوعات
صحیحہ یی تحریف ایتدکار یی اثبات ایتکی
کند نجد دلیل بولمش ظن ایدر . (کیینک
۱۵ نجی بابنه مراجعت اولند)

مدافعه دخی قسطنطینک خرسیتیانلق
طرفنی التزام ایتملکه اردوسنه انجق
فرانسه دن اوله رق یتش بیک یاخود یوز
بیک قدر خرسیتیان عساگری علاوہ ایتد -
یکنی بیان ایتسیله تار یخدن الدیغمز حقیقتی
تصدیق و کندی دعواسنی جرح ایدیور .
بویله جده و قوعات تار یخیه خصو صنده

مدافعه بیانانک اعتمادہ شایان اولدیغی
کیتدکجه میدانہ چیمقدہ درو چیمقدہ جقدہ .

❀ ایکنجی مجتهد مدافعه ❀

دوستمز و منظر مز موسیو دوایت
 حضرتلری « خرستیانلغك تار یخ انتشاری »
 دیه سرنامه یازدقلری ایکنجی مقالهلرنده
 دیانت مسیحیهك تار یخ انتشارینه دائر
 بزم مدافعه مزده و یرمش اولدیغهمز معلو -
 ماتی تکذیب ایتکه پک زیاده هوسلشمش
 کورونیورلر • زیرا مدافعه مزده تکذیب
 ایده جك جهت بوله مدقجه عبارهلر مزك
 بعض اجزا واقسامندن بالترکیب بزه برطاقم
 یالاندن سوزلر سو یلته رك انلری رد و تكد -
 یب ایله تشفی اره دقلرینی دخی صراحه
 و بداهه کوستریورلر • نصل که بو
 حقیقت دخی مقاله مذکورهنك بروجه
 آتی تدقیق ایله میدانه چیقه جقدر :

اولا موسیو دوایت حضرتلری خر -
 ستیانلغک تاریخ انتشاری ایچون بزه بر
 طاقم اسکی مأخذلر توصیه ایدیورلر .
 ذاتاً هر مورخک یاپدیغی کبی بز دخی مدا -
 فعه مزده بومأخذلردن اخذ اولسان ومور -
 خین سائرہ طرفلرندن تدقیق و بسط ایدیلان
 اساس و اصول تاریخیہ اوزرینه بنای
 محاکمه ایتامشی ایدک ؟ مع هذا مناظر -
 مزک توصیه سی اوزرینه بوراده ذکر
 اولنان مأخذلری دخی تکرار موقع تدقیقه
 چکمه جکز .

شمذیکی حالده شوراجفنی اخطار ایده -
 لمکه موسیو دوایت حضرتلری « مدافعه
 قانتو تاریخنندن چوقجه معلومات وشها -
 دت تاریخیہ استخراج ایتمشدر . لکن

بلکه قاتو خرسیان اولدیغی ایچوندرکه
 یازدقلرندن بر چوق شیلری دخی ترک
 ایتشدیر « دیمکله مدافعه مزده قاتودن ایراد
 ایتمش اولدیغمز شهادات تاریخیه یی کاملاً
 قبول بیوردقلرینی اعتراف ایتمش اولورلر .
 دوستمیزک بو اعترافنه ازجان و دل تشکر
 ایدرز . چونکه مباحثک عادتاً کافه سی
 قاتودن دخی استشهاد اولندیغی جهته
 بویله خرسیانلغی ده مسلمی اولان بر آدمک
 استشهاداتی قبول ایتکله موسیو دوایت
 حضرتلری مدافعه مزک همان کافه سنی
 قبول بیورمش اولورلر . ذاتاً ده ایشا
 غیلرده نصرانیت کلیساسنک بالکلیه
 بوزلدیغنی ده اعتراف بیور بیورلریا !
 ذاتاً مدافعه مزک خرسیانلغی قایل رد

اوله ميه جغنی هر حالده کوستریورلر یا!
 فقط کندی وظیفه لری بویله جدی بر اثره
 قارشو مطلقا برردیه یازمغی مستلزم
 اولدیغی ایچون بوردییه یی یازمش اولدقلری
 کون کبی آشکاردر .

نه ایسه ایلروده کله جک بر بخشی
 همان بورایه درجه صد ددن چیقمیدلم .
 مورخ قاتووی قبول خصوصنده کی اعتراف
 بزجه پک بیوک بر اعترافدر . اما قاتوده
 خرسیانلغک لهنده اولان صحیفه لری ده
 نیچون ایراد ایتماش اولدیغمزه کلهجه :
 قاتو تاریخ عمومیسنی مطالعه بیورانلره
 معلومدرکه قاتو تاریخ مقدسدن ایراد
 ایلدیکی شیرلی همان عیناً کبی بر صورتده
 نقل ایشدر . بونقلیاته اول امرده قاتونک

تدقیقات تاریخیه ایله میدان چیقاردیغی
معلومات دیه حکم اولنه مزکه بزدخی
التفات ایده بیللم *

موسیو دوایت حضرتی ژیبون
(کین) نام مورخک بیطرفلغنی مدح ایتیش
اولدیغمز حالده خرسیتیانلغک سرعت
انتشارینه دائر مومی الیهک ویردیکی
معلوماتی ترک ایدیشیمزه دخی سرزنشله بو
نقصانی کندیلری اکمال پیوره جقلمی و عد
ایلیورلر *

خرسیتیانلغک سرعت ویا بطائت
انتشارندن (مثلا انی ده بر معجزه صورتنده
کوسترمک کبی) برفانده امید اولنیورایسه
مناظرمن نقصانمزی اکمال صورتیله ژیبون
وساثره دن ایده جکی استمدادله ایستدکاری

قدر اهمیت و یرمکده مختار در . بر شمدیکی
حالده خرسیتیانلغک صورت انتشاری حقهنده
بزم و یردیکمز معلوماتی نه یولده رد و کندو
معلوماتی نه صورتده سرد ایلدیکنی تدقیق
ایدهلم :

موسیو دوایت حضر تتری خرسیتیا -
نلق قلیجه ال قویمدقن صکره قوت
وشوکت قازانه مدیغی حقهنده کی سوزمزی
بالا یراد بوکا دخی کویا خرسیتیانلغک ذاتا
بوزوق اولدیغی کبی ایلک اوچ عصرلرده
خرسیتیانلغک انتشاری خصو صنده تاریخک
دقته شایان برشی ذکرا یتدیکندن عبارت
بر دلیل ایله برده مسیحیت نامنه ظهور ایدن
مذهبات در حال مذاهب فلسفه یه قارشیدیغی
ومذاهب فلسفه نك بالطبع مسیحیته غلبه

ایندیکنی و میچک سهایه عرو جندن سهایه
 برقاج هفتسه صکره خرسیتسانلغک حکمی
 غائب اولدیغنی و حواریلرک قدسده دیکیش
 طوتدیره میهرق اطرافه طاغیلمر یله برابر
 اعدام اولندقلرینی دخی هب برمد عایی
 اثبات ایچون ایراد ایتشز کبی مدافعه مزک
 اولیات و او واسط و او اخرندن کله لر طویلا
 یهرق وجوده کتوردیکی صورت - سو -
 زمزه طارلسون اما - یک کولنج اولمشدر -
 واقعا بوسوزلرک کافه سنی بزسویلدک -
 بزد کل یعنی توار یخدن خلاصه ایله در میان
 ایلدک - انجق قارئلر مز مدافعه نک ۱۷۰
 و ۱۸۶ و ۲۱۰ و ۲۱۵ نومرولی صحیفه -
 لرینه مراجعت ایلدک لری آنده او سوزلری
 نه صورتده سیو یلش اولدیغیمزی کوره رک

موسیو دوايت حضرتلر ينك ترتيب كلام
 خصوصنده كي مهارتلر ينه شاشارلر ايسه ده
 تحسين ايديه جگك ريني هيچ اميد ايديه مير .

نه ايسه ! فرض ايديلم كه بو سوزلري
 موسيو دوايت حضرتلر ينك مراد ايلد .
 كاري وجه و صورتله سو يلمش اوله لم .
 باقالم او صورتده سو يلمش اولديغيمز حالده
 دخی موسيو دوايت حضرتلري نه صورتده
 رد بيور بيورلر . بيور بيورلر كه خريستيا .
 نلغك عروج عيسادن صكره در حال مذاهب
 سائر يه قار يشوب كيتديكنه اينانمق ايچون
 حقيقت اكهيه نك برقايچ سنه اولسون مذاهب
 فلسفه يه قارشو قويه مز اولديغنه اينانمق
 اقتضا ايدر .

يالكر بو قدز جق بر رديه ايله موسيو

دوايت حضرتلری حقیقت الهیه پرستشکاران
رانک مروتلرینی قازانه بیلدکریته قانع
اولمشرایسه پک یاز. یقدر . حقیقت الهیه
پرستشکارانی دهامو ضح دلائل ردیه ایستلر
ایدی .

حقیقت الهیه مذاهب باطله یه بر قاج
سنه اولسون دکل بر قاج عصر دخی قارشو
قو یمشدر . فقط بو حقیقت الهیه کلیسا
تار یخنک عالمه اینان دیر مق ایستدیکی حقیقت
دکدر . اصل « نصرانی » نامیله یاد
اولسان مذهب صحیح نصارادر که بزانی
مدافعه مزك ۲۲۶ نومرولی صحیفه سندن
۲۳۳ نومرولی صحیفه مزه قدر خبر ویرمشدر
در . مدافعه یی « چوق دقتله » او قودقلمینی
ابتدای کلاملرنده بیان پیوران موسیو دوايت

هغه ټولې یو کال دقت پور ماس شلې

یو څه نصرانیلر شمډیکې انجیللری بیله انجیل
اولمق اوزره قبول ایتدکلری ایچونمی انلره
التفات پور لماش ؟ بحثک برازدها اشا-
غیسنده نصرانیلره دخی برالتفاتجق وار
ایسه ده انکده نه قدر معیدار برالتفاتجق
اولدیغنی بزده بحثمزك برازدها اشا غیسنده
ایضاح ایلیه جکز .

اما خرسیتیانلغک منقسم اولدیغی الی
بو قدر مذهبک بچاه سنده حقیقت الهیه وار
ایدی دیه جک اولور لر ایسه حق یولی انجق
بر اوله جغنه کندیلر ندن بشقه هیچ بر کیمسه نک
شبهه ایده میه جکنی رعنا یلسونلر . یوق
حقیقت الهیه سن ژوسن و امثالک ظنیاتی
ایسه انلرک ماهیتلری مدافعه ده میدانه

قونلديغى كې ھىز زمان دىخى ميدانە قونىلە
بىلە جىكەندىن انصافلىرى وار ايسە كەندىلەردىن
دىخى شەبەبىي دىفع ايدە بىلورلر .

حوار يلر ك قدس شىر يفسە دىكەش
طوتدېرە مېھرىق اطرافە پرا كەندە اولدقلىرى
حقنە كى روايتىزى رد اىچون دىخى كويانە
بىزم سوزمىزى برھان اتخاذا ايدرك قدسە
حوار يون يدىلە تأسىس اولنان كلىسا
اوزرىنە اون بش نفر امامك امامت ايلد .
كلرىنى قبول ومىلادك التمش تارىخىندە
پولوس رسولك اخذ و كرفت اولندىغى
وقت قدسە حوار يلر بولندىغى اقرار
ايتىش اولمىغىزله استدلال ايدىليور .

غرىب استدلال ! نە تحف تحريف !
حقيقت شو تحريف كلام منىتى خرىمتيانلغاك

چله لو ازم دینه سندن اولدیغنه اینانه جغمز
 کلیور . بزم کلامزی تحریفه مجبوریت
 کورنلرک کلام مسیحی تحریفه نه قدر مجبور
 ریت کوره جکری ملاحظه یه محتاج قالور
 « قدسده حواریون یدیه تأسیس اولنان
 کلیسا اوزرینه » اون بش نفر امامک اما
 مت ایلدکارینی بزره ده سویلیوب یاخود
 قبول ایتمش؟ مدافعه مزک (۱۷۴) نومرولی
 صحیفه سنده « جمعیت نصاریه امامت ایدن
 اون بش نفر امام » دیمش اولدیغمزدن
 بشقه خاطره هیچ برشی کلیور . ذکر اولنان
 نصاری ای اکر موسیو دوایت حضرتلری
 « خیرستیان » دیه قبول ایتک ایستورلر
 ایسه دردنجی عصرده بونلرک ابطال و تکفیر
 لریله محو ایدلمزینه نه دیه جکدر؟ هله شو

« حواریون یدیه تأسیس اولنان کلیسا »
 سوزینه قهقهه لر ایله کوله جگمز کلیور .
 زیرا سوزمزی کندیسنک دخی تکرار ایتد
 یکی وجهله پولوس قدس شریفده اخذ
 و گرفت اولندیغی زمان مراجعت ایلدیکی
 عبادتخانه انجق یهودیلرک عبادتخانه سی
 اولوب حتی اورایه اجنبیلری صوقدیغی
 و یهودی علماسیله منازعه ایلدیکی ایچون
 جزایه دخی دوچار اولمشیدی . اکر حوا
 ریلرک « تأسیس ! . . . » ایلدکاری برکلیسا
 بولنسه ایدی پولوس اورایه مراجعت
 ایتزمی ایدی ؟

پولوس قدسه کیتدیکی زمان واقعا
 برحواری کورمشدرکه یعقوبدر . حتی غلام
 طیه لولره یازدیغی رساله ده دخی یعقوبدن

بشقه رسو لاردن کیمسه یی کور مدیکنی سو -
 یلیور . او بیچاره یعقوب ایسه پولوس جنا -
 بلرینه باشنی طراش ایدرک بیت المقدسه تو -
 به واستغفار ایتیمی ضروری اولدیغنی اکلا
 ته حق قدر بر حال ذلت و مسکنتده بولنور
 ایسه ارتق بونکله حواریلرک قدسده دیکش
 طو تدیره مدقلمی حقنده کی سوز مزى فصل
 رد ایده یلورلر؟ مدافعه محرمی بوققره لرده
 هیچ بر سهوده بولنما مشدر که صکرهینه کندی
 سوز یله کندیسنی تصحیح ایتکه مجبور اولسون .
 ایشته حواریلر معلوم الاسامی آدملردن
 عبارتدرلر . عروج عیسادن صکره بونلر -
 دن هانکیلری قدس شریفده قاله یلوب نه
 ایش کور مشر ایسه بیان پیورلسون ده بزده
 اکلا یه لم .

تکرار ایدرز که خرس تیانلغک دها ابتدا
 دن بوزولسی صکره بالکلیه بوزولسی
 ایچون ده الک بیولک سبب اولمشدر . حتی
 پولوس بیلہ غلاطیہ لولرہ « تعجب ایدرم کہ
 بویله تیز سزی مسیحک عنایتنه دعوت
 ایدن غیری برانجیلہ چویرلدیکز . اگرچه
 غیریسی یوقدر اما بعضیسی واردر کہ سزہ
 اضطراب و یروب مسیحک انجیلنی تحویل
 ایتک ایستلر . اما اگر بزیاکو کدن بر ملک
 بزم سزہ تبشیر ایتدیکمز دن غیری نسنہ تبشیر
 ایدر ایسه ملعون اولسون . اول دیدیکمز
 کی حالا دخی ینہ دیرم کہ اگر بر کیمسه سزہ
 اخذ ایتدیکمز دن غیری نسنہ تبشیر
 ایدر ایسه ملعون اولسون « دیور . بو
 لغتله بوتکنذیلره نه دن مجبور اولیور ؟

یا پولوسک زمانده باشلا یه رق میلادک ایلک
عصری اواخرینه طوغری الی درت
مذهب نه دن چیقدی؟ بو حقیقتلر لافله قوری
نطق ایله رد اولنه مزلر افندم! قاطع بر
هان ایستلر.

مدافعه نیوستیقلمک الی قدر فرقه مذ-

هیه لرینی برر برر تعداد ایش ایمش.

یا لان! نیوستیقلمک دکل. خرسیتیانلرک

مذهبلرینی خبر و یردک. هپسینی برر برر

تعداد ایتیوب باشلیجه لرینی اخطار ایلدک.

بو قدر جق برسوز مزده قوص قوجه مان

ایکی تحریفه نه دن لزوم کورلش؟

نیوستیقلمک خرسیتیان اولدقلرینی بیاندن

صکره جله خرسیتیانلری دیوانه عد ایلد-

کلرینی ده سویلیه رک تناقض ایتشن!

بوده یالان ! نیوستیق مذهبنه دائر
 معلومات و یردیکمز ۲۱۷ و ۲۱۸ و ۲۱۹
 نومرولی صحیفه لرده « دیوانه » کلمه شی
 وار ایسه معیوب بز اوله لم .
 موسیو دوایت حضرتلری نیوستیق
 حقنده کی حدتنی کوستر مک ایچون برقاچ
 سطر ایله بونلری کوزلجه برسرزنش ایلد .
 کدن صکره اصل دیانت جلیله نصرانیتی
 محافظه ایده ییلش اولان « نصرانیلر »
 حقنده بزمله هم افکار اولدقلرینی ایراد
 بیوریورلر . فقط بواعتراقلری حق تسلیم
 کبی بر فکر دن نشأت ایتیور . زیراموسیو
 دوایت حضرتلری حق تسلیم ایده جک
 اولسه ایدی مدافعه مزى اولدیغی کبی
 قبول ایدرلر ایدی . بواعترافی ایسه

عقبنده « عروجدن یوز سنه صکره یه دك
 قدسده کی نصرانی کلیسا سنه روما مالکنده
 بولنان خرستیانلر انا کلیسا نظر یله باقارلر
 ایدی . نصرانیلر دیگر خرستیان کلیسارینی
 کندیلر یله هم مذهب عد ایدرلر ایدی .
 وانلر اره سنده فرقه یوق ایدی « دیک
 و بوسوزده دخی کو یا بزی کندیس یله هم
 افکار کوسترمک ایچون درمیان ایتشلر در .
 حالبوکه اوسوزده بز کندیس سنه هم افکار
 اوله میر . زیرا اوسوز بالکلیه یا کاشدر .
 نه روما خرستیانلری قدس شریف نصرانیلر
 نیلرینی کندیلرینه پیشوا طانیشلر نه ده
 قدس نصرانیلری سائر خرستیانلری هم
 مذهب عد ایتشلر . بونلرک هیچ بریسی
 اولدیغی کبی « اره لنده فرقه یوق ایدی »



سوزی دخی باطلدر . زیرا الی قدر
 مذاهب نیوستیق اولیوب خرسیان ادعا
 سنده بولنورلر و نیوستیقلر دخی بو مذهبلرک
 بریسی عد اولنورلر ایدی . کلیسا تار -
 منجه بولرک عمومده و یریلان اسم ایسه
 « نیوستیق » دکل « رافضی » اسمیدر .
 حالبوکه حقیقت نصرانییه قیاساً ال بیوک
 رافضی ینه روماکلیساسی ایدی که بوده
 مجتبی کلدیکی زمان اثبات اولنور .

نه حاجت ؟ موسیو دوایت دخی بر
 فقره اخیره سنده « واقعا هر دیندن نیجه
 مذهب ظهور ایدر الخ » دیه خر -
 ستیانلر ارم سنده فرقه بولمادیغی حقنده کی
 کندی سوزینی همده ال واضح بر تناقض
 ایله کندیدی جرح ایلیمور . پالکز ایلات

عصر میلادده تفرقه اولدیغنی ایشائه تیرل
ایلیور که بوکا پک زیاده ممنون اولمقدہیز
زیرا میلادک ایلک عصری منتہاسنہ طو
غری خرسیتیانلغک الی قدر مذاہبہ آیر
لدیغی واول مقدار دخی انجیلاری بولندیغی
مذاہب مذکورہ نک اسمری دلاتیلہ ہانکی
قاموس تاریخ و جغرافیا کتابنہ مراجعت
ایداسہ کوریلہ یلور

موسیو دوایت حضرتلرینک خرسیتیا
نلغک تاریخ انتشاری حقندہ معلوما تمزی
ردایچون بورایہ قدر سویلیہ ییلدیکی
سوزلرک نہ قدر ضعیف و عاجز اولدقلری
کورلمشدر • اشبو ایکنجی مجیشک فقرہ
ثانیہ سندہ و « قسطنطیندن اول خرسیتیا
نلغک انتشاری » سرنامہ سی التمدہ کی

فقره سنده در میان ایلدیکي خصوصیاتك
 دخی ماهیتی میدانه قونلق انشاءالله مقرر
 اولوب فقط اشبوققره الاسنده مورخین قدیمه
 اسامیسی اولوق اوزره برطاقم اسملر ایراد
 ایلدیه رك بو اسملر حقنده لازم کلان معلوماتك
 قارئلرمن نظرنده تعین ایتسی بحثک بوندن
 صکره سی ایچون دخی يك زیاده اهمیتله
 لازم اولغله بوراجقده بر بحث مخصوص
 کشاد ایلدیه رك اسامی مذکورده حقنده لازم
 کلان معلوماتی جمع ایده جکز .

(بحث مخصوص)

✽ خرسیانلغك مأخذ تاریخ انتشاری ✽
 موسیو دوایت حضرتلری اشبو
 مأخذلری خرسیان و نیوستیق و بت پرست
 اولوق اوزره اوچ صنفه تقسیم ایلپور

وصف اولك برنجیسی اولق اوزره دخی
سن ژوستن اسمنی درج ایلپور .

سن ژوستنی جلهیه تقدیم ایتمی یک
یحادر . زیرا « تراجم احوال کائنات »

صاحبی میشو یکرمی برنجی جلدینک ۳۶۵
نومرولی صحیفه سنده وسن ژوستنک ترجمه

حالنده دیورکده : « خرسیتیانلغه دأربیان
معلومات ایدن وخرسیتیانلغک دین حق

اولدیفنی اثبات ایچون دلیللر برهانلر ایراد
ایلیان آتافور ورتولیهن و سائره کبی کایسا

مؤلفین قدیمه سنک آثاری یکدیگر یله مقایسه
ایدیله جک اولورلرایسه کور یلورکده بونلرک

کافه سی هب بر مقصدی ترویج و مدافعه
ایچون سن ژوستن طرفندن او قدر بلیغانه

وماهرانه ایراد اولمش بولنان برهانلری

و دلیله‌ری تکرار دین و یا خود بر بشته صورت
قویه رق اولو جهله ایراددن بشته هیچ بر
شی یا پامشدر «

ایشته شو قیددن اکلاشیلور که سن -
ژوسن خرسیان کلیساسنک برنجی دو قو -
ری اولوب بو حالده سن ژوسن حقمنده
اله جغمنز معلومات بزی دیگر لری حقمنده
دخی ایقاظ ایده بیله جکدر .

اول باول شوکا دقت ایده جکز که :
اوائل احوالی معلوم اولمیان سن ژوسن
او توز یاشنده ایکن خرسیان اولوب او توز
درت سنه دهها عمر سور دکن صکره انمش
درت یاشنده قتل اولمش و قتل دخی اصح
اقوال اوزره میلادک یوز التمش یدنجی
سنه سنه تصادف ایش . او یله ایسه سن

ژوسن یوز اوتوز اوج سنده سنده خرسیان
اولشدر .

میشونک قو انجه و حقیقت حالت دخی
اینا تجمه بون کلیمسا دو قورلرینه پیشوا
اولان بو ذاک میلاددن بر عصر و بر ثلث
صکره خرسیان اولور سه عجب میلادک
ایناک عصری ایچنده خرسیانلغک صورت
و کیفیت محالطه سنی فعل او کر نمش اولور ؟
یعنی اندن اولر عصر ایلی قارمه قار یشق
ایتمش اولان بو تجمه مذاهب ار بابنیک
تکر یضاتنه سن ژوسن فعل واقف اوله
یماش صایلور ؟

برده اوتوز یاشنده خرسیان اولش
بولسان بو ذاک نه کیم بر آدم اولدیغنی
اراشدر لم . بونک ایچون دخی تر یفون

اسمنده بر یہودی ایله ایلدیکی محاوره یه دائر
 قلمه الدیغی مقاله دن ینه کندی افاده سنی
 دیکله یه لم .

کندیسی عن اصل یونانی و بت پرست
 اولوب فقط اوزمان رواجده بولسان یدی
 سکر قدر مذاهب فلسفه نک ارشاد یله ار باب
 فراست و کیاستک کافه سی بت پرستلکک
 نه قدر کولنج بر بطلان کاییدن عبارت
 اولدیغنی اکلایه رق هر کس بر مذهب حکمته
 سلو کله جناب رب العالمینی طانید قلی کبی
 سن ژوستن دخی پک زیاده ذکا و فراست
 صاحبی و حتی شدت ذکا سندن طولایی
 عجول و جلالی بر آدم اولدیغندن بت پر -
 ستلکک بطلانی کندی کندیسنه طانیه رق
 فقط حقایق الهیه یی هانکی مسلک فلسفه دن

او کر نه جکنده بر مدت متحیر قالمشیدی .
بوراسنی یهودی تر یفونه اکلادیغنی صره-
ده دیورکه :

« اولاستو یسینه فلاسفه سندن برآدمه
مراجعت ایلدم . ایچجه بر زمان بوآدمه ملا-
زمت ایلدیکم حالد الوهیت حقنده هیچ
برشی او کر نه مدیکم کبی کندیسنگ ده هیچ
برشی بیلدیکنی ! کلادیغمدن وبا خصوص
جناب حق او کر نمک لازم اولمادیغنی ده مر-
قوم بکا افاده ایلدیکندن انی ترکله مشا-
ئو نندن بر فیلسوفه انتساب ایتدم . بر قاچ
کون کندیسیمله صحبتدن صکره کندینه حق
تعلیم اوله رق قاچ پاره و یره جک ایسه م
تعین ایتکلکم می در میان ایلدی . بناءً علیه
انکده فیلسوف اولمادیغنی اکلادیغمدن ترک

ایدرک و فقط حقایق حکمیه بی او کر نمکه پک
 زیاده مراقم اولدیغندن بومراقک سوقنده
 ده مقاومت ایده میهرک کیتدم اوزمان غایت
 مشهور بولنسان بر حکیم فیثاغوری یه ینا
 شدم . مکر بو آدمک دخی عقل و حکمتدن
 بر بهره سی یوق ایمش . کندیسنه شا کرد
 اولمق ارزوسنده بولندیغمی درمیان ایدنجه
 بکا دیدی که: « اویله ایسه حساب و هندسه
 کبی علوم ریاضیه کوردکی ؟ علم هیئت
 تحصیل ایتدکی ؟ اصول موسیقیه واقف
 اولدکی ؟ » مکر ذهنه جیادت و یرمک
 وانسانی علوم حکمیه تحصیلنه مستعد قیلق
 ایچون بو علمره لزوم وار ایمش . بن ایسه
 علوم مذکورهدن هیچ بر خبرم اولمادیغنی
 درمیان ایدنجه بولم اولمقسزین حکمت او

کرمک محال اولدیغی بیانیله بنی طرد و دفع
ایلدی»

« امید و شوق او کنده بوضورتله سندن
ممانعت چکلمسی اوزرینه نه قدر مایوس
اولدیغمی دوشونماید. حالبوکه فیثاغورس
رینک دخی برشیدن خبردار اولوب اولد.
یغنی نه دن بیله لم؟ اکر توصیه ایلدیکی
علمری او کر نه جک اولسه م اوزون اوزا.
دییه برزمانی بونسلره صرف ایتک لازم
کله جکدر. بن ایسه بو قدر اوزون مدته
تحمل ایده مم. بناءً علیه مسلك افلاطونییه
ذاهب اولان حکمایه مراجعتی قرارلشدیره.
دم. مملکتتمزده بردانه سی وار ایدی که پک
مشهور و ذکی آدم ایدی. کندیسسیله بر قاق
ملاقات و محاوره ده بولنده رق پک چوق استغلا

ده ایلدم . جسمانیاتك خار چندہ اولان معنو
یات مباحثندن پك بولك لذت الورد ایلدم .
افکار حکیمانه بی نظر تأمله الحق بنمده فکر می
صانکه قتاد لافش کی اعلا ایلر ایدی . او
صورته ترقی ایلدم که پك از بر زمان ایلنده
کندی بی حکیم با قیل اولمش ظن ایلدم .
حق قریباً جناب حق یوز یوز کوره یله
جکمه اینامق درجه سنده بر فکر معنونه یه
یله دوشدم . بومکر بی دائماً فیهالقدره کز
مکه مجبور ایلدی . اینشتی بوسورته دکر
کنارنده کز ایکن برار ملق ارقده باقدده
بر اختیار کوردم که بی یقیندن تعیس ایلور
ایدی . ظاهر حالی شایان تحقیر دکل ایلدی .
چوره می فایت اضعیف و جمدی کله و کله
ایدی . کندی سیله عجیبه یا شایان قله ایکا

دیدى كه : « كور يورم كه سز حكيمانه
نطقلى سووب فضائل فعلیه حقایق
قطعیه او قدر رغبت ایتیمورسکز »

ایشته بو صورتله باشلایان محاوره او-
ز رینه نهایت سن ژوستن بو اختیار دن
ایشدیكى حقایق خرسیتانیه اوزرینه دین
مذکورى قبول انلش ایش *

شمى بورایه قدر سن ژوستنك كندى
حكايه ایلدىكى سرگذشتى اوزرینه بو آدمى
پیشگاه تدقیقه اللهلم *

اولا بت پرستلک باطل اولدیغنى اكلا
مش * بونك ایچون شد تلجیه بر ذکا کفایت
ایدركه اوزكانك فقط محضاذ کا اولمق اوزره
سن ژوستنده بواندیغنى آثارینه نظراً برده
انکار ایده میر *

ثانياً ستویسیندن حکیمی کنیدیسنه جناب
 حق او کر نك لازم کلمدیکنی سويلش که سن
 ژوستن بوسوزنده بيوك برخطاده بولمش
 ايسه ده کندينك ده اعتراف ایلدیکی جهته
 باغشلانه بيلور . بومسلك ار بابی جناب حق
 يك طوغری طانیهرق حتی بشقه حکما حسنا
 تك اللهدن وسیئاتك دخی بشقه قوتلردن
 نشأت ایلدیکنی حکم ایدر لر ایتن بونئر
 خیرك ده شرک ده انجیق الله واحددن کلد
 یکنه اعتقاد ایدر لر ای دی .

ثالثاً مشایون مذهبندن اولان معلمك
 اجرت ایستمی اوزر نه سن ژوستنك
 قاجسی یاققر یند یاخسیسلكنه جل اولنه رق
 ایکیسی ده معذور کور ينور ايسه ده فیثا
 غوری حکیمك تحصیلات ابتدایه تکلیفنه

تحميل ايده مامسى حقايق آللهيه او كرنك
 سوداسنده بولسان بر ذات ايچون اصلا
 معذور كور يله مز . علوم و فنونك هر
 برى انسانى موجوديت جناب حقه وذات
 اجل واعلاسنك عظمتنه دلالت ايلديكى
 واثبات واجب امرنده مخلوقدن خالقه
 واثردن مؤثره اتقالدن بشقه چاره اولديغي
 مسلم ايكن سن ژوستنك بوندن قاچمى نه
 ديمك اولور ؟

رابعاً افلاطونى مذهبندن اولان حكيم
 ايله برقاج ملاقات و محاوره اوزرينده سن
 ژوستنك كنديسىنى حكيم نكته دان ظن
 ايلدكن ماعدا جناب حقي دخی و جاها
 كورمكه قدر يلتيمى مادقا هم جاahl هم
 افراط ايله دوسكار و همده نفسى حقنده كي

همتی لزومندن زیاده عالی اولدیغنی کو -
 سترکه بویله بر آدمک کندیسنی دوقتور
 یعنی علم و حکمیاته منتهی کوستره بیلسی
 ایچون دخی فی الحقیقه اوزمان موجود
 اوله بیلان درجه ده کی خرسیانلقدن بشقه
 هیچ بزمسلاک بولنده من *

ایشته بو حقیقتلری کوز اوکنه الدقدن
 صکره سن ژوستنک خرسیانلغه او قدر
 عشق و اشتیاقله صارلش او لمسی اصلا
 استبعاد ایده میر * حتی بویله شان قازا -
 نمغه هوسلری پک بیوک او لدیغی حالده
 تحصیل علم ایچون کوز و بین یورمقدن
 اوشه نانلری الک چوق خرسیانلغک بو ایلک
 دورنده کورمش اولدیغمن ایچون بونلرک
 حالارینی مدافعه منک ۱۲۰ و ۱۲۱ نومرولی

صحیفه لرنده براز تصویر ایلشیدک • قار-
 ئلرمز تکرار مراجعت بیوره بیلورلر •
 اوتوز یاشنده برکنج هوسکار ایکن
 خرسیتیانلغی بو صورتله قبول ایش اولان
 سن ژوستن دینداش لرینی رومالولرک نظر
 حقارتلرندن قورتارمق ایچون روما ایمپرا-
 طور یله ایکی اوغلارینه و سناتوییه و بتون
 روما ملتیه خطاباً بر مقاله یازمشدرکه الک
 بیوک مدار شهرتی بودر • انجق پک اوزون
 و انسانه اوصانج ویره جک برشی اولسه ده
 ترجمه ایلسه ایدک کوریلور ایدی که مقاله
 مذکور « عالمانه » اطلاقنه سزا کورملک
 شویله طورسون خرسیتیانجه اولسون
 « فاضلانه » عد اولنه بیلکدن بریدر •
 یالکز خرسیتیانلرک کیمسه یه ضررلری طو-

قنور مخلوق او لمقدرینی اثبات ایچون بر
 چوق تفصیلاتله برابر « بزی او لدورسه -
 کزده امور مزده د کدر . بزم نظر مزده
 اولومک هیچ حکمی یوقدر ! » کبی مفتخرانه
 وقهرمانانه بر طاقم سوزلردن عبارتدر که
 بویله سوزلری نهیلیست و صوسیالیست
 مقوله سی آدم لردن دخی ایشتدیکمز چوقدر .
 سن ژوستنک فاضلانه اثری هب
 او یهودی تر یفون ایله ایتدیکی محاوره سی
 عد اولنق بجادر . زیرا بو محاوره ده
 یهودی یه کندی انتخاب کرده سی اولان خرسیتیا -
 نلغک هر مسلك حکمایه وحتی یهودی لکه
 دخی فائق اولدیغنی اثبات ایتمش اولیور .
 ایمدی سن ژوستنک بو اثر فضلنی براز کورمک
 فائده دن خالی د کدر .

اشبور تر یفون مدت مدیده یونانستانده
 قوزنت شهرنده علوم فلسفه یی تحصیل
 ایتش بر آدم ایش . بر کون مسیره ده سن
 ژوستنی کورمش . برقچ مسالک حکمایه
 سلوکنی متعاقب کوزینه یدیره میدرلج ایش
 اولدیغنی کندیمی اعتراف ایدن سن ژوستن
 جنابلری کیم بیلور نه صلاحیت و مطالعه
 ایله فیلسوف کسوه سی کیدیکندن یهودی
 بو کسوه یی کورنجه کرچکدن بر حکیم
 کورمش ظنیله رعایتده قصور ایتماکه
 چالشه رق سن ژوستنک یاننه صوقولور .
 محاوره یه بدأ اولنور .

باقکز بو محاوره یی سن ژوستنک کندیمی
 نصل یاز یور :

یهودی یه صـورـمـشـکـه : حکمایله

یهودی انبیاسنک افاده لرینی تطبیقندن نه
استفاده ایده یلیورسکز؟

یهودی دیمش که : عجایب ! حکمادخی
جناب حقندن وانک وحدانیتندن وقضا
وقدرندن بحث ایدرک بونلری هب اثبات
ایتمورلری ؟

سن ژوستن دیمش که : بعضلرینه تصا -
دف ایلدم که مسعودیت ابدیه ایچون بو
شیلری لازم عدا یتیمورلر • دیورلر که جناب
حق یالکز کائناتک و برده مخلوقاتدن جنس
ونوعلرک حاکمی اولوب فقط سن بن کبی
افزاده اشخاصه قارشمیورمش • بناءً علیه
بوشالو مسالکک نهایت نرویه واردیغی
بیلمنه مز • انلر جناب حقندن نه مکافات نه
مجازات هیچ برشی بکله میوب اغزلرینه
هرنه کاورسه انی سویلیورلر •

بونک اوزرینه یهودی تریفون لطیف
 بر تبسم ایله صـور مش که : یاسزک جناب
 حقه دائر اعتقاد کز نه در ؟ بو باده سزک
 فیلسوفیکز نه دن عبارتدر ؟

سن ژوستن دیمش که : بونی سزه عرض
 ایدرم . واقعا فیلسوفیدن دها قیمتدار هیچ
 برشی یوقدر . بزنی جناب حقه یاقلاشد .
 یران یالکز فیلسوفیدر . فقط الک چوق
 فیلسوفلر حکمتک نه اولدیغنی کندیلری ده
 بیلیورلر .

ایشته شو مقدمه ایله سن ژوستن کندی
 حکمتنی یهودی یه ا کلاتمغه باشلامش که
 یهودینک ایلاک تبسمی برقاج کره دها تکرر
 ایتمش اوله جغنی شبهه سزدر . زیرا هیچ بر
 معلمدن فیلسوفی یه دائر حرف واحد او کر-

نمديگي گنديسي اعتراف ائيش اولديغي
 کي دهاشو مقدماتنده دخي بوبابده کي جهل
 کليسي ميدانه قويمش اولديغندن بويلا
 فليسوف کسوه سنده کي جاهله تريفون
 کي تعليم و تحصيل کورمش بر حکيمک
 تهقه لرله کولمکه دخي حقي تسليم اولنور
 فقط سن ژوستنک گندي افاده سنده
 کوره يهودي تريفون بو حقندن استفاده
 ايتامش . سن ژوستن فلاسفه نك کافه سي
 جاهل و مبطل اولدقلر يني قطعياً حکم ايدرك
 يالکز جليل اهالي سندن برقاج بانقجينک
 حضرت مسيح نامنه و یردکري خبر لر
 حکمت محضه دن عبارت اولديغني و بناءً
 عليه بتون عالمک خريستيان اولمسي فلاحدريني
 موجب اوله جفني اتيان ايلديکي زمان

اوراده حاضر بولنا نرك كافه سي قهقهه لر
 ايله كولدكلى حالدده يهودى تر يفون ينه
 اولكى طاتلى تبسمنى تكرار ايدرك جناب
 رب العالمين حقنده بو قدر جق برايمان پيدا
 ايليوبده بت پرستلك بطلانده قناعت
 ايلدكن صكره سن ژوستنك سنت اوله رق
 وجهه ايرتسهنه رعايت ايليهرك يهودى
 اولسنى (همده دوستلق نامنه اوله رق)
 توصيه ايتمش .

(تبيه) حضرت مسيح حقيقى يعنى
 جناب روح الله افندمزا عالمى تشرىف
 ايدجكلى حقنده انبىاى بنى اسرائيل
 حضرتنك و يردكلى معلومات يهودى
 علماسنك محفوظى اولوب حضرت مسيحك
 همان اوسنه لرده تشرىفنه منتظر ايديلر .

بوحقیقت سن ژوستنک افاده سینه گوره
 یهودی تر یفونک دخی معلومی ایمش ،
 بناءً علیه تر یفون ژوستنک حضرت
 مسیحه دخی ایمانی کورنجه هر نه قدر کند
 یسی هنوز حضرت مسیحک تشریفنه اینا-
 نماش ایسه ده ژوستنک بو باده کی ایمانی ده
 رد ایتک ایسته میه رک بر طور دوستانه و حکما
 نه ایله دیمش که: اکر شمدیکی حالده مسیح
 طوغمش ایسه دهها نبوتله بغت اولنماشدر .
 بعث اولندیغی زمان دخی امت یهودیه
 بعث اولنه جغندن سز همان شمدیدن یهودی
 اولور سه کز تشریف مسیحه دخی منظر او-
 له بیلور سکز .

حضرت مسیحک بعث بیورلدقلری
 حقنده ژوستنک اعتقاد ی پک طوغری اولوب

شوقدر که انجیل صحیح مسیحک جمع اولند.
 مامسی واصحاب یسوعان وظیفه مأموره لر -
 ینی بحق ایفا ایده مامسی حسینیه ژوستنک
 انجیلدن و سرگذشت حضرت مسیحدن
 اولمق اوزره حواریلردن منقول کلماتی ایرا -
 ده باشلامسی اوزرینه مستمعین حضار اولکیدن
 زیاده کولمکدن فضله بر طاقم کلمات هزلیه
 دخی باشلاینجه ژوستن تأثر ایدرک یرندن
 فرلامش • تر یفون مرقومک کسودسندن
 طوته رق صالیو یرمامک ایستدکده ژوستن
 « اوله ایسه بو زوزکری دفعه ایدکز »
 دیمسیله ژوستن و تر یفون وحاضرون
 دیگر ایکی جدی آدم لر جماعتدن آریله رق
 براویون محله کیتشلر واوراده طاشلار او -
 زرینه اوتوره رق یهودیلرک محارباتنه دأر

قاج مالایعی سوزدن صکره ینه محاوره
صلیه لارینه کلش لر • بونلری هب ژوستن
ندیسی حکایه ایدیور •

سن ژوستن صورمش که: شریعت مو -
ویه حکمنجه یشامدیغمزدن سنت اولدیغمز
ن وسبت کوننه رعایت ایتدیگمزدن بشقه
ه قارشو اعتراض ایده جک برشیئکز وار -
بدر؟ یوقسه بزم اخلاق وعادتمزه دائر بر
لالم افتارلی سزه دخی حکایه می ایتدیلر؟ بزم
نسان اتی یدیگمزه و ضیافتلرمزدن صکره
مولرمزی سوندیره رک انواع ملعنتره کیر -
سیدیگمزه سزده می اینانیور سکز؟ یوقسه
عضا سزک یا کلش و باطل دیه حکم ایلد -
ککز بر مذهبه ذاهب اولدیغمز ایچونمی
اعتراض ایدیور سکز؟

تریفون دیمش که: اوت! بزم ایچو
 موجب استغراب اولان شی یالکز بوصو
 حالدر. زیرا خلق سزک حقکرده رو
 یت ایلدیکی شیلرک اصلی فصلی اولدیغی
 بنده بیلورم. طبع بشر دخی او یله ملعنه
 دن استکراه ایدر. سزک اناجیلکزی
 مراق ایدرک کوزدن کچوردم. اخلاقه دا
 بعض دستورلری او قدر عالیدر که هیچ
 کیمسه نک بونلره توفیق معامله ایده یله جکزی
 ده اصلا امید ایلیمم. سز هم دین سبحانی
 یه سالک اولدیغکزی دعوی ایدیورسکز
 همده صورت حال و حرکتکزک رومالو
 بت پرستلردن هیچ بفرقی یوقدر. زیرا نه
 بیراملره نه سبت کوننه نه ختانه رعایت ایتیمه
 رک یالکز عیسای مصلوبه انتسابله جناب

حقك مظهر لطيفي ده اولمخي اميد ايليور سكر .
 كتابلرده او قومديكرمي كه ولادتك سكرنجي
 كوني ختاني اجرا اينديانلر هلا كده قاله .
 جقلمدر ؟

دقت بيورلمليدز كه سن ژوستنك كندی
 حكايه سي وجهله دخي يهودي تريفون نه قدر
 حكيما نه بحث ايد يور ؟ شمدي بو حكيما نه مطالعه .
 لره ويرديكي جو ابلي دخي سن ژوستن
 كندی كندينه شويله حكايه ابا يور . ديور كه :
 — بوكائاتي ياراتاندن بشقه الله او .

لميه جقدر و شمدي به قدرده اولمامشدر .
 بزينه سرك الله كز دن غيري بر الله ايمان
 ايتيورز . سرك آبا واجداد كرى مصر دن
 خلاص ايدن الله سرك ايمان ايدرك سركي
 بز دخي انك لطفندن اميد وار اوليورز .

اوالله حضرت ابراهيمك حضرت اسحاقك
 حضرت يعقوبك اللهيدر . فقط بو اللهندن
 اميدمن نه موسانك ونه ده بشقه بريسنك
 دلائييه دكلدر . والا بزم ده سزك كي
 اولمقلغمز لازم كلور ايدي . بن كتب
 توراتيه ده كوردم كه جناب حق بر صوك
 شريعت كوندره جكلدر . يهوديله وير -
 لمش اولان شريعت ارتق اسكيمشدر .
 هم او شريعت يالكلز يهوديله مخصوص
 ايدي . شريعت عيسويه ايسه بتون
 جهان ايچوندر .

سز ثوستنك دهاسبت واوروج
 وسنت بحثرينه كلكسز ين ايتديكي خطاره
 دقت بيور يليورمي ؟ واقعا قارئلرمن بو
 دقتي ايده بيلك ايچون خريستيانلغك حقا .

یقنه کرکی کبی واقف اولملری لازم کلوب
اگرچه مدافعه مزك برچوق مجتهدی بو بایده
کندیلرینه ایجه وقوف حاصل ایتدیرمش ایسه
ده برازدها ایضاحات و یرر ایسه ک فائده -
سنر قالمز ظن ایدرز .

حضرت عیسی موجود انجیللرده
« شریعتی بوزمغه کلدیم . قیامتہ قدر شر -
یعتدن برحرف زائل اولمیه جقدر » دیدیکی
حالده شریعت موسویه نك اسکی برشی
اولدیغنی سن ژوستن کبی کایسانك ایلک
دوقتوری ادعا ایدرایسه شاشلزمی ؟ یاشر -
یعت موسویه یالکز یهودیلره مخصوص
اولدیغی حالده انجیللرک بتون عالمه شامل
اولدیغنه فصل حکم قطعی و یره بیله جکزرکه
انجیللرک الک اسکیسی عد اولنان متی انجیلنده

بو باده بر کونه صراحت او لمیوب سائر -
 لرنده اگر چه « بتون یر یوزینه انجیلی نشر
 ایدکز » دید بر قید وار ایسه ده او قید کده
 صکره دن رومالولرک نصرانیتسه هوس
 ایتمهک باشلاملری اوزرینه صوقوشدیرلد -
 یغنی ینه اناجیل موجوده پک صریح بر
 صورتده کوستر مکده درلر .

ایشته رسوللرک اعمالی قسمنده اوننجی
 واون برنجی باده حکایه ایدلیدیکی اوزره
 رومالی قرنیلوس اسمنده بر یوز باشی بطر -
 سی دعوت ایدرک خرسیتیانلغی قبولنی در -
 میان ایتمی اوزرینه سائر رسوللر وقرندا -
 شلر یعنی نصرانیلر بطر می تعذیر ایدرک
 ختانسز حر یفلرک خانه لرینه کیرمش وانلر
 ایله طعام ایتمش او لدیغندن طولایی سررز -

نشه باشلادیلر • اکر نصرانیته رومالولره
 دخی شمول اولسه ایدی بو تعذیرلره بوسرز-
 نشره لزوم قالور می ایدی ؟ صکره بطرس
 بو بابده بر اشارت سماوییه اتباع ایلدیکنی
 کو ستر مک ایچون طامده کندیسنه بئخود-
 لق کله رک سعادن اینان بر چوق حیوانلری
 اکل ایتسی حقنده ندا واقع اولدیغی و کند
 یسی رد ایلدیکی حالده جناب حقک پالک
 و طاهر یاراندیغی شیلردن استکراه ایتامسی
 حقنده کی دیگر ندادن دخی بت پرستلردن
 اجتناب ایتامک لزومنی اکلا دیغنی بیانله
 ار باب سرزنشی اقناع ائیش • دیمک او-
 لیورکه بووقعه یه قدر بتون حواریلر و نصرانی
 نیر شریعت عیسویه یالکزی یهودیلره
 مخصوص اوله رق رومالولری کر یه کور-

مك لزومنه قانع ايكن بطرسك شويله بر
تاويلي اوزرينه شريعت جديده نك كائناته
شامل اولديغني صكره دن احكام نصرانيته
ادخال ايشلر در .

واقعا بر شريعتك بتون عالمه شمولى
اولمق لازم كله جكني بزدي تسليم ايدرز .
انجق او حالده احكام شريعتك كافه سي
بتون عالمه شامل اولملي ايدى . يوقسه سن
ژروم نام كايسا اولياسنك ديديكى وجهله
بطرس يهوديله و پولوس روماليله تبليغ
دين ايلدكلرى ايچون ايكي ملتك عقايد
قديمه سي حسييله صورت تبليغده فرق
اولمق طبعي اوله جغنه رضا كوسترمك
اصلا موافق شرع وقانون اوله مز .

سن ژوستن ده ايتداي كلامده شو

خطبای اجرا ایلد کدن صکره اصل
مشکلاتی ده حل ایچون یهودی تریفونه
دیمش که : ختان و سبت کوننه رعایت و
اوروج و سائر احکام شرعیه نیک کافه سی
اویله معنای ظاهر یلرندن اکلاشلدیغی
اوزره اجرا اولغیه جقلردر . انز بر راهر
معنویدر که اخلاقنیک تحکیمی ایلد اجرا ایلدیش
صایله جقلردر . اصل پاکک و طهارت
مسیحک قانی ایلد روملرده حاصل اولان
طهارتدر .

ژروم جنابلیری بو ادعایینی تأیید ایچون
هابل و انوش و نوح و سائر دنکده ختانسز
اولدقلرینی و ختان دین ایچون ضروریاتدن
اولیوب یالکر یهودیلری سائر ملتزدن فرق
ایچون بر علامتدن عبارت بولندیغی و یهو -

دیر التون بوزاغییه (عجل) طابق کنی
 برضلاته دوچار اولدقلری زمان جناب
 حق بردها بو خطاده بو تماملرینی اخطاراً
 کندیلرینه ختان امر ایلدیکنی و حاله و که
 انبیای بنی اسرائیلدن بعضلری بیه بو ختانک
 عدم لزومنه قانع اوله رق جناب حق
 کندیلرندن بویه بر فدا کارلغه محتاج
 اولمدیغنی درمیان ایلدکارینی سو یلمش
 یهودی تریفون سن ژوستنک بوا یضاً
 حاتنده کی خطیئات فاحشه سنه دخی مطلقاً
 تبسم ایتش اولمیدر اما ژوستن جنابلری بو
 تبسمی قید ایتیمور . یهودیده بر سکوت فرض
 و تخیل ایدرک دیدیر تیورکه : شریعت
 یهودیه موجبنجه حرکت ایتش اولان انوش
 ونوح و سائره عجباقیامته نجات بوله جقلرمی ؟

پوسواله جو آبادخی ژوسن دیمش که :

اوت ! زیر اشریعت یهودیه ده برچوق
احکام وارد در که بالطبع کوزلدر لر . هم
ازلیدر لر هم ده حکملری جهانه شاملدر .

دقت ایتلی دقت ! شریعت یهودیه نک
ازلی و عمومی اولدیغنی اعتراف ایدن ژوسن
حضر تلی ینک بر قاج لقر دی اولنده بو شریعتی
اسکیمش و حکمی ایسه یالکز یهودیلره عائد
دیه و صف ایلدیکی حالدده شمدی سو یلدیکی
سوزلره دقت ایتلی .

تریفون صور مش که : یاشمادی حضرت
مسیحی طانیدیغی حالدده ینه شریعت موسویه
دو جنبه عمل ایدنر خلاص اوله جقلمی ؟

سن ژوسن دیمش که : اکر شریعت
مذکوره یه حالا توفیق عمل ایده بیلک ممکن
ایسه خلاص اوله جقلمدر .

دھار یادہ وقت ایٹلی ، زیر اسن ژوسن
کندی مغلو بیتنی مادتا کندیدی حکایہ ایتمش
اولیور !

واقعا تریفون شریعت موسویہ دن
بعض صعب الاجرا اولان احکامی رومالو
لک اجرا ایدہ میہ جکری نی در میان ایدنجہ
ژوسن براز ممنون اولمش . تریفون دیمش
کہ: فقط سبت کونہ رعایت وآبدست ایلہ
طہارت وختان ہر حالہ بجلہ ایچون اجرامی
ممکن اولان احوال دندر . یاسزدن بریسی
ہم حضرت عیسیاہ ایمان ایدر ہمہدہ بونلر
یک لازم اولدقلرینی اعتقاد ایلہ برابرینہ
ایلر ایسہ خلاص و نجات بولہ جقمی ؟

ایستہ بورادہ سن ژوسن جنابلری براز
شاشالامش . زیرا و یرہ جکی جوابی بنا

ایده جک بر قید شرعی نصرانی بوله مینجه
ایشی کندی ظنسه بنا ایدرک دیمش که: بنم
فکر و ظنمه کوره خلاص بوله جقدر، لکن
رو مالیردن خرسیانلغی قبول ایدنلری دخی
بو حکمره رعایت ایچون مجبور ایتماک شر-
طیه !

تریفون دیمش که: نیچون بنم فکر و ظنمه
کوره دیورسکیز؟ بشقه لری او فکر و ظنده
بولمقلری ایچونمی؟

ایشته بوسؤالک سن ژوستنی بتون بتون
شاشالا تدیغی و یردیکی جو ابدن معلوم اولیور
زیرا دیمش که: خرسیانلردن بعضلری
دیورلر که رومالی اولنلر ایله هیچ بر مناسبتده
بولنق جائز دکدر، فقط بن بو فکرده دکام
زیرا رومالیر حضرت مسیحه ایمانه برابر

تشریعت یهودیه دن اجرا سنده مقتدر اوله
 بیلدکاری شیریه ده اجرا ایدرلر ایسه سائر
 خریستیانلر کافه احکام موسوویه رعایت
 ایچون کندیلرینی مجبور ایتیه رک هر حالده
 انلری دخی قرنداشلغه قبول ایتیری لازملر
 دیرم . قسط اهل ختاندن یعنی یهودیلردن
 خریستیان اولانلر و مالولری نصرانیته کیر-
 مش اولوق ایچون کافه احکام یهودیه یی
 اجرایه مجبور ایده جک و اجرا ایتدکاری
 صورتده کندیلرله قطع مناسبت ایلیمه جک
 اولورلر ایسه بنده اهل ختانی قرنداشلغه
 قبول ایده مم . حضرت عیسایه ایمانله برابر
 شریعت یهودیه رعایت ایدنلر خلاص
 بوله جق ایسه لرده مشار الیمه ایماندن صکره
 مجرد خریستیانلرده احکام یهودیه رعایت

هیچ ضروری اولماسندن و یاسیب آخردن
 طولایی حضرت مسیحہ دخی مسیح نظریلہ
 باققدن و از پکر ایسه ایشته بوآدم وفاتندن
 مقدم تجدید دین ایتدیکی حالده خلاص
 بوله میه جقدر . حضرت ابراهیم نسلندن
 اولوب یهودی بولسانلر اکر مسیحہ ایمان
 ایتزلر ایسه انلر دخی خلاص اولمیه جقدر .
 شمدی سن ژوستنک شوسوزلرینی کرک
 اناجسیله کرک شریعت موسوییه و حتی
 طبیعت حال و مصلحتہ توفیق ایدہ بیلک ممکن
 ایسه در میان اولنسونده بزده اکلایه لم .
 حساب و هندسه دن هیئت و سائر علومدن
 بیخبر و مسالاک حکمدان بی بهره اولدیغنی
 کندیزی خبر و یرن ذات احکام شریعتدن
 دخی بو قدر غافل اولورسه اورته یه یالکز

کندی او هامنی قو یتقدن بشته نه یه مقتدر
اوله بیلور؟

بوندن صکره سن ژوستن یهودیلرک کرک
حضرت مسیحه و کرک خرستیانیلغی قبول
ایدنلره ابراز ایلدکلری آثار عداوتدن طو-
لایی سرزنشه باشلامش . و دین نصارانک
حق اولدیغنی اثبات ایچون کتب توراتی-
دن اوزون اوزادییه استدلالات ایله
حضرت عیسانک برچوق معجزات باهره سنی
ده درمیان ایتیش . بوزمین ایستدیکی قدر
سوز سویله مکه مساعد اولدیغی ایچون بز
دخی کندیسنی مختار براقورز
.....

ایشته نصرانیتک ایلات دو تئوری بو
ذاتدرکه مترجمین احوالات اعترافلرینه کوره

سائر دو قنور لر دخی بونک دلالاتی موجب
تحریریک خامه ایتشملر یعنی سن ژوستنک
براهین و دلائلی یاعیناً نقل و یا خود قالب
آخره افراغ صورتیه ایراددن بشقه برشی
یا پاماشلر در .

سن ژوستنک کندی شخصی حقنده
هیچ بر دیه جگمز یوقدر . دیه جگمز اولور .
سه اودخی عفتنی غیرتنی بلالره صبر و تحمیلی
مدح و ثنادن عبارت اولور . دیه ییلور زکه
اگر ژوستن حضرت مسیح زمانه یتشمش
اولسه ایدی ده اول نبی ذیشانه صحابه اوله
بیلسه ایدی دین حق مسیح ایلاک صافی
ایله محافظه اولمق ایچون بو غیرتلی آدمک
یک بیوک خدمتلی کور ییلور ایدی .
انجق کندی زمانه قدر انجیلر کوره جگمزی

تحریراتی کورمش والسه بولنان کتب
 مقدسه دن ازجمله یہودی تریفونه قناعت
 و پرہ جاک احکام چیقارہ بیلک محال حکمنده
 قالمش اولسیله ژوستن دخی تریفونه کندي
 فکر و ظنی و وہم و قیاسنی عرضدن بشقه
 برشی پایه مامشدر . هله اک بیوک خطاسی
 رومالولری احکام موسویتدن معاف
 کورمسیدرکہ بوده خرسیتیانلغی کندي
 زمانه قدر محافظه اولنه بیلش اولان احکا-
 مندن دخی چیقارمش دیمکدر .

قاموس تاریخ و جغرافیا صاحبی بولیه
 نک دخی افکاری بومر کزده در . دیورکہ:
 « جناب مسیح حقنדה کی اوصافک
 اک دقیق اولان کلمه الله اولق صفتنی سن
 ژوستن اسکی رومابت پرستلرینک عقل

کل دیدکاری شنیدن عبارت اولیٰ اوزره
تلقی ایتش و هله مذهب افلاطونینک پک
چوق اصول و احکامنی خرسستیانلغه
قامشدر»

سن ژوستن حقننده کی سوزمزی ختا -
مه ایصالدن اول شونی ده عرض و اخطار
ایدهلم که : بو ذات عن اصل یونانی اولوب
یونانجه تکلم ایلدیکی و آثارینی دخی یونان
لسانی اوزره قلمه الیدیخی حالده
اصل نشریاتنی روماده لاتین لسانیه تکلم
ایدن خلقه حصیر ایدرک اوراده بر « حکمت
نصرانیه » مسلکی کشادینه سعی اتمشدر .
اختلاف لسان حسبییه مترجملرینک دخی
برچوق خطالری سن ژوستنه عطف و اسناد
ایلمش ظن اولنده مز می ؟

من ژوسن حقنده کی تدقیقاتمز بوراده
 ختامبولدی . شمزی موسیودوایت حضر-
 تترینک در میان ایلد کلری اسامی سائر یه
 عطف نگاه ایده لم که انردخی هب سن ژوسنه
 پیرو اولد قلی ایچون کندیلری حقنده کی
 تدقیقاتمز یک قیصه اولملری کفایت ایده .
 جکدر .

« ایرنه ئوس » موسیودوایت حضر-
 ترینک و یردیکی اسامینک ایکنجیسی
 بودر که مترجمین احوالک روایتنه کوره
 ایکیوز ایکی سنه میلادیه سنده قتل اولمشدر .
 سن ژوسنندن دهامؤخر دیمک اولوب
 رافضیلره ردیه اولمق اوزره بش جلد بر
 کتاب یازمش ایسه ده بونی یونان لسانیه
 یازدیغی حالده اصلی هر فصله ضایع اوله .

رق لا تینجیه ترجمه سی باقی قالمشدر .
 اصلی نیچون ضایع اولمش و ترجمه سنه نه
 قدر اعتماد ایدیه بیلور ؟ بورالینی پک
 اراشدیرمغه کلز . نصارا بو ترجمه ننگ دخی
 محروک بر حیات اولدیغی زمانده وجوده
 کلش اولسیله متسلیدرلر . هر نه ایسه سن
 ایرنه نوسک رافضی عدایلدیکی ذوات
 یالکز روما کایساسنی طانیمدقلمری حالده
 ینه نصرانیت غیرتنده بولنانلر اولوب او
 حالده خرستیانلغک عن اصل یهودیلکدن
 عبارت بولمنسنی بالتحریف بودینک روما
 یکی بت پرستلکنی اصلاحدن عبارت
 اولسی ضرورتنه تحو بل ایچون بدل مساعی
 ایتمش ضاییلور .

« بولقارب » بوذات ۱۶۷ سنه میلاد .

دیه سنده قتل اولنه رق یالکیز فیلیپیانلری
خرستیانلغه دعوت ایچون بر بیاننامه سندن
بشقه اثری قالمامشدر .

« اکه سیپوس » بو ذات کایسادو قتور-
لرندن اولمیوب مورخلرندن عد اولنور .
یوز سکسان سنه میلادیه سنه طوغری وقات
ایلمشدر . اثری « رسولارک اعمالی » اوزرینه
بر شرحدن عبارت اولوب اودخی ضایع
اوله رق مورخ اوزبک نقل ایلدیکی بعض
فقره لری معلوم اوله یلمشدر . واقعا دها
بر طاقم آثار دخی اکه سیپوس نامنه اسناد
اولنور لر ایه ده بو ذات بشقه بر اکه سیپوس
اولوب اولکیدن پک چوق صکره یعنی
قسطنطین زمانده کلمش اولدیغنی تنقیدات
وتدقیقات تار یخیه اثبات ایلمشدر .

« تر تولیهن » بو ذات اکرچه عن اصل
 ت پرست ایکن خرستیانلغی قبول ایلش
 یسه ده رومایه کلدیکی زمان اوراده کی
 اباسلرک اطواری بر دین آلهی یه هیچ موافق
 ولمدیغنی کوره رک آفریقایه عزیمتله مونتا-
 ییزم مذهب خرستیانییه سنی ترجیح انلش
 یدی که بو مذهب خرستیانلغک منقسم اولد-
 یغنی بر چوق مذاهبت کافه سنی ابطال ایلیه-
 رک اصل نصرانیت هانکیسی اولدیغنی
 دقیقه مشغول ایدی . لکن تر تولیهن بو
 مذهبی ده بکنه میهرک اصل مذهب نصران-
 یت اولمق اوزره کندی تدقیقاتنی اورتیه
 نویمش و بناء علیه روما کایساسنک خشمه
 اوغرایه رق رافضیلک ایله اتهام ایلمشدر .
 ایکییوز قرق بش سنه میلادی سیمده وفات

ایلمدیکنی مقید در . مومی الیهدن بر خیلی آثار
 قالمش اولوب فقط بونلرک تدقیقی موسیو
 دوایت حضرتلرینک امیدلری وجهله خیر-
 ستیانلغک لهنده دکل مادتاپک علیهنده نتیجه لر
 چیقارمغه یاردم ایلم . کلیسا اولیاسندن سن
 ژروم بوفنالغی محضارو و ماپایاسلرینک ترتو-
 لیه نی قصه قانلرینه جل ایلمرکه بوده جای
 دقتدر .

«اوریشن» سالف الذکر ترتولیه نی مقام
 استشهاد کتورمک مناظر من موسیو دوایت
 حضرتلری ایچون خرس تیانلغک لهنده دکل
 علیهنده بر حرکت اولدیغی کبی اشبو اوریشنی
 اتیان ایتسی دها بیولر بر حرکت معکوسه در .
 اوریشن ایکی یوز الی اوچ سنه میلادیه سنده
 وفات ایتش و بناءً عملیه موسیو دوایتک

و یرد یکی اسامینک کافه سندن صکره یه
 قالمشدر. کندیزی عن اصل خرسیان اولان
 لئو نید اسمنده بر آدمک او غلی اولوب واقعا
 خرسیان لغنی بر طاقم اباطیله قارشو مدافعه
 بر خیلی اثر یازمش ایسه ده بو مدافعه لک بر
 طاقی ده نصرانیتی روما کلیساسنک وسائر
 بر طاقم خرسیان مذاهبنک خطا رینه قارشو
 مدافعه لری حاویدر. حتی کندیزی براره
 لق پاپاس مسلک نه سالک اوله رق قدس شمر
 یفده پاپاسلق اقرارینی و یرمش ایسه ده
 اسکندر یه لی پاپاس دیمتریوس قبول ایتیه
 رک اوریشنی آچیق دن آچیفه تکفیر ایلشدر.
 شمدی قاتولیک ارباب تدقیق مومی الیهی
 خطیئات عظیمه ایله اتهام و تعیب ایلیه رک
 دقت اولنه حق خطا لردن بریسی ده حضرت

عیسای حقیقه اللهك اوغلی ذیه قبول ایتمه
مسندن عبارتدر! ۰۰۰ بو ذاتك او قدر زهد
وتقواسی وار ایمش که نفسنه غلبه کلیه
ایچون آلت تناسلی کسمش!

ایشته موسیو دوایت حضرتلر ینک
در میان بیوردقلری اسامیدن «خرستیان»
دیه توصیف ایلدیکی ذوات شونلر اولوب
بونلر آثاری تدقیق ایدیله جك اولور سه
از جمله سن ژوسن کبی جمله سنك کرسی طاشی
اولان ذاتك افکارنجه ایتدیگمز تدقیقاتده
کورلمش اولدیغی اوزره نتیجه تدقیقاتك
کافه سی مدافعه مزك لهنده وشمدیکی نصره
فیتك علیهنده چیقار . زیراهپسی کوسترکه
حضرت عیسایك اناجیل صحیحه سی محـ
فظه اولنه مامش واندن صکره خرستیانلق

لا يعد ولا يحصى اختلاف اراره سنده يكد يكر يني
ابطال و جرح و تكفير ايليان مذاهبه منقسم
و باخصوص هر مذهبك اساس اجتهاداتي
بر شرع متينه مبتني اوليه رق هر كس كندي
ظني شريعت الهيه اولمق اوزره ايلرويه
سور مشدر *

خرستيان اولد قلرينه موسيو دوايت
حضر تترينك قائل اولد قلري بو ذواتدن
صكره برده نيوستيق مذهبه ذاهب اولد -
قلري بيان قلنان مارسيون ايله والانتنه
باقه لم : بونلر مدافعه مزك ۲۲۲ صحيفه سندن
۲۲۶ صحيفه سنده قدر والانتية و مارسيونيت
مذهبلري حقنده و يريلان معلوماتك مبتني
عليه لري اولان ذواتدر كه ايكي سني دخی رومنا
كليساسی خلافتنه اوله رق كندی اجتهاد :

لرینه تابع اولد قنری ایچون تکفیر ایدلمشدر .
 انلرک اثرلرنده دخی موسیو دوایت حضر -
 ترینک ایشنه یارده یله جک برشی یوقدر .
 کلوس و لوسیدن و پلین و تاسیتوس
 نام بت پرست مورخلرینه کلنجه موسیو
 دوایت حضر تلری بونلردن استمداده محض
 خرسیتیانلغک سرعت انتشارینی اثبات
 ایچون محتاج اولمشلردر . بومورخلرک
 انتشار نصرانیت خصوصنده ویره بیلد -
 کلری خبرلری موسیو دوایت حضر تلری
 « قسطنطیندن اول خرسیتیانلغک انتشاری »
 سرلوحه لی مجملترنده ایراد انلش اولد قنر -
 ندن ماهیتلری اوراده کورملک اوزره شمدیکی
 حالده اشبو بحث مخصوص صمزه ختام ویره لم .
 (انتهای بحث مخصوص)

قسطنطیندن اول خرستیایانلغاک درجه
 انیسارینی کوسترمک ایچون موسیودوایت
 حضرتتلی بخته کیرشدکاری صرهدده عروج
 عیسادن برعصر صکرهیه قدر خرستیایان
 اسمی روما تارینخلمرنده مذکور اولمدیخی
 حقندهکی سوزمزی اول باول تکذیب ایچون
 عروج عیسادن اوتوز سنه صکره ایمرا-
 طور نرونک خرستیایانلره ایتدیکی ظلمی
 تاستیوس و سئاتونیوس نام بت پرست
 مورخلر یازدقلری صرهدده «خرستیایان»
 نامنی استعمال ایلدکارینی خبرویریور
 بونده دخی بر اوستهلق ایتک ایستیور
 ایسهده موفق دکلدر . زیرا نرون هرنه قدر
 عروجدن اوتوز سنه صکره بعض کسهلره
 ظلم ایتیش ایسهده انلری یهودی نامیله مظلوم

الاشرار و الفها تاسيوس و سوتون ميلادك
 ايلك عصرى او اخر رنده طو شمشير ايسسده
 ايكنجى عصر رنده همده يوز يكره يوز او توز
 سنه ميلاديه سنده تار يخورينه ياز مشل در
 بو حالده بر عصر مدت روماتار يخورنده
 خرسيتيان ايتى مذكور اولمديغنه داراولان
 افاده عز طو غر يدر . اندن مسكره دخی
 تاسيوس و سوتون نونك يكي يهوديلرى
 فى الحقيقه خرسيتيان ديه قيدايتش اولدقلى ده
 نه ايله اثبات اولسه بيلور ؟ مسكره دن بعض
 مستنسخلر ك بر معصود نصرانيه ايله يونامى قيد
 ايتش اولدقلى نه دن بللى ؟ زيرا آثار
 مذكور نك شمع بر يسي مؤلفلرينك خط
 دستلر يله حفظ اولنه ميوب الك چو غنك
 نسخ مستنسخه لر ندن يله بر چوق قسملرى ضايع

اولمشدرد باخصوصی که «خرستیان» لفظی
انطاکیه ده یکی یهودیلر کندی کندیلرینه
طاقندقلری بر یونانی اسمدرکه «مسیح»
لفظنک ترجمه می اوله جقدر .

سائر خلق ایسه بواسمه الشجیه قدر
بونلره یکی یهودیلر و ناصر تلیر و قرداشلرو
یسوعیلر کی بر چوق ناملردخی و یر مشرایدی .
موسیود وایت حضر تلرینک روایتلرینه
کوره بز بت پرست فیلسوفلرک خرسیتیانلغک
حقیق بر دین اولدیغنه دلائل و براهینله
قانع اوله رق ایناندقلرینی استهزا ایدیور .
مشز . نه بیوک تخریف ! نه غریب افترا !
بزم بو بابده سویلدی کمز سوزلر ۱۶۵
و ۱۶۶ نومرولی صحیفه لر مزده مندر جدر .
مراجعت بیوریلور سه کوریلور که بن

فخصاً حوار يترك حكمای افناع ایش
 اولدقلری حقهده کی اعتقادی رد ایشز هم
 ینه ده رد ایدرز . فیلسوفله کانه : هر
 یرده هر زمان دیمش اولدیغمز کی ینه تکرار
 ایدرز که بونلر ذاتاً حقایق حکمیه ایله بت
 پرستلک بر دین حق اولدیغنی اکلایه رق
 نصرانیت حقیقه مثلو بر دین حق قبوله
 ذاتاً زیاده سیله مستعدایدیلر . اگر حوار یلر
 انجیل صحیحی کوزل محافظه ایش اولسه لر
 ایدی انتشاری دهها زیاده تسهیل و تأمین
 ایدلش اولور ایدی . انجق جلیل بالقجیلر -
 ینک محافظه ایده یلدرکاری درجه سی فلاسفه -
 نک عقول بشرده اولان مساعده درجه سنده
 بوله یلدرکاری حقایق الهیه او یمدیغندن
 برچوق مذاهب فیلسوفلری و با خصوص

افلاطونیلر میلادك یا ایلک عصری او اخرنده
و یا خود ایکنجی عصری او ائلنده خرسیتیا-
نلغی قبول ايله برابر تھکیمنه دخی غیرت
ایتمشدر . ایشته مذاهب نصرانیتك
چو غالمسی ده بوندن نشأت ایتمشدر .

نه حاجت قدوه مدققین نصاراعد
اولنان سن ژوستنك دخی خرسیتیانلغه فلا-
طون مذهبندن برچوق شیلر قاتدیغی معترف
دکلی ؟ سائرلری دخی برچوق شیلر قاته رق
خرستیان اولدقلری حالدده او قاتدقلری شیلر
کایسانك کیغنه توافقی ایتمدیکی ایچون اعترال
ایله اتهام ایدلدکاری شمدی به قدر خلاصه
ایلمش اولدیغمز برچوق ترجمه حالاردن
اکلاشمشدر . ایشته عن اصل بت پرست
ایکن خرسیتیانلغی قبول ایلدکاری موسیو

دوایت حضرتلری طرفدن روایت اولنان
ذواتکده ترجمه حالرینه بر نظر ایدلم :

« آتنه لی آرسیتیدیس » بر حکیم ذوفنون
ایدی که خرسیتیانلغی قبول ایلش ایسه ده
بت پرست فیلسوفلرینک اکتسایلد کلری
کسوه بی چیقار مامشدر : ۱۲۵ سنه میلادیه

دیه سنده ایمپراطور ادریه ن آتنه یه کلدیکی
زمان خرسیتیانلرک مظلومن محافظه سی
ایچون حکیم مومی الیه ایمپراطوره بر بیانامه
ویرمش . خرسیتیانلغده دائر اثری یالکز
بوندن عبارتدر . فقط بو اثر صکره غائب
اولمش . نه دن غائب اولمش ؟ کلیسا اولیا
سندن سن ژروم بو اثری کورمش و اوقو -
مش اولدیغی و ژروم ایسه ۴۲۰ سنه
میلادیه سنده وفات ایلش بولندیغی حالده

اندن صکره آرسنیدیسک اثری نهیه غائب
 اوله بیلورمش ؟ بونک سببی خرسیتیا نلری
 مدافعه و محافظه مقصودیه یازدیغی بومقالهیه
 دخی برچوق فلاسفه مشهوره نل توالری
 ادخال ایلمسندن بشقه نه سبب بولنه بیلور ؟
 سن ژروم بو اثرک افکار و ملاحظات فلاسفه
 ایله طولی اولدیغی اعتراف ایلیور . بس
 بلای ارسنیدیس خرسیتیا نلک اوزمانه قدر
 کورمش اولدیغی تخریفات اوزرینه
 ارتق مذهب فلاسفه دن بر مذهب اولقدن
 بشقه شیخ بر شی صالحیه جفتدن امیراطو -
 رک بومذهب ار بانه نافله شدت کوسرما -
 مسنی توصیه ایلمدیکی ایچون مؤخرأ بو اثر
 پایاسلر طرفندن نحو ایلمش اولمیدر .
 « طاسیان » مذهب فلاطونی ار بانه

بر فیلسوف اولوب میلادك ایکنجی عصر.
 ینك نصف اخیرنده خرستیان اولمشیدی .
 فقط رومالیرك خرستیاندیغی حقایق نصرانیه دن بعید اولدیغنی و نیوستیقیر بو حقیقته
 براز دهاییقین بولندیغنی کورهرك او طرفه
 میل ایلدیکی ایچون مؤخرأ رافضیلردن
 عداولتمشدر . بو ذات خرستیان اولدقدن
 صکره اغزینه برقطره شراب قویماش
 وقادینه اصلامیل ایتماش اولقله مشهوردر .
 « تئو فیلوس » انطاکیه لی اولان
 بو ذات دخی فلاسفئه بت پرستاندن ایکن
 میلادك یوز التمش سکنز سنه سنده کتب
 توراتییه وانجیلیه یی او قویهرق خرستیاندیغك
 فلاطون مذهبی ایله موافقتنی کورهرك
 خرستیان اولمشدر .

« آته ناغورای » بو ذات دخی فلاطون
 مسلک کنه سالک بر فیلسوف ایکن تورات
 و اینجیلی او قو یوب خرسستیان اولمقده
 بر باس کور مامشدر . خرسستیانلغی ایسه
 میلادک او چنجی عصر نده واقع اولمشدر .
 اکثر یا بومثالو مهتدیلمی اولیا زمره سندن
 عد ایتک کلیسانک عادت ایکن آته ناغورای
 دخی مارق اورله یازدیغی بر بیان ناده
 و بعث بعد الموت حق نده کی رساله سنده
 دلائل فلسفیه یی مرویات خرسستیانیه
 فائق کبی کوستردیکی اینچون اولمیشدر که
 اولیالر مرتبه سنه واردیر لمامشدر .

« قلامانس » عن اصل فلاطونی مسلک کنده
 ایکن میلادک ایکیوزنجی سنه سنه طوغری
 خرسستیان اولمشدر . بولیه دیورکه :

« بوذات » فیلسوفی دینه ضم ایدر
 وفیلسوفی دین ایچون مدخل عد ایدر
 ایدی . بوذات هر نه قدر اولیا مرتبه سنده
 چیقارلمش ایسده مؤخرأ کندیسنگ خالص
 خرسیان و عزیز برآدم اولسی حقنده شبهه
 حاصل اولمغله شهدا دفترندن اسمی طی
 اولمشدر .

« ملیتون » میلادک یوز یتمشیمی
 سنده سنده طوغری خرسیانلغی قبول ایدر
 ایجه شیر قلمه المش ایسده ههمان کافه می
 ضایع اوله رقیلک آز بعض پارچه لری قالمشدر .
 « پانتوس » ذاتاً ستو یسیدن مذهب
 فلسفه سنده ایکن خرسیانلغی قبول ایتش
 وایکیوز یکر منجی سنده میلاده طوغری
 وفات ایشدر .

ایشته موسیو دوایت حضرتلرینک
 درمیان بیوردقلری اسامی شونلر اولوب
 شمدی بونلرک هانکیسی حواریلر طرفندن
 بالمباحثه اقناع ایدیلرک خرسیان ایدلمشلردر؟
 و یا خود هانکیسی محضاً اناجیل اربعه یه
 ایمانله خرسیان اولمشلردر؟ ترجمه حالرنجه
 تفصیلات لازمه یه کیرشمکدن احتراز ایتماش
 اولسه ایدک جله سی نصرانیتی یهودیلک
 کبی بر دین اولمقدن زیاده عادتاً بر مذهب
 فیلسوفانه اولدیغی ایچون اختیار ایلد کلرینی
 اثبات ایده ییلور ایدک • ذاتاً اوزمانلر
 خرسیانلق کلی تخریفه اوغرایه ررق ارتق
 انجیلرده بیان اولنان اساسدن دخی بالکایه
 چیقمش و بت پرستلرک و سائر فلاسفه نک
 هر میلک و قواعیدینه یا قلاشه جق بر حال

و صورت المش اولدیغندن عقل و حکمت
 صاحبی فلاسفہ نك یا کندیسنی خرسیانیلغه
 و یا خود خرسیانیلغی بر از دها کندیسنه
 یا قلاشدیرمق صورتیله قبول دین ایتلری
 استبعاد اولنده من . فقط بو صورتله انتشار
 ایدن خرسیانیلق دخی تار یخجه اوله اهمیت
 و یر یله جك برانتشاره مظهر اولندیغنی
 یقینده کوره جکز .

موسیو دوایت حضر تلری او توزسنه
 ظرفنده اناطولیده روم ایلیده بونانستانده
 ایتالیا ده مصرده برچوق شهرلرده خرسیانی
 کایساری تأسیس ! . . . و تشکیل ! . . .
 اولندیغنی پک جدی بر صورتده خبرویر مکه
 نه قدر کونج اولیورلر . سن ژوستن روماده
 اخذ و گرفت اولندیغنی زمان روماضبطیه

ناظری قومنك جامعینك محل اجتماعى نره سی
 اولدیغنی صور مش ده ژوسمن سائر ارقداشلر -
 ینه ضرری طوقونمسون دیه نره ده و کیملرله
 اجتماع ایلدیکنی کتم ایتش • بونی سمن
 ژوستنك صوڪ کوننی پک مؤثرانه بر صو -
 رتده یازان کایساتار یخی او چنجی کتبانك
 الی یدنجی باینده حکایه ایلپور • بووقعه
 میلادك ۱۶۷ سنه سنده وقوعه کادیکی
 وموسیودوایت حضرتلرینك اعتقادینجه
 بوندن یوزاوتوز سنه اول همان دنیانك هر
 طرفنده خرسیان کایساری تأسیس! ...
 وتشکیل ایدلمش بولنمسی صحیح اولدیغنی
 حالده روما ضبطیه ناظری بو مؤسس و
 مشکل کایسانك نره ده اولدیغنی نه دن بیلمپور -
 مش؟ حالبوکه موسیودوایت حضرتلرینك

بیان یوردقنری اوتور سمنه دن پلچوق
 زمان صکره یه قدر مسیحیتی قبول ایدن
 یهودیلرک دخی روماده یهودی حورالرینه
 دوام ایلدکاری تار یخجه متیدو محققدر .

خرستیانلغک بر سرعت معجز کارانه
 ایله انتشارینی بر معجزه حقیقیه صورتنده
 کوسترمک خرستیانلرک همان کافه سنجه
 اخص امل اوله رق قاردینال قوسه بیله
 بومراقده بولنش اولدیغی کی بزم موسیو
 دوایت حضر تلمری ده اومراقدن قورتیله -
 میهرق ینه قاردینال غوسدنک افاداندن
 بانخلاصه از جله پلین طرفندن ایمراطوره
 یازیلان برمکتو بده « کرک شهرلرده کرک
 کو یلرده هر صنفدن ارکک قادین چوق
 کیمسه لر خرستیان اولدقنندن بتخانه لر صانکه

جامعہ لندن خالی قالمش • اولد قلمی ابرار
ایلیور •

قار دینال غوسه پلینک مکتوب بندن بو
ققره بی ذاتاً تخریف ایلدیکی کبی بر از دخی
موسیود وایت حضرتلری تخریف ایدرک
ققره بی شکل اصلیسندن بالکلیه چیقار مشردر •
نیساردک جمع ایلدیکی « لاتین قدیم
مورخلر ینک مجموعه آثاری » نام کتبخانه ده
کنج پلینک ده آثاری عیناً موجود اولدیغی
کبی عیناً ترجمه لری ده برابر در • بحث اولنان
مکتوب پلینک مکاتیب عمومیه سنک اوننجی
کتابنده طقسان یدنجی مکتوب اولمق اوزره
مقید ونیساردک کنتلیمه ن و پلینه مخصوص
اولان جلدینک ۷۱۳ نومرولی صحیفه سنده
مندرجه در :

بومکتو بده پلین خرس تیانیفر علیهنه اید-
 یلان اهاماتک لزومسزلغنی و بونلرک شایان
 مرحمت ادملر اولدقلرینی ایمپراطور ترازا-
 نه اکلایق ایچون ایچده مدمات مفصله بسط
 ایلدکن و باخصوص خرس تیانیفری قبول ایتمش
 اولان بک چوق آدملرک براز موقع استنطاقه
 چکیلور چکلمز اک چوغی دینلرینی انکار
 ایدرک خرس توس نادنه انواع بد کلادلر بیله
 سولدلکلرینی وینه دیانت قدیمه لرینه رجوع
 ایلدکلرینی کوستردکن صکره موسیو دوا-
 یتک اخبار ایلدیکی اصل فقره مطلوبه بی
 ده عیناً ترجمه سی شوندن عبارت اولمق
 اوزره یازیور دیورکه :

« بوتلهکنیه دوچار اولنلرک کثرته
 نظراً کیفیت نظر ملاحظه کزه شایان

کوروندی • زیرا هر یاشدن هر صنفدن
 ارکات قادین پک چوق کیمسه لر خرسیتیانلق
 تهمتیه هر کون اتهام اولنمقده واولنه جقلردر •
 بوساری فنالق یالکز شهرلرده دکلدر •
 قزلره وکو یلره دخی سرایت ایتشدرد • فقط
 امید ایدرم که بوکا برچاره بولنه جق و فنالق
 منع اولنه جقدر • کرچک اولان برشی وار
 ایسه شودر که بتخانه لر همان خالی کبی قالمش
 ایکن شمعی هر کس ینه دوامه باشلامشدر •
 قربان عرضی عادتاً برز ماندنبری مهمسه نمز
 ایکن خلق ینه بو وظیفه لرینی ایفایه ابتدار
 ایتشدرد • مقدمه لری قربان مشتریلری پت
 آزالمش ایکن شمعی هر طرفده ینه قربانلر
 صاتیلیور • اگر ار باب ندامته عفو معا
 مله سی اولنور ایسه صایدقلری یولدن نه

قدر آدمرك كيرويه چو بر يله بيله جنكى ايسته
 بوندن اكلاشيله بيلور »

پلين مكتو بنك شوققره حقيقه سي
 ايله موسيو دوايتك نقل ايديشي اره سنده
 نه قدر فرق اولديغي كور يليور يا ؟
 « هر ياشدن » ديه ايتديكي تعين خريستيان
 اولنلرك كثر مقدار يني تايمد مقصدينه
 مبنى اوليوب مكتو بنك مقدمه سنده
 بر طاق صبي چو جقلردخي خريستيانلغه صو .
 قولدقلرى جهته بونلرك جزا ر يني عفو ايتك
 لازم كلوب كلمه جكنى استيدان ايجوندر .
 « قادين اركل » قيدندن و با خصوص
 « قادين » ديه ايتديكي تعينندن مقصد دخي
 بودر . برده هر صنفدن هر ياشده قادين
 اركل ديه تعين ايلديكي آدمرك في الحقيقه

خرستیان اولنلر دکلدر . خرستیانلقله
اتهام اولنلر در . زیر ایلین مکتو بنک اوست
طرفلر نده دیورکه :

« بکا بردفترو یر دیلر که بونده بر چسوق
آدملر خرستیانلقله اتهام اولنیورلر . دفتری
تنظیم ایدنک امضاسی اولدیغندن بو خبری
و یرن کیم اولدیغی ا کلاشیله میور ایسه ده
متهملر خرستیان اولمقلرینی و شمعی یه قدر
بو مذهبه اصلاً سلواک ایتدکارینی بیان ایلر
قطعاً دفع بهتان ایدیورلر . بنم حضور مده
و کندیلرینه سو یلدیکم وجهله معبودلر
مزه یمین ایدرک سزک تصویر کزه دخی بخور
و شراب عرضیله اثبات عبودیت ایلدیلر .
خرستوس علمینه کلمات تحقیریه بیله
سو یلدیلر که جداً خرستیان اولنلرک بو کلمات

تحقیقیه بی ممکن دکل سو یاهمیه جکاری
درکاردر»

ایشته پلینک بوقتره سندن دخی اکلا -
شلیور که مقداری چوق اولنر خرسیانلر
دکل بلکه خرسیانلق ایله اتهام ایدیلنلر در .
پلین بوقته ملردن برفرقه بی دخی شو صورتله
تفریق ایدیور . دیور که :

« دیگر بر مخبر دخی بشقه آدملر حقنده
بردفتر و یردی . انلر فی الواقع بر زمان
خرستیانلخی قبول ایتشلر ایسه ده بعضلری
اوچ و بعضلری ده - از یاده سنده د نبری
ترك ایلدکلرینی باله - آمین جمله سی سزك
هیكلكزه و بتر مزه - سجده ایلدیلر و خر -
ستوس حقنده بدکله لر سو یلدیلر »

ایشته بونلر دخی خرسیانلر دکل

اتهام او لئانارك مقدار لرینی آر تیران آد -
 ملردر . الحاصل شمدیکی خداوند کار
 ولایتی طرفلری کو یا خرسیتیانلغک الی غلبه -
 لک یرلری اوله جقق ایکن ایشته اوراده
 پلینک افاده سنجده خرسیتیانلغک حالی شوندن
 عبارت ایمش که بو بابده پلینک مکتوبندن
 استمداد ایتک موسیو دوائتک هیچ برایشنه
 یارده میه جغی درکار بولنمشدر .

پلینک مکتوبی حقننده موسیو دوائتک
 برخطای دها وارددر که اوده بو مکتوبک
 خبر ویردیکی احوالک میلاددن سکسان
 سنه یکم کسزین وقوعی خبر ویرمسیدر .
 حالبو که پلین میلادک یوز سنه سندن صکره
 بتینی و الیمی اولمش ویوز اون بش سنه سنده
 ه فات المشییدی . بو مکتوب ایسه آخر

عمرنده یازلمشدر • زیرا بو مکتوب پلینک
 مکاتیبی حاوی اولان اون کتابک اونجیسنده
 یعنی صولک کتابده مندرج اولدیغی کبی
 مذکور کتابده موجود بوز یکرمی ایکی
 قفصده مکتوبلرک طقسان بدنجیسیدر که اندن
 صکره پلینک عمری انجق یکرمی بش مکتوب
 دها یازه جق قدر دوام ایده یلمشدر • بو
 حسابجه موسیودوایت حضرت نری «سکسان
 سنه چکمکسزین» دیمکله فرح فرح اوتوز
 سنه دن زیاده بر زمانی کتم ایتش اولورلر •
 لوسیه ن نام بت پرست فیلسوف دخی
 کندی مملکتی اولان پونتوس طرفلرنده
 خرسستیانلر طوب طولی اولدیغی یازمش
 ایش • لوسیه ن میلادک ایکیوز سنه سنده
 وفات ایتش برهزال و هجاو اولوب بت پرستلره

ده خرسهستانلرده فیلسوفلرده سنك انداز
استهزا اولمقدن برآن خالی قالماسدردر • بناء
عليه بويلاه برآدمك « مملكتيم خرسهستان ايله
طولدي » ديمسندن هيچ برمعنا چيقدمز •
باخصوص بوسوزي هانكي اثرينك هانكي
فقره سنده سويلديكني بردرلودر خاطر ايده •
مدك كه تكرار مراجعتله سوزك ماهيتي نه
اولديغني كوردم •

سوز تحريف ايتمك خرسهستانلرك
ايليكرينه كيكرينه ايشله مش برجبلت
اولديغني بوندن اول بيلدير ماشمي ايدك ؟
ايشته بوني فقره آيه دخی اثبات ایلر •

قسطنطين زمانده طوغری خرسهستان •
بلغاك عموم روم ممالكي اوزرنده نه نسبتده
اولديغني ژیبون یوزده یکر می دیه قید

ایلدیکی حالدیه بزده ژیبونی تحریف ایدرائ
یوزده بش دیه قیدایتمش ایمشز!

ایشته برافتر اکه مدافعه مزدن ۲۵۸

و ۲۶۶ نومرولی صحیفه لار آچلدیغی آند

کور یللوب موسیو دوایت حضر تلی

محجوب ایدیلور ۰ زیرا کور یلور که بز

علکساندر نام امپراطور زمانده خرسیتیانلغک

الز یاده انتشار ایلدیکی برلرده مقداری یوزده

سکزی نهایت اونی تجاوز ایده مدیکی

و پاپاسلار روایتی یوزده یکرمی بش اولدیغی

و بونلر علیه نه سویلیانلر یوزده بشی بیله

قبول ایتدکلرینی و فقط المتوسط حساب

ینه ژیبونک حسابی اولدیغی و او ایسه

یوزده اون نسبتندن عبارت بولندیغی

حالبسوک قسطنطین زمانده بعض شهرلر

نفوسىنىڭ يوزدە بىش نىسبەتلىنىدە بىر مەقدارىنى
خىرىستىيان اولدۇقلىرىنى ۋە بەئىز يىرلۇدە ئىسە
خىرىستىيانلىرىڭ ئاز يەنى يوزدە بىر ئىككى نىسبەتلىنىدە
قالدۇقلىرىنى سۈيىلەشەنمەن بىش نىسبەتلىنى
كەندىمىز اصلاً درمىيان ايتماشەن • امان يارب!
بىر آدم بىخەتەر ھاجىر قالوب دە قارشۇسىنىدەكى
آدمە صراحة سوز اسناد ايتىڭ نەيمان آثار
عجز دندىر!

ھەلە خىرىستىيانلىقنىڭ عىجمىستاندىن انىكلىرىدە
قەدر ۋە رومى مەمالىكىنىڭ ھەر طرفىدە ۋە ھەددۈددىن
اوتتەدە بار بارلىرىدە ئىسە بىلە ئىنتىشار ايلەدە
يەككى جەدى كېي خىلىيەيدىنلەر ھادىتە ئاجىملىرىدە •
اكر مىنادىلرۇ ھەر آدمىم ئاتىدۇقلىرى يىرلىرى
خىرىستىيانلىق دائىرەسىدە كىرەش فرض ايتىلەرنە
جەنت دىنىمىز ئىسە اوزمان بۇ خىلىيەلەر بابى
ھەر جەھەتتىن مەستىغىنى اولۇرلۇر •

قسطنطيندن اولجه روماده اللى بىك
 خرستيان بولمى صحيح ييله اولسه شاشه جق
 بر شيميدر ؟ رومانك او زمانلر بر ميليونه
 قريب نفوسى بولنديغى حالده يوزده بش
 نسبتده ديمك اوله رق اللى بىك خرستيان
 بولمى چوق دكلدر . واقعا قسطنطين
 عموم غول ممالكى ايله روما و اطرافندن
 يتمش سكسان بىك خرستيان عسكرى
 المشدر . اما بوده خرستيانلرك كثرتنى
 حكم ايتديرمك ايچون او قدر تهالكه ارا -
 نمقده بولنان اسبابدن عد اولنه مز .
 غول و روما و جوارى دىنلان يرلر كه شمد -
 يكى المانيانك غرب و جنوب طرفلرندن
 برر قسم ايله شمدىكى اسپانياك دخی شمال
 طرفنى حاوى ايدى اورالرده اللى التمش

میلیون نفوس ساکن اوله زق قسطنطینک
روماده و خرسیتیانلردن الیدیغی کبی همان
نفیر عام صور تیله عساکر النده جق اولسه
بر بچق ایکی میلیون قدر عساکر چیقاره
یلور ایدی .

اصل قسطنطین زمانده عموم خرسیتیا-
نلرک روما نفوسنه نسبتله یوزده یکرمی
درجه سنه واره جغنی ژیبونک حکمی
اقتضاسندن اولمق اوزره موسیو دوایت
بزه دخی قبول ایتدیره جک اولسه ینه
برشی قازانه مز . چونکه بوزمانه قدر
میلاددن اوچ عصر مرور ایدوب حالبوکه
خرسیتیانلغک ده ایتدالرنده بت پرستلک
قوتدن دوشه رک هر کس برمسالک فیلسوفا-
نه یه سالک اولمغه باشلادقلرندن و خرسیتیا-

نلق ایسه مدافعه مزده اوزون اوزادی به
 اثبات اولنایغی اوزره او یله انتشاردن
 قاه حق بر ممنوعیت بر منسلو میت کورده
 یکنندن او چیسوز سنه ده یوزده یکرهی
 نسبتده ره مالیلری دینه کتورده ماش اولسه
 ایدی ایشته بوکاشاشیلور ایدی . زیرا
 دیمک اولور ایدی که اگر قسطنطینک قلیجی
 یاردیم ایتمه ایدی رو مالیرک کافه سی خر
 ستیان اولق ایچون بیک بشیوز سنه زمان
 یکمک لازم کله جک ایدی .

ایشته شوملا حظا تمز موسیو دوایت
 حضرتلرینک بزه قارشو ایراد ایتک ایستده
 کاری مقابله یی مدافعه یه کافیدر ظن ایدرز
 سوزی بتور مزدن اول شسونی ده عرض
 ایده لم که : خرستیانلق بت برستلری دعوی

او اندیخی قدر بر سرعت متعجز کارانه ایله
 ایمانه کتور مکده صاخ ایسه بونجه ننه لردن
 بری چین و هند و سائر ممالک کده بولنان بت
 پرستلر نه یه ایمانه کتور یاه مامشدر؟ حوا -
 ر یلردن بعضلر ینک وانلردن صکره ایلاک
 دو قتور لردن بر قاقچنک هند طرفلر یسه طو -
 غری کیتده کلری مروی اولوب بونلردن
 هیچ بر اثر ظهور ایتدیکی کی اون التجی عصر
 دنبری هولاند الیلرو پورتکیر لر اول طرفلرده
 ضبط ممالک ایتدکده لر ایکن هنوز خرسیتیانلق
 بر سرعت متعجز کارانه ایله دکل بر بطائت معجز -
 کارانه ایله ده ترقی ایده مامشدر • بناء علیه
 هیچ شبهه یو قدر واوله مز که روما ممالک کنده
 بت پرستلکی ییقان فلاسفه اولوب خرسیتیا -
 نلق دخی انجق بوسایه ده فرجه بولمش

و مؤخر اقسطنطینک سایه شمشیرنده شوکت
قازانمشدر.

اگر سرعت انتشار بر معجزه سماویه
عد اولنه جق ایسه اسلامک انتشارینی
اصل معجزه کبری عدا یتلیدر. خرسیانلر
بوانتشارک قلیج قوتیله وقوعه کلدیکنی
مقام سرزنشده ایراد ایدرلر. بونی ایلروده
بشقجه موقع بحثه چکدیکمز زمان قطعاً
رد ایده جکزی! فقط بر فرض بعید اوله رق
ولو سلم فرض ایده لم که قلیج قوتیله اولسون.
یا او قلیجده کی قوت نه معجز کار بر قوت ایش
که یوز سنه ظرفنده حدود چیندن اسپانیاه
و بحر عماندن استانبوله قدر ممالکی فتح ایش؟
مقدار عمومی اون میلیونه واره میان عرب
قومنک بویله یوزلرجه میلیون نفوسی

کندی قلیچلرینه رام ایتسی آزیوک معجزه
میدر ؟

مقط حقایق دینیه ده بویله انتشار کبی
شیلردن استمداده حاجت یوقدر . حقیقت
اوقدر قوتلی بر معجزه درکه اکا قارشو هیچ
بر قوت هیچ بر تأثیر کوستره مز .
« ❖ »

❖ خرستیانلغک ایلک اوچ عصر ایچنده ❖
- اوغرا دیغی موانع و مظالم -
مدافعه خرستیانلر میلادک ایلک اوچ
عصرنده تام اون اوچ دفعه مظالم عمومیه
وقوعبولدیغنی « وکویا قوجه برروما
دولتی وار قوتله خرستیانلق علیه قیام
ایتمش ونزده جمعیت بر از جانلاندیغنی کور -
مش ایسه همان قتل عام ایدرله دینک کوکنی

قیرمغه یورومش « اولدیغنی ادعا ایدر لر
 دیوب خرسیتیانلرک بو ادعایینی جرح ایتک
 ایچون ایلک ایکی عصرده خرسیتیانلرک
 محوینه کیسه نک یورومدیکنی و اون دفعه یه
 ایصال ایدیلا ن مظلومدن صالت ایکیسی
 بر نظر اهمیتله کور یلوب . قصور سیکزی
 مبالغات واقعه دن آیرلدیغنی کبی عادتاً بر قاج
 کشینک تلفندن عبارت بولندیغنی بو کایسه
 هیچ بر اهمیت و یرلمدیکنی بیان ایدیور .
 بز بو کاجو اباً دیرز که خرسیتیانلر
 علیهنده تام اون دفعه مظلوم عمومیه وقوع
 بولدیغنی و هر بر ظلمک برر قتل عام اولدیغنی
 دعواسنده بولمییور . اگر بر مورخ یا خود
 یر طاقم مورخلر بو خصموصده یا کلش خبر لر
 و یروب و یر دکاری خبر لر مدافعه طرفندن

جرح ایدیور ایسه مغلو بیت مذکور
 مورخلره مخصوص اولوب خرسایانلغه
 عائد دکلدر . اصل مسئله خرسایانلرک
 عمومی برصورتده و دین ایچون جور و
 جفایه اوغرایوب اوغرامدقلری مسئله سیدره
 زیر اظمی اجرا ایدن یهودی اولسون
 رومالی اولسون احاد ناس گروهی اولسون
 امپراطور اولسون . اکر دین مسیحی یه
 دخالت ایدن کسه لر دین ایچون جور و جفایه
 اوغرامشرا یسه بو کیفیت دین مسیحینک انتشار
 رینه عظیم بر مانع صایلملیدر . میلادک او چنجی
 عصر نده دین مسیحینک انتشار ینه مانع اولان
 بویله بر حال واقع اولدیغنی مدافعه تصدیق
 ایدیور . بز ایسه بویله ممانعتک ایلک ایکی
 عصرده دخا اکسیک اولمادیغنی اثبات ایده

جگر و مدافعہ ایلات ایچی مقصد و قود
 کلان مطالبی اسمیتسز کو سترک نیتیلہ خر-
 ستیانلرک چکدکاری اذیتز حتمندہ «دوچار
 اولدقیزی جزالر بلا موجب و بغیر حق دکل
 ایدی» کبی برطاقم بہانہ لر اورتہ یہ قودقدن
 صکرہ اوریزن نام مورخک «دینلری ایچون
 فدای جان ایدن خرستیانلر اولقدر اذرکہ
 برر برر صایمق ممکندر» سوزینی و کین
 نام مورخک «دین ایچون تہیدافدای جان
 ایدن خرستیانلرک مقداری یوزدن زیادہ
 دکلدر» دیہ یازدیغنی مدعا منہ اثبات طوتوب
 قوی بر برہان کبی درمیان ایدیور .

سوزک سیاقندن اکلشلدیغندہ کوردبو
 ایکی مورخک حکملری برنجی وایکنجی
 عصرلہ عائد اولمیدرلر . فقط اوریزنک

او چنجی کتابك ۱۱۶ الجی صحیفه سده هرا
 جعت اولندقه کوریلور که اور یژندن نقل
 اولنان حکم او چنجی عصره یعنی میلادك
 ایکی یوز اون ایکی سده سندن ایکی یوز قرق
 سده سده قدر اولان مدته منحصر اولوب
 مورخ موسمی الیه (قارمقاله) و (اله ئوغبال)
 و (علیکساندر سه ور) زمانلرنده خرسستیانلر
 علمینده مظالم وقوعبولدیغنی بیان ایدیور
 بناءً علیه بوسوزك بو دعواده هیچ بر حکمی
 یوقدر .

کییندن نقل اولنان سوزه کلنجه بز
 هر نه قدر تحری ایتدك ایسه ده کیین تاربخنده
 بویله برسوز بوله مدق . کیین تاربخنده
 تخمیناً ایکی بیک قدر خرسستیانك قتل ایدلدکلر
 ینه دائر برافاده وار ایسه ده بو افاده میلادك

او چنگی محض کرده (دیو قلیان) طرفین
 اجرا اولان ظلم مخصوص صدر • یعنی کینه
 نقل ایدیلان بو برهان دخی بود عواده
 حکم بر برهاندر الحاصل بوانکی حکم
 برهاندر حقیقی برهان کبی در میان ایدلمش
 اولمغله مدافعه تاریخ خصوص صنده اعتماد
 شایان اولدیغندن بشقه بر معنا چیقاریله مز
 تاریخه باقلیمه خرسه تیاندلغک ظلم ایله
 منع ایدلمسی روما قانونی حکم نتیجه مجبو
 ری برشی ایدی بت پرست سلسله « بر
 ادمک کنندی وطنی الهلرینی ترک ایتیمی
 قانوناً جنایتدر » سلسله بشنجی کتاب
 یکر می بشنجی باب) سوزی مشهور (سیده
 (رو) نک (قانون بحثنده کتاب ۱۱ باب سکر)
 و سائر رومالی ادیلرک بیاناته موافقدر •

رومالی (بولبوس) « یکی بردینی نشر ایدن
 کیمسه لر معتبراندن ایسه نفی احاد ناسدن
 ایسه اعدام اولمایدیر » دیمشدر . بویله بر
 دینک ار بابی ایچسون ترتیب اولنان جزالر
 ابتسداده جزوی اولور ایدی فقط بویله
 « جانیر » تعند ایتدکری تقدیرده اعدام او -
 لنورلر ایدی . پلینک معهود مکتوبی دخی
 بونی تصدیق ایدر . میلادک ۱۱۷ تار یخنده
 یالان یرده خرستیاندق تهمتیله بردشمنی قهر
 ایتمک عادتنی منع ایتمک ایچون ایمراطور
 آدر بیان بر فرمان چیقارمغه مجبور اولمغله
 مذکور عادتک چوق و قوع بولدیغنی برده
 خرستیان اولمقلغک قانوناً بر جنایت صایلد -
 یغنی اثبات ایدر .

بو کیفیت روما ایمراطورلر ینک بر عدا

وتنى كوسترمز . يكي دينرك انتشارىنى
 منع ايدن ايمپراطور دكل انجق قانون ايدى
 وتاميلادك ۲۵۹ سنه سنه دك خرستيانلق
 روما ممالكنده جائز اوليان مذهبلى صره.
 سنه بولنديغندن بت پرستلى تر كله حق
 اللهه عبادت ايتك ايستيان هر بر فرد بيوك
 بيوك تهلكه لرى كوزه المغه مجبور ايدى .
 واقعا ايمپراطور لر قتل عام اجرا ايتيوب
 نصيحت وتهديد و بعض وسائط شديده ايله
 خرستيانلق جنايتنى منع ايتكه چاليشه رق
 بعضاً متهملى حبسه القاو بعضاً افر يقادهكى
 معدنلره ارسال ايدر لر ايدى بعضاً خلقه عبرت
 مؤثره اولق اوزره رؤساي روحانيه يي
 اعدام ايدر لر بعضاً دخي رئيسلرك جماعتى
 قالمسون ديو ادنا طاقندن بر چوق كيمسه لرى

قلنجدن كچيرلر ايدى . قانونك احكامى باقى
 قالدقجه خرستيانلرك راحتى و بلكى عمرى
 روما ايمپراطورلر ينك و واليرك كيفنه منوط
 كې بر حالده ايدى . و الحاصل ميلادك ۲۵۹
 سنه سنه دك خرستيانلر عليهنه قالقيشان هر
 يهودى و شخصى اولان دشمنلرندن هر برى
 و متعصب اولان هر بت پرست و قديم بتلرك
 حرمت و اعتبار ينى ابقا ايتك ايستيان هر
 برايمپراطور روما قانوننامەسى سايله سنه
 بيچاره خرستيانلرى قهر ايتككە و سيلاه و فر-
 صت بولور ايدى .

مدافعه انجق تعند ايدن خرستيانلرك
 اعدام اولنه جـقار ينى كورونجه (پالينك)
 و (تراژانك) مرحمت و صبر ينى ددح ايتك
 اوزره در . عظيم مرحمت !!!

حق جل وعلای انکار ایله بتره عباد
 دت ایدن کیمسه بو مرچته نائل اولوردی
 اما اللهی سون بر قول عنادجی وایمیر اطوره
 رعایت واطاعت ایتیور دیو قتل اولنوردی
 و او صرعه ده بت پرست اولان رو مالیر شهید -
 سز « ایشته بو آدم اطاعت سز لکده تعند ایتد
 یکی ایچون دوچار اولدیغی جزا بلا موجب
 و بغير حق صایلمز » دیر لر ایدی .

مدافعه بوسوزك مدھش معناسنی نظر
 دفته المیدرق انی دخی تصدیق ایدیور .
 (تراژان) و (پلین) زمانده کی خرسیتیانظر
 کیم لر اولدقلرینی بیلور میسکز ؟ پلین بونترك
 اخلاقنی چوق مدح ایدیور و تار یخه باقلسه
 پلین زمانده (یعنی میلادك ۱۱۰ سنه سنده
 خرسیتیانلقده هنوز هیچ برانقسام وقوعبو

لماش ایدی . و جله خرسیانلر و مدافعه نك
 حكمنجه صحیح مسیحی اولان نصرانیلر
 قرنداش و دینداش ایدیلر . یعنی اللهه عباد
 دت ایتك خصوص صحنده عناد کوسترملری
 ایچون اعدام اولندقلری حالده کین و وولتر
 کبی کیسه لرك محاکمه سنجه بلا موجب و بغير
 حق جزالماش اولان بو خرسیانلر (مدا -
 فعه نك دخی اقرارنجه) اوزمانك اصل امت
 اجابتی ایدیلر .

بالاده کوسترلدیکی اوزره خرسیانلق
 ایلک اوچ عصرده ظلمه و جور و جفا ایله
 منع اولندی ایسه ده عجائب بر صورتده ترقی
 ایدوب انتشار بولدی فقط خرسیانلغك بو
 عجائب انتشاری سببیه اوزمانکی خرسیان
 نلره و باخصوص شمذیکی خرسیانلره مدح

و شان اسناد ایدلمز . فقط مسلمان اولسون
 خرستیان اولسون دین حقیقی او عصرده
 حضرت عیسی واسطه سیله دنیایه نشر
 اولندی اعتقادنده بولنان ملل مختلفه دین
 مسیحینک انتشاری تاریخی او قودقلمی
 وقت مسرور اولوب بوانتشارک شاننی
 یالکز اللهه اسناد ایله کلامک قوتنه برقاتدها
 قانمش اولمیدرلر .

« اوچنجی بحثه مدافعه »

دوستمز موسیودوایت حضرتلری روما
 دولتی طرفندن کو یا خرستیانلغک منع
 و محوی ایچون التزام اولنان مظالم عمومیه
 خصوصنده کذب یا قلاشان مبالغاته دخی
 مدافعه مزده ویریلان ایضا احتی اشبو
 اوچنجی بحثلرینک مقدمه تنیده برارهلق

قبول و تصدیقه تقرب ایدرک « خرسیانلق
 علیهنده اون دفعه مظالم عمومیه وقوع
 بولدیغی و هر بر ظلمك بررقتل عام اولدیغی
 دعوا سنده بولنان بر مورخ وارده ویردکری
 خبرلر مدافعه طرفندن جرح ایدیلیورایسه
 مغلوبیت مذکور مورخلره مخصوص
 اولور » دیمش و بوسوزلر یله بزی خیملی
 ممنون ایشلرایدی . زیرا مورخلرك بویله
 بر یالانه میدان آچلری ممکن اوله مزایسه ده
 پاپاس طاقی « پر سه کوسیون » و « ماساقر »
 دیه خرسیانلرك فی الواقع اون دفعه ظم
 و قتل عامه او غرادقلرینی همده او قدر
 سوزو کداز ایله حکایه ایدرلرکه بو حکایه -
 لری انسان ایشتیکی زمان شاید بالکلیه
 مبالغاته مملو اولدقلرینی وهله « فلانجه

عزیز شو یاک از سلاطین پنجه سینه و یریله را
و یابو یاک جلاد را از آن تسلیم اولند رقی حین
وفاتند شوسوزلری سو یلیه سو یلیه تسلیم
جان ایلدی « دیه و یردکاری ایضا حاکم
هیچ بر ما خدی اولیه رقی بالکلیه اویدورمه
بولندیغنی در خاطر ایتیه جاک اولسه روما
حکومتنه قارشو بلاموجب بغض ایتیمی
لازم کلور . بومبالغه لری کذب لری در خاطر
ایلدیکی زمان بیله انسانک هیچ اصلی
اولیان رومان و تیاتر و لردن متأثر اولدیغی
کبی اشیو حکایه لردن دخی متأثر اولمامسی
قابل اوله ما مقده در .

شو قدر که موسیو دوایت حضر تری
مبالغات واقعیه مدخل کلام لرنده بکنند .
کلری حالدیه بر از صکره ینه بر غیرت مخصوص .

همه ایله « اصل مسئله خرسیتیانلرک عمومی
 بر مسورتده و دین ایچون جور و جفایه
 اوغرا یرب اوغرا مدق قری مسئله سیدر « دیه
 مطلقاً خرسیتیانلرک ایالت و ایکنجی عصر -
 لرده دینی عمومی مسورتده هم ده دین ایچون
 جور و جفایه اوغرا دق قری اثباته چالیشیور .
 موسیود و ایست حضرتلرینک خرسیتیانلرک
 اوغرا دق قری جورلری و جفایلری ایتاندن
 مقصودی بونلری دین نصارایی انتشاردن منع
 ایده جاک « عظیم بر مانع » صایمق اولد یغنی کندی
 اعترافلرندن دینی اکلا شلقده اولوب بو عظیم
 مانعله برابر دین نصارانک انتشارینی دینی
 بر معجزه مخصوصه صورتنده کوسترمک
 ایستدکاری پک آشکاردر .
 اکر شو مقصدا غورنده حقایق تاریخیه

شك تحريف و تغيير ايدلديني كور و ب طور :
 مسه ايدك نصار انك بو هو س جكاريني قرمغه
 هيچ لزوم كورمز ايدك . انجق موانع
 عظيمه ايله برابر خريستيانلغك ينه انتشاردن
 كيرو قالمديغي قضيه سني بر معجزه صورتده
 كوسترلم ديه تاريخك حقايق بديهه سني
 تحريفه يالكلز بزدكل الى قلم طوتانلرك هيچ
 بريسي جواز كوره مامش اولدقلى جهتله
 بونلرك ادعا اولنان دعوى د مظلوم عوميه
 و قتل عامللى درجه لازمه سنه اعاده و تنزيل
 ايچون ايراد ايلدكلى دلائلى مدافنه مزك
 يدنجى مجتمده تفصيلات لازمه سيله ايراد
 ايتشيدك .

ذكر اولنان يدنجى مجتمه قارئلرمز
 طرفدن تكرار اوقنور و موسيو دوايت

حضرت لاریسک دخی بهت مل کسوری ده
ایچون ایراد ایلدیکی اشبو ایکنجی مجتله
مقابله ایدیلور ایسه دوستمک پک بیهوده بر
سعی ایله کندیلرینی اتعاب ایتیش اولدقلا -
ینه هیچ شبهه قالمز .

موسیو دوایت حضرتلری خرسیتیا
نلغک ظلم ایله منع ایدلمسی روما قانوننک
احکام مجبوره سندن اولدیغنی کوسترمک
وبو جهتهله بزم دعوا مزی رد و کندی
ادعاسنی ترویج ایتک ایچون سلسوسک « بر
آدمک کندی وطننی کندی آلهلرینی ترک
ایتمسی قانوناً جنایتدر » دیدیکنی وسیسه رو
نک و پولیوس پولوسک دخی بوبابده کی رأ -
یلرینی بیان ایلور :

برسی میلادک برنجی و دیکری ایکنجی

خدمت مرند، کاش اینکی سلسلوس خبر الیوم
 رزکه اولکیسی طیب و اینکینجیسی ایسه
 دوایتک دیدکاری کی بت پرست دکل اییکو
 ریه ن فیلسوف فرندن ایملر • برنجیسنندن
 یالکز « اوریه » سرلوحه لی بر قاج جزو
 قلوب اینکینجیسنندن ایسه خرمقیان لغت ردینه
 دار یازدیغی بر اثر بالکلیه غائب اولدیغی
 جهتمله یالکز ردیه مذکوره یه مقابله یازان
 اورینن نام مؤلفک نقل ایلدیکی جله لر بزه
 واصل اولمشدر • بناء علید شوسلسوسک
 هانکی سلسوس اولدیغی اکلایه بیلوب
 ده بشنجی کتابی وانک ده یکر می بشنجی بابی
 دبه تعیین اولنان بابلرک نه اولدیغی بیلسه ایدک
 بلکه سویلدیکی سوزک ماهیتنی سیاقندن
 سباقندن موازنه و مقایسه ایده یلور ایدک •

سیسہرون واقعہ رومانک الہ مشہور
خطبہ سہندندر • روما قوانینی حقنہ بر
چوق مطالعہ لری ملاحظہ لری اولدیغی کی
رومانک دین رسمیدی اولان بت پرستک
حقنہ دخی مقالہ لری اولہرق ہم دہ موسیو
دوایت حضرتلرینک دیدکاری و جہلہ بت
پرستکک محافظہ و وقایہ سنی دہ پک چوق
جہتہ ترجمہ التزام ایلمشدر • انجق سیسہرون
حضرت عیسادن ۱۰۷ سنہ اول طوغش
ومیلاد عیسادن اول وفات ایتمش بر آدم
اولدیغندن رومان دین قدیمی محافظہ خصو-
صندہ کی غیرتی خرسٹیائلق علمیندہ بر غیرت
کی کوسترمکله موسیو دوایت حضرتلری
ار باب مطالعہ بی جاہل یرینہ قویق ایتمش
اولورلر •

روما قانونیلرینک بت پرستلیکی محافظه
خصوصی صحنه انترام ایلمدکاری شدتده کی
حکمتی قارئر مزله اطرافیه بیللری لازمدیر که
حتی بوشد تیرک خرسیمانلق علیهنده اولمדיغنه
قناعت کامله ایله قانع اولسونلر .

رومالیلر نزدنده بت پرستلکک فوق
الحد محافظه سی آرزو اولنمی بتون رعیه نک
ایمپراطورلره اطاعت کامله سنی محافظه
غیرت و مقصدندن نشأت ایلمکده ایدی .
حتی عبادتخانه لرده باطل معبودلرک بتلری
یانه ایمپراطورلرک دخی برره یکلنی قویه رق
اهالی معبودلره عرض عبادت ایلمدکاری
صره ده ایمپراطورلری دخی برر معبود
اولق اوزره پرستلریله تعظیم ایدرلر ایدی .
روایت کوره بیولک قسطنطنین کسویا سمت

همسازان بر اشارت آلهیه نائل اوله رقی
 خریستیاندی تأیید ایتد کدن و بت پرستیکی
 صحو ایچون بر چوق یورطیلرینی منع و عبا-
 دتخانه لرینی تخریب ایلد کدن صکره نهایت
 خریستیاندی دخی قبول ایلدیکی و وافتیر
 اولندیغی زمان بیله بعض بتخانه لرده کندی
 همیکلرینه پرستش ایدلمسی قانون قدیمندن
 واز چکمک شویله طورسون حاشا الوهیت
 ور بو بیت طورینه بر قاندها قوت
 و یرمشیدی .

ایمدی رومالیرجه میلاد عیسادن پک
 چوق اول حکمت رواج بوله رقی بت
 پرستلک عقیده قدیمه سنه جدأ اینانان کسه
 قالمدیغی وحتی زهره و با کوس یورطیلری
 کبی بیوک یورطیلره محضاً فحش و عشرته

دها زیاده قو یولق ایچسون رعایت
ایدلدیکی میدانده بولنه رق بونکله برابر
کرك ميلاد عيسا اثناسنده و كرك خرستيانلغاك
ايلك و ايكنجی عصر لر نده بتخانه لر امتیازا-
تنی محافظه ایدر لر ایدی که بو محافظه محضا
خلقك ايمپراطور لر و حکومتہ اطاعتلرینی
محافظه ديمك اوله رق التزام اولنور
ایدی .

یوقسه موسیو دوايت حضرتلر ينك
کوسترمك ايستد ککری اوزره قوانین موجو-
ده احکامنك خرستيانلق علیهنده اولمسی
قطعیاً اصلسز برشی اولوب خرستيانلغه
دکل یهودیلکه دخی رومالیرك بر کونه
ممانعتی یوق ایدی . یالکز ايمپراطوری
طابق و احترام ایتك شرط اطاعت اولوب

یهودی‌لر بو اطاعتده قصور ایتیمور کی کو -
 رند کجه اصلا دوچار تکدیر اولدقلری ونه
 زمان ایمپراطورلرک هیکلرینه حقارت
 علنیده بولنسورلر ایسه تعزیره دوچار
 اولدقلری کی خرسیتیانلر دخی عینیه بویله
 ایدیلر . نه حاجت میلادک ایلاک عصرنده
 خرسیتیانلرک یهودیلردن هیچ یرفرقی اولمیوب
 یهودی جماعتلردن برجماعت عداولندقلری
 دخی مدافعهده اطرافیه اثبات اولمشیدی .
 اوزمان رومانک اشبو قانونلری احکامنی
 شمیدی بو زمانک قانونلریله مقایسه ایدر
 ایسه که دهها زیاده ایش صراحت کسب
 ایدر .

شمیدی قرال و ایمپراطورلرک کنددی
 رسملرینه عالمی طایدیر مق دعوالری اولما

مقله برابر مشاهنده بر و یا بر چوق مسلمانلر
 حشمتلو انکلسره قرایچه سی حضرتلر ینک
 وروسیده تاتارلر حشمتلو چار حضرتلر ینک
 رسملرینه تعظیم ایتیه جک و حقارت کوسرده.
 جک اولورلر ایسه کندیلری نه انکیلر و یا
 روس قومندن ونه ده خرسیتیان مذهبندن
 اولندقلری حالده دخی دوچار تکدیر
 اولزلرمی؟ یا بو تکدیر اودولتله تابع
 اولان مسلمانلری دینلرندن منع معناسنه می
 حل اولنور؟

هله موسیو دوایت حضرتلر ینک «خر
 ستیان اولقلغک قانوناً برجنایت صایلدیغنی»
 حالا دعواده ثبات ایتیمی انسانی بلا اختیار
 کولدیرمکده در . یلینک معهود مکتوبی ده
 بودعواسنی تأیید ایله جکی ظمنده بولنمی

انسانی کندیسنده آجندیر یور بیله !
 بوندن مقدم پلینک مکتوبندن بحث
 ایلدایا! مدافعه مزك دخی ۲۴۵ نومرولی
 صحیفه سنده مکتوب مذکورك حکمی
 شرح ایشیدک . بونلرک کافه سندن
 صراحة و بداهةً ا کلاشیلورکه رومالیرک
 قانونلرجه خرستیانلق برجنایت عد اولنیز
 ایدی . بلکه خرستیان اولانلر ایمراطورک
 هیکنه رعایت ایتمک حسدیله بودخی برپو-
 لتیقه تهمتی عد اولندیغی ایچون تعذیر ایل-
 لدکاری کبی برده موسیو دوایت حضرتلر-
 ینک سائر غیرتلی خرستیانلر کبی هم میلادک
 ایلک عصرنده شرقده غربده شمالده جنوب-
 بده خرستیان کلیسالی! تأسیس!
 اولمش دیه ایتدکاری دعوانک خلافتده او-

لهرق خرسټيانلر عبادتخانه سزاتك حسييله
 شوراده بوراده كيرايجه طو پلانهرق ايتد
 كلري عبادتكلري بعض ارباب غرض « بونلر
 آدم اتى يورلر . زنا و سائر مناهي يي مباح
 عدايليورلر » ديه برر جنايت صورتده كوستر
 دكلري ايچون رو ما حكومتى بونلري تعقيب
 ايليور ايمى . يوقسه پلين تراژانه يازديغى
 بكتوبده خرسټيانلر ايام مخصوصه ده صبا حايين
 شفقاه برابر قالقوب خرسټوس نامنه مديحه
 لر او قودقار ينى وقادينلر حقنده زنا و كيمسه
 حقنده جور و جفا كى كناهلر ايتامكه و خر
 ستوسى ترك ايتامكه مين ايلدكلر ينى و بعده
 برعمومى سفره يه او توروب اوراده ناموسكاه
 رانه ييوب ايچدكلر ينى عرض ايلديكى زمان
 امپراطور تراژان بو آدملره ايتلشتامسى

ایچون پلینه امر کوندر مش و موسیو دوا-
یت حضرتترینک اعترافری و جهله تراژانک
۹۸ سنه میلادی سنده وقوع وفاتندن صکره
یرینه ایمپراطور اولان آدرینه دخی «خر-
ستیانلق» مسئله سنی ارباب خصو و متک یکد-
یکری علیهنده واسطه قهر و تدبیر ایتماقری
ایچون بر فرمان نشر ایشدره بولایمده لر
امر لر فرمانلر ایسه موسیو دوایتک اثبات
ایتکه چالشدیغی کبی خرستیانلغک بر جنا-
یت عدا و انمنی دکل مظهر مساعده اولد-
یغنی اثباته خدمت ایدر لر.

نه حاجت؟ روما ایمپراطور لرینک خر-
ستیانلغده و خرستیانلره عداوت ایده جک قدر
براهمیت و یرمد کلری هر حالده انکار قبول
ایده میده جک بر ماده اولدیغنی موسیو دوایت

حضرتلری دخی نظر انصافه الهرق « بو
 کیفیت روما ایمپراطورلرینک عداوتنی
 کوسترمز » دیورلر ایسه ده مطلقا خرستیایا -
 نلغی ممنوع و مظلوم کوسترمک ایچون « یکی
 دینلرک انتشارینی منع ایدن ایمپراطورلر
 دکل قانون ایلمی » دیورلرکه بزدها یوقاروده
 ینه موسیودوایت حضرتلرینک خبرویر -
 دکلری سیسه رون قانونلرینک ده خرستیایا -
 نلقدن اول اولدیغنی خبرویرمش اولدیغیمز
 دن موسیو دوایتک « یکی دینلر » دیدیکی
 شیدن مقصد خرستیانلق اولدیغنی ده کندنی
 کندیسنه تحقق ایلمر . علی العموم روما بتلری
 جلاه سندن عدا اولنان ایمپراطورلر هیکلارینه
 حرمت ایتمادک ممنوع ایلمی .
 طوغری وحق اولان برشیئک دائما

تعلی و تفوق ایده جکی قضیه سی موسیو دوا.
 یت حضرتلری حقنه ده دخی اجرای حکم
 ایدرله کاه انکار کلی کاه اعتراف جزوی
 وادیرنده طولاشد قلمری صروده « واقعا
 ایمر اطور لر قتل عام اجرا ایتیوب نصیحت
 و تهدید و بعض و سائط شدید ایله خرسیتیا
 نلق جنایتی منع ایتکه چالیشهد رق بعض
 متهملری حبس و بعضلرینی نفی و بعض کره
 دخی عبرتلسائرین رؤسای روحانیه یی
 اعدام ایدر لر و بعضاً رئیس لرک جماعتی
 قالمسون دیه ادنا طاقدن بر چوق کیمسه لر
 قلیجندن کچیر لر ایدی « دیور لر . ال معتدل
 بر درجه دن باشلا دیغی حالده موسیو دوا یت
 حضرتلرینک نهایت حکایه یی ینه قتل عام لره
 قدز وارد یریشنه دقت بیور یلیور می؟

اگر موسیو دوایت حضرتی بویه
 بالتدریج قتل عامل در جده سنده وارد دیرد قلمری
 مظالمک هانکیلری اولد قلمری ده ایضاح
 ایتش اولسه لر ایدی بلکه کندی سهولری
 کندیلری ده کور لر ایدی .

ایشته بز مدافعه مزده آثار تار یخیه ایله
 اثبات ایلدنکه قتل اولنان رؤسادن سپراتوس
 سیسینیوس ایله بر قاق رفیق مسیحی اولد قلمری
 ایچون دکل مسیحی اولمق حسیدیه امپرا -
 طوره رعایت و عرض عسبودیت ایتیه -
 جکارینی تعنداً اقرار ایلدکلری ایچون قتل
 اولتمشلدن . بوققره بادونیوسک سوزیدر که
 کلیساجه بوسوزک مقبول اوله نامسی اصلا
 قابل دکلندر . نفی اولنان خرمستیالردخی
 مجرد بومثالو معندانده پوئیقیسه لری ایچون

نئی اولمشلردر . زیرا مجرد خرسیان اولد
 قلمری ایچسون نئی ایدلک لازم کلسه ایدی
 جزا و تهدید یالکز بر قایح کشی یه حصر
 ایدلمیه رک عموم خرسیانلرک کوکارینی
 کسمکه قدر روما دولتی یورو یه یلسور
 ایدی . هله رئیسلرک جماعتسز قالمیری ایچون
 ادنا طاقنک قتل عام ایدلمسی روایتی خنده
 استغرابمزدن بشقه هیچ بر مقابله نی دعوت
 وجلب ایده مز .

الحاصل میلادک ایلاک ایکی عصری
 ایچنده خرسیانلرک مجرد خرسیانلقدن
 طولایی روما دولتی طرفندن برکونه ظلم
 ومنع جمدی یه دوچار ایدلماش اولدقلمری
 نظر تار یخده اول قدر واضح بر مسئله درکه
 کرک موسیو دوایت حضر تلمرینی و کرک

عسائر غیرت نصرانیسه ار بابنی بو بایده کی
 هوسلرنده مختار براقه جق اولسه ق حقیقه
 روما تار یخی کبی اورو یا مدنیت جدیده -
 سنه دخی اساس اولان عبرت آمیز برتار یخی
 بلا موجب تحریفه رضا کوسترمش اوله -
 جغمزدن دوستلر مزك بو هوسلرینه مساعده
 ایده مامکده مجبورز .

اما موسیو دوایت حضرتلری روما
 تار یخنک محافظه صحتی حقنده کی غیرتمزه
 کو یا بت پرستکی محافظه غیرتی کبی بر معنا
 و یرمکه چالیشه رق بزی بو یوزدن تخطئه
 ایتکده عناد ایلرلر ایه هیچ برشی قازانه -
 مزلر . « تراژان دین زمانده کی خرسیتیانلر
 کیملر ایدی ییلورمیسکز ؟ » دیه برسؤال
 ایراد ایدوبده بونلرک دخی « مدافعه نلکده

اقرار بنجه اوزمانك امت اجابتي ايديلر ! «
 ديملى اول قدر عظيم بر افترادر كه بو افترانك
 لكه سنى هيچ بروقتده اوزر لرندن آته مز لر .
 بزجه نصراني تي صافيت اصليه سى
 اوزر ينه محافظه ايتش او لنسر يالكز
 « نصراني لر » ايدى كه بونلر قدس طرفلرنده
 ايديلر . پلين ايسه شمدىكى خداوندكار
 ولايتنك واليسى كى يالكز اوزمان « بنى »
 دنيلان اناطوليناك بر كوشه سنده والى ايدى كه
 جزوى براستى نطاق ايله صفت يسوعه شتم
 ولعت درجه سنده كى كوشك كوسترن
 خريستيانلر دخى هيچ نصرانى دكل ايديلر .
 بونلر عن اصل اصول فلسفه ايله بت پرستك
 دوچار ضعف او لديغى حالده يونانستان
 طرفلر ينه منتشر او لنجه يه دكين بتون بتون

مذهب فلاطونی صورتی المش بولنان خر-
ستیانلخی قبول ده دکل یالکز حسن تلقی ایش
آدمز ایدیز . انر ایچون بر خرستوس الله
اعتقاد ایدرک طایفه بر روما امپراطورینی
الله اتحاد ایدرک طایفه اره سنده یک یول
بر فرق اوله ییلورمی ؟ فقط اصل نصرانی
مبعوث من عند الله اولان بر پیغمبر دیشانه
اسناد الوهیته راضی اوله مدقیری ایچون
روما بت پرستری طرفندن دکل خرستیان
نامنی الان روما کلیسایی طرفندن محو ایدیلنجه .
یه قدر ثبات ایشلردر .

مدافعه ده در میان و بالاده دخی تأید
اولندیخی وجهله خرستیانلق مبادی انشا
رندن ایکی اوج عصره قدر روما دولتی
طرفندن هیچ بر منع و ظلم جدی یه اوغرامیوب

موسیو دواست حضرتلر ینک « جوروجفا
ایله منع اولندیغی حالده ینده عجائب بر صوره
رتده ترقی ابدوب انتشار بولدی « دیمی
بالکلیه واقعک خلافتده در .

مناظر عزله بر طوغری سوزی و ارایسه
اوده « خرسیتیانلغک انتشاری سببیه
اوزمانکی خرسیتیانلره و باخصوص شعیبکی
خرسیتیانلره مدح و شان اسناد ایدلر «
سوزیلر . زیرا بت پرستکی قوتدن
دوشورن شی اسکندر یه و آتیه و سائر
مکتبلرنده یقشمش اولان حکما اولوب بونلر
دین مسیحی کوردکاری زمان کای تعریفاته
کندی مذاهب متخالفه لری میسانده بر جمع
اوله جق حاله افراغ ایلشدر و مذاهب متخالفه
لقه ار بابی ایشته بو صورتله تصنیع ایدیلان

مذهب جمع و مشهور شده اجتماع ایشان

انتشار مسیحیت در سرور اوله جق اهل
ایمان ایسه دیانت جلیله نصرانیه نك دوچار
اولدیغی تحریفاتا قائلر اغلاسلر دها
طوغری اولور .

بشقه بر یرده دخی دیمش اولدیغمز وجهله
نصرانیت هندده و چینده اوچ در تیوز سنه
ظرفنده کوستردیکی موقیتی روما و یونا -
نستانده کوستردیکی موقیت درجه سنه
ایصال ایده مد کجه مبادی نصرانیتده کی
انتشار حکایه لر یله بزه یالکیز رومان او قومش
اولور لر . و بو بابده کی افتخاره انسانلری
بیله لایق کورمتری حقیقتدن بعید اولوب
هله بو انتشار شانی جناب حقه عطف
ایتمکله - اکر دیندارانه ملاحظه اولنور -

سده و بال عظيمة وحي بولش اولور

« ٩ »

✽ خرسٲيا نلغك قلع قوتيله تأسس ايتديكي ✽
« مدافعه خرسٲيا نلغك » قسطنطين
سايه سنده همده سايه جبارانه سنده تأسس
ايلديكني « قسطنطينك ايتديكي » محارباتك
جمله سي دين يولنده غزا ديمك او لديغني
يعني هنوز ميدانه چيقمماش اولان خرسٲيا -
نلغك قلع قوتيله تأسس ايتديكني قارئن كرامه
ايناندر مق املی ايله قسطنطينك فرانسه
خرسٲيا نلري معاونتيله « نجه خونريزانه
محاربه لر و نجه وحشيانه جزا لر و ظلم لر
يالكر رومايي دكل روما دولتي مماليكني
بتون بتون استيلا ايتديكني » بيان ايلدكن
ماعددا بو معلوماتده توار يحك جمله سي

وکلینا نور خیزی بیلہ متفقد لر دیشدر
 بویله بر افاده دن خرسیتیانلغک قسطنطین
 سایه سنده نشر اولندیغی و خرسیتیانلغی
 قبول ایتیان کسه لک درلو درلو اذیتلر
 و ظلملرله قهر ایدلد کمری و اخاصل خرسیتیانلق
 منفعتی ایچون بت پرستلر قانی سیل کی
 اقدیغی اکلاشیلور . مدافعه نک سکزنجی
 و طقوزنجی و اون ایکنجی مباحثاتندن بو معنا
 چیقماز ایسه خرسیتیانلق علمینده اوله رق
 مذکور مباحثات اوزرینه بنا اولنان محاکمه
 تلمسزددر . زیرا قسطنطینک قلیج قوتیله بت
 پرستلری خرسیتیانلغه ادخال ایتدیکنک
 تار یخده هیچ بر اثری یوقدر . واقعاتوار یخ
 بو خصوصده متفقددر . لکن توار یخک بیاناتی
 ایله مدافعه نک بیاناتی ارسنده دفته شایان

بر فرق عظیم و بر مبانیت و اردر .

تواریخک بیانانته کوره اول قسطنطنینک
 میلادک ۳۱۲ و ۳۱۴ و ۳۲۳ سنه لرنده
 ایتدیکی محار به لر دین او غرنده دکل ایدیلر .
 و بو محار به لرك هپسینده خرستیانیلر بت
 پرستلره قاریشق اوله رق کرک قسطنطنینک
 و کرک انک دشمنلرینک اردولرنده بولمشلردر .
 ثانیاً میلادک ۳۱۴ سنه سنندن ۳۲۳
 سنه سنه دك قسطنطنین هیج بر کسه ایله
 محار به ایتدیکی کی ۳۲۳ سنه سنندن
 تا ۳۳۷ سنه سنده اجلی حلولنه قدر
 حدودلره مدافعه دن بشقه هیج بر محار به
 ایتدی و قسطنطنین محار به یه کج باشلا یوب
 تیز ختام و یرلدیکی ایچون صلح پرور بر
 حکمدار عد او نمشدیر . ثالثاً قسطنطنین زمان

سلطنتك اون ايكي سنه دن عبارت اولان
 برنجي مدتده خريستيانلري بت پرستله مسا-
 وي طوتار ايسه ده كنديسي ده خريستيان
 اولماش ايدى و بت پرستلكه رعایت ايدر
 ايدى . زمان سلطنتك اينكجي مدتده ايسه
 قسطنطين هر قدر خريستيانلغى بافرمان اهالى
 يه توصيه ايلدى ايسه ده همان اول فرمانده
 بت پرسترك اجرأى آيين خصوصنده حر
 قاله جقلىنى اعلان ايتدى . همده كرچكدن
 انلري حر طوتدى . و اخلاصل قسطنطين
 جرييه و ملكيه مأمور يتلرنده هم بت پرستلري
 هم خريستيانلري استخدام ايدر ايدى . معترض
 كييبين (باب ۲۱) و بت پرستلردن آميناؤوس
 (باب ۲۲ بند ۴) و مورغ زوسيموس و ددا-
 فعه نك اون اينكجي محنتده ميلادك بشپوز

یگر می یدی تاریخنده یعنی قسطنطیندن تقریه
 یباً ایکی یوز سنه صکره « حالا بت پرستلکک
 نفس روما شهرنده بیله حکمی خرسیانلق
 قدر جاری اولدیغی مثللو هله اطراف ممالک
 کاملاً بت پرستلکک قلیج ایله منع اولمادیغی
 تصدیق ایدر لر . مدافعه عجائب بر حال اولمق
 اوزره قسطنطینک تاوفاتنه یقین بر زمانه
 قدر خرسیان اولمادیغی بیان ایدیور . بز
 ایسه دهها عجائب بر حال اولمق اوزره
 (کیبین) و (بئونو) مو رخلردن نقلاشونی
 دخی علاوه ایدر زکه قسطنطین تاوفاتنه قدر
 «یونتیفکس ماقسیموس» یعنی بت پرستلکک
 باش کاهنی عنوانیله رومانک هیپ بت خاند-
 لرنده یاد اولندقدن ماعدا وفاتندن صکره
 رومالی بت پرستلر انک صوری سائر صغیره

قادر قیاسی پرستش ایدر ایدی . تواریخ
مدافعه نك دعوائی تكذیب ایش اولسیدی
بیله ایشته دلیل مذکور دعوائی ابطال
ایتمکه کافیدر .

خرستیانلق قسطنطین زمانده ظمان
قور تلادی ورو ما حکو متجدر سما قبول اولندی
فقط بو عظیم موقتیه نائل اولق ایچون جبر
و قتل کی واسطه لره مراجعت ایتدی همده
ایده مز ایدی . زرده کی بندک مآلندن اکلا
شیله جغی اوزره اکر مدافعه صاحبی خر-
ستیانلغک ماهیتی بر از در نیجه تفتیش ایتسه
ایدی نفس الامر بهستون مخالف اولان بر
قذیح قوتی دعوائی میدانه قومز ایدی .
چونکه دین مسیحی مجرد باطنه عالم اولغاله
اللهه تقرب ایتکی عشقه آرزو ایدن انسانی

تسلیمیت و تو که تشویق ایدر . حال بو که
 اللہ محبت نہ نہ تسلیمیت و تو کل قلیج قور .
 قوسی ایله حصوله گدی کی بدیدر .
 « دردنجی مقابله مدافعه »

دوستز موسیو دوایت حضرتلری
 مدافعه مزك بعض مباحثی رد ایچون کور .
 دیکی مشکلاتك و چکیدی صقندیلرک
 چوغنه ایمراطور قسطنطینك قلیجی سایه .
 سنده خرسیتیانلغاك تأسیس ایتش اولدیغی
 حقیقتی رد وانکار یولنده تصادف ایلیور .
 بحثه کیرشمزدن اول کرک بو بابده کی مشکلاتی
 و کرک موسیو دوایتك هر مشکلاته کوکس
 و یره جاك درجه لره واران غیرتنده کی
 حکمتی مختصراً اولسون قارئلر یزه عرض
 ایتلیر .

خړستیانلغك محضاً قسطنطين سایه سنده
 تأسس ایلدیكى تار یخچه او قدر و اضحدركه
 مقابلهء واقعه سنده موسیو دوايت حضر -
 تلمرينك كوستردیكى غیرت و جسارت درجه -
 سنده بر جرأته تار یخی عادتاً بالکلیه انكار
 ایتمینجه بو حقیقی ستر ایتمه كه امکان بولنه مز -
 فقط خړستیانلغك جبر ایله دكل اقناع ایله
 نشر و تأسیس ایدلمش اولسنی بتون مذاهب
 نصاری بر معجزهء باهره صورتنده كوسترمكه
 مجبوریت كور مشلرایكن بو حقیقتك رواج
 بولسند كیم راضی اولور كه موسیو دوايت
 حضر تلمری دخی راضی اوله یلسونر .

جقایق تار یخیه یی رد و انكار نه قدر
 مشكل ایسه بو بابده لازم كلان جرئتی
 استحصال دخی او قدر بیوك بر غیرته وابسته

در • بناءً علی ذلک موسیو دوایت حضر-
تلی هم بود مشکلاتک درجه سنی کوز او کنه
آلمش و هم ده دیناً مجبور اولدیغی غیرتی
الدن بر اقامش ده «خرستیانلغک قلیج قوتیله
تأسس ایتدیکی» سرلوحه لی دردنجی
مبحثی اکا کوره قلمه آلمشدر •

بوحالده موسیو دوایت حضر تلی
بزی رد ایده یلمش اولمق ایچون هر صاحب
غیرت نصرانینک وانلر میاننده بالخاصه
کندیسنک سائر مباحثده دخی یایدیغی وجهله
اول باول سوز یمزی تحریف ایدرک خرسیتیا-
نلغک « قسطنطین سایه سنده هم سایه جبارا-
نه سنده تأسس ایلدیکی » و « محار باتک جله-
سی دین یولنده غزادیمک اولسیدیغی »
حقننده کی فقره لر یمزی بر « یعنی » قیده تفسیر-

یسایه « هنوز میدانہ چیقماش اولان خر-
ستیانلغک قلیج قوتیله تأسس ایتدیکنی
قارئین کرامہ اینساند بر مق » املنی بزه اسناد
ایدو یر مشدر .

اگر بز هنوز خرستیانلق میدانہ چیقما-
ش ایکن انی قسطنطنینک قلیج قوتیله میدانہ
چیقاردیغنی ادعا ایتش ایسه کوسوودو ایت
جنابلر یچون بو ادعای رددن قولای بر شی
نمصور اولنسه بیلور ایدی ؟ زیرا او حالده
او چیوز سنه دئیری خرستیانلغک صورت
انتشار و تر قیسنه دائر و یرمش اولدیغمز
خبرلری کندی کندیمزه تکذیب ایتش اولور
ایداک . بز مدافعه مزاک بومسئله یه عائد اولان
مبحثلر نده بویله برشی سونلدیگمز حالده
مجرد بز سونلدیگمز شیدن طولانی اولسون

ردايدە تىلىش كوزىنىڭ مەقسىدىدە سىيۇ ئوۋايت
 ۰ ھىزىرتلىرى بويىلە بىر اوستەلىق قوللانمىشلىرىدۇر
 نە حاجت ! بۇ مەرقۇملىرىنى كىندىلىرى دە
 اعتراف ايدىيورلۇر . دىيورلۇر كە : « مدافعه نك
 سىكزنجى و طقوزنجى و اون ايكنجى مبا -
 حشدن بۇ معنا چىتمز ايسە خىستيانلىق علمىدە
 اولەرق مذكور مبا حث اوزرىنە بنا اولانان
 محامد كە تەلىمىزدۇر »

زوالمى دوستىز ! مدافعه نك سىكزنجى
 و طقوزنجى و اون ايكنجى مبا حشدن كىندى
 چىقارمىش اولدىغى معنائك عادتا چىقارمىز
 اولە جىغنى نظر انصافە الەرق بۇ قدر جىق او -
 لسون مەنصفانە بىر اشارتدە بولمىشلىرىشكر ايدىرز .
 مدافعه نك اون ايكنجى مبحثى قسطنطينك
 ساىە جبارانە سىندە « قاتولىكلرك غلبە سىندن

صکره خرسیتیانراک دین افغورنده ایتد .
 کاری جنکار « سرلوحه سیله مقید اولد .
 یغندن قسطنطین بخشی اندن صکره کی
 ازمنه وقوعاتنه قاتمق لازم کلز . بو حالده
 سکرنجی و طقوزنجی مختلر یمز او قونور
 ایسه موسیو دواتک چیقارمق ایستد کاری
 معنا هیچ چیقمدیغی دخی کور یلور .

بز خرسیتیانلغاک « قسطنطین سایه سنده
 همده سایه جبارانه سنده تأسس ایلدیکنی »
 یازمشز . و بناءً علیه « محارباتک جله سی
 دین یولنده غزادیمک اولدیغنی » میدانه
 قویمشز . فقط هنوز میدانه چیقماش
 اولان خرسیتیانلغی بو صورتله میدانه چیقار-
 مش کوشتر مامشز .

عجبا بزم سو یلدیگمز سوزی موسیو

دوایت حضرت نری جداً ز دایده بیلور لر می ؟
 قابلیدر که رد ایدیه بیلسونلر ؟ دیورلر که :
 « قسطنطین هر نه قدر خرسیتیانلغی بافرمان
 اهالی یه توصیه ایلدیسده ده همان اول فرمانده
 بت پرستلرک اجرای آیین خصوص صنده حر
 قاله جقئرینی اعلان ایتدی . هم ده کر چکدن
 انلری حرطوتدی »

دقت اولمیلدر که بوقره ایله معارضه
 خرسیتیانلق قسطنطین سایه سنده تأسّس
 ایلدیکنی اعتراف ایدیور . یالکز ایمپراطورک
 بو عنایتنی تخفیف و بت پرستکی محو خصوص
 صنده کی جلادلغی ستر ایچون بت پرستلر
 حقنده کی الطافدن دخی بحث ایلیور .
 و « خرسیتیانلق قسطنطین زمانده ظلمدن
 قورتلدی . وروما حکومتجه رسماً قبول

اولندی ققط بو عظیم مو ققیته نائل اولمق ایچون
 جبر و قتل کی واسطه لره مراجعت ایتدی «
 سوز یله ادعاسنی شرح ایلیدر لک بو مرا-
 جمعتی ایدمه من اولدیغنی دخی محضاً « دین
 مسیحی مجرد باطنه نائل اولمغله الهه تقرب
 اشکی عشقه آرزو ایدن انسانی تسلیمیت
 و توکل تشو یق ایدر حالو که الهه محبت
 نه ده تسلیمیت و توکل قلیج قورقوسیه حمله
 کله مدیکی بدیدر « سوز ل یله اثبات ایتکه
 چالیشبور .

هیات! آدوستمز! بو بحثی رد خصمو-
 صنده کی صعوبات و مشکلات او قدر
 چو قدر که کوستر دیککز غیرت اکانسته
 یک عاجز قالیور .

موسیو دوایت حضر تله ینک لطف

قسطنطینی انکار ایدہ مدکن صکرہ بت
پرستلر ایچون مرقومک مساوات پرورلکی
حقنہ کی روایتی ده فقرہ بفقرہ تکذیب
ورد ایدلشدلر :

اولا — خرستیانلغی التزاددن صکرہ
قسطنطین بت پرستلری حرطوتمدی ۰ زیرا
آروسه یازدیغی مکتوبده بتون خلقی خرستیاه
نلغہ ایمان ایتدیره بیلور ایسه کندوسنی
مختیار عدایده جکنی و فقط بوایشده تلاش سزجه
و کورلتیس سزجه طور انمق لازم کله جکنی
خبر و یروباندن صکرہ ایسه ۳۱۴ سنه سنده
بت پرستلرک «سه کولر» دنیلان بیوک بایرامنی
یاپماق و معبودلری تعظیمدن عبارت
بولنسان سائر یور طولری منع ایتک
و بعض خصوصی خانه لرده کی عبادتلری

و قر بانلر اخندی مراسمنی قالدیرمق و جبل
 لبنان و سوریه و هلیوپولیس طرفلرنده کی
 زهره عبادتخانه لرینی قیامتق کنی حرکتلری
 قسطنطینک تاریخ خصوص صیسنی یازان مورخ
 اوزب طرفندن قید اولندیغی کی خرستیان و همده
 غیرتلی بر خرستیان اولدیغنی موسیو دوائتک
 دخی انکار ایتدیکی مورخ قانتو بیله وقو-
 عات مذکوره یی و امثالنی قبول و تصدیق
 و قید ایلشدر .

بو ایضا حات موسیو دوائتک خبر ویر-
 دیکی طقوزنجی مجسمزده مندرج ایکن عجبا
 مناظر یز بونلری رد ایده میوبده بالعکس
 قسطنطینک بت پرستلری حرطو تدیغنی انصا-
 فلرندن حیا ایتمکسزین انظار عالمه فصل
 قویه ییلشدر .

ثانیا --- قسطنطین بوعظیم موقتیه
 نائل اولق ایچون بت پرستره جبر و قتل
 کبی معامله لرده بولندیغی دخی خلاف واقع
 ایدی . قسطنطین کندی اقر باسنه وارنجیه
 قدر بر طاقم آدمیری اولدیردکن ماعد
 خرسستیان اولدقیری حالد خرسستیانلغی
 قسطنطینک کیفنجه طانیانلردن بیلہ برقاچنی
 اولدیردی . یالکز ایمراطورده دکل بالذات
 خرسستیانلر دخی ماقسیملیسه نک قاریسنی نهره
 آتدیلر . بتون چوجقلرینی معصوم قوزیلری
 بوغازلر کبی برر برر بوغازلدیلر . مصرده
 فلسطینده مقدا خرسستیانلق علیهنه حرکنده
 بولنان نه قدر مأمورلر واریسه جله سنی
 صلب و یا قتل ایلدیلر . وولتر بوخوزریز
 لکه نفرته باقه رقی « حق تعالی خرسستیانلرله

الدرینی کندیلرینه ظلم ایدنلرک قانیله قزارمش
 کورمکی آرزو ایش اوله ! « دیه فاجعه
 یوللو براستهزاده بولنمشدر . بولر دخی ددا
 فعه ده مندرج ایکن « جبر و قتل کی واسطه
 لره مراجعت ایتدی « سوزینی دوستمز
 موسیو دوایت حضرتلری نه یول بر جرأتله
 سولیه بیلشدر .

ثالثا — خرسیتیانلق مجرد باطنه تائد
 برشی ایش ده موجب اولدیغی تسلیت
 و توکل ایسه قلیج قوتیه حصوله کاه مز
 ایش . کیمی قاندرمغه چالیشیورسکز
 آدوستم ! براز اولجه « بومحار بهلرک هپسنده
 خرسیتیانر بت پرستلرله قاریشق اوله زق
 کرک قسطنطنیهک و کرک انک دشمنلرینهک
 اردولرنده بولنمشدر در « دیان سز دکیمسکز ؟

یا حضرت عیسیٰ حواری یلرینی قلیج چکمک
 عسکرلک ایتمه کمه می مأمور ایلدی . قسطنطنیه
 کالجده قدر ممنوع و مظلوم اولدیغنی اعتراف
 بیوردیغکز خرسیتیانلق ینه اعترافکز و جمعه
 قسطنطین سایه سنده تأسسوله برابر قلیجه
 دخی ال صونار و بت پرستلکک محوی
 قسطنطین نزدنده مطلوب اولور ایسه ارتق
 نه یولده محار به لر اوله جغنی فکرنده ذره قدر
 قوه منطقیه سی اولنلر یک اعلا دوشونوب
 لازم کلان حکمی دخی چیقار ایله ولر .

۵۲۷ سنه میلادی سنده یعنی قسطنطنیندن
 تقریباً یوز طقسان سنه صکره بت پرستلکک
 نفس روم شهنده بیله حکمی خرسیتیانلق
 قدر جاری اولسنی موسیو دوایت حضره
 تیری کال حیرتله تلیق بیور بیورلر . فقط بزجه

و هر کس بجه عادتاً هیچدر . مجرد او حقیقتی
 دخی مقابله سز بر اقامش اولق ایچون
 سو یلنش ضروری سوزلردن عبارتدر .
 یوقسه قسطنطین زمانه یعنی میلاد کدر دنجی
 عصرینه کلنجه یه قدر خرسیتیانلق ذاتاً
 تنویر فلاسفه ایله هیچ حکمی قالماش اولان
 بت پرستلک قارشو سنده دخی عاجز و مغلوب
 بولنه رق یوزده یکر میدن الچوق مبالغه یه
 کوره یوزده او توزه قدر اهالی همده خرسیتیا-
 نلغک ال غلبه لک یرلرنجه خرسیتیان اوله .
 بیلش و بونلر ایسه بر ملت محکومه آسا کمال
 عجز ایچنده وقت یکور مکده بوننش ایکن
 قسطنطین مجرد کند ی قوت وشو کتنه
 قالور ایسه بونده موجب حیرت اوله جق
 هیچ برشی کور یله مز . مذاهب فلاسفه نک

سایه ارشادنده قسطنطنینه قدر یعنی او چویوز
 بو قدر سنه ظرفنده بت پرستانك انجق یوزده
 یکر می و یا یکر می بش و نهایت او توزی دین
 مسیحی بی قبول ایده بیله رك اندن صکره دخی
 ایکیوز سنه ظرفنده قلیج قوتیه خرسیتیانلغك
 نسبتی یوزده اللی یه واردیره بیلک هر حالده
 استصغار ایدلمانلیدر . چونکه اوزمانلر
 اوروپا نك وسط و شمال طرفلرینه طوغری
 خرسیتیانلق هنوز هیچ سرایت ایتماش
 و خرسیتیانلقدن خبردار اولیان اهالی کاملأ
 وحشی کی بر حالده بولنمش ایکن بیله دین
 مسیحی بی شماله طوغری نشر ایده بیلک
 ایچون یدی سکز یوز سنه مدت ده قلیج
 صالامغه مجبوریت الویر مشدر . بناء علیه
 دوسیو دوایت حضرتلری کی بر فاضل

ایچون عالمی بو متلو بدیهیات حقایق تار یخیده.
 دن یخبر شن ایدرک عالمه قارشو مجملانه
 بر تحمیده بولمق روا کور یله مزه . صکره
 کندی کندیلرینی کولنج ایتش اولورلر .
 بحشمزی خلاصه ایدهلم :

موسیو دوایت حضرتلرینک دردنجی
 مقابله لری بزجه و بو بحثی تدقیق ایلدیان سائر
 خرسیتیانلغک تر قیسسه یله تأیید ایچون بت
 پرستلکی محو و خرسیتیانلغی احیایه قالمیشته .
 رق نیجه مظلوملرک قانی بهاسنده برچوق
 درجه لره قدر موفق اولمشدر . بناء علی ذلک
 خرسیتیانلغک محییسی هم ده محیی عجباری
 قسطنطیندرکه او جلادک مظلوم خونخوارا .
 نه سی مسیحیتدن مظلوم اولان ملکیتک
 پشهره سنده ایدی برلکه اولوب قالمش و او

زماند نبری هیچ برشی بولکه یی سیلک شویله
 طور سون صحایف توار یخی قزارتان سائر
 نیجه وقایع دخی لکه اوستنه لکه سورنک
 قبیلندن اوله رق رنگ مستنفرینی آرتدیره
 کلشدر .

« ❖ »

❖ تاریخده کور یلان خریستیانلق ❖
 بوندن اولکی بندلرده ذکر ایتدیگمز
 براهین وسنداتک احکامیجه مدافعنه نک خری-
 ستیانلق خصوصنده و یردیکی خبرلر وایتد-
 یکی محاکمه لر تاریخ صحیحک بیاناتنه موافق
 اولدیغی ایچون اعتماده غیرشایان اولدیغی
 اکلاشیلور . بو کیفیت دفعاتله میداننه قویدق
 ایسه ده سوزی قیصه کسمک آرزوسنده
 بولندیغمزدن مدافعنه نک نیجه سهو یاتندن

صرف نظر ایله جلدی صورتده یازلمش مباد
حشاشده تار یخجه اولقدار چوق سهویات
بولنمسی کیفیتنی الیرنده کیبیین یاخود قانطو
و یاقبول و موثوق اولان سائر هر قنغی بر
تاریخ بولنان ار باب مراقك تعجبینه حواله
ایدرك انجق تاریخ قدیمه کوره شمیدی خیر
ستیانلرك تعیبیه مستحق اولمدقنری خصو
صنی میدان قو یدق .

تاریخجه اثبات اولنمش اولان آتیده کی
نقطه لر دفته شایاندرلر .

(۱) حواریون نشر دین ایچون من
طرف الله تعیین اولنمش مأمورلر ایدیلر .

(۲) حواریونک دین مسیحی دیو نشر
ایتدکاری دین روماقانونلری احکامی و حکمدار
لری قوتیله منع اولندی ایسه ده عجایب بر

صورتده انتشار بولوب نهایت روما ایمپرا-
طور لری طرفندن قبول اولندی.

(۳) قسطنطینک وفاتنه دک نه بت پرست
ار یخلرنده نه ده سائر توار یخده خرسستیا-
نلغک قلیج قوتیله نشر اولندیغنه دائر بر بر-
هان بولندیغی کبی خرسستیانلغک جبرله نشر
اولندیغی دخی تاریخجه مثبتدر.

ایمدی اکر خرسستیانلق قلیج قوتیله
نشر اولندی ایسه انک نشرینه مدار اولان
قوت بشقه برجهتهده ارا نملیدر. بزجه
اگر بوقوت بر یرده کشف اولنه بیلور
ایسه اولزمان خرسستیانلرک طرفندن قبول
اولنان تعلیماتده کشف اولنه بیلور.
قسطنطیندن اول بولنان خرسستیانلرک اعتقاد
و تعلیماتی تحریرات قدیمه دینی یعنی اولوقتهده

بت پرستلرک تعرضلرندن و خرستیانلرک
مدافعهلرندن اکلاشیینه بیلور . بو قدیم
تحریراتک مالنه نظرا خرستیانلر بت پرستلره
رحمن الرحیم اولان براللهی قبول وانک
شر یعتنه اطاعت ایتکی توصیه ایدرلر
ایدی . اول عصرده کرک یهودیلرندن و کرک
بت پرستلرندن برچوق کسهلر کندی نفسلره
نده موجب هلاک برضاق شهوت و آرزولر
بولندیغنه قانمش اوله رق مذکور شهوتلرک
منعی خصوصنده چوق اندیشه ایدرلر ایدی .
خرستیانلر بویله کسهلره دیرلر ایدی که انسا
نک خیر نیتلری قوتلر و هو او هو می پک
قوتلی ایسه لوده انسا ن حضرت عیسا ناک
کوستردیکی طریقده سالاک اولدوقده حق
تعالی طرفندن احسان بیوریلان روحانی

و تأثیره مظهر اوله بیلور که او تأثیر انسانک
 خیر نیلرینی تزیید و هو او هوسلرینی تهقیص
 ایتکه کافیدر . نجه کسه لر بو خبری آنجه
 دما ایتکه و بو یکی تعلیماتی تجربیه ایله تدقیق
 ایتکه باشلادیلر و هر کس نمره تدقیقاتنی
 دوست و اقر باسه بیان ایدرایدی و خرسیتیا
 نلق ایشه بو اصول اوزره انتشار بولدی .
 توبه و اخلاق قبیحه نکی ترکی آرزو ایدیلان
 اصلاح قلبه شرط مطلق اولدیغندن اسکی
 خرسیتیانلر اخلاق خصوصاً صنده بت پرستلر
 طرفندن مدح اولنورلرایدی .

اسلام علمای قدیمه سی جهاددن بحث
 ایدرایکن سلاح ایله اجرا اولنان جنسکاره
 جهاد صغیر تعبیر ایتیلر و انسانک یورکنده
 وقوع بولوب هو او هوسه و نفس اماره یه

قارشو اجرا اولسان شول مشکل و درونی
 جهاده جهاد کبیر تعبیر ایتشلردر . خرسیتیا
 نلق بو جهاد کبیری انسانک سائر مشغولیتلر
 ینه نسبتله الزم عد ایدر . خرسیتیا نلرک
 اعتقادنجه انسان هرشیدن اول کندی
 نفسک اصلاحنه جهاد ایتلیدر . بو اصلاح
 نفس اغور ینه انسان ذوق و صفای فدا
 و کناهی ترک ایتکی نیت ایتدکن ماعدابو
 جهاد کبیر ایچون هر کون و هر ساعت دعا
 ایله اللهدن استمداد ایتلیدر . جهاد کبیرده
 موفقیت و مظفریتنه نائل اولمق اصولی
 یتلک ایچون انسان دائماً کتب مقدسه یه
 مراجعت ایتلیدر و اکر بو جهادده ترقی
 ایدر سه بتون قلبندن و بتون جانندن و بتون
 فکرندن الهی سوده لک انسانلری دخی کندی

نفسی کی سومکہ موفق اولہ جقدر • خر -
 ستیانلغک اصل ماہیتی اصلاح نفس ایچون
 جہاد کبیر دہ دائما جاهد بولمقدن عبارتدر •
 شمدیکی خرستیان مذہبلر ینک جہلہ سی دخی
 بونی تصدیق ایدر لر •

توار یخہ مراجعت ایدلدیکی حالہ
 خرستیانلق سایہ سندنہ اخلاقہ وقوعبو -
 لدیغی کور یلان ترقینک بوندن نشأت
 ایتدیکی اکلاشیلور • اسکی بت پرستلر
 دنیانک ایودن فنا یہ یوز طوتمش اولدیغندن
 اصلاح اولنمہ جغی اعتقادندہ ایدیلر • لیکن
 خرستیانلر اللہک عون و عنایتیلہ ہر کسک
 و ہر حالک اصلاحی ممکن ایدوکنہ اینانوب
 آکا کورہ حرکت ایتملکہ ہر جہتدن ترقی
 ایتکہ باشلادیلر •

۱۸۰۰ سنه مقدم باشلايان بو ترقي بعضا

محو اولمش کي کور نمش ايسه ده خرستيانلق
محو اولينجه بو ترقي محو اولمز . چونکه
خرستيان تعليماتي اصلاح نفسي هر حالده
الترام و ترويج ايدر . خرستيانلق نامي ايله
اجرا اولنوب انجیلک تعليماته مخالف
بولسان حرکتلری بز مدافعه ایتکده
دکلز . قرون وسطی اثناسنده خرستيانلغه
ادخال ایدیلان عادات باطله و خرستیانلر
نامنی آلمش اولان کیمسه لک اخلاق قبیحه سی
واهل صلیب وانکیز یسیون کبی خرستیا
نلغک ماهیتنه مغایر بولنان احوال هم انجیل
احکامنه کوره هم بو عصرده کی خرستیا
نلرک اکثر قسمک حکمنه کوره تفبیح ورد
اولنورلر .

بونکله برابر مدافعه نك بو يله وقوعات
 دائر اولان محاکمه سی مسئله نك انجق بر
 طرفی اوزرینه بنا او لندیغندن قبول اید
 یله مز • مثلا مدافعه ده امر یقایه کیدن
 اسپانیالیرک ظالمانه حرکتلرندن بعضی مرقو-
 مان بو یله برطرز ایله اشعار اولمشدرکه هم
 مذکور وقوعات عموم خرسیتیانلغک اتقا-
 قیله اجرایه کلمش هم ده خرسیتیانلغک
 اورالره کیرمی بلا وقضادن بشقه برشی
 حصوله کتور مامش اولدیغی آکلاشیله
 جقدر • حالبوکه حکایه او لنان وقوعات
 یالکیز پرو ومکسیقو ممالکنده صالت اسپا-
 نیالیریدیه اجرا اولندقدن ماعدا عموم
 خرسیتیانلغک تقبیحی موجب اولمشدر •
 اسپانیالیرک حرکتی واقعا بزه پک وحشیانه

بر حرکت کورینسور لکن محاکمه انجق
 بونکه بتز چونکه پرو و مکسیکو اهالیسنک
 حالی دخی دفته شایندر . آمریقالی مور -
 خلدن (پرسقون) دیورکه « اول عصر -
 ده مکسیقولیلرک باشلوجه آیین وعادات
 دینیه سی و بت پرست کاهنلرک الک بیوک
 مشغولیتی قربان ایچون انسان کسمکدن
 عبارت ایدی . بومدهش قربانلر الک جزئی
 وقوعات مناسبتیه اجرا اولنوب کیتدجه
 چوغالمقده ایدی (فره رانک) بیانیه کوره
 بعض وقت عموم مکسیقو ده ۲۰,۰۰۰
 نفوس برکون ایچنده بتلره قربان عرض اید -
 یلور ایدی « کاهنلر قربان عرض اولنه -
 جق آدمی سیاه بر طاش اوزرینه یاتوروب
 ییچاقله انک یورکنی چیقارهرق چارپنتیسی

دھا حس اولنور ایکن انی بته تقدیم ایدر لر
ایمشر . وقتیلله بر کون ایچنیده اوزرنده
۶۰,۰۰۰ نفوس ذبح ایدیلان طاش مکسیقو
شهرینک نوزه خانه سنده حالا موجود در .
مکسیقونک حالی بودر جده ده ایکن خرسیتیا -
نلغک اورایه کیرمسی بیچاره اهالی ایچون
فلاکت اولمیوب عادتاً پنجه ظلمدن بر قور -
تلش صایلملیدر . بونی دخی علاوه ایدر زکه
خرستیانلقده اخلاق و احوال قبیحه ظهور
ایتدیکی تقدیرده بونلرک دفع و اصلاحی ینه
خرستیانلقدن ظهور ایتمش و ایتمکده بولتمشد .
خرستیان ملتلممالکنک بر قسمنده بر
(تامیلی یه) و یاخود بر (ته تونیک)
جمعیتی کسب شقاوت ایتدیکی تقدیرده
جوارده بولنان بشقه خرسیتیان ممالکندن

وخرستیانلق نامنه او لهرق بونلری منع
ایتمک ایچون یتشیلور ایدی • برطاقم
پاپاسلرغالیله ئو کبی برذاتی حبسه القا ایدر
ایکن بشقه برطاقم پاپاسلر انی التفاتله قبول
ایدوب کشفیاتنی عالمه نشر واسکی دشمنلرینه
بیله قبول ایتدیررلر • خرستیان ممالکنک
برنده یهودیلره ظلم و تعدی ایداریکی تقدیرده
درعقب سائر یرلردن ظلم و تعدینک منعی
ایچون خرستیانلق نامنده هر ضحکالرواستر-
حامنامه لر یتشور • بردینک تقبیح و یاخود
اصلاح ایتدیکی احوال خصوصا جهاد
کبیرک مشکلاتنی بیلان برمسلمان طرفندن اول
دین علینه اعتراض دیو میدانه قونلار •
بزخرستیانلغک مدحیه سنی یازمق آرزو-
سنده دکل ایسه کده دین مسیحی سایه سنده

بولنان اقوام و مللک ضبط نفس و شر یعتہ
اطاعت و انسانیت خصوص صلہ نہ درجہ دہ
ترقی ایتدکارینہ بعض نمونہ لکوسترمکہ
مجبورز .

(۱) قدیم رومالولر اخلاقجہ بسبتون
فاسد اولدقلری کی اوروپایی استیلا ایتمش
اولان قبیلہ لہ تعلیم و تربیہ دن بی بہرہ وحشیلر
ایدیلر . خرسیتیانلق ظہور ایدنجمہ یہ قدر
یونانی و رومالی فیلسوفلر لواطہ و دین نامنہ
اجرا اولنان فحش کی مکروہ فعللری منع
ایتمکہ برچارہ بولہ مز اولمشتر ایدی . خر-
ستیانلق بو کی شیرلی یک آز بروقتدہ منع
ایتدی . چوجتتری سوقاغہ آتمق و یاخود
اولدورمک مادتنی خرسیتیانلق محوایتدی .
(۲) طائفہ نسما خرسیتیانلق سایہ سندانہ

جهالت و اسارت قدر تحمل ایدنز بر حال دن
 قور تیله رق شمدی کور یلان مساواته و حرمته
 نائل اولدقدن ماعددا ارککلرک تحصیل
 ایتدکلری علمری تحصیل ایتکه دخی صلا -
 حیت بولمشلردر . اورو پاده خصووصاً
 انکاتره و امر یقاده نساء یالکز اولدیغی
 حالده کمال امنیتله و بلاخوف مملکتک بر
 اوجندن او بر اوجنه قدر یوجلیق ایده
 ییلور .

(۳) المانیا و فرانسه اهلین و حشی
 بر حال دن متمدن بر حاله کتوران قوت خر -
 ستیانلقدر . بو عظیم تبدل و بوتبدلک سبیلری
 توار یخده اشکاره کور ییلور . شریعت
 موسویه و تعلیمات انجیلیه هر هفته اهالی یه
 او قوندیغندن اهالی « الله عشقنه » کیتد -

بچه حسن اخلاق صاحبی اولغند چالیشور لر
ایدی . قرون وسطی نك اك قراكلق زما .
نلرنده بيله مذکور ممالکک اهالیسی ترقی
ایتمکده ایدی .

(۴) محاربه و حشیتدن قالمه بر حالدر
فقط خرسستیانلق سایه سنده محاربه جه
وقوعبولان اصلاحات هرکسک کوزی
اوکنده در مجروح اولان دشمنی تلف ایتمامک
حرب اسیر لرینی صاتماق و النده سلاح اولمیان
کیمسه نك مالنی غصب و غارت ایتمامک و صوک
و قتلرده مجروحلرک تدایسی ایچون تشکل
ایدن جمعیتلر هب خرسستیانلر ممالککنده و خر-
ستیانلر همتیله میدانه کلشلردر .

(۵) قدیمده بت پرستلر خرسستیانلرک
بر برینه امداد خصو صنده کوسستردکلری

حیت و غیرتی تعجبله ذکر ایتمش لورد .
 حضرت عیسانک تعلیماتی بویله مرحمتلی اولمغی
 همده بلااستثنا نوع بشرك هر صنفندن
 مظلوم و قضا زده اولانلره مرحمت و امداد
 ایدلمیسی طلب ایدر . بو تعلیماتک ثمره سی
 اوله رق خرسیتیان ممالکنک هر جهتنده
 اللهی سور کیمسلر طرفندن فقیرلره منتظم
 صورتده و مقدار کافی اعانه ایدیلوب بیوک
 بیوک خسته خانه لر و یتیم خانه لر و مکتبلر
 انشا و اداره اولنیورلر . بو تعلیماتک ثمره -
 سندندر که چینده یا خود ایرانده و یا خود
 ترکیاده قحط یا سائر برفلاکت و قوعنده
 فلاکته اوغرایانلر دنیا نلک تا او بر او جنده
 بولنان خرسیتیانلردن اعانه یه نائل اولورلر .
 بو تعلیماتک ثمره سی سیدر که خرسیتیان ملتفر علم

تحصيل ايتمکه فرصت و سهولت لری بولنمیان
 بر چوق ممالک بعیده اها لیسنی تعلیم ایتک ایچون
 موسیونزلر واسطه سیله مکتبلر آچدیرلر .
 (بعض موسیونزلرک حرکاتی عموم
 خرسستیانلق علیهنه اقامه ایدیه جک بر
 دعسوايه حق و یرمز اولدیغی ار باب
 انصاف طرفندن تسلیم اولنور . لکن
 مادامکه مدافعه مباحثاتی موسیونزلرک دین
 اسلام علیهنه کتاب نشر ایتلری مناسبیله
 وجوده گلشدر در سعادتده مقیم آمر یقا
 موسیونزلر طرفندن دین اسلام علیهنه یازلمش
 و یا خود حکومت سنیهنک اعتراضی
 موجب اولمش هیچ بر کتاب هیچ بروقت
 طبع و نشر ایدلماش اولدیغنی بز شو صر ده
 اخطار ایتمکه لزوم کور پرز)

(۶) خرسستیان ملتز و قتیله یونانی
 ورومالی عالمردن و برارالق عرب معلمردن
 خیلی استفاده ایتشردر . هم دخی خرسستیان
 ملتزنده احکام انجیلیه یه مغایر اوله رق
 بعض پاپاسلر علمک ترقیسنی منع ایتمکه
 چالشمشلر فقط ابتدادن برو عمومیتله باقلسه
 خرسستیانلغک علوم و فنونه ایتدیکی و ایتمکه
 بولندیغی و تحصیل علم خرسستیان ملتزی
 ایچنده عمومی بر حال حکمنه یکمیش اولدیغی
 کور یله جکدر . عرب معلمک تعلیماتی
 قبول و نشر ایدن اورو پالیر خرسستیان
 روحانی مأمورلری ایدیلر . حضرت
 عیسایک تعلیماتی ضبط نفس و فضائل اخلا
 قیه یی طلب ایتدیکنندن انسانی هرنوع
 مشغولیت ذهنیه یه مساعد بر حاله کتورر

و ینه تعلیمات انجیلیه عموم نوع بشره متعلق
اولان و قسوعاتی انسانه مهم قیلدیغندن
خرستیانلر اجرای کشفیاتده و تحصیل علمده
فوق العاده ترقی ایتشردر و بو کونکی
کونده علوم و فنونه دائر طوغری معلومات
المق ایچون خرستیان مملکتلرینه مراجعت
ایدیلور .

(۷) الله کندیسنه تواضع ایله مرا-
جعت ایدن هیچ بر فردی رد ایتدیکنندن
و حضرت عیسانک دنیاده بولندیغی وقت
الفقیر و سفیل حالده کسه لری قبول و تلطیف
ایلدیکنندن اسکی خرستیانلر اللهک حضو-
رنده هب انسانلرک بر بر ینه مساوی طو-
تلدیغنی استنتاج ایدرلرایدی . انسانیت
و حریت آرزوسی عموم نوع بشرده بولنور

ایستاده خرسیتیانلقدن اول بومسـاوات
 کیفیت صانکه حکم سر قلمش ایدی و فردلرک
 حقوق شخصیه لرینه رعایت ایتک وجهه
 آدموک عدالته نائل اولمیرینی آرزو ایتک
 وانصاف و انسانییتی التزام ایتک خصو صملری
 حضرت عیسی تعلیماتک ثمره سی اوله رق
 هب خرسیتیان ممالککننده کورلمش و کور
 رلمکده بولمشدر . فردک حقوق شخصیه سنه
 رعایت ایتک دخی حقوق ملله رعایت ایتک
 دیمک اولدیغندن حقوق ملل اوزرینه
 خرسیتیان تعلیماتک بیوات تاثیر اولمشدر .
 نوع بشراک انسانیت و مدنیتده اولان
 ترقیسی برچوق موجبله مبدیدر . عصر
 لردن بروتدر یکنه حصه ونه کلمکده اولان
 بر ترقینک موجبله بی بر برندن آیروب

هر بر یسنه عاقل اولان تأثیری تعیین اینک
 مشکل و بلکه غیر ممکن بر مسئله اولدیغندن
 بر تعلیمات مسیحیه نك ثمره سندن اولمق اوزره
 انجق ابتدای بنی اسرائیل قبیله لرنده
 کور یلوب عموم بنی بشر ایچنده انتشار
 بولمسی حضرت عیسی المسیح زماننده باشلا-
 مش اولدینگی تاریخیجه مثبت بولنان بر قاج
 خصوصاً لر میخانه قویلق • بعض اورو-
 یالی دینسزلر هیچ بر شیدده الهک قدرتی
 اثرینی کورمیه ران و انسان ایله حیوانات
 وسائر کائناتک طبیعتدن ظهور ایتش اولد-
 قلمرینی دعوی ایدرک انسانده کی ترقینک
 دخی راست کله حصه و له کلدیکی بیان
 ایدرلر • بونره کوره بالاده ذکر ایتدیگمز
 اصلاحات حضرت عیسانک نشر دین

ایتمسندن نشأت ایتماشدر . یعنی بو اصلا .
 حاتک تاشیری تصادفله حضرت عیسی
 زمانندن بدأ ایله نوع بشر ایچنده توسع
 ایتمشدر . لکن جناب خالق مطلقه عبادت
 ایتمک و حضرت عیسانک تقدیر خدا ایله
 دنیایی تشریف ایتدیکنه اینانمق خصو .
 صلینده متفق بولسان مسلمان و خرستیانلر
 تعلیمات عیسویه نك ثمره سینه دار اولان
 بیاناتمزی البته دفته شایان کوره جگه در .
 کوزی اولان کمسه خرستیانلغک انسا .
 نیت و مدنیتسه و نوع بشرک حسن حالنه
 ایتمش و ایتمکده اولدیغی خدمتی کوره بیلور
 ایکن خرستیانلغک ماهیتی و ثمره سی بو
 مملکتده و سائر یرلرده بولسان خرستیانلر بر کونا
 تعیبهی موجب اوله مز . مخرستیانلغک اسا .

سی مقامنده بولسان انجیل شریفدن دخی
مدافعه نك تعرضاتی کبی تعرضه سبب
ویره جاك بر حال اولوب اولدیغنی آکلامق
ایچون پروتستان ملتندن قوسطانطیان
آوه دیس افندیك قلمه آلمش اولدیغنی صوك
بندی می قارئین کرامك دقتلیجه مطالعه
ایده جکری مأمول اولنور .

« بشنجی مقابله یه مدافعه »

موسیو دوایت حضرتلری « تار یخده
کور یلان خرس تیاندلق » سرلوحه سیله
تنظیم ایلدکلی بشنجی مجیشی مدافعه من
ایچون ترتیب ایلدکلی مقابله یه خاتمه اتخاذه
ایلیورلر . زیرا سوزك آندن اوتیه سنی
پروتستان ملتندن قوسطانطیان آوه دیس
افندیك قلمه ترك ایلیورلر .

واقعا بوبنجهی مجتبیٰ خانم اولدیغی
صورت ترتیب و اشعار نندن دخی آکلاشیله
بیشدر . زیرا بوبنجه شده مدافعه مزی رد
دن زیاده موسیو دوایت حضرتتری فضا
ئل خرسیتانیدی اعلا و اعلا نه صرف نقد
ینده همت ایلیرلر . دینلرینه اولان بوغیر
تورینی تحسین ایلرر . فقط افادات واقعه
لرینی هر حالده و بالوجوه شایان تنقید بولور
رز . هله برکره مجتبیٰ مذکور مندرجاتی
پیشگاه نظر تدقیقه اللم :

مناظر مز مجتبیٰ مذکورک مقدمه سنده
مدافعه نک خرسیتانلغه دائر و یردیکی معلو
مات تاریخیه وایتدیکی محاکماتک تاریخ صحیح
بیاناتنه موافق اولمادیغی کندی تصحیحاتی
ایله تحقیق ایتش بولندیغندن طولایی اطمینان

تام کوستر ییورلر و تاریخ قدیمه کوره شمد
یکی خرسیتیانلرک مستحق تعیب اولدقلرینی
ده حکم ایللیورلر .

بواطمئنان و حکملری کندیسینی بحق
بختیار ایتمش ایسه تبریک ایلرز . فقط عالمک
کورمش اولدیغی وجهله موسیو دوایت
حضرتلری مدافعه مزه یازمش اولدقلری
ردیه ایله بزی دعوا مزده برقاندها تأییددن
بشقه هیچ برشی یامامشلردر . زیرا مباحثلرک
اغلبینی ایسترایستمر کندیلری دخی اعتراف
و تصدیق ایتمشلردر که بو تصدیقلرینک بر
طاقی طوغریدن طوغریه اولدقلری حالده
برطاقی دخی طولایسندن تصدیق دیمک
ایسه ده بز اوصورت تصدیقدن دخی ممنون
اولورز . الکی ز یاده قوتله رد ایتدکاری

اعتقادنده بولند قلمی مباحثه ایه تاریخی
 علماً تحریف ایتمینجه مطلوبلرینه نائل
 اوله میه جقلمینی کندیلری دخی کور مشلدر.
 ذاتاً کندیلری بونی کور میه جک و خلته
 دخی کور ستر میه جک بیه اولسه لر الیوم
 توارمخ عمومیه صبیان مکتبلرنده بیه تدریس
 ایدلمکده بولندیغندن بو تحریفات تاریخیه
 چو جقلمردخی کوروب فرقه وار مقده عاجز
 قالمزلر.

کرك مدافعه مزدن و كرك موسیو
 دوايت حضرتلر ينك مقابله سیله او مقابله یه
 دخی یازدیغمز مدافعه دن قارئلرجه تحقق
 ایلش برشی وار ایسه اوده شمیدیکی خر.
 ستمیانلرك معیوب اولمید جقلمندن عبارت
 دکلدر. حتی ایلك خرستمیانلرك دخی معیوب

اولیسه جقلرندن عبارت دکلدر • بلکه
نصرانیت مجسمه یی یعنی دین حق مسیحی
کړک لغرض اولسون کړک جهلاً اولسون
تغییر و تحریف ایتش اولنلرک معیوب اوله -
جقلرندن عبارتدر •

شمه دیکی خرسه تیانلر نه دن معیوب
اولسونلر ؟ کوزلری ترقیات علمیه و مدنیه یی
کوره میه جک قدر ظلمت جهل ایچنده قالمش
اولنلری کندیلرینه « دین » دیه هر نه یی
توصیه ایدرلر ایسه کمال صفت درونله قبول
ایتمکده معذوردرلر • کوزلری نور عرفانله
منور اولنلرندن ایسه هیچ بر یسی دیننک
دین حق اولدیغنه اینانمیه رق « فیلسوف »
و « لیرپانسور » ناملریله هب خرسه تیانلقدن
تباعد ایتمکده درلر • نصرانیت صحیحه اربابی

ایسه دین حق مسیحه اتباع ایتش بواند قلری
ایچون معیوب دکل بالعکس ممدوح اولد -
قلری کبی مؤخرأ دین محرف اربابی طرفلر -
ندن ظلماً محو ایدلدکاری ایچون دخی مظلوم
وشایان مرحمت کوریلورلر . اما تحریف
دینه خدمت ایتش اولنلر یالکیز بزم نظر مزده
دکل تاریخ نظرند معیوب اولورلر و او -
ملشردر .

تاریخچه اثبات اولنمش بولنسان بعض
نقطه لک شایان دقت اولدقلری بیانله موسیو
دوایت حضرتلری نومرو لصره سنجه بعض
موادی نظر دقتمزه حواله بیوریورلر .

اولا — حواریلر نشر دین ایچون
من طرف الله مأمور اولمش آدلر ایشلر .

حواریلر کیملر اولدقلرینی و حضرت

مسیحہ درجہ ایمان و صداقت لری روایت
 انا جیلہ نظراً نہ دن عبارت بولندیغنی دفعاتہ
 اثباتدن صکرہ آرتق بومادہ نک شایان دقت
 بشقہ جہتی قالدیمی؟ اگر قالمش ایسہ اودہ
 «من طرف اللہ» مأمور اولدقلری قضیدسی
 اولہ بیلور • نصارانک اعتقادلرینہ کورہ
 حضرت عیسیٰ ابن اللہ و ذات اللہ اولدیغندن
 بواعتقادہ کورہ حواریلر من طرف اللہ مأمور
 عد اولنہ بیلورلر • فقط بز حضرت عیسانک
 یالکز نبوتنہ قائل اولہرق حواریلری ایسہ
 اولسہ اولسہ اصحاب عیسیٰ دیہ تلقی ایده •
 بیلہ حکمزدن بونلرک من طرف اللہ رسالتلرینی
 تصصور بیلہ ایده جک بر مسلمان بولنمدقدن
 بشقہ شمدی خرسستیانلرک افکار جدیدہ
 اصحابی دخی بویلہ بالقجی درجہ سمنده کی

آدملك ارشاد عالمه مقتدر پيغمبر لر صره سنه
 كچه ميه جكني حكم ايتمكده درلر .
 ثانياً - مسيحيت روماقانونلري و حكمدار -
 لري طرفندن منع اولمش ايسه ده عجايب
 بر صورتده انتشار ايله نهايت حكمدار لر طرف -
 فندن دخي قبول اولمش .

بوده مباحث مخصوصه سنده ايضاحات
 لازمه سي و يرلمش بر مسئله اولوب بوراده
 تكرار ايضاحنه حاجت قانر . مع هذا
 موسيودوايت حضرتلر بنك لزومندن فضله
 اوله رق اخطاردكي تكراري كبي بز دخي
 تكرار ايدلم كه : روماقانونلريله حكمدار لري
 خريستيانلغني جداً و صحيحاً منع ايتما مشلر در .
 خريستيانلغك او چيوز بو قدر سنه ظرفنده
 رومانفوسنك نهايت يوزده يكر ميدن او توزه

قدر نسبتنده اوله رق ترقیسی ایسه محضاً
 افلاطونیلر و سائر حکیمانک بت پرستلکی هدم
 ایتلری سایه سنده اوله رق حالبوکه بوانتشار
 دخی هیچ حکمنده در . اکر خرسستیانه لقمده
 دعوی ایدیلان قوت فی الحقیقه بت پرستلکه
 فائق اولسه هندده و چینده دخی بوقوت
 کندی اثرینی کوسستری ایدی . چینلور
 خرسستیانه لقمه منع ایتدکاری کبی هندده انکلیز
 حایه دخی ایلدکاری حالده ترقیسی ینه هیچ
 اولوب دیسیونرلر کندی خسته خانه لرنده
 وفات ایدن بت پرستلری بعد الوفات و افتیر
 ایتک درجه سنده بر موققیته قالورلر .
 آمر بقا طرفلرنده ایسه اهالی قدیمه نک
 کوکارینی قیرمقجه دیانت اصلیدلر ینه دخی
 غلبه ایده مامشدر .

ثالثاً — خرسـتیا نلغک جبرایله نشر
اولمـدیغی وقـسطنطنیـک شمشیر قهرینه منتـدار
اولمـدیغی دعـواسی حالـا تکرار ایدیلـیور که
بودخی محل مخصوصـنده تفصیل اولمشیدی .
شمـدی باری ایشک شو جهتنی ده موسیو
دوایت حضر تـلرینک نظر انصافـلرینه عرض
ایده لم که : قسـطنطنیـنه سمت سـمادن « سن
بونـکاه غلبـه ایدـه جـکسک ! » نداسی کـدیکی
هیچ بر خـرسـتیانـجه منکر اولـه مـدیغی حالـده
اوندا بر عبادتـخانه یه دکل بر اردویه ریاست
ایدن حکـمداره کلش ایدی . خـرسـتیانـلر لـه
خـرسـتوسـی قسطنطنین کبی قانلی بر حکـمداره
حرب اوزرنده برده بایراق ویرمش اولمـدیغی
قبول اولمـدیغی و بو بایراق سایه سـنده
قسطنطنینک غلبه ایلدیکی و او غلبه سایه

سندہ خرستیانلق یوزہ چیقہ رق بت پرستلرک
 برچوق عبادتخانه لری قیسانوب برچوق
 یورطیلری دخی منع ایدلدیکی موسیو دوائتک
 مقبول و مصدق اولان ژیبون و قانتو تاریخلرنده
 مذکور ایکن حالا بونقطه ده عناد و اصرار
 کوسترمک آرتق عیب صائلمی:

موسیو دوائت حضرتلری شو اوچ
 ماده بی تکرار ایتکه نه دن مجبور اولدیغنی ده
 سویلده لمی؟ خرستیانلغک ردنده بو اوچ
 ماده مواد سائرمنک کافه سنه قوتجه تفوق
 ایده جکی ایچون بونلری نه قدر تکرار ایتسه
 کندیسندده قناعت کاه مامک محقق اولدیغنی
 جهتله بو قدر تکرار ایلیمور. خاتمه مقالی
 اولان بشنجی مجشده بو تکرار دن صکره دخی
 کویا بت پرستلکه غلبه ایدن شی محضاً

تعلیمات مسیحیه اولدیغنی کوسسترمک ایچون
دیورکه :

« اول عصرلرده کرک یهودیلردن کرک
بت پرستلردن برچوق کسه لر کندی نفسلر-
نده موجب هلاک برطاق شهوت و آرزولر
بولندیغنه قانمش اوله رق مذکور شهوتلرک
منعی خصوصه نده چوق اندیشه ایدرلر
ایدی .

شویله برطاق سوزلری ایشتمدیکی
زمان انسان یورکندن طوغری قباروب
کلان قهقهه لری فصل منع ایده بیلور ؟
شهوتلر و آرزولر اکر قوانین و اخلاق عالیه نک
تحسین ایتیه جکی بولده اولورسه واقعا
انسانی برهلاک معنوی یه دوچار ایده بیلور .
لکن روماقانونلری ایستدکاری قدر مستفر-

شه المقدن و یهودی دینی تعدد زوجاتدن
 منع ایتدیکی حالدده بونلرک شهوت و آرزولری
 نهدن موجب هلاک اولسون ؟ بو بابده
 یک شکایتلری و ارایدیه مؤخرأ نفسلرینه
 ظالم ایتدیکی عبادت ظن ایدن خرسیتیانلرکی
 کافوری و یاخود طفلان استعمال ایده
 بیلورلرایدی .

خرستیانلقدده بر تاثیر و ارایمش که او تاثیر
 انسانک صیرنقیلرینی تزیید و هوا و هو-
 سلرینی تنقیص ایتکه کافی ایمش !
 عجایب ! خرسیتیانلقدن اول دنیاده
 نیات خیر یوقی ایمش ؟ عالم یالکز هوا
 و هوسنده می مغلوب ایمش ؟ بو بابده دخی
 توار یخ قدیمه بی تحریفمی ایده جکز ؟
 حالبوکه مشتهیات دنیو یدیه هوس ایچامک

اگر بر امر ممدوح ایست فلاطون نیز کی بر طاقم
 فیلسوف و با خصوص « سینیق » دینلان
 کلبیون حکما بوهوا و هوسدن نفس لرینی
 بالکلیه منعه چالیشور لر ایدی . بز ایست انلک
 جبر نفس ایتملرینی ده تحسین ایتمیز . اما
 خرستیانلغده کانیجه : اناجیل موجوده ایچنده
 دخی مشتهیات دنیو یدبی منعه دائر جدی
 برشی کورده میورر . « مالا طاقه له » حکمده
 اولان بعض و صایای خیال پرستانه دن قطع
 نظرله خرستیانلغک تعدد زوجاتی بیله منع
 ایتمدیکنی و یالکز پاپاس طاقنک ساده بر
 قاری ایله اکتفای تو صیه ایتمدیکنی کو -
 ریورر .

ایشته بز خرستیانلق فیلسوفلغده مغلوب
 اولدیغنی بر طاقم خصوصاتله برابر برده بو

مسئله ایله حکم ایلیورز یا! نفسلرینی قادیندن
 منع ایتک یالکز بعض صنوف حکمایه
 مخصوص اولوب خرسیانلقده ایسه هیچ
 بویله برشی اولدیغی حالده مجرد دهها ابتدای
 تأسیسند خرسیانلق فیلسوفلغه مغلوب
 اولدیغی یعنی ایلک خرسیان پاپاسلری دخی
 هب عن اصل فیلسوف و باخصوص سن
 ژوستن کی فیلسوفلقده دخی ناتمام بولندقلری
 ایچون نه ایدوکنی آ کلامدقلری یکی دینی
 نه اوله جغنی برچوق آدمک آ کلایه بیله -
 جکاری اسکی فیلسوفلغه تطبیق ایده ایده
 خرسیانلغه رهبانیت دخی ادخال ایتشلدن
 برکت ویرسون که برقاچ عصر اول لوتر
 کلدی ده پروتستانلق نامیله بعض اصلاحات
 جزویه یه موفق اولدیغی صره ده بو خطای عظیمی

دخی تصحیح ایلدی . دوستم موسیودوایت
حضر تلی بوندن طولایی لوترک جاننه
رحمت او قومغه بور جلودر . زیر اقانولیک
اولسه ایدی بر فامیلیایه بابا اولمق کبی عظیم
بر ذوق دنیویدن محروم قالور و کوزی هر
کور دیکی بنات حوایه دیکی لمور طورر
ایدی .

دیندن مقصد اصلی حقیقهٔ اصلاح
ذات اولدیغی حالده موسیودوایت حضر.
تئرینک بو مقصدی صورت تصویری لینه
نظراً نصارانک بو بابده دخی یک ناقص
قالدقلرینی اثباتده اصلاً صعبوت چکلیمه.
بحکدر .

باقسه کنزاً بحثی اسلام علمای قدیمه سنه
عطف ایله نه لرسو یلیور : کویا اسلامده

علمای قدیمه ایلہ علمای جدیدہ نک برفرقی
 وارا ایش کی « قدیمہ » لفظیلہ تعین ایلدیکی
 علمانک « جهادا کبر » عدا ایلدکاری مجاهدہ
 نفسیه بخشتری نی درمیان ایلور . اصلاح
 نفس اغورینه انسان ذوق و صفای فدا
 و کناهی ترک ایتلی ایش . بوسوزده اوچ
 مقصد و ارکه خرسیتیانلق نقطه نظرندن
 تصویری ایدلمک ایستنیلور ایسه اوچنکده
 آره سنده هیچ بر مناسبت منطقیه اولسون
 کورلیور .

اصلاح نفس ! اوت بو مطلقو بدر .
 فقط ذوق و صفای ترک نه دن لازم کلسون ؟
 جناب حق کندی رزقندن صفای خاطرله
 اکل و شربی توصیه بیور یور . اکر ذوق
 و صفایله اکل و شرب ایتدیکنز نعمه الله

شکر دخی ایدر ایسه ک او نعمتلی تزیید دخی
بیوره جغنی وعدایلیور .

کناهی ترک ! بوده مطلوبدر . لیکن حد
شرعیسی داخلنده کمال شکرانله اکل و شرب
و ذوق و صفا ممنوع اولمدیغی حالده آنی ترک
نه دن لازم کلسون ؟ فقرای صابرین مقابلنده
اغنیای شاکرین واردر . وجود مزی
تعذیب آداب اسلامیه جه ممنوعدر . کناه
ایسه محرماتدن عبارت اولوب آنر دخی
قرآن کریمده معیندرلر .

بناءً علیه تعلیمات مسیحیه دنیلان و «درر
منجیه مسیحیه» و سائر خیالنامه لرده توصیه
اولان شیره آداب اسلامیه سنی بیلن بر مسلمان
محضاً وهم و خیال دیه نظر ایدر . شریعت
محمدیه ذوق و صفا ایچونده مجاهده نفسیه

ایچون ده او قدر مکمل قانونلر قویمشدرکه
 اهل اسلام بو حریت شرعیه ایله هم صفا
 ایدر هم ده اصلاح اخلاق ایلر . بو بابده
 میسیونرلر حضراتندن نصیحت بکلمکه
 اصلا محتاج و مجبور دکلدرلر .

مناظر من موسیو دوایت حضرتلری
 اخلاقجه ترقیات ائم خرسیتیانلق سایه سنده
 میسر اولدیغنی کندیمی ظن ایلدیکی کبی
 خلقه دخی ظن ایتدیردم اعتقاد یله ۱۸۰۰
 سنه دنبری کوریلان ترقیات مدینه نك دخی
 محضا خرسیتیانلق سایه سنده میسر اولدیغنی
 ظنه و بو ظنی دخی هر کسه قبول ایتدیرمکه
 قانتشیورلر . فقط نه قدر اولسه حقایق
 تاریخیه هر کسک کوزلرینی قاشدیرر بر نور
 اعظم اولمق اوزره میدانده بولندیغندن ده

ابتدای کلام شده دوستی محبوب ایدرک
عظیم بر اعترافده بولندیر یور . ایشته
« خرستیانلق محو اولینجده بو ترقی محو
اوله مز » دیه قوص قوجه مان برسوز
سو یلدیکنی متعاقب البته نور حقیقه قارشو
براز اوتانهرق دیورکده :

« قرون وسطی اثناسنده خرستیانلغه
ادخال ایدیلان عادات باطله و خرستیان
نامی آلمش اولان کسه لک عادات قبیحه سی
اهل صلیب وانگیر یسیون کبی خرستیانلغ
ماهینه مغایر بولنان احوال هم انجیل احکا.
منه کوره همده بو عصرده کی خرستیانلرک
اکثر قسمنک حکمنه کوره تقبیح ورد
اولنورلر »

آفرین موسیود وایت ! شوراده بزه

یدی سطر سوز سو یلدیگز که مدافعه مزی
 رد ایچون یدی جلد کتاب یازمش اولسه کز
 حکمده قوتده بو یدی سطر درجه سنه
 واره مزی . شمدی یه قدر کرک کندیمزی کرک
 ار باب طالعده یی یور مغده نه حاجت وار
 ایدی ؟ بوسوزی ابتدای کلام کزده سو یله یی
 و یرسه ایدی کزده ایش دخی بیتسه ایدی
 اولزمی ایدی ؟

موسیو دوایت حضرتلر ینک بوسوز .
 لری او قدر مهم و او قدر معنی داردر که
 قارئلر مزی بوسوزک معنا سنده کی شمولی تقدیر
 ایده بیلک ایچون بورایه بر بند مخصوص
 فوق العاده درجیه کوزل بر شرح یا پیغمده
 لزوم کوردک :

« بند مخصوص »

- شرح حقیقت -

موسیو دوایت حضر تتری خرس تیانلغه
ادخال ایدلدیکنی اعتراف بیوردقتری عادات
باطله یه ظرف زمان اوله رق «قرون وسطی»
دیور لر • اولاً بو «قرون وسطی» نه در ؟

واقعا مکتب چوجقتر ینک دخی تدرس
ایتمکده بولندقتری تاریخ عمومی اقتضاسنجده
قرون وسطی دیه ازمئه متقدمه ایله ازمئه
بعدیده آره سنده گذار ایلان عصر لره دینلور که
بزجه بونک براسمی دخی « ازمئه متوسطه »
اولوب بوده ۴۷۶ سنه میلادی سنده رومای
غرب ینک زوال بولسدیغی تاریخ ایله ۱۴۵۳
سنه میلادی سنده استانبولک عثمانلیلر طرفندن

فتح اولندیغی زمانه قدر کذار ایلیمان
و قتلدر .

کوزجه دقت ایدهلم که عن ۴۷۶ الی
۱۴۵۳ خرسیتیانلغه برطاقم عادات باطله
ادخال اولندیغی موسیو دوایت حضرتلری
کندی قلمز یله اعتراف بیور بیور لر . حالبوکه
ینه براز صکره موسیو دوایت حضرتلرینک
اعتراف بیور دقتری عادات باطله نک بو ۴۷۶
سنه سندن اول و ۱۴۵۳ سنه سندن صکره
دخی بولندیغی اثبات ایده جکزی یا ! یعنی
خرسیتیانلغک از منه متوسطه سی بو ۴۷۶
دن اول باشلا یوب ۱۴۵۳ دن صکره یه قدر
دخی دوام ایلدیکنی کوستره جکزی یا ! شمدیکی
حالده فرض ایدهلم که مناظر مزک اعتراف
بیور دقتری عادات باطله محضاتار یخ عمومینک

از منہ متوسطہ می ایچندہ کورلشدر .
 حالبو کہ قسطنطین زمانہ کلنجہ یہ قدر
 خرسٹیانلق رومالیر اندہ اسیرو زبون
 و محکوم و مغلوب اولدیغنی دخی موسیو
 دوایت حضرتری اعتراف بیورماشمی
 ایدیلر ؟ قسطنطینک ایتالیاہ یعنی رومای
 مرکزیه غلبہ سی ۳۱۲ سنہ میلادیہ سنہ
 ایدی . لکن بو غلبہ نک همان عقبنده
 خرسٹیانلق موسیو دوایتک دیدیکی محکو .
 میتدن قورتلش اولہمدی . زیرابر یاندن
 بت پرستلرک عبادتخانہ لرینی قیامق یور .
 طیلرینی منع و خرسٹیانلرہ ظلم ایدنلرک قفالرینی
 کسمک خرتلاق لرینی صیقوب بوغغق کبی
 مظفریتلر ایچون دخی برخیلی سنہ لر ایستر .
 فقط مناسطرمزک نفعی ایچون بزبونلری

حسابه قائمیدام ! دیدم که خرسیانیلق ۳۱۲
 سنه سنده محکومیتدن قورتلش و ۴۷۶
 سنه سنده ایسه بر طاقم عادات باطله ادخال
 اولمش که بونفر خرسیانیلقک ماهیتنه مغایر
 وانجیل احکامنه مخالف اولدیغندن تقبیح
 ورد اولنورلر ایش *

۳۱۲ سنه سی ایله ۴۷۶ سنه سی آره -
 سنه نه فرق وارددر؟ ۱۶۴ سنه می؟ یا عجبجا
 خرسیانیلق محکوم و مظلوم اولدیغی اوج
 عصر مدت ظرفنده بوکا هیچ عادات باطله
 ادخال ایلمش اولیوبده یالکیز ۱۶۴ سنه
 ظرفنده همده خرسیانیلق آرتق غالب
 و حاکم اولدیغی زمان فیصل عادات باطله
 کیرمش؟ ایشته بوراسی موسیو دوایت
 حضرتلرینک دخی نظر انصاف و دقتلرینه

شایسته برشیدر .

اما رجا ایدرز که موسیود وایت حضر-

تلی ایتدکلی بو اعترافدن جایست و نر .

زیرا بو اعترافلی بزی کافد ادا مزده تصدیق

دیمک اوله جفنی شمدی کورر لر . هاله بز

شرحزده دوام ایدلم:

تاریخ عمومینک منقسم اولدیغی اوج

ازمنه یی یکدیگرندن فرق ایچون برطاسم

وقوعات عظیمه واقع اولمشدر . تاریخ عمومی

دیرکه : ازمنه قدیمه یی ازمنه متوسطه دن

فرق ایدن وقوعات اوله بار بارلرک هجومی

ثانیاً رومانک انقراضی ثالثاً حکومات

جدیده نك تأسیسی قضیه لریدر .

ازمنه اصلیه ثلاثه نك هر بری دخی

کنده یلرنجه بعض اقسامه منقسم اوله رق

بونلره ایسه عائد اولدقلری زمانلر احوال
عمومیه سنه کوره برر نام ویرمک تاریخ عمومی
قواعدندرز . مثلاً ازمنهء متقدمه اوچ قسمه
آیر یله رق برنجیسنه « زمان اول » دیرلر که
طوفان نوحدن اولکی زمانلر دیمکدر .
ایکنجیسنه « زمان اساطیرالاولین » دیرلر که
احوال تاریخیه سی خرافات و خیالاتدن
عبارت اولان زمانلر دیمکدر . اوچنجیسنه
« زمان تاریخ » دیرلر که احوال تاریخیه سنک
احوال صحیحهء تاریخیهء صورتنی آلمد باشلا.
دیخی زمانلر دیمکدر .

ازمنهء متقدمهء اتیمو اوچ اقسام
ثانیه سندن هربری دخی کندیلکینجه و اوچنجی
درجه ده اوله رق برطاقم اقسامه منقسمدر .
ازچله بزجهء مطلوب اولان اوچنجی قسمی

یعنی « زمان تاریخ » قسمی آلتی « دور » دیه
 آلتی قسمه تقسیم اولنور . بو آلتی دورک
 برنجیسی ایکنجیسی اوچنجیسی دردنجیسی
 هب خرستیانلغک ظهورندن اول اولدقلری
 ایچون بزه لازم دکلدر . فقط بشنجیسی
 و آلتنجیسی خرستیانلغک ظهور و انتشاری
 زمانلرینه مصادف اولدیغندن بونلره ویریلن
 عنوانلر بزجه پک مهم اوله یلورلر .
 ایدی دقت ایدلم که میلاد عیسادن
 اوچنجی عصره قدر اولان بشنجی دوره
 تاریخ عمومی هم ده ملل نصرانیه نکل تنظیم
 ایلدیکی تاریخ عمومی « رومانک دور عظمت
 جهانکیرانه سی » نامی ویر یور . میلادک
 برنجی ایکنجی اوچنجی عصرلرنده روما
 امپراطورلغی عظمت جهانکیرانه نکل

حقیقهٔ صوڪ درجه سنه وارمش ایدی .
 حالبوکه میلادك اوچنجی عصرندن بشنجی
 عصرینه یعنی ۴۷۶ سنه سنه قدر اولان
 التنجی دوره « رومانك دور انقراضی »
 نامنی ویریور .

دها زیاده دقت ایدهلم : رومانك دور
 عظمت جهسانکیرانه سی اولان برنجی
 وایکنجی و اوچنجی عصر میلادده خرسیتیا
 نلر رومانك محکومی ایدیلر . ۳۱۲ سنه
 میلادیه سنه قسطنطینك سایه جلا دانه سنه
 خرسیتیانلر محکومیتدن حاکمیته انتقال
 ایلدکاری زمان روما شوکت و عظمتك
 اوج اعلا سنه ایدی . اندن صکره خر -
 ستیانلر موقع اقباله کاور کلز یالکز یوز التمش
 درت سنه ظرفنده نصل بر صورت مده شه .

ده منقرض اوله رق پالدير كولدر ييتلدي ده
بار بارلوك پايمال خيولي اولدي ؟

بوني ده اكلايه بيلك ايچون مشهور
مونتسكيونك : « رومانك بيوكاكي ايله
انقراضنك اسبابي اوزرينه ملاحظات »
سرلوحه لي اثر نفيسي كورمليدور . بو
اثرنده مونتسكيو اصلا انكاره مجال بولنه
ميه جق صورتده اثبات ايليوركه روما محض
اخلاق بوزو قلغي سيئه سيله منقرض
اولمشدر . سفاهت و اسراف و عيش نوشه
ميل ايدرك خصائل قهرمانانه يي ترك ايلديكي
كبي اجر اي عدالت و سياستنده دخي ظلم
و اعتساف بولنه صايه رق برآوج بار بارلره
مغلوب و محكوم اولمشدر .

يا عجب يا خرساينلوك محكوم و مغلوب

اولدقلى اوچ عصر مدته روماليلرك
اخلاقنه خلل كلي. رب نه اندن صكره
خرستيانلرك غالب وحا كم اولدقلى ايكي
عصر قدر مدته اخلاقلى نيچون بوزلمش؟
هانيا موسيو دوايت حضرترلى خرستيا -
نلغك اخلاق حسنه سندن تر قيسندن فضا -
ئلندن فلان دن بحث ايدى يورايدى . بو فضيلتلىر
ذاتاشوكت و قدرت صاحبي اولان رومايى
برقادهاقوتلندير مكى لازم ايدى ؟ يوقسه
اخلاقنى افسادمى ايتلى ايدى ؟

بو ايضا حاتمزدن كندى كنديسنه تبين
و تحقق ايدر كه موسيو دوايت حضرترلى
قرون وسطاده خرستيانلغه برطاقم اخلاق
وعادات باطله ادخال اولنديغنى قبول
واعتراف ايتكله قرون وسطانك مبدئي

اولان ۴۷۶ سنه سندن صکره بواخلاق
 باطله وعادات مغایره نك ادخال اولمغه
 باشلا دیغنی اعتراف ایتمکه قالمش اوله مز
 بلیکه ۴۷۶ تار یخندن اول دخی اخلاق
 وعادات مضره نك وقوعی قبول ایتش
 اولور که او حالده تمام ۳۱۲ سنه سندن
 صکره یعنی خرسیتیانلر محکومیتدن حاکمیه
 ومغلو بیتدن غالبیه تحویل ایلدیکی زماندن
 بدأ ایله عادات و اخلاق مضره ومغایره
 میدان چیقمش و رومایی دخی وادی
 انقراضه وارنجیه قدر بوزمش اولور
 ذاتاً خرسیتیانلغک حال و شانی اقتضا
 سندن در که نروده ونه زمان محکوم و مغلوب
 اولور سه بر مسکنت خائنه بی کو یافضائلدن
 عدایدر و نروده وهانکی زمان غالب و حاکم

اولور سه جهمانی یاقق و ییقق درجه سنده -
 کی مظالمی اور ته یه قویار + اندلسده مجار -
 رستانده سچلیاده وزمانز جه دخی بلغارستان
 وسائر ده کوریلان استوال ایشته هب
 بو حال و شان اقتضاسندندر + خرسیتیانلغک
 بو فنا لغی تعدیل ایچون یالکز سر بستی
 وجدان دیه معاذ الله تعالی دینسر لکه قدر
 وارد قلمینی مع التأسف کور مکده اولدینمز
 افکار سر بستی و سر باز ینک تغلبنه لزوم
 کور یلور!

خرسیتیانلغک ازمنه متوسطه سی
 تار یخک ازمنه متوسطه سندن همان ایکی
 عصره قریب بر زمان تقدم ایلدیکی کبی
 نهایتی دخی تار یخک ازمنه متوسطه سندن
 پرچوق زمان صکره یه قدر دوام ایلشدر +

زیرا استانبول عثمانلیلر طرفندن فتح اولمغله
 یالکیز باز آمیر دنیلان شرق ایمپراطور -
 لغندن خرسیتیانلغاک فناقلری بر طرف اولنوب
 اورو پاده ایسه فرانسه نك بیون انقلابی
 زمانه یعنی ۱۷۹۳ سنه سنه قدر دوام ایده
 کیتشدیر . جمهور جیلر خرسیتیانلق کلیساسنی
 کایا هدم ایدرنک یرینه « معبوده عقلیه »
 دیه بر صنهر کز ایتدینجه کندیلرینی اسارت
 نصرانیه دن قورتاره مامشلدیر . معاذالله
 نه مصیبت که دینک مصائبندن مظالمندن کفره
 التجا ایدلسون !

موسیو دوایت حضرتلرینک « قرون
 وسطی » دیدکاری مدت تمام آثار ظمیلیه برابر
 ۳۱۲ سنه سنندن ۱۷۹۲ سنه سنه قدر دوام
 ایادیکی بوضورتله مرتبه تحقیقه وارنجیه

حکیم نه یه منجر اولور؟ خرسیتیانلق محکومیت و مسکنتده بولندیغی مدتیجه نظام وانتظام عالم پک بولنده اولوب نهایت خرسیتیانلق تکرار حکمدن دوشمینجه اولونظام وانتظامک عودت ایدمه ماش اولمندن عبارت بر نتیجه کوسترمش اولزمی؟

زیرا ۳۱۲ سنه میلادیه سنه قدر محکوم اولان خرسیتیانلق انجق سنه مذکورهدن ۱۷۹۲ سنه سنه یعنی بیوک انقلابه قدر شدائدومظالمی ایقاع ایتش اولوب بیوک انقلاب بدن صکره حریت وجدان میدان چیقنجه ارتق مظالم خرسیتیانیه میدان قالماش وشوالیه جمعیتلری محوایدیلهرک انکیریسیمون بتون بتون معدوم اولمش و پاپاس گروهی حکمدن دوشوب بانخاصمه جزو یتر طرف

طرف طرد ایدلش و نهایت پایدانک حکومت
جهانیه سینه خاتمه چکیده را اقوام و انک
حریتلری کندی الارینه و برلشدر .

کور بیورمیس - کز که موسیو دوایت
حضر تلری بر « قرون وسطی » فنا لغی
اعتراف بیورمغله نردله قدر تعمیم اعتراف
بیورمش اولیورلر ؟ هذا من فضل ربنا !
زیرا تکرار ایدرز که بوا اعتراف بزم ایچون
بر اعتراف کلی اولوب بوا یسه « الحق
یعلو ولا یعلی علیه » سرینک حکم مادیسی
دیمکدر .

شمسی بر ازده قرون وسطاده وقوعی
موسیو دوایت حضر تلرینک اعتراف
بیورد قلی فنا لغله عطف نظر تشریح ایده لم :
دیورلر که « خرس تیانه نامنی المش اولان

کمه لرك اخلاق قبيحه سی ! واهل صليب
وانکیریسیمون کبی خرسیتیانلغک ماهیتنه
مغایر بولنمان احوال ! الخ »
عجیباشو سوزدن قبیحات واقعہ
خرسیتیان نامنی الان یالکیز بر صنفه
مخصوص اولوبده هیئت عمومیه وکلیدنک
بوقبیحاتدن بری اولدیغی می اکلاشیله جق ؟
هیئات !

« خرسیتیان نامنی المش اولان کمه لر »
دیگدن اوزمانلرک عموم خرسیتیانلغی مراد
اولنیور ایدی . زیرا اهل صلیب عالم
نصرانیتک هیئت مجموعہ و عمومیه سی
طرفندن ترتیب اولندیغنه هیچ برکمه نک
تاریخجه شبهه سی یوقدر . واقعہ اشرق طرفلری
انکیریسیموندن براز جق وارسته قاله بیلمش

ایستاده بودخی محضاً مسلمانان را سایه
 سطوتند حصوله گلش بر نعمت اولوب
 یوقه انکیزیسیون تحت حمایت اسلامیده
 بولمان برلردن ماعدا عالم نصرانیتان هر
 طرفنه و حتی مستعمرات و مستملکات بعیده یه
 بيله شامل اولمشیدی . بناء علی ذلک موسیو
 دوايت حضرتلری « خرسیمانلر نامنی الان
 کسه لر » دیمکه بوندن یالکیز برقاج کسه لر
 مراد ایتش اوله مز لر . بر کره حکم دالر
 بونام التنده داخل ایدیلر . انلرله برابر کلیسا
 هیئتتی علی العموم و بالاتفاق داخل ایدیلر
 انلردن ده صکره قونت دوق بارون کبی
 نه قدر زادگان وار ایسه جله سی صلیبیتی
 قبول ایدرک بو اتفاقه کیرمش لر و تبعه لرینی
 دخی صوقش لر ایدی . هله انکیزیسیون

ظلمدن حکمدارلرک بيله قور تلمری قولای
 دکل ایدی . ایشته بوسبیه مبنیدر که موسیو
 دوایت حضر تلمری یدی سطرلق بر لقردی
 ايله عالم نصرانیتی فرمان فرما اولدیغی
 عصر لرحه مدت ایچون علی العموم و بلا
 استثنا محکوم ایلشدر .

سطوت اسلامیه الشده بولنان یرلرک
 موسیو دوایت حضر تلمری طرفندن اعتراف
 بیور یلان قجیاتدن وارسته قالسی تاریخجه
 نه بیوک وقوعاتیه سبب اولدیغنی اکلامق
 ایستیانلره بوندز اول کائنات سرلوحه لی
 کتبخانه تاریخمزک دولت علیه یه مخصوص
 اولان قسمنک مطالعه سنی توصیه ایلرز .
 سکود ناحیه سند مسافر قونمش اولان
 دریوز چادر خلقی ارطغرل و عثمان نازی

کبی ابلک قوماندانلرینک سـوقیله ممالک
رومیهدن بالنسبه پک آز بر مقدار و یری فتح
ایده بیلش اولدقلری حالده اندن صـکره
دفعاتله اهل صـلیب اردولرینه مقـاومت
وجله سنی قهر و تدمیر ایدرک عقلاره حیرت
و یره جک فتوحاتک اسباب اصلیه سی میانده
خرستیانلغک بالکلیه چیغردن چیغیش
اولسـیله اسلامیتک ایسه بالعکس حقوق
پرورلیکنک اکلاشلش بولنسی قضیه سی
دخی ادخال ایديله مز می ؟

استانبول ایمپراطورلغـنک اناتولی
تکفورلرینی عثمانیلره قارشو ثباته تشـو
یقلری محضـا غیرت دینیملرینک صـوک
آثار یله میسر اوله بیلش واسـلامان کو یا
خـرستیانلغی محو ایده جکی خـوفیله جله

خرستیانلر صوڪ درجه لره قدر مقاومتی
 كوزه الدیر مقده بولنمش ایدی . حال بوكه
 فتوحات براز ایلروله یوبده اسلامك
 مدنیت و دیانت قدیمه بی حاجی دكل بالعكس
 حامی اولدیغی تحقق ایدنجه امر فتوحات
 حقیقه قولایلا شمش وغازی میخال بك
 واورنوس بك و حاجی ایلیم بك كبی روم
 سردار لر بك عثمانلیلق شاننه اشترالك ایتلمرینی
 متعاقباً از جمله قو صووه ملحمه كبراسنده
 كوستندیل پرنسی قسطنطینك خدمت
 شاهانه ده ثبات كوسترمسی كبی احوال
 دخی حیرت فرمای عقول اولمشدر . بعض
 مورخلر بو مثالو آثار صداقتی خرستیان
 پرنسلر بك قهر عثمانیدن قورتلرینه حمل
 ایشلر ايسه ده نه یوك خطا دركه قو صووه

ده اردوی عثمانی همان محو اولق درجه -
 لرینه کلمش و هیچ بر قوزقویه محل قالماش
 ایکن پرنس قسطنطین مجرد اداره عثمانیه
 ایله اداره قدیمه ارسنده کی فرقی نظر
 انصافه الهرق حال جدیدک سلامت مامه
 موافقتی کورمک صورتیه صداقت
 کوستر مشدر .

اسلامک قلیج قوتیه تأید ایدلایکنی
 همده بغیر حق دعوی ایدن خرسیان
 مورخلری بوجبری ابتدای اسلامه عطف
 ایدرک عثمانلیله ایسه اویله خلق مسلمان
 ایمک کبی برمه صد عطف ایده مزلر . حتی
 بوسنه طرفلری اهالیسنی مسلمان ایمک بر
 ارمق خاطر حکومه خط و رایتمش ایکن
 علمانک مقتضای شرح شرعی اخطارلری

اوزرينه واز پكلمش ايدي • يا اويله ايسه
بلغارستانده ارناودلقده بوسنده خروا -
تستانده بونجه ميليونلره اهاينك اسلامي
قبولاري نه دن نشأت ايلشدر ؟

بو حاللرك كافه سي خرستيانلغك سلا -
مت مدنيه ايله توفيق قبول ايده ميديكنندن
نشأت ايديكنه هيچ بر عاقلك شبيهه سي
قالمز •

ايشته نمالك اسلاميه الحاق ايدن
هر يرده اهايلدن بر قسمي قبول اسلاميله
يقالريني مظالم نصرانيه دن قورناره بيلش
اولدقلى كبي بقيه سي دنجي هر حالده رعيت
عثمانيه ده بولمق شرفيله او مظالم دن قور -
تمشدر • اما اورو پاده اويله بر حايه
اوله ميديغندن تا ۱۷۹۲ سنه سنده فرانسه ده

بيوك انقلابك وقوعيله خرستيانلق بناسي
ييقلدیغی کبی فرانسه دن صکره دخی سائر
ملتلر هب اویله برر انقلاب ایقناع ایدرک
خرستیانلغی حکمدن دوشور مینجه قورتیله.
مامشدر .

بو تفصیلات هیچ براهل تار یئک
وقارء عاقلک انکار ایدهمیه جکی حقایقدن
اولدیغی جهتهله خرستیانلغک بتون جهنانک
باشنه بر بلا اولق اوزره یرتو المش اولدیغی
وتجدد افکار وقوعه کلمینجه او بلادن
خلاص ممکن اوله مدیغی بجهله نک تصدیق
النده کیرمشدر .

قرون وسطی ظرفنده وقوعنی موسیو
دوایک اعتراف بیوردقری فنالقر بالکاز
محاربات صلیبیه ایله انکیریسون بلاسی ده

دکدر . مدافعه مزده اخلاق خرسه تيمانيه نك
نه صورتله نه درجه لره قدر بوزولديغنه
دأرويرمش اولديغمز معلوماتك كافه سي
اعتراف ايدلمش ديمكدر ، زير انكيزيسيون
كبي بر بلييه اويله قوب قولاي وقوعه
كلمه ميوب كرك حكمه دار وزادكانك وكرك
كليسا وناسك اخلاقي لزومي وجهله بوزلمش
اولميدركه اوفناقلر دخي وقوعه كاسون .
اوزمانلر اخلاقسز اهالي ديرلر ابدى كه .
« سنيورلرمن قرالدين بيوكدر » سوزك
بودرجه سي يالكز حقي طائيمه جق درجه .
لرده بر حد سنلك اوله بيلور ايسه ده « قرالارمن
دخي اللهدين بيوكدر » ديرلر ابدى كه اصل
فناغلك درجه سي بونده تحق ايدر .
ويقتور هوغونك « طقسان اوج » سز او .

حه لی رومانی ایله سائر آثارنده اوزمانلرک
 تربیه دینه و سیاسیه سنی موازنه به مدار
 اوله بیله جک بومثالو شیریک چـ و قدر .
 نتیجه کلام موسیو دوایت حضرتلری
 شویدی سطرلق سوز یله رد نصارا یو .
 لنده کی افاداتمزلک کافه سنی تصدیق ایتیش
 دیمکـ درلر . نور حقیقتک یوسـ ورتله لمعه
 پاش اولدیغندن طولانی جناب اللهـ هـ جد
 و ثنار ایدرز .

(انتهای بند مخصوص)

موسیو دوایت حضرتلری کافه حقایق
 او مشهوریدی سطرلق سوز یله اعتراف
 و تصدیق بیوردقدن صکره چونکه اصل
 وظیفه لری مدافعه بی رد ایتک اولدیغندن
 « رد یولنده اولسونده فصل اولورمه

اولسون « دینه ینہ ردیائندہ دوام ای دیور »
دیور کہ :

« ہونکہ برابر مدافعہ نک بویہ وقو۔
مانہ دائر اولان محاکمہ سی مسئلہ نک انجق
بر طرفی اوزرینہ بنا اولندیغندن قبول
اولندہ من ۔ مثلاً مدافعہ دہ امریقایہ کیدن
اسپانیالیلرک ظالمانہ حرکتلرندن بحثاہ
مرقومان بویہ برطرز ایلہ اشعار اولمشدر کہ
ہم مذکور وقوعات عموم خرسیتیانلرک
اتفاقیلہ وجودہ کلش ہم دہ خرسیتیانلرک
اورایہ کیرمی بلا وقضادن بشقہ برشی
حصولہ کتور مامش اولدیغی اکلاشیلہ۔
جقدر »

اکلاشیلہ بیلوریا ! برشیدن نہ اکلا۔
شیلہ جغنی کورمک ایچون اوشیئی براز

اطرافلیجه مطالعه اتمک کافیدر . موسیو
دوایت حضرتلری بوسوز ایله یالکز اسپا .
نیولارک مسئولیتی عموم خرسیتیانلره شامل
اوله میده جغنی وامریقایه خرسیتیانلرک کیر .
مسی پلکده بلا وقضادن صایله میده جغنی
اکلامغه چالیشیور ایسه ده بو باده کی
موقییتی دخی زیاده سیله مشکوک وحتی
احتمالدن دخی بعیددر .

برکره دوشونه لم باقه لم که اسپانیوللرک
امریقاده دوچار اولدقلری مسئولیتدن
خرسیتیانلر هانکی طرفلرده یقالرینی قور .
تاره بیلشلردر . امریقادن اول اسپانیول
وپورتکیزلرک اندلس عربلری حقنیده کی
مظالمی پک مشهور اولدیغی ایچون اندن ده
بخت اتمه لم . فقط سبجلیاده دخی اسلام

طولی ایدی . بونترک محوندن ایتسالیانلر
مسئول دکلیدرلر ؟ بحارستانده صربستانده
اولاح بغدادده اسلام طولی ایدی . بر
دانه سی شمدی وارمی ؟ جزایرده فرانسه لر
هندستانده انکلیرلر اهل اسلامه نه لرایتدیلر ؟
« قارتاز مسامره سی » و « مفتاح قرآن »
کبی اسلامه تعرض کتابلرینی یازان جزایر
پاپاسلرندن بر فرانسه زد کلیدر ؟ بونجه میسیو-
زلری هر طرفه کوندرن فرانسه و انکلتره
ایله ینه انکلیر جنسندن اولان آمریقا
دکلیدر ؟

حق الانصاف یالکزبر روسیه یی کور-
دک که اسلامک محوی امرنده کی مسئولیت
مادیه و معنویه یه اول قدر مشترک اوله من .
هر زرده اسلام نفوسی چوق ایسه مهما .

امکن کندیلرینی محفاظه ایدہ بیلہ رک از
اولان یرلرده ایسه محو اولمری خصوصاً
امریقا اہالی قديمه سندن فرقلری اولماش
و بناء علیہ اسپانیولارک موسیو دوايت
حضرتلری طرفندن دخی حکم ایدیلان
مسئولیتلری سائر برچوق خرسیتیانلره دخی
شامل بولمیشدر .

نه حاجت؟ سوزینک براز دها اشا -
غیسندہ موسیو دوايت حضرتلری کمال
غرور و افتخار ایله خرسیتیانلق عالمک بر
طرفندہ بر فئالق اولورسه دیگر طرفندہ کی
خرسیتیانلرینه او فئالغک منعنه شتاب ایدرک
منع ایلدیکنی درمیان بیورمیورلرمی؟ اویله ایسه
اسپانیولارک ایتدکلری فئالقلری مثلاً فرانسه
وانگلتره کی متجاورلرینک تصحیح اینماش

اولمزی دخی موسیو دوایت حضرتلرینک
افکار و اعتقاد و اعترافلرنجه بیوک بر
مسئولیتدر .

امریقا اهالی قدیمه سی حقنیده روا
کور یلان غدارلقلری موسیو دوایت حضر-
تلری صالت پرو و مکسب قانمالکنده وجوده
ککش اولیق اوزره حکم ایدرک بونی ده
» عموم خرسیتیانلغک تقبیحنی موجب
اولمشره دیه محکوم ایدیورلر . بواثر
انصافه دخی تشکر ایدر ایسه کده یوقاروده
عرض ایلش اولدیغمز وجهله سجلیاده
جزایرده هندده بحارستانده صرستانده
رومانیاده وسائر یرلرده وقوعه کلان عین
حالات دخی عموم خرسیتیانلغک تقبیحنی
موجب اولمزی ؟ حالا بلغارستانده شرقی

روم ایلیده یونانه ترك اولسان یرلده
رومانیایه و یریلان دو بریمده اهل اسلام
ترك دار و دیار ایتمه مجبور ایلسان احوال
دخی عموم خرسیتیانلغک تقبیحنی موجب
اولیه جقمی ؟ بیچاره آمریقایلرک قاچه
جقلری یرلری بونلدیغی ایچون محوه قدر
کوزه الدیر مشلر ایدی . اکر شمدی
حکومات خرسیتیانیه تابع اولان مسلمانلرک
دخی قاچه جقلری یر بونلسمه هرچه باد آبادی
کوزه الدیر ورق کندیلرینی قتل عام ایتدیر
نجمیه قدر مجبوریت کوره جکلرینه شبهه
ایدیلورمی ؟

یا الیوم روسیه ده اوستریاده المانیاده
و سائر اوروپا ممالک مترقیه سنده یهودیلر
حقننده کی مناسلمی نه یاپه لم ؟ بونلری دخی

عموم خړستیانلغك تقبیح ایدہ جگنہ اینانہ
لمی ؟ یا عموم خړستیانلق مالمکنده کی معا .
ملہ نك عمومی ینہ عموم خړستیانلق طرفندن
تقبیح اولنہ حق ایسه بو سوزدن عموم
خړستیانلغك ینہ عموم خړستیانلق نظرندہ
شایان تقبیح اولدیغی ا کلا شیلوبده تحقی
ایتمی ؟

کور یور میسکز موسیو دوایت دوستمز !
کور یور میسکز ای اهل انصاف ! حق
اولان برشیئی او یلد برقچ جلد ردیه لر ایله
ستره امکان اوله بیلور می ؟

امان یارب ! موسیو دوایت حضر .
تلمی هیچ اولمز ایسه بر جهت معذرت پیدا
ایتمک ایچون نہ قدر کافتلر اختیار یور یور
لر ؟ برسقون کبی یالانجی بر مورخك

سوزینه اینسانه رقی مکسیقا لیلرک انسا
 قربان ایلدکلی بنی درمیان ایله بعض وقت
 مکسیقادا برکون ایچنده یکر می بیک نفوس
 قربان ایلدیکنی وهله اوزرنده برکوند
 التمش بیک آدم قربان ایلدش برطاشک
 حالا مکسیقا موزه خانه سنده محفوظ اولد
 بغنی سویلیور .

اگر برسقونک بو افاده لرینه موسیه
 دوایت حضرتلری جداً اینانمشلر ایسه
 کرچکدن صفدر ونلق ایتش اولورلر
 یالکز برطاش اوزرنده یالکز برکونده التمش
 بیک آدم قربان ایده بیک ایچون اوکون
 قاج ساعتک مدت ویره جکز ؟ ویره
 ویره لمده اون ایکی ساعتک برمدت ویره لم
 اون ایکی ساعتده التمش بیک آدم اولدور

مك ايچون هر ايكي ثانيه ده اوچ آدم
اولدوره بيمك لازم كلور . كنيشجه ايكي
نفس اله جق قدر بر زمانده اوچ ادمي قربان
ايد بيلمك قابل اولديغنه اينانه جق قدر
موسيو دوايت حضرتلري صفدرون
اولورلر ايسه بزه مقابله ايراد ايلدكاري
سائر دلائل غريبه لوندن طولايي هيچ مسئول
اولما لري لازم كلور ايسه ده بو قدر صفدرون
اولان بر ادمك ده بويله نازك بختلره قارشمسي
دهاز ياده شايان استغراب كور يلور .

هايدي افندم ! بونده دخی بر سماحت
ايدلم . مكسيقا لير حقيقة بر كونده يكرمي
بيك و يا خود التمش بيك ادمي اعدام ايد .
جك قدر قانلي بر دينه تابع ايديلر ديلم .
دينلر ينك بو قدر خونريزانه اولمسيه برابر

مکسیه قالیرک عرقلری سلسله لری بتمش محو
 اولشمی ایدی؟ شبهه یوق که اولماش ایدی
 یا اوله ایسه کرک اورایه کرک امر یقانک
 سائر یرلرینه خرسیتیانلرک کیرملری بونلرک
 دین قدیملرندن ده اازمی خونریزانه نتیجه لر
 کوم، ترمش؟ زیرایسته میدانده طور -
 بیور که بیچاره اهالی قدیمه نک عادتاً عرقی
 کسبیلش محو اولمش اسملری بیله دنیادان
 قالقمغه یوز طوتمشدر! کنددی
 کندیسنی اولدورمچک اولان برادرمه مرجه
 انی اعدام ایدی و یرمک فضیلتی دخی فضائل
 خرسیتیانیه دنمیدر؟

امان امان! هله شو فخریه لره بافکیز!

بیور بیورلرکه :

« خرسیتیانلرده اخلاق و احوال قبیحه

ظهور ایلدیکی تقدیر ده بونلرک دفع
واصلاحی ینه خرسه تیانلقدن ظهور ایتش
وایتکه در »

ظهور ایتش! بوکا اینانمزایسه کز «هم
ایتکه در» قیدینه اینانورسکز یا! خرسه تیان
ممالکینک بر قسمنده تامپلیه و یا خودتوتونیک
جمعیتی شقاوت ایتدیکی تقدیرده جوارده
بولنان بشقه خرسه تیان ممالکیندن و خرسه تیا-
نلق نامنه بونلری منع ایتک ایچون یتیشیلور
ایمش!

رؤیامی کور یورسکز ای موسیو
دوایت? تامپلیه لر کبی تتونقنلر کبی «دین
یولنده محاربه» ایچون صلیب طاقمش
اشقیانک ایتدکاری فناقلره قارشو کیدنلر
ینه خرسه تیانلق نامنه کیتدکارینی نصل

دعوا ایدہ بیلورسکز کہ سزک فضائل خر .
 ستیانہ کز اقتضاسنجہ بر یناغکزہ طوقات
 اور انلرہ اوتہ کی یناغکزی دہ چو برہ جکسکز .
 ارقہ کزدن جبہ کزی غصب ایدنلرہ کو .
 ملککزہ وارنجہ یہ قدر ہپسنی و برہ جکسکز .
 سزی بر قاج ساعتک برہ آنغار یہ یہ چاغرا .
 نلرہ بر قاج کونلک یولہ قدر آنغار یہ یہ
 کیدہ جکسکز . او یلہ تاہیلہ لوی تنوینقلری
 تر یہ یہ کیتکی خرستیانلق نامنہ اسناد
 ایتکلہ عظیم خطادہ بولنیورسکز . عظیم
 کتہاہہ کیریورسکز !

پک اعلہ ! مادام کہ منع شقاوت خر .
 ستیانلق شانندن ایش و مادام کہ اسپانیو .
 لارک امریقہ انلرہ یاپدقلرینی دخی غوم
 خرستیانلق نامنہ تفبیح ایدیورسکز

یا او یله ایسه قبیحلاکده امر یقا مظالمندن
فرقی اولمیان اوروپا مظالمی ده نیچون تقبیح
ایتمورسکز؟ حالا اهل اسلامه و یهودیلمه
ایدیلان ظلمری خرس-تیانلغه لایقیمی کو-
ریورسکز؟

جانم هیچ او یله قوری لاف یعنی ایله
جهانی کولدی ره جک فخریه لر ایله بو کون
الدانه جق آدم تصور ایده یلور میسکز؟
بر طاقم پاپاسلر غالبه یی حبسه القا ایدر
ایکن دیکر بر طاقم پاپاسلر انی التفاتلر ایله
قبول ایدرک کش-فیاتی عالمه اعلان ایدرلر
ایمش .

نه کوزل صنعتلی سوز ! فقط بر اقیچه
ایدر ایسه بز باد هوایه و یر یرز . غالبه یی
اشکنجه ایدن پاپاس-لمرده خرس-تیانلغه

او یمیان برایش کور مشر در حتی آنی التزام
 اید نلرده ! زیرا خرس تیانلغک او یله معارفله
 فنونله فلانله هیچ الیش و یریشی یوقدر .
 یالکز نفسلر یله مجـاهده ایدرک کندیلرینی
 ملکار درجه سنه ایصال ایده جکاردر .
 بناءً علیه بر غالبله ارضک حرکتی اثباته
 چالشمله اکا ایشملی می ؟ و یاخود ارضک
 حرکاتی کبی خرس تیانلغه هیچ تعلقی اولمیان
 مباحثی پاپاسلر التزام ایدرک و قتلرینی هدر
 ایتلی می ؟

خرستیان ممالیکندن بر یسنده یهودیلره
 ظلم ایدیلور ایسه در عقب ممالک سائرهدن
 خرس تیانلق نامنه ظلم و تعدینک منغی ایچون
 عرضحالار یتشیورمش !

ماشاءالله ! ماشاءالله ! طوغریسی

تبریک اول نور ! شو قدر که او عرض حال را رحمت
 دین و مرحمت اولان پادشاه اسلامه حواله
 اوله ورق بیچاره یهودی لری ممالک شاهانه سنه
 قبول ایله عرض حال لارک ایجاب لری اجرا
 ایدلمش اولور !

بو فخریه لری پارسه سنه « بلیوتک آنتی
 قلهر یقال » یازان دینسز فرانسه لره عرض
 ایتسه کزده بونلرک استهزایه اولان لیاقت لری
 درجه سنده کی استهزالی انلر اجرا ایتسه لر !
 زیرا بز استهزا ایله الفت ایتماش اولدیغیمز
 دن بو خدمتی ایفاده عاجز قالیورز .

موسیو دوایت حضرت لری خرسه تیا .
 نلغک مدیحه سنی یازمق آرزو سنده دکل
 ایش ایتسه لرده ! . . . دین مسیحی سایه .
 سنده اقوام و ممالک ضبط نفسی و شر یعته

اطاعت و انسانیت خصوصاً نجه نه درجه .

لره قدر ترقی ایله دگرینه بعض نمونه لر

کوستر مکه مجبور ایمش !

باقکزه قدر تواضع ! شمدی به قدر

یازد قمری شیلر خرس تیانلغک مدیحه لری دکل

ایمش ده بوندن صکره دخی یازمیه جققلر ایمش

ایسه ده

یورلغه نه حاجت افندم ؟ اقوام و مالک

ضبط نفس لری خصوصاً صنده دین سیمینک

قوتنی کورمک ایچون و شر یعتنه درجه

اطاعتلرینی اکلامق ایچون ایسالیاجه

بورجیالرك مدیچیلرك و فرانسه ده بور

بونلرك و انكاته ده ستوآرتلرك و احاصل

عموم اوروپا دره بكارینك تار یخسلرینی

او قومق کفایت ایدر . بزبوحالاری جداً

و حقیقه شایان مطالعه کوردیکمز ایچون
 اوشمیدرک بتون اوروپا اوزرنده کی حکو-
 مات و ملتلمرک بشقه بشقه برر تاریخ
 خصوصیلرینی قلمه الهرق « کائنات » دیه
 قوجه بر کتبخانه تاریخ دخی وجوده
 کتوردک . قارئلرمز میانده آرزو ایدلر
 اولورسه مراجعت بیوره بیلورلر . مع
 هذا برازده سزی دیکلیه بیلورز .

« ۱ » رقی اشارتیه بیور یسورلرکه
 خرسیتیانلق روما و باربارلر اخلاقنی اصلاح
 ایتیش . فیلسوفلرک لواطهلرینی و دین
 نامنه اجرا اولنان فحشلمری چوجقلمرک
 سوقاغه آتلسنی ویا اعدامنی منع ایتیش .
 اسکی غول و جرمن اقوامنک اخلاق
 و عادتلری حالا توارینخده مذکوردر .

مراجعت بیور یلور ایسه نصارانک اخلا
قنه نه درجه لره فائق اولدقلری تحق
ایدی . فیلسوفلرک لواطه لرینه سبب دنیا
اوینه کیرمامک و تجردی اختیار ایتک
امرنده کی عنادلری ایدی . خرسستیانلق
ایسه بکرک قادینلر و کرک ارککلر ایچون
رهبانیتی اختیار ایله بوقنالفه ده از یاده
فقالقلر قاتهرق بر قاندها بیومسینه سبب
اولدی .

موسیو دوایت حضرتلری بس بلای
خرستیانلغک نه درجه لره قدر تغییر اخلاق
ایتمش اولدیغنه دائر مدافعه مزک ۲۴۱
نومرولی صحیفه سنده مندرج شیلری کور
مامش اولمیلیدر لرکه بوراده شو تصحیح اخلاق
امرنده خرسستیانلغک کومسیردیکی تأثیردن

بحث ایدیورلر • اویله ایسه تکشیرسواد -

دن قورقیهرق او فقره یی تکرار ایدلم •

خرستیانلق رذائل فحش پرستی یه

او قدر میدان آچشدرکه بر مجلس قسیسینده

هم ره آحادناس دکل پاپاس طاقنی بر وجه

آتی رذائلدن منعه قرار ویرلمشدر •

« کلیسایه منسوب اولنلر سرخو -

شلقدن و زنادن توقی ایدم جکار ! چونکه

حرامدرلر •

« پاپاسلر سرقت کبی و اکسیک اولچی

و میران ایله خلقت حقوقنی غصب کبی

طریقلر ایله پاره قزانغه چالشمیه جقلر ! »

« کوچک پاپاسلر پر نسلرک کوپکجیلرینه

عائد اولان آوجیلق و سلاح اندازلق کبی

خدمتله هوس ایتیه جکار • و یالان شهها -

دتی و د یاخو ضد غرکارانه حاکمات ایله کسه.
نک پاره سنی المیه جقلمر «

« آدم اولدورن یا پاسلر قاج آدم اولدور.
مشلر ایسه اول قدر دفعه قرق کون کلیسا
قیولرنده ابراز خدمتله کناهلرندن تو به
ایتمز ایسه مأموریتلرنده باقی اوله میه جقلمر .
اگر قاج آدم اولدور دکارینی بیله میه ورور
ایسه مدت عمرلرنده هفتده برر کون اوروج
طوته جقلمر در «

« راهبه اولان کنج قزلر و قاریلر
راهبرلر مناسترلرینه مسافر لیکه! . . . کیمیه .
جکلر! و کندی اردار بنه دخی ارککدن
مسافر قبول ایتمیه جکلر در . اگر راهبه لر
ارکک قیافتنده طوتیلور لر ایسه مناسترلرندن
طرد اولنده جقلمر در «

« زنا ایله متهم اولان بر قاری پاپاسلره
 قاچار و اتجا ایدر ایسه او قاری بی اولدور -
 میه جکنه دائر پاپاس افندیلر قوجه سندن
 بر وعد انجه یه قدر قاری بی حایه ایده -
 جکار و بو وعدی قوجه سی ویره من ایسه -
 قاری بی تسلیم ایتیوب حایه ! ۰۰۰ ایده -
 جکاردر »

« تحت حایه لرنده اولان قاریلری
 او طه لق کبی استغراش ایتک و غلامپاره لک
 ایلک پاپاسلر ایچون قطعیا ممنوعدر »
 ایشته بونلری موسیو دوایت حضر -
 تلرینک مقبولی اولان خزستیان قانتو دخی
 یازی - ور • هم یازی - ور هم ده بو قراری
 و یرن بیوک پاپاسلر دخی ینه بویله سرقتی
 و اکسیک اولچیلری و آدم اولدومکی و غلا -

مبارک لک ایتکی وحایه لری التندہ بولسان
 قار یلرک عرضلرینه یکمکی وراہبہ خانہ -
 لره کیدوب قزلری آغوش وصاللرینه چکمکی
 والخاصل هر فنا لگی مباح عدایدن طاقدن
 اولدق لری جہت لہ اشبو قرار نامہ دن
 هیچ بر فائدہ اولہ میہ جفنی کند یسی دخی
 اعتراف ایل یور .

یالکز کیناہ چیقار مق ایجون پاپاسلرک
 قار یلر ایلہ یالکز جہ بر یرہ قیاملرندن متحدث
 فنا لقلر بحق شرح ایدیلہ جک اولسہ بتون
 بت پرستلر فنا لقلر ینہ یالکز بوجہت کفہ -
 یت ایدر . قول ایلہ اللہک ارہ سنہ کیمسہ
 کیرہ مامک و کیمسہ نک اسرار قلبیہ سنہ کیمسہ
 واقف اولہ مامق دینلرک شان حریت پرور -
 یلری اقتصاسندن ایکن خرس تیاملق انسانلری

بوندن دخی منع ایتش و مرحت الهیه یی
 بیله قولاردن دریغ ایدرک پاپاس عفو و
 ایتدکدن صکره الهک دخی (حاشا شم
 حاشا) عفو ایدمه جیکی حکمنی زواللی
 نصارانک قلو بنه یرلشدر مشدر .

حقایق احوال بوندن عبارت بولند -
 یغی حالده موسیو دوایت حضرتلری
 پک بوشنه یورلمش اولورلر .

« ۲ » نومرولی فقره سنده دیورکه :

طائفه نسا محضا خرسه تیانلق سایه سنده
 ارککلر ایله مساوی عد او لنه جق قدر
 حقوقه نائی اولمشلر و حرمت کورمشلر
 وار ککلرک او کړندکاری علومی او کړنمه که
 باشلامشلر در .

بونده دخی موسیو دوایت حضرتلر -

ینک بیوک بیوک خطالری وارد ر . خرستیایا .
 نلق سایه سنده قادینلر یکی برحق قازانمد .
 قدن ماعدا یهودیلکده کی حق لری نی دخی
 غائب ایتشلردر . کچینه مدکری آدمدن مفا .
 زقت قطعیه ایله بشقه بر قوجه یه وار مق
 امکانی اولم دیغندن مجبور فحش اولور لر .
 تعدد زوجاتک ممنوعیتی و برده قادین نفوسک
 ارک کدن زیاده کی حسبیلله بر چوق قادینلر
 قوجه سز قاله رق فحشه مجبور اولور لر .
 هله بر کره تأهل ایدنجه بردها آیریله ماق
 تهلمکده سی ارک کارک الکچ و غنی تأهل مدن
 منع ایلدی کی جهتمله فحش آرتد قجه آرته رق
 بو کون اورو پاده « قادینلر مسئله سی » الک
 بیوک مسائل و مجالسی اشغالله باشلامش
 وهر کس قادینلرک حریتی قازانمق ایچون

آزچوق انلری کایسایه قارشو مدافعه
و حایه یه قالشمشدر . غزته لر بو قضیه یی دخی
میدانه چیقاردقلرندن قادیلر مزی اغفاله
یارایه جق اولان بوسوزدن موسیودوایت
حضرتلری هیچ برشی قازانه مزلر .

خرستیایان قادیلر ینک تستره مجبور
اولاملری دخی بونلری حرعدایتدیره جاک بر
شی دکلدیر . اسلامده تستربخشک اصل
حکمی دوشونیلور ایسه اسلام قادیلری
دخی ارککاردن کایاً توحشه مجبور اولمیه .
جقلری تحقق ایلر . بونکله برابر خرسیایان
قادیلر ینک عدم تستری خرسیایانلقدن دکل
اوروپا عادات قدیمه سندنلر . حضرت
مریم یهودی قادینی قدر مستوره ایدی .
شمعی دخی آسیا و افریقاده خرسیایان

قادیلری علی العموم مستوره درلر . آچیق
کز لری ایسه انلر نزدنده دخی الافرانغه
عد اولنور .

« ۲۰ » نومرولی فقره مننده موسیو
دوایت حضرتلری المانیا و فرانسه اهلایسنی
وحشتدن مدنیته صوقان شی خرسستیانلق
اولدیغی دعواسنی تکرار ایدرک « قرون
وسطا نك الك قراکلق زمانلرنده بیله » هر
هفته اهلاییه او قوتدیریلان تور اقلرو انجیلار
اهلاییه ترقییه سوق ایتدیردیکنی درمیان
ایلیور .

نه بیوک خلاف که او قونان شیرک
کافه سی لاتیجه او لدیغندن اهلای بونلردن
هیچ برشی اک لایه مز ایدی . بسر بلای
اهلاینک بو ظلمت جهل و نادانلرینه اشارت

اولمق اوزره قرون و سطانك « اك قراكلق »
 زمانلری اخطار او لشمشدر • توار یخك
 اثبات ایلدکاری برشی وار ایسه اودخی
 « ره نه سانس » دینلان زمانه قدر اورو پا
 اهاالیسك خرسیتیان اولمقله برابر عادتا
 وحشی بولمسندن عبارتدر • ره نه سانس
 « دور تجدد » دیمك اولوب اون بشنجی
 عصر ك نصف اخیر ندن صكره باشلامشدر كه
 استانبولك عثمانلیلر طرفندن ضبطی اوزر -
 ینه برطاقم متفقن روملك اورو پایه هجرت
 ایدرك اورو پایه نشر انوار علوم ایتكه
 باشلاملریله برابر اندلس طرفندن دخی علوم
 اسلامیه نك اورو پایه دخولی سایه سنده ترقیات
 علیه میدانه چیممغه یوز طوتمشدر • بتون اورو پا
 مورخلر ينك قبول ایلدکاری و حتی موسیو

دوایتک بیلہ برازدھا اشاغیدہ اعترافند
مجبور اولدیغی بو حقیقتی شو اوچ نومرولی
بندده انکار ایدوبده اورو پانک ترقیاتنی
خرستیانلغہ اسناد ایتسی عظیم جسام
تلردن عد اولنور .

« ۴ » نومرولی بندده مجروح اولان
دشمنی تلف ایتماک والنده سلاح اولمیان
اولدور مامک واسیرلری صاتماق کبی فضا.
ئلدن بحث اولنیور . بو فضائی رد ایدمه
زیرا بوراده موسیو دوایت حضرتلری
خرستیانلقدن دکل محضافضائل اسلامیه .
دن بحث ایلنیورلر . واقعا اسلام زمانه
کلنجہ یه قدر محار بهلر پک وحشی بر صو .
رتده ایکن محار بهنک ایلک شرائط انسانیه
ومدنیہ سنی دیانت جلیله اسلامیه قوی شهر .

خرستیانلقدده ایسه بوکا دائرنه انجیلارده نه
 اعمال رسالده نه کلیسا اولیاسنک اجتهد -
 لرنده هیچ برقید و اشارت بولمیدیغندن بو
 فضائلی خرستیانلغه عطف ایتک عادتا بیوک
 برافترادر . خرستیانلرده شرائط حربه
 اوله رق کوریلان برشی واریسه اوده
 سن بارتله لیمی قتل عامنده کورلمشدر .
 « ۵ » نومرولی بنده خرستیانلرک تعاون
 و تناصر جمعیتلرندن بحث اولنیور . بونی
 حقیقه بزدخی تحسین ایدرز . شو قدرکه بو
 تعاون و تناصری نه خرستیانلرک ایجاد ایلد -
 کلرینی ونه ده انلردن مسکره بشقه برملتک
 بویوله اهمیت و یرمد کلرینی ادعایه حق
 و صلاحیت یوقدر . تعاون و تناصر یهود -
 یلرده دخی واریدی که حضرت یوسفک

قصه سی بوکا شاهد در . مسلمانلردخی بوایشه
 زیاده سیله اهمیت و یرمشلردرکه بوکا دائر
 اولان یوزلرجه آیات کریمه و ذکات و صدقه
 بخشلی اثبات ایلر . امام سیونیونلر نشر
 علوم ایچون جهانیه پراکنده اولدقلری
 قضیه سنه کانجه ایشته بوکا دخی برتبسم ایله
 مقابله ایلر . حتی موسیودوایت حضرتلری
 « بعض میسیونرلرک حرکاتی عموم خرسیتیانلق
 علیهنه اقامه ایدیه جک بر دعوایه حق و یرمز »
 اولدیغنی اثبات ایچون کندی منسوب اولد-
 قلری آمریقا میسیونر جمعیتنک نشر علوم
 ایچون یالکز فنی کتابلرله اشتغالدن بشقه
 برشی یامدیغنی دعوا ایلیر .

دیمک اولیورکه بعض میسیونر جمعیتلر -
 نیک حرکاتی برنوع تعرض اولدیغنی ایچون

شایان مدافعه اولدیغنی دخی موسیو دوایت
 حضرتلری اعتراف بیور بیورلر . یالکیز
 امریقا موسیونر جمعیتنک حرکاتی نشر فنو .
 ندن عبارت ایمش! واقعا آمریقا میسیونرلری
 تشویقات دینه خصو صنده هیچ عجله ایتیوب
 نافع علم کتابلری نشر ایدیورلر . فقط نشریات
 علیه نه قدر زمان واقچه صرف ایدرلر
 ایسه نشریات دینه خدمتلرینه او قدر خلل
 و یرمش اوله جقلرینی دخی دوشونملیدرلر .
 انلر ظن ایدیورلر که مسلمانلر تعلم و تفنن ایدرلر
 ایسه تعصبلری کوشه یدرک خرسیتیانلغده ها
 زیاده تقرب ایدرلر . بوده عکسنه در . مسلمان
 ایکن دینسز اولنلرک اک زیاده قاچه جقلری
 شی خرسیتیانلقدردر . حالبوکه اودینسز لک
 دخی اسلام ایچون پک کوچدر . ماد تا محالدر .

زیرا تفنّن و تعلّم ایلد کجه کندی دیننده کی
 حریت کامله یی کوره رک محبتی اکسیلیوب
 آرتار . تعلّم و تفنّن دن نصّار ا قور قسونلر که
 نور معرفتله کوزلری آچیلانلر ایچون
 خرسّتیان قالمق قابل دکلدیر . انلرده دار -
 المعارف طلبه لری دائماً دینسزلک و اختلا -
 جلیلق ایله اتهام اولنورلر . بزده ایسه غیرت
 اسلامیه یولنده جانی جهانی سوینه سوینه
 فدا ایدجک مسلمانلر هب مکاتب عالیّه دن
 یتیشورلر .

« ۶ » نومرولی فقره ده موسیود وایت
 حضرتلر ینک اغزندن براعتراف دهافرلا -
 مشدر . دیورکه : خرسّتیان ملتلمروقتیله
 یونانی ورومالی عالمدن و برارهلوق عرب
 معلمندن خیلی استفاده ایتمشلردر .

« وقتيله » دینلان شی ایشته یوقاروده
 خبر و یردیکمز « رهنه سانس » درکه اون
 بشنجی عصرک نصف اخیرندن یعنی بیک
 درتیوز الی سنه سندن صکره باشلار .
 یابوزمانه قدر خرستیانلق بیک درتیوز الی
 سنه ظرفنده باقه لم ترقیات علیه نه خدمت
 ایتشدیر ؟

ینه بر اعتراف ایدرک دیورکه : « خرستیان
 ملت لرنده احکام انجیلیه یه مغایر اوله رق
 بعض پاپاسلر علمک ترقیسنی منع ایتکه چالشمش لر .
 فقط موفق اوله مامش لر » علوم و فنونک منعنه
 جالشانلر واقعاً احکام انجیلیه یه مغایر حرکته
 بولنمش لر در . چونکه انجیل لرده علوم
 و فنون هیم بر تعلق اولم یوب بونلری منع
 ایدن ده بونلری ترویج ایلیان ده هب انجیله

مغایر حرکتده بولنش اولور . انجیلارک علموم
وفنون ایله اولان مناسبتی انشاالله یری کلدیکی
زمان شرح ایدیله جکدر . اوزمان کور .
یلور که انجیلار سایه سنده نه فنون ترقی
ایده ییلور نه صنایع ! ینه انجیلار سایه سنده
بولنرک منعی دخی ممکن اوله مز . انجیل دینلان
حکایه احکام مدنیه دن جدأ عاری اولدیغی
ایچون موسیو دوایت حضر تلی بو اسنادا .
تده خرسستیانجه عادتا کناهه کیرمش اولور لر .
هله عرب عملرینی اخذوا کمال ونشر
ایدنرک پاپاس طاقندن اولدقلرینی حکم
ایتمسی موسیو دوایت حضر تلی ایچون
غایت عجیبدر . بو غرابتی بحق میدانه قویمق
ایچون رهنه سانس زماندنبری اورو پاده
ککش اولان المشهور علمایه برنظر ایدلم .

بو باده مشهور لوئی فیکیه نك «مشاهیر علمانك
 ترجمهٔ حالری» بزم ایچون کافیدر .
 لوئی فیکیه بو اثر ینك او چنجی دردنجی
 بشنجی جلدلرنده الی قدر علمانك انسامیسنی
 و ترجمهٔ حالرینی بیان ایدیور .
 برنجیسی پاراسلس که طبیب و کیمیماکر
 ایدی . ایکنجیسی راموس ایدی که فیلسوف
 ایدی . او چنجیسی قاردان اولوب فیلسوف
 و طبیب ایدی . دردنجیسی پالیس اولوب
 فن کیمیایی چو ملکجیلک و طباقجیلق صنعتنه
 تطبیقده موجددر . بشنجیسی آغریقولا در که
 معمار و مهندسدر . التنجیسی ژسنه اولوب
 تاریخ طبیعی حکیمیدر . یدنجیسی روندله
 در که طبیعیون حکمداندر . سکرنجیسی
 وزال اولوب طبیب و علم تشریحک موجدی

درجه سنده مکملیه بدر • طقوزنجیسی پاره
 اولوب جراحدر • اوننجیسی قو پر نیقدر که
 ریاضیوندندر • اون برنجیسی براهه اولوب
 منجمدر • اون ایکنجیسی غامادر که بحر یوندندر •
 اون اوچنجیسی مازه لانددر که کذلاک بحر یو •
 ندندر • اون در دنجیسی کیلر اولوب ریاضیو •
 ندن و منجمدر • اون بشنجیسی غالیله در که
 ریاضیدر • اون التنجیسی ده قارتدر که
 فیلسوفدر • اون یدنجیسی باقونددر که
 فیلسوفدر • اون سکزنجیسی هاروی
 اولوب طبیدر • اون طقوزنجیسی تورنه فور
 اولوب تار یخ طبیعییه منسوبدر • یکر منجیسی
 هو یژن اولوب ریاضی و منجمدر • یکر می
 برنجیسی پایه ندر که حکمت طبیعییه منسوب
 و طبیدر • یکر می ایکنجیسی وان هلو ندر که

طبیعی و ننددر . یکر می او چنجیسی بوایل اولوب
 طبیعی و ننددر . یکر می دردنجیسی له مەری
 اولوب کیمیا کردر . یکر می بشنجیسی پاسقا -
 لدر که مؤلف و کیمیا کردر . یکر می التنجیسی
 اولوب مهندسدر . یکر می یدنجیسی دهزار -
 عشی اولوب عسکر و مهندس و معماردر .
 یکر می سکرنجیسی قاسینی اولوب منجمدر .
 یکر می طقوزنجیسی نوتوندر که ریاضی
 و منجمدر . او توزنجیسی لبنج اولوب
 فیلسوفدر . او توز برنجیسی دالامبر اولوب
 کذلاک فیلسوفدر . او توز ایکهنجیسی اولادر -
 در که ریاضی و مهندسدر . او توز اوچنجیسی
 و او توز دردنجیسی و او توز بشنجیسی اوچ
 قرنداشلر بر تو نالی درلر که اوچی ده ری -
 ضیوندن و طبیعی و ننددرلر . او توز التنجیسی

قونتنل اولوب ادبای طبعیوندندرلر .
 اوتوز یدنجیسی لیندر که طبعیوندندر .
 اوتوز سکزنجیسی بوژهاوا اولوب طیبدر .
 اوتوز طقه-وزنجیسی هالار اولوب ادیب
 و طیب و طبعیوندندر . قرقنجیسی سیالو
 زانی اولوب طبعیوندندر . قرق برنجیسی
 قرق ایکنجیسی قرق اوچنجیسی قرق در .
 دنجیسی درت نفر ژوسپو برادرلر در که
 دردی ده طبعیوندن و اطباءدندرلر . قرق
 بشنجیسی ره نومور اولوب حکمت طبعیه
 منسوبدر . قرق التنجیسی بوفوندر که تارخ
 طبعییه منسوبدر . قرق یدنجیسی قوندو .
 رسه اولوب فیلسوفدر . قرق سکزنجیسی
 روئندر که اجزاجی و کیمیا کردر . قرق
 طتوزنجیسی لاووازیه در که کیمیا کردر .

ایشته لوئی فیکیه کبی اورویانک الہ
مدقق واثار فضیلتی ایله مشهور بر مؤلفی
ره نه سانس زماندنبری یعنی دور تجدیدات
وترقیات علمیه مدتندہ ترقیات علمیه بر
کونه اختراعریلہ خدمت ایدنلری یالکز بو
قرق طقوز نفر دن عبارت بولوب قید ایدیور که
بونلرک ایچنده اوله وولتر وژان ژاق رو -
صو کبی علم ادن عد اولنه میهرق یالکز
مؤلفلک درجه سنده قلمش یعنی یکیدن بر
شی کشف وارئه ایده مامش اولنلرک اسل -
میسسی مقید اولدیغنه دخی دقت ایدلملیدر .
حالبو که بواللی نفر ایچنده هیچ مأمورین
روحانیه دن یعنی پاپاسلردن کیمسه یوقدر .
یالکز تورنه فور اولاپاپاس مکتبنه قونلمش
اولدیغی حالده اورادن قاچش و یرده

بو ژهاد اوله پاپاسلغه سالک اولديغي حالده
ترك ايلشدر .

واقعا بونلر مياننده برايكي دانه سي
قاردينال كبي بعض بيوك پاپاسلرك مظهر
توجهلري اولمش ايديسه ده بو توجه او
پاپاسلرك علم قدريني بيلور آدملر اولمشندن
زياده بيچاره فيلسوفلرك بر پاپاس بلاسه نه
اوغراماق ايچون اختيار ايلدكلري تملقلر
ثمره سي ايدي . زيرا برچوق عالم و حكيم
آدملرك پاپاسلره تملق ايتاملري حسييله باشلري
بلايه اوغرامشدر . ازجمله راموس سن بار-
ته له مي قتل عامنده قتل ايدلمش . پاليس
حبسه آتاش . باقون سورونه رك جان
ويرمش . قو پرينقك آتاري منع و مصادره
اولنده رق اولومدن بدتر برحاله كتيرلمش .

خاليله اعدايم درجه سنده بلالر كورمش
وسائرلری ده آز چوق پاپاسلره منفور
اولمشر .

حکمدارلرک ار باب معارفه توجهرلی
هرزمان پاپاسلردن زیاده اولوب پاپاس
طاقتک تعصبلرینه قارشو ار باب معارفی
دائما حکمدارلر محافظه ایلشیدی . پولتیقه
اغراضیله پادشاهلرینه خیانت ایلیان بر
قاچ مؤلف دوچارقهر اولمشر ایسه ده بونلر
حقیقه لایق اولدقلری جزای خیانتلری
بولمشردر . یوقسه تعصب اوغورنده
براهل معرفتک بر حکمدار طرفندن دوچار
عقوبت ایدلدیکی همان هیچ کورلماشدر .
حقیقت تار یخیه پاپاس طاقندن معارفه
خدمت ایتیش کیمسه بولمشدیغنی اثبات ایدوب

طورر ایکن موسیو دوایت حضرتلری
 تجددات علمیه دورنده دخی خدمت ایدنلر
 مأمورین روحانیه اولدقلرینی هسانکی
 جسارتله حکم ایده بیلورلر؟ یوق اکر علمه
 هوس ایتش برقایچ پاپاسی بزه علمادن دیه
 یوتدیرمق ایستیورلرایسه بواملرینه نائل
 اوله مزلر • اورو پانک ترقیات علمیه سی
 سایه سنده لوئی قیکیه کی مؤلفلر بزه
 اصل علما کیملر اولدقلرینی طانتدیرمغه
 کافیدرلر •

پاپاسلر تعلیم و تفننه نه زمان مجبور
 اولمشلر بیلورمیسکمز؟ نه زمان که سابقه
 علمیه و فنیه ده افکار جدیده ار بابنه بالکلیه
 مغلوب اوله رق ارتق تعصب محضلری جهتیله
 اصل ار باب فضیلتی قهر و تدمیر ایده جا

قدر نفوذ و قوتلری دخی قالمدیغی یعنی
 ۱۷۹۲ انقلاب عظیمندن صکره خرسیانلق
 حکمدن بالکلیه دوشدیکی زمان مجرد نور
 کبی پارلایان علم و عرفان عالمنده یوزلری
 قارار مقدن کندیلرینی قورتارمغه مجبور -
 یت کوردکن صکره تعلیمه بامشلا مشلردر •
 واقعا صکره لری پایاسلر میاننده دخی پک
 بیوک عالملر چیقمشلرایسه ده ایشته بو صورتله
 ایمان یأس کبی بر حکمده اوله رق چیقمشلر -
 در • انلرده ایسه کندی دینلرینه ایمان
 او لوب اولمادیغی پک زیاده شبهه کوتو -
 ره جک بر حالده اولمغله اوده بشقه جه
 شایان تدقیق بر کیفیتدر •

اما بو کون تعلم و تفنن ایچون خرسیان
 مملکتلرینه ایدیلان مراجعت تعلیمات مسیحیه

سایه‌سند و حصوله کلان علم و فن ایچون
اولدیغنی اورو پاخرستیانلری دخی اعتراف
ایدرلر . واقعا وقتیه قرطبه و مصر و شام
و بغداد دارالمعارف لرینه مراجعت ایدن
خرستیانلر تعلیمات محمدیه سایه‌سند و حصوله
کلان ترقیات فیه ایچون مراجعت ایدرلر
ایدی . زیر اقرآن عظیم الشانده علوم و فنونی
ترویج ایچون یورلرجه آیت واردر .
فصل که بو حقیقت دخی یری کلدیکی زمان
میدان و ضوحه قونیه جقدر .

« ۷ » نومرولی فقره ده موسیود وایت

حضر تلی نیک حقوق عمومیه و حقوق بین
الملل کی شیرک دخی خرستیانلق سایه‌سند
وجود بولدیغنی اثباته چالیشمده‌سند نه
دیهلم ؟

آ دوستم ! عالمی بو قدر جاهل بو قدر
 احق عد ایتکده نه حق واردر ؟ بو کون
 حقوق مکتبلرناه « دروا قره تیهن » یعنی
 حقوق نصرانیه دیه بر علم او قوندیغی وار-
 میدر ؟ واقعا بعض قاتولیک غیر تکشلمری
 « دروا اقله زیاستیق » دیه اورته دیه بر شی
 قویمق ایستمشلر ایسه ده بو نک ماهیتی
 بتون جهانک پاپالره اسیر اولمسندن عبارت
 بولندیغی ایچون التفات بیه ایدن بولنما-
 مشدر . الیوم اورو پاده علم حقوقک
 اسالاسانی « دروارومن » یعنی روما
 حقوقیدر که اسکی بت پرستلردین خصو-
 صنده خرسیتیانلره غلبه ایلدکاری کبی فقه
 یعنی علم حقوق خصو صنده دخی غلبه
 ایتمشلردر . دروارومندن صکره ایسه علم

حقوقی اکمال ایدن شی فقه اسلام اولمشدر .
 درو ارومن ایله فقه شریف اسلامک قو -
 یدییی اساس اوزرینه اوروپانک علم حقوق
 فیلسوفلری هرکون بر بشقه اجتهاد ایله
 قانونلری اکمال ایتیمکده درلر . بوترقیات
 حقوقیه نك خرسیتیانلغه نه تعلقی وارکه
 بوراده بحثه قاتار سکرز ؟ حتی خرسیتیانلغک
 اوروپاچه انقراضنه الک زیاده یاردیم ایدن
 شیلردن بریسی دخی حقوق اولمشدر .
 ملت لکنندی حقوق انسانیه ومدنییه سنی
 طانیدقدن صکره کایساره اسیر اولماق
 داعیه سنه قیام ایتشلردر . دنیاده تبعیت
 واطاعتیه بحق شایان برشی وارایسه او
 دخی قوانین مدنییه ایله او قانونلرک تمثال
 مجسملری دیمک اولان حکمدارلر اولدیغنی

هر کس که وره رک یا لکز پادشاهلره تابع
 ورعیه اولمشلر و پایالرك حکم دادرلر
 علیهنه و یرد کاری فسادلره دخی ارتق
 قولاق و برمز اولمشلردر . اوزمانه کلنجیه
 قدر حکمدارلر دخی پایاسلرك النده اسیرایکن
 قوانین اساسیه وجود بولدقدن صکره
 حکمدارلر ملتلك پادشاهی و ملتلك حکمدار-
 لك تبعه سی اوله دق اورتیه یرده کلیسا
 و پایاس دینلان طاقم ایسه یالکز برهیئت
 مأمورین روحانیه دن عبارت قالمش و ارتق
 اولکی کبی انتریغله ره فلانلره میدان بوله .
 مامشدر .

بناء علییه بر خرستیان علم حقوقه
 دشمن اولمیدر . علم حقوقی خرستیانلق
 تولید ایلدیکنی اورتیه قویق ایسه واقف

حقایق احوال اولانلری کولدیرمکدن بشقه
هیچ برشیئه یارامز .

خاتمه مقالنده باقیکز موسیو دوایت نه

دیور :

« بعض اوروپالی دینسزلر هیچ برشیده
اللهك قدرتی اثرینی کورمیدرك وانسان ايله
حیوانات و سائر کائناتک طبیعتدن ظهور
ایتمش اولدقلرینی دعوا ایدرك انسانده کی
ترقینک دخی راست کله حصوله کادیکنی
بیان ایدرلر . بونلره کوره بالاده ذکر
ایلدیکمز اصلاحات حضرت عیسمانک نشر
دین ایتمسندن نشأت ایتمامشدر »

« بواصلحاتک تأثیری تصادفاً حضرت
عیسی زمانسندن بدأ ايله نوع بشر ایچنده
توسع ایتمشدر . لکن جناب خالق مطلقه

عبادت ایتک و حضرت عیسیٰ انک تقدیر
خدا ایله دنیایی تشریف ایتش اولدیغی
خصوصاً صلنده متفق بولسان مسلمان و خر -
ستیانلر تعلیمات عیسویه نك ثمره سنه دائر
اولان بیاناتمزی البته دقته شایان کوره -
جکارددر »

اوت اما سزک اومدیغکز نتیجه یی هیچ
بر مسلمان و یرمیه جکی کبی حتی براز کوز -
لرینه ضعف کلمش اولان خرستیانلر دخی
استنتاج ایتیه جکارددر .

اورو پالی دین سزک هیچ بر شیده
قدرتی اولمادیغنی کورد کلری الله برانادن
طوغش بیومش یشامش عروج ایتش اولان
اللهدرکه حقیقته انساندن بشقه هیچ برشی
اوله میه جکی بویله بر فرزند بابا

اولان چولق چوجق صاحبی برالله ایچون
 وهم ایدیلان شیردخی الوهیت حقیقیه
 شانده خلل ویره جکی ایچون اویله اللهدن
 هیچ برشی امید ایتزلر . کلیسانک اجرا مأمو .
 ری ایمش کبی پاپاسلر طرفندن تلطیفی امر
 اولنانلری تلطیف و جزاسی امر اولنانلری
 مجازات ایتک و کلیسانک امری اولدوقدن
 صکره هیچ برکیمسه یه نه عنایت نه ده فنالق
 ایده مامک درجه مغلو بیتنده بولنان بر
 اللهدن نه امید ایدیه بیلورکه اوروپالی
 دینسزلردخی برامیدده بولنه بیلسونلر .
 حالبوکه « کفر و ایمان » سرلوحه سیله
 اخیراً نشر ایلدی کمز بر مقاله ده انسانلر ایچون
 معبود اعظم حقیقی انکار ایتک قابل
 اولدیغنی واک قدیم زمانلردنبری بتون ملت

جناب حق آز چوق طانیدقلربی واورو پالی
 دینسزلرك سرآمدی اولان وولترك بيله ازلی
 وابدی اولان اول قادر قیومی طانیدقلربی
 اثبات ایلشیدك . انلك طانیدیغنی
 طبیعت او یله تصادف صورتیله اجرای
 احکام ایدر برشی دکلدر . هیچ بر حکمنده
 شاذ واستثنا اولمیان بر قانون اکلدرکه
 واضعی انحق کائناتك خالق اعظمی اولان
 حق سبحانه و تعالی حضرتلر یدر . یعنی
 جناب خالق وقادر مطلق حضرتلر ینك
 کیفیت خالقیتنی انسانلری کمال حیرتله بالتفکر
 واقف اوله بیلدکاری اسرار خلقت وقدرته
 « قانون طبیعت » دیمشلدرد .

ایشته خرسستیالرجه الك دینسزظن
 اولنان بعض اورو پالیرك اساس اعتقادلری

بوندن عبارت اولوب واقعا کایسار بونلری
 عالمه کافر دیه کوس-ترمکه غیرت ایدر لر
 ایسه ده بر زمان علم هیئت وقوز موغرافیه
 وجغرافیا ایله اشتغال ایدنلری دخی عالمه
 کافرو سحر باز دیه کوس-تردکاری حالده نصلمسه
 موفق اوله میهرق شمدیکی حالده بو علملری
 کو یا فضائل نصرانیه دن دیه افتخاره مدار
 عد ایدیور لر ایسه شمدی طبیعیون حقلمنده کی
 اسناداتی دخی ارتق پاره ایتمامکه باشلامش
 وار باب علم و معرفت « سز بزی خرستیان
 عد ایتیمور میسکز؟ او یله ایسه بزدخی سزی
 هیچ بر شی عد ایتیز! جناب حق طایبق
 واکا پرستش ایتک مطلق سزک وساطت
 ودلا لتکزه محتاج دکلد ریا! » دیه کندیلری
 کایسادن اعراض ایتکه قالقشمش اولدق لرندن

کلیسا ار بابنک یقین زمانده بالکلیه اندر
وجاعتنر قالماسق ایچون طبیعی ونک
حکمتلرینی ده بالقبول بونلری دخی فضائل
نصرانیه دن عدا یتمه که مجبور اوله جقلری
از یجق دور اندیش اولنلر نزدنده شبهه
کو تورر احوال دن دکادر .

اوت ! اوروپالی دینسزله کسوره
اصلاحات سیاسییه و ترقیات ملیه حضرت
عیسانک نشر دین ایتسندن اصلا نشأت ایتما .
مشدر . هیچ نشأت ایتما مشدر . چونکه
حضرت عیسادن اول جهانده آزچوق
مدنیت و علوم موجود اولدیغی کبی حضرت
عیسادن صکره دخی انلری بر قاندها ایلرویه
سوق ایده جک قوتلر کورل مشدر . حضرت
عیسانک تعلیماتنده یعنی شمدیکی انجیلارک

مندرجاتندہ انسانی سیلہ یہ طوقاۃ آنغار یہ یہ
 ظلمہ محکوم واسیر ایتھکن بشقہ هیچ بر حکم
 واضح یو قدر کہ ترقیات مدنیہ و علمیہ مدار
 ترویج اولہ بیلسون ۰ ہمہ مدار ترویج
 اولہ مامشدر ۰ عکس تأثیرات کو ستر مشدر ۰ اول
 دخی اثبات ایلدی کمز و جملہ خرسیتا نلق ابتدادن
 ۳۱۲ سنہ سنہ قدر مسکنیت ایچندہ قالہ رق
 اندن صکرہ ۲۷۶ سنہ سنہ قدر شوکتلی
 بروما دولتی رھین انقراض کلی ایلدی کی
 کبی ۱۴۵۳ سنہ سنہ قدر دخی رومای شرقی بی
 منقرض ایلش ونہایت ۱۷۹۲ سنہ سنہ قدر
 اورو پایی بردار المظالم حالنہ قویمشدر ۰ تا
 ۱۷۹۲ سنہ سنہ اورو پالی ملتر دینلرینی دہ
 دولترینی دہ زیر وزیر ایتھکہ طور انینجہ
 نعمت مدینتدن لذتیاب اولہ مامشدر ۰ او

زماندنبری ده اصل ترقیات علمیه و فنیه کنند -
 یسنی میدانہ قو یمشدر • بو حالده اصلاحات
 و ترقیاتک حضرت عیسی طرفندن نشر دین
 ایدلمسی سببیلہ حصولہ کلمدیکنی یالکز اورو •
 پالی دینسزلر دکل جهانک هر طرفنده بولنان
 دینلیرده دینسزلرده یعنی بتون ابنسای بشر
 دعوی ایلر و دعواسنی قازانور •

حتی راست کله حضرت عیسانک نشر
 دین ایلدیکی زمانلردن بدأ ایله ترقیات علمیه یه
 باشلانلدیغنی ده اعتقاد ایتزلر • ترقیات علمیه یه
 خدمت ایدن یونانیلر حضرت عیسادن
 عصرلرجه مقدم ایدیلر • بویله برتصادف
 اولسون تسلیم ایدلسه پاپاس افندیلر پک
 بختیار اولورلر اما اوده کندیلری ایچون
 میسر دکدر •

شودند که او روپای دینسز لدن بشته اصلاحات
 مدینه و ترقیات علمیه او یله کند ی کند یسنه
 و راست که حصوله کلدیکنی ده هیچ بر دینلی
 و یا خود دینسز دهوی ایتیمور . علوم
 و فنون مسئله بعد مسئله آخری بونجه ار باب
 همتک غیر تریله حصوله کلدشدر دیور . « علمی
 چیندن بیله طلب ایدیکز » و « بشیکدن مزاره
 قدر علمی طلب ایدیکز » کبی حکملر اورته یه
 چیققدن صکره ارتق ترقیات علمیه ده کی
 کلفتی اولسون اکلایه میه حق آدمی قالمشدر .
 که او روپای دینسز دنیلان و حالبو که انلرک
 فضیات علمیه لریله شمدی کایسا ار بابی طرفندن
 دخی اعلان افتخار ایدیلان عقلا و حکما
 اکلایه مسوونلرده تصادف اولدیغنه قانع

ایشته موسیو دوایت حضرتلری

بجشترینده بوراده ختام ویر یورلر . بجشک

بوندن صکره سنی پروتستان ملتندن اوه دیس

افندی یه ترک ایچون دخی دیورلرکه :

« خرسیتیانلغک اساسی مقامنده بولنان

انجیل شریفده دخی مدافعده نک تعرضاتی

کبی تعرضه سببیت ویره جک بر حال اولوب

اولم دیغنی اکلامق ایچون اوه دیس افندی نک

قلمه المش اولم دیغنی صوک بندی قارئین

کرامک دقتلیجه مطالعه ایده جک لری مأمول

اولنور »

انی دخی دقتلیجه مطالعه ایده جک لری

وعد ایلرز . فقط شم دیک حالده موسیو

دوایت حضرتلر ینک شوسوزنده دخی

شایان دقت بر تعیر بولم دیزدن اول بول

قارئین کرام! نظر دقتلرینی او تعبیر جهته
دخی جلب ایتک ایسترز .

موسیو دوایت حضرتلرینک افاده لرینه
کوره انجیل شریف خرسیتیانلغک اساسی
مقامنده ایمش . یعنی خرسیتیانلغک اصل
اساسی انجیل شریف اولمیوب فقط انجیل
شریف بویله براساس مقامنده قائم ایمش .

بو بابده موسیو دوایت حضرتلرینک
سهوینی عیظن ایدرسکز ؟ خیر! اصلا سهو
ایتمامش لردر . اناجیل شریفه صحیحهدینی
شمیدیکی انجیللر دردیله اعتقاد ایتمکه هیچ
امکان اولماقله برابر شمیدیکی انجیللر دخیینه
شمیدیکی خرسیتیانلق ایچون اسالاساس
اصلی اولوب قاله مامشدر . شمیدیکی
خرسیتیانلق ینه شمیدیکی انجیللر دخی بالوجوه

مبایندر • انجیلردن صکره بر چوق کلیسا
پاپاسلرینک اجتهادلری خرسستیانلق ایچون
اصلرو اساسلر یرینی طوته رق انجیلار دخی
اساس و اصول مذکوره دن بر یسی مقامنه
قائم اولمشدر •

ایشته بو حقیقتی دخی انکار ایده میه جکنی
موسیو دوایت حضر تلی در پیش ایلشدر -
ده انک ایچون انجیل شریفه « خرسستیانلغک
اساسی مقامنده » دیمشدر • یوقسه شمدیکی
خرستیانلغی ینه شمدیکی اناجیل ایله دخی رد
وابطال قابلدرد • نصل که بز دخی مدافعه -
مزده اغلبی بو اصوله رعایت ایلدی کمز کبی
بوندن صکره دخی رعایت ایلیه جکز •

❀ خریستیانلغک ماهیتی ❀

- انجیل شریف علمینده اقامه ایدیلان -

« دعوانک ماهیتی »

بوسر لوحه التنده اوله رق مناظر من

دیورکه :

مدافعه نك التجی مجتهده انجیل شر -

یف حقنده شو فقره کورلدی یعنی (انجیللرک

یالکز درت انجیل اولمق اوزره یازلدقلمینه

یقین حاصل ایدلمیوب هر مذهب ار بابنک

کندیسنه مخصوص بر انجیل یازمسيله میدانده

باشلیجه الی درت دانه انجیل چیمشدن .

شو حقیقت کون کبی میدانده ایکن نصار انک

حالا کندی کتابلری تحریف اولندیغنه دائر

علمای اهل اسلام طرفندن ایدیلان ادعای

رده چالشملری جای تعجبدر . انحقظ

ایدرز که علمای اهل اسلام کتاب نصارانک
تحریف ایدلدیکی ادعا ایتکده ینه نزا کت
کوستر مشلدر . اگر نصارانک هیچ کتابی
اولدیغنی و جله سی صکره دن او یدرمه شیلر
اولدیغنی هپسی بر برینی ناقض بناءً علیه
هپسی یا کلش ایدوکنی دعوا ایتش اولسدلر
عجبا خرسیانلرنه جواب بوله جقملر؟ خوش
بود عوایی ایده جکزی !)

براز اشاغیده وینه او صحیفه ده دخی شو
قره کورلدی یعنی (عروج مسیحدن صکره
انک شریعتنی اقامه ایده جک نه مادی نه معنوی
هیچ بر قوت قالدیغندن یعنی کندیس کی
کتابی و شریعتی دخی بالطبع کلدیکی جانب
جلیله رفع اولندیغندن بر کره شریعت
یسوع کندیلکیله تأسس ایده مامشدی)

مدافعه نك انجيل حقنده اولان مذکور
 سوزلری انجیله آشنا اولان هر بر آدم
 عندنده منفور و بناءً علیه انلری تکرار ایتک
 موجب اسف ایسه ده مدافعه نك بر کونه
 اعتراضه حق اولماق ایچون بالاده کی فقره
 عیناً درج ایدلمشدر . مدافعه نك انجيل
 علیهنده اولان بو تعرضه جواب و یرمز -
 دن اول شو بر خصوصه قارئین کرامک
 نظر دقتنی دعوت ایتک استرز . یعنی
 ترجمان حقیقتک مدافعه سر لوحه سیله نشر
 ایتش اولدیغی بندلری مطالعه ایتش اولان
 هر صاحب انصاف مذکور بندلردن اصل
 مقصد خرسستیانلر طرفندن دین اسلام
 علیهنده ایدیلان تعرضه قارشو دین
 اسلامی مدافعه ایتک او لیوب محضاً

دین مسیحی علیه‌نده و صورت مخصوصه ده
 بر تعرض ایدو کنی درك ایتش اوله جقلردر .
 مثلاً خرسیتیانلرك دین اسلامك بالعموم قبولنه
 دائر اولان اعتراضلری بی اساس اولدقلرینی
 کویستره جك یرده انجیل علیه‌نده بر دعوا یه
 قیام ایتشدردر . بزلر بر مسلمانك انجیل علیه‌نده
 بویله بر دعوا اقامه ایتکه صلاحیتی
 اولدیغنی انکار ایتیز . فقط مدافعه قیاقیله
 میدانه چیقسان بر محرر خرسیتیانلرك دین
 اسلامه دائر اولان اشتکالرینی سکو تله
 چکوبده انجیل و دین مسیحی علیه‌نده تعرض
 ایتسنی اصول مناظره خلا فنده بر حرکت عد
 ایدرز . مدافعه‌نك بو خطاسی کون کبی
 آشکار اولدیغندن اندن تهریه ذمته یالکیز
 ایکی طریق واردردر . یعنی یا مدافعه‌داسمی

قالدیریلوب انک یرینه تعرضی افاده ایدر براسم
 قونلمسی و یاخرستیانلرک مطـلو بات دین
 اسلام خصوصنده اولان اعتراضلرینه
 جواب و یره مدیکی ایچون سکوت ایتدیکنی
 اقرار ایتسی لازم کـور . زیرا مدافعه
 انجیلک یا کاش اولدیغنی ولواثبات ایتسه
 بویول ایله کندی معتقد بولندیغنی تار یخک
 حقیقتی خصوصنده خرسـتیانلری الزام ایتش
 اولدیغنی استدلال ایدمز .

انجیل علمینده اقامه ایتدیکی دعـوایه
 کلنجـه بالاده درج اولـسان فقره لر دن اکلاـ
 شلدیغنه کوره بودعوانک اوچ نوع اولدـ
 یغنی بدیهیدر . شویله که برنجی دعوایه کوره
 انجیل تحریف ایدلمشدر . ایکنجی دعوایه
 کوره انجیل صکره دن اویدورمه اولوب

خړستیانلرک هیج کتابی یوق ایتمش او چنجهی
 دعوا یه کوره مسیحک کتابی و شر یعتی کند -
 یسیله برابر جانب جلیله رفع اولمشدر .
 مدافعه یه جواب و یرمزدن اول شو
 خصوصی اخطار ایتمکه مجبورز که بزلر مدافعه
 فعه نك انجیل و حوار یلر حقنده استعمال
 ایتدیکی بر طاقم غیر لایق صفتلره جواب
 و یرمک ایچون بو بندی قلمه المیهوب انجق
 انجیل علیهنده اقامه ایدیلان دعوانک
 ماهیتنی ابراز ایتمک املنده یز . انجیل شریف
 علیهنده (دوزمه او یدرمه) و حوار یلر
 علیهنده (الیوک الحقه قلمری کورلمشدر)
 یولنده استعمال ایتدیکی لسانک محاکمه سنی
 دخی اهل انصافه ترک ایدرز . ز یرا مدافعه
 نك بکنم دیکی انجیل دشمنلر یکزی سو کزو کلمه که

مقابل کمالک ادا ایتیکز دیو بزہ امر ایتش اولد .
 یغندن مدافعه نك مذکور حقارتنه مقابل
 حقارت ایده میه جگمز بدیهیدر .

انجیل علیهنده مدافعه نك اقامه ایتدیکی
 مذکور اوچ دعوالره کلنججه ایکنجی
 و اوچنجی دعوا اثبات اولندیغی حالده
 برنجی دعوایه هیچ لزوم کورلریکنندن
 اصول مذاکره توفیقاً صکره کی دعوا دن
 باشلا یه رق بحثه کیرشممز ایجاب ایدر .

اوچنجی دعوا نك یعنی مسیحك کتابی
 و شریعتی کندیسسیله برابر جانب جلیله رفع
 اولندی و حالیه خرسستیانلرک یدنده بر کتاب
 قالمدی دیو اقامه ایدیلان دعوا نك ماهیتی
 بیانده در .

بوز ماندن غیری برزمانده و بومکاندن

غیری بر مکنده یعنی بوندن اون طقوز عصر
 اول قدس شریف طرفلرنده مسیحک کتابی
 و شر یعنی مسیح ایلہ برابر جانب جلیلہ عروج
 ایتدیکنی شمدی دعوا ایدن بر محرر کنیدی
 دعواسنک اثباتی ایچون عقلی و نقلی برهانلر
 ایراد ایتدیکجه دعواسنده عجز کوسه ترمش
 اوله جغی بدیهیدر . ایمدی مدافعه کنیدی
 دعواسنک اثباتی ایچون نه برهان ایراد
 ایتشدر ؟ التنجی مجتبی یوقارودن اشاغی
 مطالعه ایتدک عقلی و نقلی بر جزؤ دلیل
 یابرهان کوره مدک انسانک طریق حقه
 ارشادی ایچون حق تعالی نک امر یورمش
 اولدیغی تعلیمات و کتابک بودنیاده انسانک
 یاننده قلمسی ایجاب ایدرکن او یله بر تعلیمات
 یا کتابک جانب عالی یه رفع ایدلمسینه نه لزوم

وارايش اكر بر كونه لزوم وار ايسه نه
 سببدن مدافعه انلري بيان ايتماشدر . كذاك
 بويله عظيم برشي وقوعبولمش ايسه ميلادك
 اينك عصر لرندن يونان لاتين وسور ياني
 لسانلرنده بونجه كتابلر موجوددر نه سببدن
 بويله بروقه نك وقوعنه دأر انلردن اصلا
 اشتهادات ايدلماشدر . مدافعه بودعواسني
 اثبات ايچون بر كونه برهان ايراد ايتد .
 يكنندن دعواسي صالت برخليا اولديغي
 آشكار اولور .

ايكنجي دعوانك يعنى انجىل شريفك
 صكره دن او يديرمه اولوب خرسه تيانلرك
 هيچ كتابى اولمديغي دعواسنك ماهيتي
 بياننده در .

بودعوانك اثباتى ايچون دخي مدافعه بر كونه

برهان ایرادینه تنزل ایتیوب انجیق خرسیتیانلر
 بیننده اللی درت فرقه اولدیغندن بونلرک هر
 بر یسنک برر انجیل دوزوب او یدردقلرینی
 ذکر ایدیور . فقط بو اللی درت انجیلک
 زده ونه زمان یازلدیغنی وانلرک کرک یکد -
 یکرندن و کرک شمدی دستور العمل طوتیلان
 انجیلدن نه جهتله متفرق ایدوکنی اثبات
 ایده جاک یرده بونقطه مهمه یی سکو تله کچوب
 خرسیتیانلر اره سنده فرقه لر یافرقلی مذهبلر
 اولدیغنک اثباتنه چالیشیور فرض ایدلم که
 خرسیتیانلر اره سنده اللی درت فرقه بولنمشدر
 خرسیتیانلر اره سنده اللی درت فرقه بولنمشدن
 اللی درت انجیل اولدیغی استدلال ایدیور
 ایسه محمدیلر اره سنده دخی اقلی درت فرقه
 بولنمشدن بر قرآن برینه درت قرآن اولدیغی

استدلال ایدیه بیلور . فقط محمدیلر اره سنده
 بولنسان درت فرقه یه باقارق درت قرآنک
 وجودینی استدلال ایتک خطا اولدیغی کبی
 خرسیتیانلر اره سنده اللی درت فرقه بولنسنندن
 اللی درت انجیلک وجودینی استدلال ایتک
 دخی عین خطا در .

هر عصرده اولدیغی کبی شمدی دخی
 خرسیتیانلر اره سنده قتلک پروتستان ارمنی
 وروم و بو مثالو فرقه لر واردر بو فرقه لر هر
 نه جهتله یکدیگرینه مخالف بولنسه لر جمله
 سنکده قبول ایتدیکی انجیل بردر خرسیتیانلر
 اره سنده فرقه لر بولنمسی هر برینک برر
 انجیلی اولدیغندن دکل انجیق انجیلی فرقلی
 طرزده تفسیر ایتمه لرندن نشأت ایتشدر .
 خرسیتیانلر انجیلی تنه بر ایتکده حر اولوب

انجيل دخی امور روحانيه و عاليه دن بحث
 ايتدکجه کنا هله عقیلی قرار مش اولان انسان
 جنسنگ بویله امور عاليه یی لایقیله ا کلا -
 مدیغندن فرقه لر حصوله کله جکی طبیعیدر •
 مدافعه نك خرس تیانلر ارسه سنده فرقه لر
 بولمسه نه برچوق انجیالك موجود اولد -
 یغنی اثباته چالشدیغی بیهوده اولدیغی کبی
 انجیل شریفه دوزمه اویدر مه در و خر -
 ستیانلرک هیچ کتبابی یوقدر دیمسی دخی
 محضاً برخطادر • بز مدافعه کبی بوخطادر
 دیوب بشقه برمسئله یه صاووشو یرمیر •
 اوت خطادر دیدک و خطا اولدیغنی دخی
 کوستره جکز انجیل شریفه دوزمه اویدر مه
 دیمک خطادر • زیرا اول امرده بویله بر
 دعوا برنجی دعواده بیان اولنوب دهرلر -

دنبرو محمدیلر طرفندن ذکر اولنان تحریف
مسئله سنه مغایر در انجیلاک تحریف ایدلدیکنی
دعوا ایدن مدافعه فصل اولوبده هممان او
صحیفه ده خرسه تیانلرک هیچ کتابی اولمدیغنی
دعوا ایده بیلدیکنی ارباب مطالعہ نك حکمنه
احاله ایدرز . اگر خرسه تیانلرک کتابی
یوقسه ا کر انلرک الئرنده بولنان انجیل انجیل
اولمیوبده صکره دن دوزمه اویدر مه ایسه
اول صورتده تحریف مسئله سنك لزومی قالمز .
زیرا وجودی اولمیان بر کتابك تحریفی ممکن
دکلدر . بر کتابك تحریفی دعوا ایدن
مدقق او کتابك وجودینی قبول ایتش اولد .
یغنی بدیهیدر . بناءً علیه مدافعه کندینك
برنجی دعواسیله ایکنجی دعواسنی نقض
ایتش اولغله خطا ایتشد .

ثانیاً انجیلہ دوزمہ اویدر مہ در
 و خرسیانلرک هیچ کتابی یوقدر دیو اقامہ
 ایدیلان دعوا عصرلر دنبرو محمدیلر
 خرسیانلری اهل کتاب طانیوب انلرلہ اهل
 کتابہ ایدیلہ جک معاملہ دہ بولنلرینہ مغایر
 اولمغلہ بودعوا خطادر . اکر خرسیانلرک
 کتابی یوقسہ نہ سبیدن مدافعہ نک قبول
 ایتدینکی قرآن انلری اهل کتاب طانیور نہ
 سبیدن بالجملہ محمدیلر خرسیانلرک مذہبوحاتنی
 اکل ایدیورلر نہ سبیدن کرک عربلر حین
 سلطنتلرنده و کرک الیوم مسلمان حکمدارلر
 خرسیانلرک اجرای آیین و دینلرینہ مساعده
 بیور مشلر و مساعده بیورہ جقلربنی علماً تعہد
 ایلشلردر . مدافعہ نک انجیل علیہندہ اولان
 مذکور حقارتی ہم قرآنک احکامنہ ہمہ خی

خړستیانلری اهل کتاب طانیه رق انلره اهل
کتابه ای دیله جک مساعده یی احسان بیوران
مسلمان حکمدار لک مسلمانکنه مغایر بر حرکت
اولمسيله خطا اولدیغی بدیهیدر .

ثالثاً انجیله دوزمه اویدر مه دیمک
بالنفس انجیلاک فضائلنه مغایر اولدیغندن
خطادر . نیجه نیجه ملتمک ترفیع حاللرینی
موجب اولمش و حسابیه کلز کسه لری طریق
حیاته ارشاد ایتش دردلیله تسلی ظلمنده
اولانلره نور و روحانیجه آج اولانلره حیات
اککی اولان بویله بر کتابه دوزمه اویدر مه
دیمک بزجه بیوک بر خطادر و ظن ایدرز که
(آغوستین) (برنارد) (لورد بیکین)
(نوتون) و (میلتن) کبی ذاتلرک حقنده
اخترامات فائده ایله سو یلدکاری انجیله

دوزمه اویدر مه دیمك خطا اولدیغنی انجیلك
تعلیمات مقدسه سنه اشنا اولان هر بر آدم
دخی تسلیم ایده جکدر .

برنجی دعوانك یعنی انجیلك تحر یفنه
دائر اولان دعوانك ماهیتی بیاننده در .

مدافعه بودعواسنك اثباتی ایچون دخی
برکونه برهان ایراد ایتمدیکنندن بوکا دخی
اهمیت ویرمادك واجب ایسهده اشبو
تحریف مسئلهسی علمای اهل اسلام طرفندن
دفعاتله میدانله قونلش اولغنه بوخصوصده
خرستیانلرك افکارینی مختصراً بیان ایتمکی
وظیفه دن عد ایدرز .

انجیل شریفك هیچ بر وقتده تحریف
ایلمدیکی بیاننده در .

اولاً شمدی دستورالممل طوتیلان

انجیملک فن طبعک احداثد نبرو تحریف
ایدلماش اولدیغنی هرکس تسلیم ایدر . زیرا
شمیدیکی انجیل میلادک ۱۴۵۵ نده طبع او .
لنوب الان موجود اولان نسخه لره تطبیق
ایتدی کمزده ایکیمینک حاوی اولدیغنی ماده لرده
بر فرق مشاهده ایدلر . بناءً علیه صواب
در تیوز سنه ظرفنده انجیملک تحریف ایدلما دیکی
بدیهیدر .

ثانیاً میلادک ۱۴۵۵ نده طبع اولنان
نسخه لری بشنجی عصر ایله اون بشنجی
عصر ارسنده تحریر اولنوب الان موجود
اولان تیوز عدد یونانیجه ال یازی متنره
تطبیق ایدلما دیکمزده بر کونه تحریف علامتی
مشاهده ایدلما دیکنندن شمیدی دستور العمل
طویلان انجیملک میلادک بشنجی عصر نده

دستور العمل طوتیلان انجیلک عینی اولدیغنه
 شبهه ایدیله من . واقعاً مذکور ال یازی
 منلر یکدیگرینه ویاخود شمدی یدمزده
 بولنان انجیله تطبیق ایدلدکده کله جه و بعضاً
 عباره جه جزئی فرق بولنور . فقط بوکا
 اصلاً تحریف دینله من . زیرا بوفرقلر انجیلک
 تعلیماتی تغییر ایچون قصداً ایدیلان تحریف
 دکل انجق مستنسخ برمتندن استنساخ ایتد .
 یکی صروده وقوعی طبیعی اولان سهودرکه
 برچوق منلر یکدیگرینه تطبیق ایدلدکده
 متن اصلی معلوم اولور . ظن ایدرزکه قرآنی
 استنساخ ایدنلرک دخی بوکبی سهو ایتدکارینی
 مدافعه اقرار ایدر . اون طقوزنجی عصرده
 دقت عظیمه ایله طبع اولنان کتابلرده بیله
 نیجه دفعه بونک کبی سهویات وقوعبولور

و هیچ بر صاحب انصاف او یولده اولان
سهویاتی تحریف دیو ادعا ایتمز .

ذکری سبقت ایدن التیوز عدد متلرک
اکثر یسی قدیمیلرک یایدقلمری تیرشه لر اوزرنده
تحریر اولمش اولوب الان اورو پا کتبخانه
لرنده محفووظدرکه انلردن برقاچنی بوراده
اسمیر یله ذکرایده جکز . بو ال یازی متلرک
برنجیسی (علیکساندریان) نام نسخه اولوب
الآن لوندره نك (بریتیش موزهیم) تسمیه
اولنان نمونه خانه سنده محفووظدرکه بو عاجزلری
انی کندی کوزلریله کورمشدر . مدققلم
بو متلرک میلادک بشنجی عصرنده تحریر
اولندیغنی اثبات ایتملردر .

ایکنجی المانیالی (تیشاندورف) نام
عالمک ۱۸۵۹ ده طور سیناده واقع (ایا -

قاترینا (نام مناسترده بولوب (سینالی)
 تسمیه ایتدیکی متدرکه مدققلرانی دردنجی
 عصرک اواخرینه و یا بشنجی عصرک
 اوائلنه منسوب ایدرلر بو متن غایت قیمتی
 اولدیغندن متوفی روسیه ایمپراطوری ایکنجی
 علمکساندرک مصارفیه انک فوطوغرافی
 چکیله رک اورو پانک کتبخانه لرینه برر نسخه
 هدیه واصل متن ایسه پترسبورغده حفظ
 ایدلمشدر .

اوچنجیسی روماده واتیقان کتبخانه سنده
 محفوظ اولان واتیقان نام نسخه درکه دردنجی
 عصرده تحریر ایدلدیکی تخمین ایدلمشدر .
 دردنجیسی پارسده حکومت کتبخانه -
 سنده محفوظ اولان شاهانه نام نسخه درکه
 التنجی دهرده تحریر ایدلدیکی اثبات

اولمشددر .

بشنجیسی انکلهترده قامبر یخ شهر ینک
دارالفنونی کتبخانه سنده محفوظ اولان به
حنا نام نسخه در که مدققلر انی دخی التنجی
عصره نسبت ایدر لر .

اشبو بنداك مساعده سی اولدیغندن دیگر
نسخه لرك ذکرندن صرف نظر ایتکده
مجبورز .

بورایه قدر اولان افاده لردن یعنی شمعی
خرستیانلرك یدنده بولنان انجیلک او نبشنجی
عصرده طبع اولنوب الان موجود اولان
انجیله وانك دخی بشنجی عصرله او نبشنجی
عصراره سنده کی وقتلرده تحریر اولمش
اولان متلره مطابق اولدیغندن انجیلک میلادك
بشنجی عصرندن اون طقوزنجی عصرینه

قدر اولان مدتده تحریف ایدلمدیکی صورت
قطعیهده اثبات اولمش اولور .

بواجلادن تحریف مسئلهسی برنجی

عصر ایله بشنجی عصر ارسهنده ارا نلق

کر کدر . فقط میلادک برنجی عصرنده

حضرت عیسایی کورمش وانک سیرت مقده

سه سنه آشنا اولمش بیکلرجه کسه لر ده

حیاتده ایکن هیچ برخائک انجیلی تحریفه

اقتداری اولمدیغنی هر صاحب انصاف

تسلیم ایدر . زیرا میلادک برنجی عصرنده

حوار یلرودین مسیحی یولنه اولومه یله

راضی اولان بیکلرجه مؤمنلر حیاتده ایکن

انلرک یندنه بولن انجیلی کسه نک ضبط

وتحریف ایدهمیه جکی بدیهیدر حتی حوار یلره

هم عصره علمای دن مسجیدن اولان

مشهور ذاتلری یعنی بار ناباس و میلادک یوزنجی
 سنده سنده شهید اولان رومالی قلامانس
 و میلادک یوز اون التجی سنده سنده شهید
 اولان انطاکیا پستقوپوسی ایقنادیئوس
 و حواریوندن یوحنا نك شا کردی
 و از میر پستقوپوسی اولان پولیتقارب کندی
 تحریر اتلرنده درت انجیللری اسملریله ذکر
 ایتدکن ماعددا آنلردن برچوق آیات
 استخراج ایلشلردر که بو آیتلر شمعی خرسیتیا
 نلرک یدنده بولنان انجیلک آیاتنه کامل
 مطابقدر .

بو صورتده تحریف مسئله سنی میلادک
 ایکنجی عصریله بشنجی عصری اره سنده
 دوشن مدتده آره مامز لازم کلور . ایمدی
 انجیل شریفک مدت مذکورده ده دخی تحریف

ایدلمدیکنه دائر زيرده ایراد اولنه جق
براهینی بی غرضانه محاکمه ایتلری هر کسدن
رجا اولنور .

اشبو مسئله یی لایقیله آکلامق ایچون
میلادک ایکنجی عصر یله بشنجی عصری
آرهنه دوشن مدته انجیل شریفک طوتمش
اولدیغی موقعی درخاطر ایتمز ایجاب ایتد .
یکسندن آتی الذکر اوچ خصوصات مهمه یه
قارئین کرامک نظر دقتلرینی عاجزانه دعوت
ایدرز .

اولاً مذکور مدته دین مسیحی
سوریه و آسیای صغری و مصر و ایتالیا
و یونانستان و سائر نیجه سمتره انتشار ایتش
اولدیغندن حالیه دین مسیحیک انتشار بولش
اولدیغی مذکور دیارلرده انجیلک یونانی

لساننده بر چوق نسخده لری موجود ایدی .
 ثانیاً مرور زمانله دین مسیحی یونا .
 نیجه تکلم ایتیمان ملل مختلفه طرفندن دخی
 قبول اولمش اولغاه آنلرک حوایجی ایچون
 انجیل شریف پک ارکن السنه مختلفه یه ترجمه
 ایدلدی . مدقتلرک حکمنجه انجیل شریف
 میلادک برنجی عصرینک او ائرنده ویا
 ایکنجی عصرینک او ائلنده سوریه نک شمال
 جهتلرنده تمکن خرسه تیانلرایچون سوریا .
 نیجه یه ترجمه اولنوب اشبو ترجمه پک فصیح
 اولدیغنه بناء آکا پشیتو یعنی بسیطه تسمیه
 ایدلدی . وینه انجیل شریف ایکنجی
 عصرده اسکی ایتالیانجه یه و اوچنجی
 عصرده قبطیجه یه و دردنجی عصرده
 وولغاتا تسمیه اولنان لاتینجه یه و بشنجی

عصرک اوائلنده ارمنیجه یه ترجمه اولندی
که الان مذکور ترجمه لک اکثریسی منسوب
اولدقلری کلیسایرده او قونمقده در ۰ بو
صورتده ایکنجی عصرک اوائلیه بشنجی
عصرک اوائلی ارمینه دوشن مدته انجیل
شریفک سوریا نیجه واسکی ایتالیسانجه
و قبطیجه ولاتینیجه وارمنیجه لسانلرنده بر
چوق نسخهلری موجود اولدیغی و بو
نسخه لک دخی یکدیگرندن اوزاق مملکتلرده
و مختلف ملتلرینده بولندیغی بدیهیدر ۰

ثالثاً میلادک برنجی عصر یله بشنجی
عصری ارمینه دوشن مدته یاشامش یوز
سکسان بش خرمستان مؤلفلرک شمعی یه دک
تکمیلی و یا بعض قطعهلری موجود قالمش

مکتوب بلری و نطق بلری و مدافعه بلری و تفسیر -
 زنده آیات انجیلیه نك كافه سی استخراج
 ایلمش و مذکور استخراجاتك شمعی خر -
 ستیانلرك یلنده بولمان انجیلك آیاتنه مطابق
 ایدوکی اثبات اولمشدور . اشبو بندك مسد
 عدده سی اولمديغندن بو خصوصده مفصلاً
 تفصیلاً ته کیریشه میر . فقط بو کا دائر
 زیاده معلومات تحصیل ایتك استیانلر
 دو قطور بنتلی نام مدققك کتابنه مراجعت
 ایده بیلورلر . دو قطور موصی الیه بشنجی
 عصر دن اول انجیل شریفك بالجمله نسخه -
 لر ی دنیا دن قالدیرلش اولسه مذکور یوز
 سکیسان بش مؤلفلرك محرراتنده موجود
 اولان استخراجلردن بتون عهد جدیدك
 یعنی هم انجیلك همده رساله لرك تکرار

ترتيب ايديله بينه چكنى ادعا واثبات ايتشدور .
 امدى مذکور اوچ خصوصه بناء
 يعنى اولادىن مسيحينك نېچه ديارلره انتشا-
 رى سبيله يونانېچه انجيلدن برچ-وق
 نسخهلرک و ثانياً ذکرى سبقت ايتدىكى اوزره
 بش لسانده اولان ترجمهلر واسطه سيله دخى
 بش مختلف لسانلرده و يکديکرندن اوزاق
 مملکتلرده برچ-وق نسخهلرک موجود
 بولنديغنه و ثالثاً كافه آيات انجيليه نك
 يوز سکسان بش مؤلفلرک محررا-
 تنه دخى مستخرجاً درج ايدلديکينه
 بناءً انجيلک تحريفنى دعوا ايدن برآدم
 مذکور لسانلرده بولنان انجيل نسخهلر نك
 كافه سنك تحريفنى هم دخى مذکور يوز
 سکسان بش مؤلفلرک محرراتنده بولنان كافه

آیات انجیلیه نك تحریفنی دعوا ایتش اولور .
 زیرا مذکور نسخه لر ایله مستخرجات یکد .
 یکرینه مطابق کلدیکندن یا انجیل تحریف
 ایدلمش و یا تحریف ایدلمش ایسه مذکور
 نسخه لر ایله مستخرجاتک کافه سی تحریف
 ایدلمش دیمز لازم کور . اشبو خصوصی
 بر مثال ایله ایضاح ایدلم . قریم محاربه سندن
 اون بش عصر صکره کی بروقتده یشایان
 بر آدم پارس عهد نامه سنک تحریفنی دعوا
 ایتسیله مذکور عهد نامه نك یالکز بر نسخه .
 سنک تحریفنی دعوا ایتش اولمیوب انجق
 اول عهد نامه نك السنه مختلفه ده بولنان
 بجه نسخه لر ینک هم دخی اون بش عصر
 ظرفنده مذکور عهد نامه دن ایدیلان استخرا .
 جلرک دخی تحریفنی دعوا ایتش اولور .

زیرا بر آدمک کندی یدنده بولنان بر نسخه یی
 تحریف ایتسیله پارس عهدنامه سی محرف
 دیو حکم ایدیله مز . کنالک انجیل شریفک
 ولو برو یابش نسخه لری تحریف ایدلمش
 بیله اولسه بونکله انجیل محرف دیو حکم
 ایدیله مز . بر آدم بوکون قالقوب کندی
 یدنده بولنان (قودناپولیونی) تحریف
 ایده بیلور فقط قودناپولیونک کرک فرانسه
 لسانده و کرک السنه مختلفه ده بیکارجه
 نسخه لری و یک چوق کتابلرده دخی نیجه
 فقره لری موجود بولنه رقبه قودناپولیون
 تحریف ایدلمش اولمز .

ایمدی انجیل شریفک ایلك بش عصر
 ظرفنده طوتمش اولدیغی موقعه بناءً انک
 تحریفی غیر ممکن اولدیغی صورت قطعیده

استدلال ایدل دیکی کی آتی الذکر برهانلر
دخی بوافکار یمزی تأیید ایدرلر .

اولا میلادك ایللك عصر لر نده مملكتلر
اره سنده وسائط نقلیه يك مشكل اولدیغندن
دین مسیحینك انتشار بولدیغی دیارلری
طولا شوب انجیللك جله نسخه لرینی تحریفه
هیچ بر آدم مقتدر دکل ایدی . ثانیاً انجیلی
تحریف ایچون بر شرکت تشکیل اولنوب
هر طرفه آدم چیقار یله حق اولسه بویله بر
تشبثات هر حالده میدانله چیقه حق ایدی .
حالبوکه تار یخلمرده بوکی تشبثاتك ذکری
بیله یوقدر . ثالثاً خریستیانلر اره سنده
میلادك ایللك عصر لر ندن بری فرقه لر بولنور
بولنر بر چوق خصوصاً صلرد، یکدیگر یله
اختلاف اوزره ایکن جملله سی دخی انجیل

شریفک هیچ بروقت تحریف ایدلمدیکنی
ادعا ایتمکده متفقدرلر .

رابعاً ایلاک عصرلردن بری خرسیان
کلیساسندن طرد ایدیلان اهل ضلالت بیله
کندی ادعایینی ایات انجیلییه ایله اثبات
ایتمکده جهد ایتدکارندن انزل دخی انجیل
شریفک تحریفنی قبول ایتدکاری بندهیدر .

خامساً میلادک برنجی عصر یله درد
نجی عصری ارسنه دوشن وقتده یشادش
ودین مسیحی علیهنده کتاب تألیف ایتش
معتبر یهودی و بت پرست مؤلفر بیله انجیل
شریفک تحریفنی دعوا ایتزلر . بو مؤلفر
خرستیانلر علیهنده بولدقنری هر برقصوری
ذکر ایتدکاری صروده نه سببان تحریف
مسئله سی کبی مهم بر مسئله یی ذکر ایتدورلر .

سادساً ذکرى سبقت ايتديكى اوزره
 انجیل شریفك تعلیمات مقدسه سی انك
 تحریف ایدلماسنه بر علامت صحیحه در .
 انجیل شریف جناب حقك صفات جلیله .
 سی و حضرت عیسا نك سیرت مقدسه سی
 و انسانك فسادى و طریق نجات و تجدید
 قلب و قیامة الاموات و حیات ابدیه مثلاً
 امور مهمه دن بحث ایدر . خائن ادملر
 یديله تحریف ایدلمش اولان بر کتـابك
 مذکور مواد مهمه و عالیهدن بحث ایتدیكى
 صروده طریق حقـدن عدول ایدهـجـكى
 طبیعیدر .

حالبوکه انجیل شریفك سیاق افاده
 سی و تعلیمات عالیده سنده بوکى بر قصور
 و پاکـاش اصـلاً مشاهدده ایدلمدیکندن انك

تحریرف ایدلماش ایدوکی معلوم اولور . بو
 افکار مزك صحیح اولوب اولدیغنی ا کلامق
 استیانلره حق تعالی نك هدایتی نیاز ایدهرک
 انجیل شریفی بر ایوجه مطالعه ایتلرینی توصیه
 ایدرز . زیرا انجیل شر بفك نصل بر کتاب
 اولدیغنی حکم ایتمه نك اک امین یولی طوغز-
 یدن طوغری یه انجیل شریفی مطالعه
 ایتمکدر .

سابعاً انجیل شریفی بنی بشره احسان
 ایتمش اولان جناب حق انی تحریرف مخاطره -
 سندن دخی سالم قیلغه قدرتی اولدیغنه بناء
 انجیل شریفك محتشه معتقدز . بر آدم
 آخر بر آدمك ایشنی بوزه بیلور بر حکومت
 آخر بر حکومتی خراب ایده بیلور . فقط
 جناب پروردگار عالمك وضع ایتمش اولدیغنی

قوانینی واحسان ایتش اولدیغی شریعتی
هیچ بر آدم و هیچ بر حکومت تحریف و تغییر
ایده مز • انسان و دنیا زائل اولور • لکن
حق تعالی نك مراد عالیمی دائم الاوقات
باقیدر • بناءً علیه جناب حق قادر مطلق
طایان آدم من طرف الله احسان اولمش
اولان قوانین و شریعتك انسان یدیه تحریف
و تغییرینی تسلیم ایده مز •

(اخطار مخصوص)

بزر بو بنداری بر کونه مجادله مقصدیه
یازمش اولیوب انحق مدافعه طرفندن
دین مسیحی و انجیل شریف علیه
اقامه ای دیلان دعوا رک ما هیتمی
جزو یجه کوستر مک ایچون قله المش و بو

خصوصاً صرده دهها زیاده معلومات تحصیل
ایتمک ایستیا نلردخی ایچلرنده اوکی معلوماتی
بوله بیه جملری کتابلری ذکرایتش اولمازله
طن ایدرز که کندی وظیفه مزی بر درجهیه
قدر ایفا ایتش اولدق بوسبیلره بناء شمدیلک
بشقه بختلره کیر شمنک لزومنی کورمیز .

ه . دوایت

مناظر افندی نك اعتقاد و افاده سنه کوره
مدافعه من انجیل حقنده بر تعرضده بولنش
ده کندیلری دخی او تعرضه جواب ویرمیز .
دن اول قارئلرک نظر دقنی بشقه بر خصوص
صه جلب ایتمک ایستیا نلر ایتش . او بشقه
بر خصوص ایسه بز اثر مزه « مدافعه »
عنواننی ویرمش ایسه کده حقیقت حالده
بومدافعه نك بر « مدافعه » او لمیوب بلکه

بر تعرض اولسندن عبارت ايمش .

زادفي الطنبور نغمة اخرى !

بز مدافعه مي ايتشيز يوقسه تعرضده مي

بولنشيز بوني كوسترمك ايچون اولان صو .

رازكه كرك پروتستان و كرك قاتولييك

ديسيونزلي مملكتزه نه ايچون كليورلر ؟

نشر انجيل ايچونمي ؟ يامملكتزه خريستيان

اولان وطنداشلمزك شمدي يه قدر اللرنده

انجيللري يوقى ايدى ؟ النده انجيلي

بولنان و ايلروده محتاج اوله جق اولنلره

دخي جاعتلري و پطريقخانلري طرفندن

تدارك ايديله بيله جكي دركار بولنان خر .

ستيانلره تكرار انجيل و يرمك حاصله

تحصيل و بوده سعي عبث عد اولنور .

بوهي سيونزلرك ممالككمزه دخوللري هنوز

يك حادث برشيدر . اون سكر عصر مدت
ظرفنده ميسيو نرلك عاطفتلری اوله رق انجیل
هدایاسنه نائل اوله مدقلری حالدہ ینہ دینلرینی
محافظه ایتش اولان خرسییان وطنداشلر مزه
بیلہ انجیل اهداسی وسیله سیله اقوام نصرا-
نیہ مزه قاریشه رق کندی مذهبلر ینہ آدم
جلبنده چالشملی بر تعرض او لدیغنه اکر
بو مقاله انجیلیه نك محرری اولان او ه دیس
افندی قناعت ایتیمورلر ایسه اقناع ایچون
بز کندی شخصلرینی اراثة ایدرز . کند -
یسی ارمنی اولدیغی ایچون آباواجدادینک
مذهبنی کندیسنه ترك ایتدیرنلر او مذهبه
تعرضی ایتش صایلمورلر ؟ یوقسه مذهبی
مدافعه می ایتش عد اولنورلر ؟
میسو نرلك اقوام نصرا نیه عثمانیه میا -

نده کی نشریات واقعہ سی بیله بونلرک مذہبلینه
 بر تعرض دیمک اولدیغی حالده اهل اسلامه
 عثمانلیجه انجیل طاغتملی اندن بیولک تعرض
 عد اولتمیزی ؟ ملکمزده لسان و حروفی عن
 اصل ترکیجه اولان هیج بر قوم نصرانی
 یوقدرکه عثمانلیجه نشریات انلرایچوندر دنیله
 بیلسون . مسلمان اولان بر خلقه کندی
 کتابنه مخالف و محرف کتابلری مجاناً توزیع
 ایتمک او خلقی کندی دینلرینه دعوت
 دیمکدرکه ایشته بود دعوت قدر صریح بر
 تعرض اوله مز .

بر فرض بعید او لهرق فرض ایده لمکه
 انجیللری نشر ایتمک « میدانده شویلهده بر
 نوع کتاب وارد . و بونده سزک دینکز
 علیه هیج بر اثر خصومت یوقدر . نه

اولدقترینی بر کره کورمک ایسترمیسکر ؟ «
 یوللو معصومانه ! ۰۰۰۰۰ بر مطالعه‌یه مبنی
 اوله بیله جکی ایچون او قدر بیوک بر تعرض
 صایملى ایستنسئون . یا انلردن ماعدا
 غداء الملاحظات و درر منجیه مسیحیه واستد -
 لالات و میزان الحق کبی درلودرلو عنوانلر
 ایله نشر اولنان و هر بری سبک‌مغزان اهاالی‌یه
 نصرانیتک فضائلنی و اسلامیتک خطیئاتنی
 کوسترمک ایچون نیجه ترهات مزورانه
 ایله مملو بولنسان کتابلره نه دیه‌لم ؟ بونلر
 دخی تعرض دکمیدرلر ؟

انجیللر مدافعی افندی دیمک ایستیورلر که
 مدافعه محرری اکر نصارانک بونشریات ایله
 دین اسلام علیه ایتدکاری تعرضدن تدافع
 ایتمک ایستیور ایسه انلره جواب و یرسو -

انده دين نصارايه تعرض ايتسون .

بو اوسته لقلي لقرديلي هانكي معلمين
او كرنمشلر ايسه كيتسونلر تشكراً بردها او
معتمك المريني او پسونلر .

دين اسلام علمينده يازدقلى كيتابلره
مقابله ايتكي كندى وهملرنجه محالاندى
عد ايدىورلر كه ترهات مذكوره حقايق
اسلاميه نك عارفلى نزدنده سيورى سينك
ويزلتيسى قدردنه كلز . ذاتاً الك زياده
ماهرى اولدقلى صنعت تحريفي مباحث
مذكوره ده دخى اجرا ايدر المتكلمين مياننده
بعض افكار مفرطه اربابنك اوهامنى كويا
اسرار دينيه اولق اوزره ميدانه قوي مقوله
او مدقلى قدر فائده بوله مزلر . چونكه
بو بحثلر جمهور كرام متكلمين نزدنده دهها

وقتیه حل اولمش بتمش شیردر .

مع هذا مادام انلری ده رده بزی دعوت
ایدیورلر بمنه تعالی بوجهتده اولان ماهیت
علم و عرفانلرینی دخی قریباً میدانده قویارز .
مناظر منک اشبو تفاخر بیهوده سندن
بزم ایچسون ممنون اولنه حق برده اعتراف
چیقیور . زیرا « مرا می دین اسلامی مدا -
فعه ایسه نصرانیتده تعرض ایتمسون ده دین
اسلام علیه نه یازیلان کتابلره جواب
ویرسون » دیمک دین اسلام علیه نه ده
اولجه تعرض ایدلمش اولدیغنی اعتراف دیمک
اولدیغنی بدیهیاتدندر . فرض ایدلمک بزم
مدافعه من (حاشا) بر تعرض صایلسون
یا او تعرضی اولجه کندیلری ایتمش اولدقلری
[۳۶]

حالده بزی اندن منع ایچون نه حق بوله
 بیلورلر؟ تعرض او قدر فنا ایش ایسه او
 فنا لغی ده اول کندیلری نیچون ارتکاب
 ایتشلر؟

حقیقت حالده ایسه بزم مدافعه من
 جداً بر تعرض دکادر . جداً و حقیقه بر
 مدافعه در . زیرا تعرض او لمی لازم
 کلمه ایدی « ای خرسیانلر ! دین پیشوا -
 لر کز سزی الداتیورلر ! مجرد کندی طمع
 و سلطنت دنیویه لرینی محافظه ایچون سزی
 کندیلرینه اسیر ایتشلر . انادن طوغسه کز
 کایسه یه پاره و یره رک بر رسم اجرا سینه
 مجبور سکز . تأهل ایتسه کز وفات ایتسه کز
 هب دنیالر قدر پاره و یره رک مراسم لازمه یی
 اجرا ایتدیر مینجه امانکزی جانکزی قور -

تاره مز اولمشسکز . حالبوکه حضرت مسیح
 کیمدن قاج پاره الهرق فیوضات دینیه بی
 صماتدی ؟ عجبا الله پاره الیمی ؟ سزی
 درلودرلو القاء آتله سائر وطنداشلمرکز
 علمینه تشویق ایدیورلر . بوايسه جناب
 مسیحك دخي تلقين ایتك ایستدیکی اخوت
 عمومی انسانیه مغایر برکیفتدر ! کلکز
 حقایق نصرانیه بی دخی حاوی اولان قرآن
 کریمی قبول ایدیکز . قرآن کریم هیچ
 ترقی بی تمدنی مانع دکدر . اصل نصرانیه
 نیت ویهودیت دخی حکم قرآن التسنده
 محفوظدر ! « دیه برنداده بولنور ایدك .
 و بونی ده هم شهر یلر مز اولان اقوام نصرانیه
 نیهك كندی لسان و حروفیله یازهرق نشر
 ایلر ایدك .

(التنبی مجتبه مقابله)

ایشته تعرض دیه اصل بو یله بر شینه
 دیر لر که یوقار وده استمر ینی تعداد ایلدیگمیز
 ترهاتنامهلر ایله میس-یونزلر بزه بو یله بر
 تعرض ایتک ایتمیشلر ایسه ده باطل اوزرینه
 حق دعواسنی بنا ایتک ممکن اولدیغندن
 ایتدکاری تعرضلری دخی پک کولنج بر صو
 رتده ایتشلردر .

بزایسه بو یله بر حر کتده قطعاً بولمقدق .
 بزم مدافعه من یالکز اهل اسلامه مخصوص
 بر تنبیهنامه در . بر طاقم افکار ناقصه وجهها
 لت معذوره اربابی الدائمق ایچون نشر
 اولنان ترهاتک ماهیتی جله جه معلوم
 اولمقله انلری یکان یکان جرحه در حال
 حاجت کور لاه میهرک حالبو که بونلرده کو یا

فیوضات و فضائل نصرانیه دن اولمق اوز -
 ره مع الافتخار اعلان ایدیلان ایشلرک یعنی
 نصرانیتک حقایقنی اخوان دینزه عرض
 ایتکی ده-ا اول کور یله جک برایش عد
 ایلدک .

کرك موسیو دوايت حضرتلری و کرك
 معین و ظهیرلری مدافعه مزدن نیچون اول
 قدر متأثر او لشکر در ؟ مسلمانلر مدافعه بی
 او قورلر ایسه کندیلرینک نشره ما دور
 اولدقلری نصرانیتی قبول ایتزلر دیه می
 قور قشلر در ؟

بو یله ایسه نه بیوک ظلم که مقابلار مزک
 یالکز بو قدر ظلمی نظر تجویزه المری کندی
 ماهیتلرینی اورتیه قویه رق او ماهیته قارشو
 دخی حامدنک نفرتنی قازانمغه کفایت ایلر .

يا عجبيا نصارا بونلرى او قورده دینلر -
 نىك ماهیتىنى اكلایه رق ترك نصرانیت
 ایدرلر دیه می تلاش ایتشلر ؟ بوده بعیددر .
 زیرا بز مدافعه مزى یوزمىلى دهاییوتمش
 اولسه ق نصارانك كندی علیهلرنده یازد -
 قلری کتابلر قدر بطلان نصرانیتی ایضاح
 و شرح ایتش اوله میر .

« نصارانك كندی علیهلرنده یازد قلری
 کتابلر » دیمكدن مقصد مزى الیوم پارسده
 پیدر پی طبع اولنمقده بولنان « یدیلیوتك آنتی
 قله ر یقال » کبی کپازهلککلر دکلدلر . بویله
 شیلره ینه نصارانك رغبتلری اولملىدركه
 طبع اولنیور . زیرا راغبی اولمیان بر
 متاع بازار دادوستده وضع اولنمز .
 بز نصارانك متکلملری دیمك اولان « ستر -

توز « کبی بر چوق اهل تحقیقی اخطار
ایلیورز که بونلرک تاریخ انتشار نصرانیت
حقنده موفق اولدقلری و کوندن کونه دهها
زیاده موفق اولمقده بولندقلری تدقیقات
بر کون او لوبده نصرانیتی عموم نصارا
نظرندن دخی قطعیا دوشوره جکنه عقلا
هیج شبهه ایتمورلر .

ایمدی مدافعه من اشبو تدقیقاته قیاسله
هیج مشابهه سنده ایکن بوکا بر « تعرض »
معناسی و یروبدلش دخی کوسترمک
مدافعه منک حاوی اولدیغی بعض حقایقه
قارشو شاشیروب قالمقدن بشقه نهدن نشأت
ایدر ؟ ذاتاً بو حیرتک درجه سی موسیو
دوایت حضرتلرینک مدافعه یی ردایدیم
دیر ایکن همان بالجمله مباحثنی صراحه

تصدیق ایدی و یرمش او لمز یله دخی تعین
ایتمشیدی که بوندن اول مباحث معینه سنده
کیفیتک بوجهتی ده اراءه و ایضاح اولمشیدی .
ایشته مقصوده شروع ایتمزدن اول
آوادیس افندینک انظار دقتی جلب ایتمک
ایستدکاری تدافع و یا تعرض مسئله سی دخی
شو قدر غریب بر مسئله در که موسیو دوایت
حضر تلی ینک بو یله بر مسئله یه کیر شماش
اولمزدن طولایی کندیلرینی تبریک ایدرز .
زیرا مدافعه مزه یازد قلمی مقابله ده شو یله
بر مسئله یه کیر شماش اولسه ایدی ایش جدیدیت
اصلیه سندن چیقہ رقی عادتاً او قو یا نلری
اکلندیره جک بر قوم دیا اولور ایدی .

بوندن صکره مناظر معاونی آوادیس
افندی انجیلارک تحریفی حقمنده کی ملاحظاتی مزی

رده مباشرت بیور بیور لر . بو مسئله کر چکدن
جدی بر مسئله اولوب اساس ماده تاریخی
وبرده تدقیقات انجیلیهیه متعلق ایکن کند .
یلری بحثی بو اساسدن دخی چیقار هر ق صرف
منطقه تطبیق ایتمک چالشق صورتیله دخی
بر تحریر اتده بولنیور لر که بڑی ده جدیات ایله
غرائبی یکدیگر یکنه قائم مقام ایچون اول
کندیلر یکنه مقابله قطعیه لر یکنی بروجده آتی
بر بند مخصوص بو مسئله قلمده تدقیق ایتمک
ایستیور ز .

(بند مخصوص)

« اناجیلک مدافعه منطقیه سی »

بور اده دخی بحثه کیر شمزدن اول اوادیس
افندی براخطارده بولنیور . کو یا بزحو
ر یلر ایله اناجیل حقنده تعبیرات غیر لایقده

بولنمشزده کندیلری حقارتیه حقارتیه مقابله
ایتمکینه احکام انجیل ایله مأذون اولمیوب
بالعکس بوندن ممنوع اولدقلرندن او یولده
مقابله ایتیه جکار ایمش .

میسوونزلرک بو یولده کی تظلمری دخی
صنعتلرنده بر اثر مهارت اولوب موسیو
دوایت حضرتلری ده بویله بر مهارت ابراز
بیورمشلر ایدی . حتی رجه الله هندی
افندی نیک مطالعه کذارمن اولان آثارنده
کور بیورز که هندده بولنان میسونزلردخی
بویله تظلمرده بولنورلر ایمش . بز موسیو
دوایت حضرتلرینه جواب و یردیکمز
اشاده بو بحثی اکمال ایتمش اولدیغمز دن بوراده
تکرارینه حاجت کوره میز .

ایمدی مناظرمن انجیل حقنده کی روایتی

او چ قسمه تقسیم ایدرک اولانجیم الماره
 « محرف » و ثانیاً « او یدورمه » و ثالثاً دخی
 « وجودلری مفقود » دیمش اولدیغیمیزی
 اخطار دن صکره اشبو او چ دعوا دن دخی
 او چنجی دعوی اثبات اولندقدن صکره
 برنجی یه هیچ حاجت قالمیه جغی بیانیله
 او چنجی دعوا دن بحثه کیریشه جکارینی
 سویلیورلر .

او چنجی دعوا من مسیحک کتابی
 کندیسيله برابر جانب جلیله رفع اولندیغی
 حقنده کی بر سوز من ایمش ده بو سوز منی
 اثبات ایدم جک برهان اتیان ایتامش اولد -
 یغمزدن کندی کندیسسی مجروح و خیال
 ایمش .

واقعا بز بویله بر سوز سویلش ایدک .

فقط او سوز جداً التزای بر شی اولیوب
تمشیل مقامنده اولدیغندن و برادعا صورتیه
سرد ایدلماش بولندیغندن اول قدر ایضا -
حانه کیرشماس ایدک ۰۰۰ افندی بونی
مدافعه مزك الك ضعيف طرفی اولوق اوزره
یقاله مش بولمق اعتقادنده ایسه لر کندیلر -
ینه عادت آجیرز .

عجبا بر کسه بویله بر دعواده جدا
بولمش اولسه اثباتندن فی الحقیقه عاجزمی
قالور ؟ حضرت عیسانک اعتقاد نصارا
جه « حاشا » قتل اولندیغی و اعتقاد صحیحه
اسلامجه رفع ایدلدیکی زمان تام ناسی دعوت
اوزرنده بولندیغی و ناسدن پک آز کسه نرک
ایمان ایدرک کلیتک هنوز ایمان ایتماش
اولدیغی بر زمان ایدی که بونی نصارا دخی

انکار ایدمز • « بن بو کون دینکزی
 اتمام واکال ایدم » یولو حضرت عیسا.
 نك اغزندن بر آیت صادر اولماشدر •
 شو قضیه نظر دقتده تعیین اولندقدن
 صکره برده شونی دوشونمیدرکه : کتاب
 سماوی دینلان شی کو کدن مجلد و مذهب
 بر جلد اوله رقیره اینز • جناب حق آنی
 پیغمبر ذیشانہ وحی ایدرک او پیغمبر دخی
 لسانیلہ تبلیغ ایلر • بو حالده « کتاب سطورده
 دکل صدورده بولنور » یا او صدر جانب
 سمایه رفع اولنورده اصحابنک صدورنده
 کتاب سماوی منقوش و محفوظ اولمز ایسه
 کتاب دخی صاحبیلہ برابر رفع اولمش
 صاییلزمی !

انا جیلک هانکی تار یخلمده تألیف

اولندقلرینه دقت بیورلسون . هیچ بریسی
 زمان عیسهاده ویاخود عقیب عروجنده
 ویا براز دهاصکره اجماع امتله جمع اولنمشلر
 ایسه دیه جگمز قالمز . یا بویله دکل ایسه
 مناظرلر منک دیه جکاری قالورمی !

... افندی انجیل شریفک صکره دن
 اویدورمه شیلر اولدقلرینه دائر اولان
 ایکنجی دعوا مزی دخی رد ایچون کذلک
 بودعوانک ده اثباتی ضمننده برهان ایراد ایتمه
 مش اولدیغهمزی اتیانله برابر « اکر خرسیتیا
 نلرک اللی درت مذهبه انقساسی اره لرنده
 اللی درت درلو انجیل بولندیغنی اثباته
 برهان اتخماذ اولنورسه غریبدر . زیرا
 محمدیلر دخی لا اقل درت مذهبه ذاهب
 ایسه لوده درت درلو قرآنلری بو قدر . بر

قرآنلری وارددر « یوللو برده مقایسهیه
کیریشیورلر .

زواللی . . . افندی ! بو بحثلری مبا-
حثات اسلامیهیه قیاس ایتک عجباً بر نوع
اوز نمک میدر؟

انجیللر حقنده بوندن سکر سننه مقدم
« قرق انبار » سرلو حولی مجموععه مزه
درج ایتش اولدیغمز معلوماتی بورایه نقل
ایدهلم . معلومات مذکوره عن اصل پاپاس
ایکن مسلمان اولمش بولنان برذاتک « تحفة
الاریب فی الرد علی اهل الصلیب » سرلو-
حدلی اثرینی ارقداشلر مزدن سعید وذهنی
افندیلرک عربجه دن عثمانلیجهیه ترجمهلری
اوزرینه طرفزدن « علاوهء معلومات »
یوللو یازلمشیدی که انجیل مباحثندن ماعدا

انصرانیتک دهانه قدر عجایب و غرائب
 دخی و صروده در میان قلنش اولدیغندن
 قرق انبار مجموعه سندن مطالعه سنی اوهدیس
 افندی دوستزه توصیه ایدرز .
 ایسته معلومات مذکوره شونلردر :

اینجیللر مسئله سی

اشبو اینجیللر مسئله سی بوندن مقدمکی
 ایکی بند مخصوص صمزدده موقع بمشبه چکمش
 اولدیغمز الوهیت مسیح و پاپانک قائم مقاملغی
 مسائللندن دهانک چوق زیاده مهمدر .
 چونکه نصارا کرک مسیح و کرک پاپا جتنده کی
 اعتقادلرینی دخی حکم اینجیله مبنی قلمق
 غیرتنده درلر . زیرا انلرده عقلک تجویز
 ایده بیله جکی دلائل حکمیه اولمیوب کافه
 سندلری بوا اینجیللرده کججه به کوندوز دینلش

اواسسه انلر حقيقت بوندن عيسارت اولاق
اوزره اعتقاد ايدرلر .

بزر بو بيت مسيح و پاپانك قائم مقام لغی
مسئله نينه دائر و يرديكمز معلوماتده بوم مسئله -
لرك اينجيله نه قدر جق تعلق اوله بيله جكنی
كوسستردك . بنساء عليه بوراده بحشی ينه
او مسئله لره قائمده رق سعادته اينجيللر
حقننده كي معلوماتله اشتغال ایده جكز .
بونك ايچسون دخی اول امرده الحاله هذه
متداول اولان اينجيللر حقننده كي اعتقاد
نصارايي كورملم :

الحالة هذه متداول اولان اينجيللر

حقننده كي اعتقاد نصارا

اليوم اورته ده باشلوجده درت اينجيل

تداول ایدیور که متی و مرقس و لوقا و یوحنا

نام درت محرز بونتری کندیلری یازمشلردر .

بونلردن متی حضرت مسیحک حوا -

ریزندن اولوب بیغمبر مشار الیه و حیرانی

ایله نازل اولان اصل اینجیل شریف آیتلردن

اوتوده بریده ناسه او قومش اولدیغی آیتلری

ایشتمش ایدی . بناء علیه میلادک قرق

برنجی سنه سنده مرقوم متی مسیحک آغزندن

ایشتمدیکی آیات اینجیلییه دن بعضیلر یله مشار

الیهک حرکات و سکناتنی عبرانی لسانی

اوزره یازمشدر .

بو کتاب مؤخرأ یونان لساننه ترجمه

اولتمشیدی . نصارا اعتقاد ایدرلر که ترجمه -

سی اصلنه دخی فائق بر صورتده ایدی .

عقلا بوکا اعتراض ایده بیلدیلر . « کتاب

اگر کتاب الهی ایسه ترجمه سی دخی اولسه
 آنک عینی اوله بیلوب یوقسه کتاب الهی یه
 تفوق ایده مامسی لازم کلاور « دیدیلر »
 لکن نصارا بو ترجمه یه اصلنه ترجیح ایتمک
 درجه سنده رعایت ایتمکده کندیلر نجه مجبور
 ایدیلر . زیرا اللهک وحدانیتنه و حضرت
 عیسانک نبوتنه ایمان ایدرک جناب مسیح او یله
 الوهیت و ربوبیت کبی برشی اسنادندن
 حذر ایدن ایونیت مذهبی ار بابی اشبو
 اینجیل متابی اعتقاد صحیح نصرانیه مغایر
 کوره رک فاحش بولنان برلرینی تصحیح ایلشلر در
 حالبو که مؤخرأ اصلی بتون بتون ضایع
 اوله رق اصله بدل اورته ده یالکیز ترجمه
 معهوده قالمشدر .

بو اعتقاد خرسیتیانلرک کندی اعتقادلری

اولوب بو باده کی فکر من بزدن صور یلور
ایسه الیرنده برهان قاطع مشابه سنده بولسان
بر حجتک ترجمه سی اصلندن اعلا اولمق
واصلی غیب اولمش بولمق کبی قدرینی
تنزیل ایدم جک بر اعتقادده بولمقینه شاه
شدیغمزی در میان ایدرز . انجق بو باده
شاشدیغمز جهت یالکیز شوندن عبارتده
دکدر . مذکور کتابک اک اول عبرانیجه می
یوقسه سریانی و کلدانیجه می یازمش و یهودا
مملکتنده می یوقسه قدس شر یفده می تنظیم
اولمش بولندیغی علمای نصارا میاننده مختلف
فیه اولمسیدر . زیرا بر کتابک اک اولها
نکی لسان اوزره و زرده یازمش اولمی
قطعاً تعیین ایدله مدکد نصکره انک فی الحقیقه
متانک کتابی اولسنک دخی اثباتی مشکل

اوله جغی در کاردر . زیرا مجهول اوزرینه
 رأی و یرمک منطقه موافق اولور . یامتانک
 کتابی اولسی بو قدر مجهول اولور ایسه
 بونک کتاب الهی اولسی نه قدر مجهول
 اولور ؟

(جمله معترضه اوله ورق شونی ده اخطار
 ایدهلم که برنجی اینجیل حقنه شو صوک
 فقره ده سویله دیکمز سوزلر اینجیل مذکور
 مؤاخذه ایچون سویلنمش دکادر . نصارانک
 اعتقادی نی تصویر ایدیورز . اوت ! نصارا
 اعتقاد ایدر که متی اینجیلی یا عبرانی و یا خود
 سریانی و کلدانی لسانیه یا قدس شریفده
 و یا خود یهوداده یا زلمشدر . مؤاخذه یه
 کلنجه : بز اصل حق مؤاخذه بی نه خر -
 ستمیانلرک کندیلرینه پراقتش . انلرک کندی

مؤاخذاتی اش-اغیده فقرهٔ مخصوصه سنده
در ج ایدو جکز)

روایت واقعیه کوره یوحنا دخی
حضرت مسیحیه یتشمش کلامنی ایشتمش
و معجزاتی کور مشدر . کذلک روایت
واقعیه نظراً بودخی اینجیلنی میلادک ۹۴
سنه سندن صکره افس شهرنده یازمش ایسه ده
اینجیل مذکورک دخی هانکی لسان اوزره
یازمش اولدیغی قطعياً معلوم اولیور یونان
لسانی اوزره یازمش ایدوکی (ظن! ۰۰۰۰۰)
اولنور و بو « ظن اولنور » تعبیرینی دخی
ینه خرسیتیان محرر لری ایراد ایدرلر .

مرقسک اینجیلی یوحناک اینجیلندن
اول یازمش ایسه ده: مرقس حضرت مسیحی
کور میوب یالکز سن پطرسی کور مشدر .

حتی اینجیلی دخی عادتاً متی اینجیلنک خلاصه سی دیمکدر . غریب دگیدر که نصارا مرقس اینجیلنک متی اینجیلنک خلاصه ایدلدیکنی اعتراف ایلدکدن بشقه متی اینجیلی یهودیلره مخصوص اولدیغی ایچون دروننده یتنه یهودیلره مخصوص اولان بعض خصوصات رومالولره موافق کلیه رک بناء علیه مرقس خصوصات مذکورده بی طی ویرینه رومالولره موافق کله جک شیلری علاوه ایلش اولدیغنی دخی اعتراف ایدرلر ؟ بونی اعتراف ایدرلرده صکره مسلمانلر « سزک کتابلر کز تحریر اف اولتمشدر » دیدکاری زمان « خیر تحریر اف اولتمشدر » دینه یرتیلور یاتورلر .

بر غرابت ده ايستر ايسه کز شوکاده

شاشكزكه مرقسك انجيلي دخی یونان لسا .
 نجه می لاتینجه می یازلمش اولدیغی نصبارا
 عندنده مختلف فیهدر .

ایشته غرابت درجه درجه آرتیور
 بر درجه دها بالاسی شوکه خوستیانلر متانک
 انجیلینده مرقسك انجیلینده ده اکسیک
 و یاز یاده شیلر اولدیغی اعتقاد ایدرک
 دیرلرکه « بو ایکی انجیل محرومی مسیحك
 ترجمه حالی اوله رق برچوق سهو و غلطدن
 عبارت برر ترجمه حال تصنیع ایتش اولد .
 قلرندن لوقا محضاً بونلرک سهوینی تصحیح
 ایچون کندی انجیلینی یازمشدر » . انجیق
 دیکرلرندن دها طوغری اوله جغی شو
 اعتقاددن منقهم اولان بو انجیلک دخی میلادک
 الی بر سنه منقده می یوقسه الی اوچ سنه .

سندھ می یازلمش اولدیغی مختلف فیہ اولوب
یالکز یونان لسانی اوزرینه یازلمش اولدیغی
معلوم ایسه ده یونا نستانک قورینت شهر.
نده می یوقسه آخر بر محلنده می یازلمش اولد
یغی معین دکدر . هله بو لوقانک دخی
حضرت مسیحدن صکره خرس تیانیلغه کیرمش
اولدیغی معلومدر .

علمای نصارادن بعضلری دیرلرکه لوقا
اینجیلی دخی سهو و خطادن سالم اولمادیغی
و کرک لوقا و کرک اندن اول یازانلر بر طاقم
اکسیک زیاده شیلر یازدقلری جهتله یوحنا
جمله سنک حکمنی جامع اولدقدن ماعدا
بر طاقم وقوعاتی دخی کندی مسموعات
و مشهور داتدن علاوه ایدرک اک صکره کندی
اینجیلنی یازمشدر . ایشته دنیاده و اخراده

باعث نجاستلری اولایق لازم کلان اینجیلار
 حقننده خرسیتیانلرک کندی عقیده لری شوندن
 عبارت اولوب بو عقاید قارشوینه کندی
 ایچلرندن ظهور ایدن معترضلرک اعتراضات
 واقعه سنی درمیان ایتمزدن اول اینجیلارک
 تکثرینه دائر معلومات لازمه یی اتیان ایدلم .
 بورایه قدر و یرمش اولدیغمز معلوماتی بز
 (قونور ساسیون) نام اثرک (اوانزیل)
 سرلوحه لی بند مخصوصندن الهرق دوین
 نام محررک « کلیسا کتبخانه سی » نام اثریله
 سائر برقاچ کلیسا کتابلرندن توضیح و توسیع
 ایلش اولدیغمز دن صحتنی تأمیننه جسات
 اله بیلورز . حتی فقره آتیه نلک دخی مأخذلری
 ینه بونلر اولدیغمن آنک دخی صحتنی شمدیدن
 تأمین ایدرز .

(اینجیللرک تیکثری)

بر شیئک تملی چوروک اولدقدنصکره
او تمل اوزرینه قوریله جق اولان بنانک
دخی چوروک اوله جغی درکاردر .

بناء علیه بعض ار باب قلم راست کلان
حریفک بر کتاب یازوب اسمنی اینجیل قو -
یمش اولمسندن و بو صورتله بین النصارا نام
قازانش بولمسندن هوسلنهرک کندیلری
دخی بر اینجیل یازه یازه مقدارینی درت
بشیوزه ابلاغ ایتشلردر .

واقعا قاتولکار همده شو مذهبلرنده
اولان لکدلی جر بزه ایله سترایتک ایستیان
قاتولکار تیکثر ایدن اینجیللرک بو قدر چوق
اولدیغنی انکار ایدرک مقدارینی التمشه
الهییه قدر تنزیل ایدرلر . انجق شاشمق

ایچون بوقدری دخی کافی دکلیدر ؟

اینجیلارک مقدارینی آزالتمق ایچون

بونلرک بولدقلری یول دخی براز غریجه در .

ذاتاً هپسی بر برینک عینی دیمک اولان

اینجیلاردن هانکیلری بر برینه دها زیاده

بکزه مکده ایسه انلرک جمله سنی بر اعتبار

ایدرک مقدارک یکوننی تقلیل ایلدیلر . مثلاً

« عبرانیلر اینجیلی » و « نازارانلر اینجیلی »

و « اون ایکی حواریون اینجیلی » و « سن

پطرس اینجیلی » نامه یله پیدا اولان اینجیلار

آز چوق تبدیل و تحریفله - اوت بوتبدیل

و تحریفی خرس-تیمانلر اقرار ایدرلر - متی

اینجیلندن هانیا ذاتاً یونانی یه ترجمه اولنور

ایکن بالتحریف اصلندن اعلا اولدیغی تسلیم

ایدیلان ! متی اینجیلندن انمش

شیلر اولدیغنی و بناء علیه بونلرک هپسی بر
طانتق لازم کله جکنی دعوا ایدرلر .

بونلردن ماعسدا اولان اینجیللری دخی
ایندیره ایندیره اوتوز بئسه قدر ایندیروب
اسامیسنی شو صورتله صایارلر :

- (۱) مصر یلر اینجیلی (۳) میلاد
- مریم اینجیلی (۳) سن ژاق اینجیلی (۴)
- چوجقلر اینجیلی (۵) سن طوماس اینجیلی
- (۶) نيقودم اینجیلی (۷) اینجیل باقی (۸)
- سن آندره اینجیلی (۹) سن بارتھیس اینجیلی
- (۱۰) آپل اینجیلی (۱۱) باز یلید اینجیلی
- (۱۲) سرینت اینجیلی (۱۳) اپینوتیلر
- اینجیلی (۱۴) تاتیدن اینجیلی (۱۵) ه
- و اینجیلی (۱۶) بونیستقلر اینجیلی (۱۷)
- مارسیون اینجیلی (۱۸) سن پولوس اینجیلی

(۱۹) استنطاق مریم اینجیلی (۲۰) میلاد
 عیسا اینجیلی (۲۱) وفات مریم اینجیلی
 (۲۲) سن ماتیاس اینجیلی (۲۳) اینجیل
 کال (۲۴) سیونیه نلر اینجیلی (۲۵) سوریه
 لیلر اینجیلی (۲۶) تاتیه ن اینجیلی (۲۷)
 سن یودا اینجیلی (۲۸) والانت اینجیلی
 (۲۹) الله حی اینجیلی (۳۰) سن فلیب
 اینجیلی (۳۱) سن بارنابه اینجیلی (۳۲)
 بیوک سن ژاق اینجیلی (۳۳) سن ژاق
 اسقاریوت اینجیلی (۳۴) اینجیل حقیقت
 (۳۵) لوسیوس اینجیلی »

مسلمانلر و یهودیلر و حتی حضرت
 عیسانک ر بو بیتنی انکار ایدرک نبوتنه ایمان
 ایلیمان خرستیانلر « جناب حقک عیسمایه
 انزال ایلدیکی کتابی بشقه سی کندی طرفندن

روایت و حکایه یونلو یازمغه نصل مقتدر
 اولور و برده الله واحدك بر پیغمبر دیشانه
 انزال ایلدیکی کتاب واحد نصل اولورده
 یوزلرجه انواعه قدر تنوع ایدر؟ « دیسه ار
 قاتوایکار و پروتستانلر عاجز قالورلر! . لکن
 انلر عاجز قالماق ایچون عیبك دهها بیوکنه
 مراجعت ایدرک حاشا عیسیایه ربوبیت
 اسنادیله انك طرفندن خبر ویرن محررلری
 دخی پیغمبر کی بر موقعه طانورلر . شاشار .
 سکزیا؟

مؤخرأ بویله بر الای کتابه هب اینجیل
 نامی و یرلمسنی اورتودوقسلر ودهها صکره
 قاتولیکلر دخی چوق کوره رک ممکن مرتبه
 بر برینه بکزه یان درت دانه سنی صحیح اولمق
 اوزره قبول و قصورینی یالان دوزمه اولمق

اوزره رد ایلشدر • انصاف ایدلسون که
 انتمش دانه کتاب ایچنده الی التیمی یالان
 اولدیغنه حکم ایدلدیکی حالده در دینک
 کرچک اولسنه نصل حکم ویر یله بیلشدر ؟

مع هذا بؤ کون دخی اینجیلر یالکز درده
 منحصردکدر • بعض دعوتجیلرک اوتیه
 برویه یازدقلمری مکتوبلر دخی - که یکر می
 درت پارچه شیدن عبارتدر - الحق انجیل
 اولمق اوزره قبول اولنوب کتابک صوک
 طرفنه ذیل ایدلشدر • درتدن ماعدا اینجیل
 یوقدر دعواسنده بولسانلرک بعده یکر می
 دردی دهسا اینجیل اعتبار ایتلمری جای
 دقتدر •

حالا ظن اولنماملی که نصارانک بوبابده کی

اعتقادلارینی مؤاخذە ایدیورز . خیر یالکیز
 صورت عقیدەلرینی تصویر و تحریر ایدیورز
 شوقدر وار که اعتقادلری پک غریب اولد .
 یغی ایچون استغرابمزی کتم ایدە مەرك
 اول صورتلە یازیورز . مؤاخذە می ؟
 خرسئیانلرک کندیلری وار ایکن حق مؤاخذە
 بزە می دوشر ؟ باقکیز انلر اینجیللرینی تە
 یولده مؤاخذە ایدیورلر . اساس اولمق
 اوزره وولتری الە الالم دە خصوصات
 سائرە بی آنک اوزرینە بنا ایدەلم :

(حکیم وولترک اینجیللر حقەدە کی)

— مطالعە می —

بوندن مقدم دخی دیمش اولدیغمز و جهله
 قاتولیکار وولستری رافضی اولمق اوزره

ایتماد ایدرک حتی وفات ایلدیکی زمان دفن
ایتمک بیله ایسته ماش اولدقلرندن حکیم
مشار الیهک سوزینی حجت مقامنده ذکر
ایتمک کمزی قبول ایتماش اولسه لر حقلیدر لر
لیکن بوراده بز سوزی یالکز وولتره براتیقه .
جغز ، ذاتا سوز یالکز انک سوزی ده دکادر .
اودخی خرسیتیانلقجه هر بری برر رکن اعظم
اولان مقدس آدمک سوزلرینی سند اوله رق
بالاتیان یالکز انلری حکایه ایتمکله اورته یه
بر حقیقت قویمقدر . بز ایسه وولترک
خبر و یردیکی آدملری وانلرک سوزلرینی
آثار سائر ایله بالتطبیق حکیم مشار الیهک
کذبی و یا غرضی اولوب اولدیغنی بوقلا .
یه جغز .

وولتر دیورکه :

« ایلک اینجیلار هانکیسی اولدیغنی
 ییلک بر بیوک مسئله در . آبادینک سوزندن
 قطع نظر بر حقیقت معینه اولمق اوزره معلو .
 مدرکه ایره نه یه کنبجه یه قدر کلیسانک برنجی
 پاپالردن هیچ بر یسی بزم بوکون طایمقده
 اولدیغمز درت انجیلدن هیچ بر یسنک بر آیتنی
 بیله ذکر ایتما مشلدر . بالعکس تئو دوسیه نلر
 بو حنسانک اینجیلنی قطعاً رد ایتما مشلر و آنی
 دائماً حقارتله یاد ایلما مشلدر .

نصل که ایقان هومهلی نام اثرینک
 اوتوزنجی بخشده ذکر ایدر . بزم مقدس
 دینزک دشمنلری ! ادعا ایدر لر که
 یالکز کلیسانک برنجی بابالری بزم اناجیل
 ار بعد مزدن برشی ذکر ایتما مکله قالمیوب
 اصل اینجیلده بولنمسی لازم کلان بر چوق

مباحثك درت اینجیلده بولندیغنی دخی دعوا
ایدرلر . مثلاً سن قله مان حـکایه ایدرکه
حضرت مسیحه کندی دیاننك حکمی نه زمان
ختم بوله جغنی صور مشـلر (نه زمان ایکی
انجق بره مساوی اولور ظاهر باطنه بکزر
واورته ده نه ارکک نه ده قاری قالمز ایسه)
جوابنی ویرمش . ائمدی اعتراف ایتلیدرکه
بو بحث اینجیللر مزدن هیچ بریسمنده یوتدر
یوز مثال واردرکه بو حقیقتی اثبات ایدر .
پارس ادبیات اقامیاسنك کاتب ابدیمی
موسیو فرهره نك (تجر به مؤ اخذات) نام
اثرنده مطلو به ظفر یاب اولنه بیلور . «
اولا وولترک شوقره سی احکامنی تدقیق
ایدهلم :

وولتر اناجیل ار بعدهن بعض شیلرک

انجق ایره نه اثارنده ذکر ایدلمش اولدیغنی
 در میان ایدیور سه ده بو محکمات قوتنی موازنه
 ایده بیلک ایچون اول امرده شو ایره نك
 کیم اولدیغنی و آثاری نه دن عبارت بولند .
 یغنی بیلک لازمدر .

کلیسا تاریخلری بو ذاتی خرسیتیانلغک
 حقایقنی ابرازله پک بیوک اشکالک دفعه نه
 خدمت ایدن اعظم دن عذ ایلدکاری صره ده
 بر کره مسقط رأسی خبر ویره مز لر . کیمی
 اناطولیده کیمی یونانستانده و بعضیسی
 میلادک ۱۲۰ سنه سنده طوغدیغنی خبر ویرر
 بعضیسی ۱۴۰ سنه سنده . آثارینی یونان
 لسانجه یازمش اوله جغنی بالطبع معلوم
 اولوب خرسیتیانلغک احتیاجه صالح سند .
 تمدن اولدقلری مروی بولن ان بو اثرلردن

دخی انجق بعض پارچه لرو صحیفه لر قالمشدر .
 کویا ینه صاحبی قدر اسکی بر زمانده بو
 اثرلرک لاتنجده یه ترجمه ایدلمش اولدیغی
 روایت اولنوب فقط تراجم مذکورهنک
 یک فنا شیر اولدیغنی دخی ینه خرسستیانلر
 اعتراف ایدرلر . یالکز پاپاسلردرکه بو بابده
 افراطه واررلر .

ایشته وولترک دخی بالضروره قبول
 وتذکار ایلدیکی ایرهنه بودر . بوقدر
 ضعیف بر سندنک ایسه اناجیلک حقیقتی کبی
 بر مسئله ده نه قدر اهمیتی اوله جغی ملاحظه -
 یه شایاندر .

خرستیانلر عالمه اناجیلک اصل اناجیل
 اولدقلرینی ایرهنهنک آثار یله اثبات ایده -
 جککرینه شو اصل اناجیلی ارئه ایتسه لر

دها اعلا اولزمی ؟ فقط ارأئه ایدہ میورلر .
 اینجیلک محرف اولدیغنه دائر اهل اسلامده
 اولان اعتقاد صحیحی جرح ایتک ایچون
 پروتستانلر (میزان الحق) نام کتابلرینک
 برنجی بابنک اوچنجی فصلنده اثبات برهان
 ایچونک اسکی اینجیللرینی ارأئه ایلدکاری
 صرہ نہایت ہجرت پیغمبریدن ۲۵۰ ویا خود
 ۳۰۰ سنہ مقدم استنساخ اولمش قودکس
 واطیکانوس اسمندہ برانجیل نسخہ سنک روما
 کتبخانہ سندہ موجود اولدیغنی خبر ویرہ -
 بیلورلر . یا حضرت عیسیٰ ادن بو تاریخہ
 کلنجہ یہ قدر اوچیوز الی درتیوز سنہ لک
 زماندن قالمہ برکتابلری نیچون یوقدر ؟ بزده
 صحابہ لر زماندن قالمہ بر یادکار مقدس او -
 لہرق قرآن بولندیغنی کبی آنلردہ دخی بو -

نشد ایدی هر اعتراضه برهان اوله رق

کوستره بیلورلر ایدی .

اماد نیله جک که خرسیتیانلر روماده پک فنا

تخصیقلر کوردیلر ده اینجیلی محافظه ایده مدیلر .

بونى ديه مزله . زیرا اللارنده بولنان انجیللرک

ایشته بوتخصیقلردن آرتیه قالمش قدیم شیلر

اولدقلرینی دعوا ایدیورلر . بودعواوی

اثبات ایچون اثری دخی ابراز ایتلمیدرلر .

وولترک یوحنا انجیلنی بتون بتون رد

ایله کلرینی خبر ویردیکی تئودوسییه نلر

حضرت عیسانک نبوتنه قانع اولان طاقم

اولوب بونلر متی اینجیلنده کوریلان برطاقم

ترهاتی تصحیح ایله قبول ایدن ایونیت مذهبله

فکر و اعتقادده مشترکدرلر . یوحنا انجیلی

ایسه متانک کیتدیکی یولی توسیع ایدر بر

یولده یازلمش اولدیغی وایچنده دهها فضله
 وزاند شیلر بولندیغی ایچون رد ایدرلرکه
 ایشک بوجیهتی قاتولیکلره وارنجیه قدر
 عموم خرسیتیا نلرجه مصدق اولدیغندن تئو -
 دوسیه نلرک دخی حقلی اوله جقلری درکاردر .
 سن ایقان دردنجی عصر میلادی رچالندن
 اولسوب آیین نصارانک اک متعصب حا -
 میلرندن ایدیسده غایت حقشناس بر آدم
 اولدیغندن سوزی مذاهب نصارانک جله -
 سی عنندنه مقبولدر . بناءً علیه وولتر
 اثبات مدعا ضمننده بوذاتک اسمنی یاد ایله اک
 قوتلی بر برهان کوسترمش اولیور .
 سن قله مان دخی میلادک ایکنجی
 عصری منتها سیله اوچنجی عصری اوائل
 رچالندن اولوب اسکندر یه ده باش پاپاس

ایدی . عن اصل افلاطون مذهبندن فیلسوف
اولدیغنه کوره نه قدر مدقق بر آدم اوله .
جغی معلوم اولور . بو ذات آثار موجوده .
سندن دخی مستبان اوله جغی وجهله کنندی
زماننده اینجیل نامیله بعض دوزمه شیرک
تداول ایتسندن شکایت ایدر ایدی . شمدی
قاتولیکلر سن قله مانک شکایت ایلدیکی اینجیلار
اناجیل اربعه نک غیر یسی اولدیغنی دعوا
ایدرلر . حال بوکه سن قله مانک شکایت
ایلدیکی اناجیل ایچنده شمدیکی اناجیل
اربعه نک دخی داخل اولدیغی ایشته وولترک
دیدیکی کبی سن قله مانک اینجیلدن بر آیت
اوله رق ذکر ایلدیکی شیئک بودرت انجیلده
موجود اولماسیله ثابت اولور .
موسیو فرره عصر اخیر رجالندن

اولوب علوم متنوعه دده و با خصوص تاریخده
 اول قدر مدقق بر آدم ایدی که تاریخک چین
 ملتند دائر اولان قسمنی لایقوله تدقیق ایچون
 مخصوصاً چین لسانی تعلم ایلدی . ایشته
 بو ذات بر چوق توار یخدن و آثار قدیمه دن
 بالاستدلال اناجیل اربعه نك و کلیسا تاریخلر-
 نك حضرت عیسیایه اسناد ایلدکاری بر
 چوق یالانلری میدان چیقارمش و بر چوق
 یا کاشلری دخی تصحیح ایلشدر . دیمک او-
 لیور که وولترک بوسندی دخی پک قوتلیدر .
 نه حاجت متعصبین نصارا وولتره اولو
 اورته بر تکفیردن بشقه مقابله ایدمک
 صورت بوله مامش-لردر . حال بوکه بوکبی
 مباحثده اولو اورته تکفیر اقچه ایتز .
 اول امرده حکیم مشار الیهک سهوینی اورته یه

قویملیدرلرده بعده تکفیر ایتلیدرلر . سهوینی
اورته یه قویه مدقلری حالدہ سوزی صحیح اولد .
یغی بزم کبی خرسیتیانلرک تکفیرینه مکفیرینه
قولاق ویر میان بی طرفلر عندنده ثابت اولور .
وولترک ایکنجی فقره سنه انتقال ایدہلم .
دیورکه :

« زمانک محافظه ایلدیکی اسکی اینجیللری
عالمه فابریسیوس جمع ایتک زحمتی اختیار
ایلدی . ژاقیککی برنجی کبی کورینور .
صحیحدرکه شرقک بعض کایسـالرنده حالا
بونک پک چوق حکمی جاریدر . حتی
اکا برنجی اینجیل دیرلر . بوندن صکره
« میل بعث بعدالموت » قالورکه نیقودم
طرفندن یازلمش اولدیغی دعوا اولنور .
نیقودمک بو اینجیلی سن ژوستن وتر تولیهن

طرفین ذکر اید ملشد . باعث نجات مزاولان
 مسیحی اتهام اید نلرک یعنی اناس وقایفاس
 وسوماس و داتان و غامالیهدل و یوداس
 وله دی و نفتالینک اسملری آنده مندر جدر بو .
 اسملرک مندر ج اولسی اثر مذکور دبر طوغر و لوق
 و کرچکک رنکی و یرر . بزم دشمن دینر
 اولان کفره بوقدر یالان و دوزمه اینجیللر
 او یدور یلوب بونلر وقتیه کرچک طانمش
 اولدقد نصکره بو کون اساس ایمانمز اولان
 اناجیلک دخی انلر کبی دوزمه شیر اوله .
 بیله جکنی استنتاج ایلدیلر . بودشمنلر شمدی
 بزم کفرور فضله اتهام ایلدیکمز برنجی خر .
 ستیانلرک ایمانی مسئله سنده آیق دیرلر .
 ریرا بونلر خرستیان و اینجیل پرست اولق
 دعوا سنده بولنوب حتی بزم شمدی یالاندر

یا کاشدر دوزمه در دیره رد ایلدیکمز اینجیلارک
 مدافعه سی یولنده اولومی کوزه الدیرارق
 قربان اولدیلر • بناءً علیه دشمنلر مز دیرلرکه
 « او حالده یعنی دینک مبادی انتشمارنده
 الداتجی والدانلش آدملر اولدیغی دعسوا
 ایلدیکمی صورتده اوزمان حمله کارلر و آدم
 آلداتجیلر والدانمش آدملر بولندیغی اعتراف
 ایدلمش اولیور و بو آدملر بر سهو و غلط
 اغورنده جانلرینی فدا ایتش صاییلورلر •
 سز دینکزلحق اولدیغی اثبات ایچون برنجی
 خرسه تیانلرک جانلرینی فدا ایدو بده ینه
 دینلرندن دونمد کلرینی در میان ایدیورسکز •
 او یله ایسه سزک بوسند کزدخی چور وک ایش •
 زیراکور یلیورکه یالکزد دین حق ایچون
 جان فدا ایدلمیوب بر سهوی بر بطلانی محافظه

ایچون دخی جان فدا ایدیلور ایمش .
 دشمنلر مز بو اعتراضه شونی ده علاوه
 ایدرلر دیرلرکه «شودین حق یولنده جانلرینی
 فدا ایتش اولان شهیدایه صورمدیلرکه سز
 یوحنا اینجیلنه می ایمان ایدرسکز یوقسه سن
 ژاقلک اینجیلنه می؟» دشمنلرک بو اعتراضلری
 پک قوتلیدر . زیرا خرسستیانلری قتل ایدن
 رومالولرک اینجیلدن فلاندن خبرلری اولد .
 یغنی جهتله خرسستیانلره اکا دائر برشی
 صورمز لر ایدی . انلر محضاً خرسستیانلرک
 آسایش عمومی اخلال ایلدکاری ایچون
 منع انتشارلری ضمنده کندیلرینی تضییق
 ایدرلر ایدی که بونده دخی حقلری مسلدر .
 حتی رومالولر تا دیوقله سین زمانه کلجه یه
 قدر اناجیل ار بعه نک وجودندن دخی خبر

دار اولماشلردر و مرقومك آخر زمانده
 دخی اناجیل مذکورہ حقنہ پک ضعیف
 و اہمیتسز بعض سوزلر دوران ایلر ایدی .
 بونک سببی ایسه خرسیتیانلردن بر یسنک
 رومالولردن بر فردہ اینجیلی کوسستمسی
 شدیداً و قطعياً ممنوع اولمسیدر . شوسوزم
 اول قدر صحیحدرکہ رومانک کفرہ محرر .
 یئندن هیچ بر یسنک اثرندہ اینجیلک اسمی
 دخی یاد اولنماشدر »

وولترک شو فقرہسنی دخی شرح

ایدهلم :

فابریسیوس عصر اخیرک اک بنام علا .
 ملرندن او اوب اطلاع بشرک احاطہ ایده
 بیلدیکی علومک کافہ سہندہ ید طولاً پیدا
 ایشمیدم . بہ ذات حقیقت اناجیل بحثنی

غایة الغایه مراق ایلدی . یوزلرجه کتبخانه
 نه لری طولاشوب السنه متعده دن بیکلرجه
 کتابلری قارشدیر ارق نهایت « کتبخانه آثار
 دینیہ » نام اثرنده کوسترمش اولدیغی وجهله
 سن ژاقک اینجیلنی جله سندن اسکی و بر
 درجه یه قدر شایان اعتبار بولدی . انجیق
 بو ژاقک کیم اولدیغی قطعیا بیلنه مامکده در .
 خبر و یریلیور که حضرت مسیح زمانده اوچ
 نفر ژاق و ارایدی . مؤخرأ بونلرک ایکیسی
 هب بر آدم اولدیغی جهتله ژاقلرک ایکی اولد
 یغی و بر روایتسه کوره اوچی بر ایدوکی .
 حکم اولمشدر . کذلک ژاق هانکی ژاق
 اولور ایسه اولسون کتابنی نه زمان و زرده
 ونه مناسبتله یازمش اولدیغی دخی مجهولدر .
 شو قدر وار که ژاقک « رساله عامه » سر

لوحه سيله اناجيل ار بعه ذيلنده مندرج
اولان كتابي في الحقيقه سائر اينجيللر و رساله لر
كبي موحد و متدين اولنلرك قبول ايده ميه جكي
كفر يادن ممكن مرتبه برى و بردين دار ايچون
موجب نجات اوله بيله جك مواعطى شا .
ملدر .

نيقودم حضرت مسيحك الك صادق
دوستلرندن اولوب حتى كليسا تار ينخنده
دخى طوغرى يه محبتى بر كمال اولمق اوزره
وصف ايدلمش ايسه ده انك كتابنده خره
ستيانلغك بر انسان اوغلنه الوهيت مرتبه .
سى و يرلمسنى تصويب دكل بالعكس جرح
و تكذيب ايده جك بر چوق دلائل موجود
اولمسه سيله مؤخرأ كليسا ار بابى بونى دخى
دوزمه اينجيللر ميسانه ادخال ايلشدر .

حضرت مسیحک فلا کتنه خدمت ایدنلرک
 احوالنه دأر الك طوغری معلوماتک و خونه
 مسیح اسامیسنک دخی انک کتابنده مندرج
 اولسی خونه مر قومه میاننده اسمی مذکور
 فامالیسه نك بقودم ایله قرنداش اولمسنندن
 نشأت الیشدر . حاصلی کلیسا ار بابی طو .
 غری به قریب هر اثری محو ایلدیکی کی
 بو اثری ده افراد نصهارانک نظر رغبتهندن
 دوشورمش اولدیغنه عقلای نصارا عموماً
 تأسف ایدرلر .

اورته ده بو قدر دوزمه اینجیل و بو قدر
 ساخته کار آدملر اولدیغنه نظراً شمدیکی
 اینجیللرک دخی دوزمه وانلری یازانلرک دخی
 ساخته کار اوله بیله جکلری حقده وولترک
 « دینلرک دشمنلری ! » دیه یاد ایلد .

یکی آدمی طرفندن اعتراض وقوع بوله -
 بيله جکی وحتی بولدیغی مسلمدر . دیانت
 نصارانک دشمنی و یا دوستی اولمقدن قطع
 نظرله حقیقت جو اولمق صفتیله میدانه
 چیقهرق ایشته ازجمله بز شو اعتراضاتی
 درمیان ایدرزکه اگر بونلره بر جواب ویرن
 بولنورده بزى اقناع ایدر ایسه کرچکدن
 ممنون اولورز .

اولاً - اینجمله کتاب سماوی وجناب
 حق طرفندن بشارت عظمی دیدیککز حالد
 الله بو کنابی عیسایه می کوندردی یوقسه
 حواریونه می ؟

ثانیاً - عیسایی الوهیت کی برافترادن
 تنزیه ایله پیغمبرطانیان خرسیتیانلره صورارزکه
 اللهمک بو پیغمبره انزال ایتش اولسی لازم

کلان اینجیل نه اولدی؟ نیچون شمدی الکزده
دکلدر؟

ثالثاً - عیسایی حاشا الله طانیان قاتو -
لیکره و پروتستانلره و سائرهیه صورارزکه
اینجیلی ربو بیتنه قائل اولدیغکز عیسار سا -
لنرینی اعتقاد ایلدیگکز حواریونه انزال
یعنی تعلیم ایلدیسه انک سماویلاک صفتنی
نیچون محافظه ایده مدی؟ حالبوکه کلیسایی
اوزینه دائماً حافظ و نگهبان اوله جفنی
عیسا وعد ایلشدر اعتقادنده سکز . هیچ
اولمز ایسه کتاب مقدس ایچون برفصاحت
و بلاغت فوق الغایه بخش ایده ایدی ده هم
بدیهی المفاد اولمی و همد (قرآن کریمک
بیک اوچیوز سنه دنبری برآیتنه تقلید ممکن
اولدیغی مثللو) او کتابی تقلید ممکن اولماولی

ایدی . حالبوکه سزدخی اینجیللرک پک قبا
برلسانله یازلمش اولدیغنی اعتراف ایدیور .
سکز . اول قدر قباکه راست کلان بالقجی
مقوله سی انی تقلید ایده بیلشدیر .

رابعاً - برقچ یوز اینجیل میاننده درتدن
ماعداسنی نه حجتله دوزمه در دیه رد ایلد .
یکز ؟ حالبوکه بونلری یازانلره وصورت
تحریرلرینه دائر الکزده معلومات یوقدر .
معهود دردی دخی نه سندله قبول ایلد .
یکز ؟ حالبوکه انلرک اصلنه دائر دخی معلوما .
تکز یوقدر . بیلدیککز مجمبول شیلر اوزرینه
نصل رأی و یره بیلور سکز ؟ نصرانیت
سزک اکلا دیغکز برشمیدر . یوقسه سزه
خبر و یریلان برشمیدر ؟ سزک اکلا دیغکز
برشی ایسه یعنی عقلله بولنور بر حکم اولد .

یغنه کوره « عقل عقلدن اوستندر »
 قاعده سنجده هر کس عقلنک ایردیکنی دین
 صورتنه قویه رق میدانہ چیقاراجقمی ؟
 یوقسه نصرانیت خبردن یعنی نقلدن عبارت
 ایسه سزه کلان خبر صحیح هانکی مخبر صادق
 طرفندن کلیور ؟ یوزلرجه اختلاف ایچنده
 قالان بر خبرك صدقنه منطقاً حکم ایده بیله .
 جکمیسکز ؟

ایشته بر مسلمان شوا اعتراضاتی در میان
 ایده بیلور . اکر بو کبی اعتراضانه پروتستا -
 نلرک میزان الحق کتابنده اولدیغی کبی یالکز
 « اینجیلده بویله یازیلیدر » دیه جواب
 ویره جکلر ایسه او جوابه دخی بول بول
 کولرلر .

وولتر دیور که دیوقله نیه نك آخر زمانه

کانبجه به قدر رومالور اینجیلرک اسمنی بیله

ایشتامشیر ایدی .

مومی الیه روما ایمپراطوری اولوب

میلادک ۳۰۰ تارینخنده استعفا ایلشدر .

عیسایان یعنی اوچیوز بش سنه سندنبری

رومالور کندی ایچلرنده بولنسان برخلقک

النده اینجیل نامیلله کتابلر بولنوبده اکا

ایمان ایلدکارینی وحتی روما حکومتی تا

بوخرستیانلری عومماً قتل ایتمک تشبشه مجبور

ایدهجک اولان فناقلرک محضا بوکتابه طا .

یمقدن نشأت ایتدیکنی نصل اولورده خبر

اله مزلر؟ وولترک - تزیف یوللو - دیمش

اولدیغی وجهله اکر خرسستیانلر اینجیلی

حرزجان ایدرجه سنه صاقلاملرندن نشأت

ایلش ایسه او حالده بو قدر اهمیتله صا .

قلانان اینجیللردن بردانه جکنک بر صحیفه.
جکنک اولسون باقی قالمسی لازم کـلـور
ایدی . حالبوکه یوقاروده دخی دیمش اولد.
یغمز وجهله روماده واتیقان کتبخانه سـنـده
اک اسکی اوله رق موجود بولنان اینجیل
عیسادن اوچیوز اللی درت یوز سنه صکره
یازلمشدر .

فتأمل !.....

کجه لم وولترک اوچنجی ققره سنه :
« ایمدی خرسـتـیـانلر ایچنده اک زیاده
صوفیلک و دیندارلق دعواسـنـده بولنان
صوسـیـنیه ن مذهبی بزم درت اینجیلـمـزک
دردینه دخی عیسادن بر عصر قدر صکره
ال آلتدن کیرلیجه تصنیع اولمش دوزمه
شیلر نظریله باقارلر و بر عصر دهـا رومالو .

لردن صداقلانوب صكره ميدانه چيقارلمش
اولديغنى وقبا صابا آدملى طرفندن ينه قبا
صاابا اوله رق يازلمش ايدوكنى و بونلر پك
چوق و قتلره قدر ينه كنديلرى كې قبا صابا
آدملره عرض اولنديغنى اثبات ايدرلر .
بونلر اناجيل اربعه حقنده دهـا اول قدر
كفر ياتده بولـورلر كه ! بوراده
ذكر ايدمهـيز . وقتيله بومذهب پك بيوك
وار بابى چوق اولديغندن اورتهده فرمان
فرما ايدى . شمدى ايسه بر وقت خريستيانلر
نه قدر كيرلى ايديسـهـلر بونلر دىخى اول
قدر كيرليدرلر . بونلر انجق كندى عقللر .
ينك ايردكلرينه ايمان ايلدكلرى جهتله انلرى
بزم مذهـبـهـ دونديرمك فايـتـمـشـكل و بلكه ده
ممكـنـمـزدر . بونلر ك النـدهـكى آلت عقل

و حکمت اولوب سائر خرستیانلر ایسه انلره
اینجیللر ایله مقابلهیه چیقهدقلرندن بوا یکی
طرف یکدیگرینه دائمی دشمن قاله رق و فاقه
یناشیمه جقلری درکاردر »

« بز ایسه دائما کندی درت اینجیل مزه
و هر نه سویلرلر ایسه اصلا خطا اولیوب
جمله سی حق و حقیقت اولان پایا افندیلر مزه !
..... کمال صد اقله مربوط قاله لم .

کلیسانک ردائیش اولدیغی الی عدد اینجیلک
الایسنی دخی رد ایلیسه لم ده حضرت مسیح
افندیملر کندی عمرینک ترجه حالی دیمک
اولمق اوزره الی دانه یالان اینجیلک یازلمسده
نیچون مساعده ایتمش اولدیغنی اصلا دوشو .
نمیلم ! بز قویون اولالم . بزم
چو بانلر مز اولمق اوزره میدانه چیقمان

پاپاسره ایمان ایدلم و اینانه لم روح القدس
نور معرفتیه یالکزانلری تنویر ایدرک دنیاده
بشقه هیچ بر فردی تنویر ایتمز دیه لم! «.....»
« پیلات طرفندن تیره یازلمش اولان
او غریب المفاد مکتوبی صحیح اولمق اوزره
قبول ایلدیکندن و حضرت عیسیای مرتبه
الوهیته چیقارمق لزومنه دائر تیرک سناتویه
وقوعبولان تکلیفی صحیح اولدیغنی اعتقاد
ایلدیکندن طولایی آبادی پک بیوک بر سهو
دوچار اولمش ایسه کلیسا ار بابی دخی اندن
دها آزمی عالمدر؟ اوده سهو ایتز یا؟ بناء
علیه کلیسا ار بابنه اینانه لم اطاعت ایدلم
حضرت مسیحک الوهیتنه ایمان ایلیمه لم! «
وولترک سوزی بتدی .

صوسینه نلرک نه قدر موحد آدمیر

اولد قلمی بوندن اول ربو بیت مسیح
 مسئله سنده ذکر ایلشیدک . انلرک اناجیل
 ار بعدی رد ایتملرنده کی حکمت بونلری کتاب
 مشرکین نظر یله کور دکلیدر . کند ی
 اللرنده بولنان اینجیللرک نصل شیلر اولدیغنه
 دائر ایسه معلومات مفقوددر . شو قدر
 وارکه انلرک اینجیلی پروتستان و قاتولیک
 وسائر نصارا اللرنده بولنان اینجیللره کمالیه
 ضد و مخالف اوله جغی اساس اعتقادلرینک
 دخی کمالیه مخالف اولسندن معلوم اولور .
 محرر آبادینک یازمش اولدیغی وجهله
 ییلاتک تیره مکتوبی مسئله سی خرسیتیانلغک
 جلهء معایبندن بریسی اولدیغی جهتله
 بو مسئله یی پک چوق مؤلفین نصارا مسکوت
 هنه طوتارلر و کتابلرنده اکا دائر برحرف

بیٹھ سو ویلہ منزل . باقکر مسئلہ نہ دن
عبارتدر .

پلات حضرت مسیحک چار میخہ کرلد .
یکی زمان قدس شریفده روما ایمپراطور لغی
طرفندن حاکم بولنان غایت ظالم بر حر یفدر .
تیردخی ینہ ظلم وشدتده پلاتدن اشماغی
قلمامق اوزره روما ایمپراطور لغی ایدن بر
جباردر . ایدی حضرت مسیحی « مجنو .
ندر ! قراللق دعواسی ایدیور ! باطلدر !
ابوتدن بنوتدن دم اور یور ! خلقی افساد
ایلیور ! » دیه انواع استهزالرله - خرستیایا -
نلرک اعتقادینه کوره - صلب ایتدیرن
بوظالم اولادیغی حالده قاتولیکر روایت
ایدرلرکه کویا بوایشن صکره پلات کمال
ندامتله ایمپراطور تیره بر مکتوب یازوب آنده

حضرت عيسائک معجزاتندن بمثلله مشار
اليهک مرتبه الوهيتده طانمسنی توصيه
ایتمشده تپردخی بوکيفیتی ملت مجلسنه
عرض ایلمش ایمش ! حتی ٢٤٥ سنه میلاد .
ديه سنده وفات ایدن ترتولایه ن بومکتوبی
عیناً کتابنه درج ایدرایسه ده کندی اننه
زهدن یکدیکنی سویله مز . برکت ویر .
سون که علمای نصارانک الچوغی بویله
آچیقدن آچیفه میدانه قونیله رق هرکسی
طوغری اولمق اوزره اینانمغه دعوت ایلد .
کاری یالانی قبول ایتماشلر و « ترتولایه ن
کبی برذاتک بویله یالانجیلخی قبول ایتماسی
لازم کلور . بناء علیه بونی اوداته افترا
ایتمشلردر . حتی فی الحقیقه ترتولایه ن
بویلانی سوسیلاش ایسه یله ماهیتی یالان

اولدقدن صکره کیم سويلش اولسه ينه يالان
اولق اوزره حکم اولنور ديه براز حق
شناسلقده بولنمشلردر .

مورخ يوزفک شو پارچه سی نصلسه
وولترک کوزينه ايلشماش اولديغندن
کيفيتک بو جهتي دخی باری بزاتمام
ایدهلم :

يوزف ميلادک ايلک عصرنده يشامش
بريهودی مورخ اولوب « آثار عتيقه
يهوديه » سرلوحه سیله یکریمی کتاب اوزره
مرتب اثرینک اون ساکننجی کتابنک
اوچنجی مجشده شویله یازمش ایمش :

« اوزمان یسوع نامنده غایت عاقل
وحکیم بر آدم توره مش ایدی اما بوکا آدم
دنيله بیلورمی ؟ برچوق معجزه لر اظهار

ایلدی . تعلم حقیقت ایچون میل ورغبت
 کوسـترنلری تعلیم ایلدی . بوصورتله
 برطاقم یهودیلر و یونانیلر کندیسـنه
 باغلاندی . بزم کبارمـزك دخی طلبی
 اوزرینه پـیلات آتی حاچه کردی . لیکن
 کندیسـنی سـونلر اکاینه صداقتده ثبات
 ایلدیلر . زیرا یسـوع صلبـنك اوچنجی
 کونی انلره یـنه بر حیات اوله زق کورندی .
 نصل که بونی اللهـك سائر پیغمبرلری دخی
 بویله جه ذکر ایتـمـلر و سائر معجزاتنی دخی
 خبر و یرمـشـلـدر . آنـك نامنه تبعیتـله
 « خـرستیان » تسمیه اولسانلر حالا
 باقیدر .

قاتولیکلر بو پارچه یی حجت عظمـا
 اوله رق اتیان ایدرلر . لیکن مدققین

نصارا بوعی دخی قبول ایتیموب
 « بوسوزی سو یلیان آدم یهودی ایسه
 عیسا ایچون افراط مد حده بولنش و خرسیان
 ایسه مد حنده نقصان ایتش ! » دیه
 بو پارجه مورخ یوزفک اثرینه صکره دن
 قاتلش اولدیغنی حکم ایدر لر . هـ لـه
 معلومات قطعیه دن اولق اوزره شو
 معلومدر که تا اوزب نام پاپاسه کلنجه یه
 قدر بویله بر خبری کیمسه ویرماشدر .
 حتی غود فروی نام محرر بومسئله یه دائر
 یازدیغی کتابده یوزفک عیسا حقنده بویله
 برشهادتی اولق شویله طورسون بتون
 بتون سکوت ایتسنی نعمت بیلک لازم
 اولدیغنی حکم ایلشدر .
 بز یو قاروده مورخ یوزفک شو

پارچه سی وولترک کوزینه ایلشماشدر
 دیدک . اما یالکز شودوزمه پارچه نک ایلشما.
 مش اولدیغنی مراد ایلشیدک . یوقسه
 یوزفک تار یخی وولترک نظر مطالعه سینه
 واصل اولمشدر وحتی وولتردخی غود .
 فروی کبی بوتار یخده عیساحقنده هیچ بر
 کلمه بیله سو یلنماش اولدیغنه دقت ایلدکن
 ماعدا » اخبار واقعیه نظراً ولادتی کیجه
 حکومت نه قدر چوجق طوغمش ایسه
 اولدورمش اولق وشرق طرفندن مجوسلر
 کلوب تبریک قدوم ایلش بولنق درجه سنده
 ولوله اندازچار اقطار عالم اولان بر پیغمبره
 دائرهمان هم عصری دیمک اولان یوزفک
 کتابنده حرف واحد سو یلنماش اولمی
 جای استغرابدر . صاقین کلیسا مورخلری

تواریخ خصوصاً صنده سهوا یتش اولسونلر ؟
 یعنی یسوع افندمن یوزفدن صـ کـره کلش
 اولسون ؟ زیراحضرت یسوعه کلامش
 دینله من . « کلش ده تاوچ عصر صـ کـره
 کندیسنی مرتبه الوهیه چیقارنجیه قدر
 کیمسه خبر المیه جق صـ ورتده کیرلی
 بولنش « دیمک دخی دیانت نصارایه الویر-
 من « زمیننده برنیشتر اعتراض دخی بورایه
 صوقشدر :

الحاصل براز عقلی باشنده اولوبده
 بینی دخی نور احکمتله تنور ایتش اولان
 برآدمه اناجیل اربعه نك اصل انجیل
 اولدقلرینی اثبات ایچون نصارا النده هیچ
 برسمند صحیح یوقدر . بناء علیه کندی
 دینلرینی عیسا پیغمبر علیه السلام حضرتلر .

ینه نسبت ایدیش-لمری بر بهتانیدن عبارت
اولدیغنه مدققین شبهه ایتیمورلر . حتی نصا-
رادن بعض ار باب دقتله ایتدیگمز مشا-
فهانده ایشك بوجهتنی انلر دخی اعتراف
ایلدیلر و جناب حقل و حدانیتنه و حضرت
مسیحك و سائر انبیای عظامك پیغمبر لکنه
ایماندن و مشرکجه سنه بر طاقم اصولاری لغو
ایله دیندارجه سنه اصول و آیینی کوس-تر-
مکدن عبارت بر دین حقل تمامی لزومی
کورلمش اولدیغی حالده یعنی میلاد کیدنجی
عصری ایچنیده دین جلیل محمدینك پرتو
افشای ظهور اولسی لزومی تصدیق
ایلدیلر و بودین جلیل مادام که طرف حقدن
عنایت یسورلدیغی کبی شمعی به قدر باقی
قالمش و اساسندن بر حرف ا کچیلپوپ

كذلك بر حرف دخی ضم اولنا مشدر . بونك
بر موجب وعد الهی ارتق يوم قیامه قدر
دخی باقی قاله جفی امکانی قبول ایتدیلر .
بحمد الله تعالى .

« قرق انبار » نام مجموعه مزدن نقل
ایلدیکمز معلومات ختام بولدی . معلومات
مذکورہ مناظر مزك رد اناجیلہ دائرہ بڑہ
بولدیغی اوچ دعوا دن ایکنجیسی یعنی
انجیللرک عن اصل دوزمه و اویدورمه
اولدقلری دعواسی ایچون ایضاح و برهان
ایراد ایتماش اولدیغمز حقنہ کی مقابلہ سنہ
مدافعہ اولمق اوزره ایراد ایلدیشیدی .
مدافعہ مزك بو جہتی دخی برمدافعہ کافیه
کوریلہ جکمنہ شہہ مز قالماملہ شمعی منا .
ظرمزك ترتیبی صرہ سبلہ برنجی و ضحایفہ

درج ایدمک مراتبجه او چنجی اولان بحشه
 کاهام که اودخی انجیلارک تحریفی بحشیدر .
 غیر تیکاران نصارایی بو بحثک اوزدیکی
 قدر هیچ بر بحث اوزه مز . « سز انجیلار -
 کزی تحریف ایتشدسکز » دنیلدیکی زمان
 نصارا بو اعتراضه نصل جواب ویره -
 جکارینی بیله میهرک عادتاشیروب قالورلر .
 بحث مذکور دن بو قدر تاثر و تلاش ایتملرینک
 سببی ایسه بو بحثک حقیقه اصلارد
 ایده میه جکاری قدر بدیهیاتدن بولنمسمندن
 ناشیدر .

موسیو دوایت حضرتلرینه و کاله
 مقام مناظره یه چکن آوه دیس افندی ارقداشمز
 بو بحثده دخی کویا طرفزدن پر هسان کافی
 ایراد ایدلماش اولدیغنی اتیان ایلپور ایسه ده

کوستردیکی جرأت اولیکی جرأتله بکزمه مد کدن
 بشقه کویادعوایی ردایده یم دیر کن صراحة
 تسلیم و انجیلرک فی الواقع تحریر فایلد .
 کلرینی اعتراف دخی ایلیور . باقکز
 سوزلرینی بردها کوزدن کچیرهلم ده سر
 دخی اعتراف و تسلیمینی کورکز .

میلادک ۱۴۵۵ سنه سنده طبع اولنان
 انجیل نسخه سنک بو کونکی نسخه لرله هیچ
 فرقی اولمادیغنی بالاخطار مسلمانلرک ادعا
 ایلد کلری تحریرینی کویا بو زمان ۱۴۵۵
 سنه سنه قدر وقوعبولما مش اولمق اوزره
 اثبات و حکم ایلد کدن صکره اون بشنجی
 عصر میلادی ایله بشنجی عصر میلادی آره سنده
 بعضی یونان ایچنده یونان لسانتجه
 یازیلان التیوز قدر انجیلاری دربان

ایلدیکی زمان آوه دیس افندی دیورکه :

« واقعا مذکور ال یازی متنلر یکده .
یکرینه و یاخود شمدی یدمزده بولنان انجیله
تطبیق ایدلدکده کلمه جه و بعضاً عبارته جه
جزوی فرقلر بولنور . فقط بوکا اصلا
تحریف دنيله مز . زیرا بو فرقلر انجیلاک
تعلیماتی تغیر ایچون قصداً ایدیلان تحریف
دکل آنجق مستنسخ برمتندن استنساخ
ایتدیکی صرهدده وقوعی طبیعی اولان سهو .
درکه برچوق متنلر یکدیگرینه تطبیق ایدلد .

کده متن اصلی معلوم اولور »

انسان آوه دیس افندیکن شوققره سنی
او قودینغی زمان یامومی الیهک پک صافدل
برآدم اولدیغنه و یاخود بتون جهانی احق
ظن ایلدیکنه قائل اوله چغنی کاپور . اگر

کندی سو یلدکری لقردی به کندیلری دخی
اینانیورلرایسه صافدالکرنده شبهه یوقدر .
یوق عالمی احق ظنایدیورلرایسه بوفکردن
واز یکملرینی رجا ایدرز .

اوت! مستنسخلر سهواید بیلورلر . لیکن
او سهولر « عباره جه » اوله مز . آنلرک
سهو اولدقلرینی ا کلامق ایچون « برچوق
متلری » یکدیگرینه تطبیق ایتکه لزوم
اولیوب یالکز سهوک واقع اولدیغی نسخه
وحتی اوصحیفه او سطر او کلمه کوز او کینه
الندیغی آنده سهو انسانک کوزلرینه
فرلار . نصل که بزدخی مؤلفات یومیده مزده
هرکون بیک درلو سهولر ایتکده ایسه کده
قارئلرمن انلری کورر کورمز سهو اولد .
قلربنی ا کلا دقدن ماعد ا طوغر یسی نه اولمق

لازم کله جکني کندی کندیلرینه بولمقده بيله
 تأخر ایتزلر . بونک ایچون برچوق متلری
 قارشوقارشویه کتورمک شویله طورسون
 حتی برخطا صواب جدولنه ده محتاج
 اولزلر . دقت بیورلیور می که مطبوعات
 جدیدہ اخیرہ ده خطا صواب جدولاری ده
 طی ایدلمشدر . چونکه انلر قدر زائد و بی لزوم
 هیچ برشی تصور اولنه مز . بر عبارتہ ده کی
 سهوی سباق و سیاقندن اکلايه ميه جق اولان
 قارئلر خطا صواب جدولندن ده برشی
 اکلايه مز لر . اکلايه بيله جک اولنلرک ایسه
 خطا صواب جدولنه هیچ احتیاجلری
 اولمز .

حالبوکه او ه دیس افندی نك بحث ایلد .

یکی التیوز قدر انجیللر ایچنده کله جه دکل

حکمه دخی یکدیگرینه اول قدر مایملری
وارد در که اناجیملک تحریف ایدلدکری
اثبات ایچون بونلر کافی اولدقدن ماعدا
فضله در بیله . قریباً بعضیلرینی اخطار
ایده جکر .

آوه دیس افندی دوستمز ال اسکی انجیل
نسخه لرینی تعداد ایلدکری صروده لوندره .
ده بریتیش موزه تومده محفوظ اولان
« علساندریان » نام انجیملک بشنجی
عصر میلادیده یازلدیغنی وسینالی نام دیگر
انجیملک دردنجی عصر او اخر یله بشنجی
عصرک اوائلنده زقیم ایدلدیکی وواتیقان
کتابخانه سنده کینک دردنجی عصرده تحریر
ایدلدیکی « تخمین » ایلورده دیگر بعض
نسخه لری دخی التنجی عصرده ویاغیورد

دها صکره یازلدقلى اثبات ایدلدیکنی خبر
ویر یور *

واقعا الك اسكى نسخه لری دردنجی
عصر او اخرنده یعنی میلاد عیسادن بشیوزه
قریب سنه صکره یازلدیغی اکثر علمای نصارا
نزدنده « تخمین » ایدلکده در • چونکه
بونلری تخمیندن بشقه صررتله اثباته امکان
یوقدر •

آوه دیس افندی بویله بشنجی عصردن
قاله انجیلار موجود اولدیغنه مظاهرتله اکثر
انجیلار تحریف ایدلمشله ایسه مطلقا میلاد
عیسادن بشنجی عصره قدر تحریف ایدلمش
اولق لازم کله جکنی و بشنجی عصردن
بوزمانه قدر ایسه الده موجود اولان
انجیلارک شهادتلیله تحریف قضیه سنک اصلی

اولدیغنی بزه قبول ایتدیرمک ایستیور .
 واقعاً بو غیرتنده اولجه کندیسینک دخی
 اعتراف ایتمش اولدیغنی کلهجه و عبارهجه
 تحریفلری تکرار طارهیه چیقارمق ایستیور
 ایسهده بو قدر سمیحانه الیش و یریشه رضا
 کوستره میده جگمز آشکاردر .

بویله الک اسکی عصردن قالمه کتابلر
 ظهوری مسئله سنده نظر موازنهیه عرض
 ایدلمک اوزره اخیراً غزته لر کوزل و تحف
 بر فقره یازمشلرایدی . بوفقره دن خاطر مزده
 قالان مقداره کوره آثار عتیقه ایله اشتغال
 ایدر بر اورو پالی قدس شریف طرفلرنده
 عقللردن خارج بر زمانده یازلمش بر کتاب
 کشف ایدرک بونی اورو پایه کوتورمش
 وفی الواقع کتاب مذکور مومی الیهک

دید یکی قدر اسکی اولق اوزره قبول و تصدیق
ایدیش ایسه ده صکره سائر بعض ار باب
تدقیق مذکور کتابک آنتیقه تقلیدی
اولق اوزره ساخته سی اولدیغنی اثبات
ایلیه رک بیچاره ساخته کار نهایت اتحار ایله
تعیب و ترذیل عومیدن یقایی قور تاره .
بیلشدر .

اگر دوچار اوله جغی اعتراضی اولدن
کشف ایسه ایدی بویله قیمتی بر کتاب
ایچون نائل اوله جغی میلیونلردن رازینی ده
اعتراض ایده جک اولان ذواته ویره رک
او حالده نائل امل اوله بیلور ایدی .

اچیه قوتی شقایه می کلور ؟ لزومی
قدر پاره صرف ایدیله جک اولور سه
حضرت عیسان مقدم بیله یازمش انجیللر

اولدیغنی اثباته قدر وارلق دخی محال
حکمنی اله من .

هر نه ایسه میلاد عیسایک بشنجی عصر .
ینه قدر انجیلارک تحریف ایدلمدکار بنی اثباته
چالیشان آوه دیس افندی بشنجی واون بشنجی
عصر لر ارمسند یازیلان التیوز قدر انجیل
نسخه لر ینک حین استنساخ لر نده کله جه وحتی
عباره جه یا کشلر اولدیغنی وحتی بویا کشلر
اوله ایلاک نظرده اکلاشیله بیله جک شیلر
اولمیوب برچوق متلری براره یه کتوردکن
صکیره یا ککش اولدقلری آکلاشیله جق قدر
اوسته لقلی بولندیغنی اعتراف ایتمکه بزی
منون ایدلمدکن صکیره ایلاک عصر مسیحدن
بشنجی یه قدر دخی انجیلارک تحریفدن
مصون قالدقلر ینی اثباته نقل کلام ایلور .

فقط بوحا که ده هیچ بر دلیل تاریخی ایراد
ایده میهرک یا لکز دلائل ذهنیه و خیالیه
ایرادیه اکتفا ایدیور .

دلیل تاریخنک بولنه میه جغنی بر زمانده
اوه دیس افندی بی تاریخندن دلیل ایراد
ایده مدیکی ایچون تعییب ایتیز . دلائل
عقلیه سنک نه بزجه ونه سائر هیچ بر صاحب
عقل و از عاجزه قبول اولنه میه جغنی حکم
ایدیشمزدن طولای دخی کندیلری بزی تعییب
ایتمسونلر .

میلادک ایلک بش عصری ایچننده
انجیللرک تحریف اولنه بیلسی عقلاً محال
اولدیغنی اثباته چالیشان اوه دیس افندیکنک
مؤخرأ یالان اولدقلرینی قوجه بر قونسیملک
یعنی مجلس عمومی قسیمیسنک حکم ایلدکلری

بو بجه يالان انجيللر ك دخی ینه او مدت ظرفنده
 يازلمش اولدقلىرى نه دن خاطرندن چيقا -
 ريور ؟ بو مدت ظرفنده يوزلرجه يالانجى
 انجيل يازلمش اولديغى حالده موجود
 اولنلر ك تحريفى بيله قابل اوله مامسنه نه ايله
 حاكم ايده بيليور .

انجيل شريف سوريانى ويونانى وسائر
 برچوق لسانلره ترجمه اولنديغى جهتمله
 اوهديسن افنديك اعتقادنجه بو ترجمه لر دخی
 تحريفى مانع ايمش . نه قدر صافدللك !
 بز قويا اعتقاد ايليورزكه تحريفى اصل
 تسهيل ايدن برشى وار ايسه اوده ايشته
 بو ترجمه قضيه سيدر . نصلكه قريباً ثابت
 دخی اوله جقدر .

بز مسئله ي و همياتدن ظنياتدن قورتا -

رهلم ده شویله ساده جه بر عقله تطبیق ایدرک
بر نتیجه چیقارلم .

حضرت عیسی عن اصل هانکی ملتدن
ایدی ؟ یهودی ! اویله دکلکی ؟ نه لسانله
تسکلم ایتدی ؟ یهودیجه ایله ! دکلکی ؟ حوا .
و بئر نه ملتدن ایدیلر ؟ یهودی ! اویله دکلکی ؟
عن اصل بالقجی مقوله سندن اولان بو آدم
یونانجه و یاخود لاتینجه بیلورلرمی ایدی ؟
بونی حکم ایتدیره جک هیچ بر قید تاریخی
اولمدیغی کبی عقل دخی انلرک لاتین و یاخود
یونان لساننه واقف اولدقلرینی ظن ایچون
هیچ بر مدار بوله مز .

اویله ایسه یهودی اولان بر پیغمبرک
یهودی اولان اصحابیله ینه یهودیجه اوله رق
تعاطی ایلدیکی بر کتاب سماوینک نه دن

هیچ بر اثری قلمبامشده یالکز ترجمه لری
قلمش ؟

ایشته یالکز شو ملاحظه عیسایه
منسوب انجیل صحیح اولسی لازم کلان
کتابک بوکون وجودی اولدیغنی هر عاقله
قبول ایتدیره رک بوکون کویا انک ترجمه
لری اولیق اوزره موجود اولان انجیلارک
ایسه فی الحقیقه دوزمه و اویدر مه شیلر
اولدقلرینی تسلیمده کسه یی تردده بر اقره

مع هذا کرک کتب عهد عتیقک یعنی
توراتلرک و کرک کتب عهد جدیدک یعنی
انجیلارک کافه سنده تحریفات اولدیغنی انکار
ایدنلر یالکز بزم موسیود وایت حضر تلیله
وکیل مناظری اوه دیس افندی کبی مذاهب
سائر هیه منسوب اولنلری خرسه تیاملغه

وانكده پروتستانلق مذهبنه ادخاله مأمور
اولئر اولوب يوقسه محققين نصارا اشبو
تحرifatى انكار ايتدكدن بشقه برچوق
تدقيقات اجرا سيله بونلرى ميدانه چيقارهرق
اجراى ايجاباتنى توصيه ايدرلرده جمهور
نصارا انلرك اشبو توصيه لرينه دخى قولاق
ويرمامك درجه سنده كندى مغفلار ينه
قايلورلر . بوبابده رحمة الله هندى افندى
حضرتلرينك رديه سندن ايديله جك اقتباس
سات هيچ بر كسه ده شبهه براقيه جفندن
شو مباحثه نى بر خاتمه مشكينه ايصال ايچون
فاضل مشاراليه حضرتلرينك اظهار
الحق لرندن بروجده آتى اقتباس اتمزى درج
وعرض ايلرز .

(تحریفك نصارا عندند، صورت)

« اعترافی »

رحمة الله افندی حضرتلری کرک
عهد عتیقک و کرک عهد جدیدک هم معنا
هم لفظاً تحریف اولندقلرینی و بو تحریف
لفظینک ایسه هم کتب سماویه عبارهلرینی
تیدیل هم انلره ضم و علاوه و هم ده انلردن
طرح و تنقیص صورتنده وقوعه کلدیکنی
اثبات ایچون ژهروم و هورن و کیرس-باخ
وشولزوماردیوس و کیراکوس و میسترجو-
دیل و وارد کبی اسکی یکی قرق الی قدر
افاضل مدققین نصارانک اثرلردن استشهاد
ایلیه رک جمله سنک اعترافاتنی درمیان
ایلیور .

بو اعترافاتدن اکلشلدیغنه کوره یهو .

دیلرک کتب عهد جدیدلری گایاً محرف
 اولدیغنه هیچ شبهه اولیوب بوندن فضله
 اوله رق نصارا کندی کتابلرینه ذاتاً محرف
 اولان کتب یهودیه دن نقل ایلدکری فقره -
 لری دخی برقاندها تحریف ایدرک نقل ایتشلر
 واندن ده فضله اوله رق صکره لری ایدیلان
 ترجمه لر اثناسنده برطاقم دها تحریفات زائده
 ایله حقیقتی بالکلیه چیغرندن چیقارمشلردر .
 بو بابده رجه الله افندی حضرتلرینک
 اشبواصنا حلری شایان دقتدر . دیورکه :
 « هورن نام مفسرک ۱۸۲۲ سنه
 میلادیه سنده طبع اولنان تفسیرنده دردنجی
 جلدک درتیوز التمش اوچنجی صحیفه سنده
 شویله دینلشدن :

« مفسر قردن اون

بشنجی قرنه قدر اشبو ترجمه ده (یعنی ترجمه
لاتینیه ده) پک چوق تحریر فسات و الحاقات
وقوعه کلمشدر »

ینه موهی الیهک اشبو تفسیرنده در تیوز
التمشیدنجی صحیفه سنده دخی شویله دیور :
» شو دقیقه یی کوزله خاطرده حفظ
ایتمک لازمدر که ترجمه لری ایچنده ترجمه
لاتینیه کی تحریر فسات اولمشی یوقدر • بونک
ناقلری مبالات ایتمه رک عهد جدیدده بعض
کتابک فقره لری نی دیگر بعضلر ینه ادخال
ایلدکاری کی حاشیه لرک عباراتی دخی منه
ضم و علاوه ایلمشدر »

دقت بیورملیدر که بو تحریر بو الحاقلر
اوه دیس افندی دوستمزک عدم وقوعی ادعا
ایلدکاری بشنجی واور بشنجی ممرلر

اره سنده وقوعه کلان شیلدر . اندن اولاری
ایچون دخی باقکز رحه الله افندی حضر -
تلینه افاضل محققین نصارادن نه لر نقل
وروایت ای دیورلر . برقاج دانه سنی مثال
اولق اوزره عرض ایده لمده نظر انصاف
ایله کوروب عبرت الکز .

رحه الله افندی حضر تلی دیورلر که :

« شمعی محققین علمای مسیحیه دن مستر -

جو دیل و وار دک اعتراف ایتمش اولدقلری
اوزره انجیلیوندن مر قسک غلطلرینک ذکر
واتیانه شروع ایتمکله کی مناسب کوررک
دیرز که مر قس انجیلینک ایکنجی بابندن یکر می
بشنجی و یکر می التجی آتلیر (انلره دیدیکه
اما داود و کندوسپله برابر اولنلر آج و محتاج
ام لدقلی ائاده باش کاهن اولان ایشارک

ایام کهنه‌اننده نصورتله بیت‌اللهه کیروب
 کهنه‌دن بشقه سنه اکلی جائز اولمیان نان
 تقدیمه بی اکل ایدوب نصیل یاننده اولنلره
 دخی ویردیکنی اوقه مدیکز می (مفهومنده
 اولوب بوراده واقع اولان ایشار لفظی مو می
 الیهکم اعتراف لری وجهله غلط اولدیغی
 مثللو (اما داود و کندوسیله برابر اولنلر)
 (نصیل یاننده اولنلره ویردیکی) بجهلری
 دخی غلطدره زیرا سفر صموئیل اولی مطا
 لعه ایدنلرک نزدنده غیر خفی اولدیغی وجهله
 اولوقت داود علیه السلام یالکز اولوب
 معیتلرنده هیچ برکته یوغیدی مرقس
 انجیلنده شو ایکی بجهلک غلط اولدیغی
 وقتا که ثابت اولدی اینه انلره مماثل متی
 ولوقا انجیلنده دخی غلط اولدیغی ثابت

اولیور ز را متی انجیلنک اون ایکنجی
 باینده کی او چنجی و دردنجی آیتلر (انلره دیدی که
 اما داوده آچلق طاری اولوب کندوسی
 وانسکه برابر اولنلر نوجهلله بیت اللهه داخل
 اولوب اکلی کهنه یه حلال اولوب کندو -
 سنه و معیتنده اولنلره حلال اولمیان نان
 تقدیمه نك اکلی فعلنده بولندیغنی او قومده -
 یکزمی) ولوقا انجیلنک التجی بایندن او چنجی
 و دردنجی و بشنجی آیتلر دخی (انلرایله اثنای
 محاوره ده عیسی انلره دیدیکه داود کندوسی
 و یاننده بولنانلر اچیق دیغنی وقت نه ایشلدیکنی
 و بیت اللهه نضل کیروب اکلی یالکز کهنه دن
 بشقه سنه جائز اولمیان نان تقدیمه بی التوب
 اکل ایتدیکنی و یاتنده اولنلره دخی و یردیکنی
 او قومدیکزمی) ما لارنده اولوب حضرت

عیسانک شو قولنی نقل خصو صنده اناجیل
 ثلثه ده یدی غلط وقوع بولوب بو صورتله
 یدی یرده تحریف وقوعنی اقرار ایله برابر
 بولرک یدیسنی دخی سهو کاتبه عزو و اسناد
 ایدیورلر شو حالک ظاهره مخالف اولدیغی
 ادعا اولنسه دخی بزم دعوا مزى نقص
 واخلال ایده من .

ماجزانه بز دخی دیرزکه اگر مسیح
 (حاشا) الله اولوب ده حواریلر دخی
 پیغمبر اولسه لر ایدی یالکز برقرمه ده بو قدر
 یا کاشلق بو قدر غلط واقع اولمیی ایدی .
 كذلك رحمة الله افندی حضرتلری
 دیورلرکه :

« متی انجیلنک یکریمی یدنجی بانبندن
 انی صلیب ایتدیلر وانلر لباسی تقسیم

ایدرلر و کوملکمک اوزرینه دخی قرعه
 آترلر دیو پیغمبرک قولى تمام اولمق ایچون
 قرعه آتهرق لباسنی تقسیم ایتدیلر (لباسمی
 اولان اوتوز بشنجی آیتده واقع)
 تقسیم ایدر و کوملکمک اوزرینه دخی قرعه
 آترلر دیو پیغمبرک قولى تمام اولمق ایچون)
 عبارهلری محرف اوله رق محققین علمای نصاری
 عندلرنده حذفی واجب اولدیغندن کیر سپاخ
 عبارت مذکوریهی حذف ایتمش وهورن
 دخی تفسیرینک ایکنجی جلدندن اوچیوز
 اوتوز برنجی صحیفه لوده عبارت مذکورهنک
 ملحقاتدن اولدیغنی ادله قاطعه ایله اثبات
 ایلدکن صکره (اشبو عبارت نک قطعاً یلان
 اولدیغنی عندنده ثابت اولدقدن صکره انی ترک
 ایتک خصوصنده کیر سپاخ پک اصابت

ایتدی) مقاله سنی سرد ایشدر وادم کلارک
 دخی تفسیرندن بشنجی جلدده آیت مزبوره .
 نك ذیلنده (اشبو عباره متندن جزؤ اولمده .
 یغندن ترکی الزمدر و بونی نسخ صحیحہ ایلہ
 ترجمہ لر ترك ایدرك شاذ اوله رق بعضری
 یازمشر و قدماى علمادن دخی پك چوغی ترك
 ایتش و بونك الحاقیتی ظاهر و جلی اولوب
 یوحنا انجیلنك اون طقوزنجی بابنك یکر می
 دردنجی آیتندن التمشدر) فقره لرینی درج
 و تذکار ایشدر » .

کذلک عاجزانه اخطار ایدم که سمو .
 لك! ... خطا لك! ... بودر لولری
 او قدر دهشتلی شیرده دکلدر . اصل
 دهشتلی خطا لری! شو فقره ده

کوره جکسکز . رحمة الله افندی حضر .

تلری دیورلرکه :

« یوحنانک رساله اولاسندن بشنجی
 باینده واقع اولان یدنجی آیتک (زیرا سماءه
 شهادت ایدنلر اوچدر و بونلر اب و کله
 و روح القدسدر و بونلرک اوچی بردر)
 و سکزنجی آیتک (زیرا یرده شهادت ایدن
 شهود اوچدر و انلر روح و صو و قاندر
 و بونلرک اوچی برذاتده کسب اتحاد ایدرلر)
 عبارت اولیه لری خرسستیان محققلرینک
 زعمنجه یالکز (زیرا شهادت ایدن شهود
 اوچدر و بونلر روح و صو و قاندر و شونلرک
 اوچیده برذاتده کسب اتحاد ایدرلر) مألندن
 عبارت اولوب بعده معتقد تثلیث اولان
 خرسستیانلر (سماءه اولان شاهدر اوچدر

و بونلر اب و كلمه و روح القدسدر و شونلرك
 اوچيده بردر (عبارت سهيله (يرده شهادت
 ايدن شهود) ك عبارت سهيلي اصل عبارت سهيله
 علاوه ايلديلر و بو علاوه كيفيتي دخی امور
 محققه دندر . زيرا (کير سپاخ) و (شولز)
 مذکور عبارت لرك الحاقيتي خصوص صنده
 متفق اولد قلري مثلاً و هورن دخی کان
 تعصيله برابر الحاقيتني و واجب الترك اولد .
 قلريني قویاً سويلش و هنري واسكات
 تفسيريني جمع ايدنلر نزدنده هورنك اشبو
 ذهابي مختار عد ايدلديكي کبي آدم کلارک
 دخی عبارت مذکور هورنك ملحق اولديغنه
 مائل بولميشدر قرون مسيحيه دن دردنجي
 قرنك اعلم علماسندن اولوب اليوم اهل
 تليشك ميستند و معتمدی اولان ا کستاین نام

ذات ذکر اولنان رساله یوحنا نك شرح
 وایضا حنه دائر اون عدد رساله تحریر ایلمش
 ایسه ده رسائل مذکور نك هیچ برنده عبارت
 محرره بی نقل و بیان ایلمامشدر حالبوکه مو می
 الیه کرکی کبی معتقد تثلیث اولدیغی و منکر
 تثلیث اولان (ارین) فرقه سیله معاصر
 و مباحت و مناظر اولدیغی حالده الزام
 خصم و اثبات مدعی ایچون عبارت مذکور
 ره بی نقل ایله تمسک ایتمامش اولمسیله دخی
 سالف الذکر عبارت نك مفقود اولدیغی تین
 ایدرز بر عبارت مزبوره اکر مو می الیه
 اکستاینک زماننده موجود اولسیدی بهمه
 حال انکله استدلالی اهمال ایلمز و سکزنجی
 آیتك حاشیه سنده صردن مراد (اب)
 وقاندن مراد (ابن) و روح بدن مراد

(روح القدس در) دیمز و اثبات دعوی
 ضمنیه اشبو تکلیف سخیفی اختیار ایتز ایدی
 ظنیه کوره توجیه مذکور غایت بعید اولد.
 یغندن تلیث اعتقادنده بولنا نلر تلیثی کوز جله
 افاده ایدن اشبو عباریه بی اختراع ایله رساله
 مذکوریه اداخل ایلدی لر و همده بیک ایکویز
 یتیش سنه هجریه سنده میران الحق کتایبک
 مؤلفی ایله ارامزده وقوع بولان مباحثه ده
 مؤلف مومی الیه شهادت مواجبه سنده عبارته
 محرمه نک محرف اولدیغنی اقرار و کذلک طر-
 قزدن تحریفی واجب الاعتراف اولان عبارات
 سائر نک ایراد ایدیه جکی مومی الیه
 شریکی بولنا نلر ذات طرفندن حس و درک
 اولمغله اودخی عبارات مذکور نک ایرادندن
 اول اقراریه اقرار ایدیه اقرار ایدیه

تحریفك وقوعنی شریکم ایله برابر تسلیم
ایلو و مکابر معند اولدقجه یوحنانك عبارته .
سنده تحریف یوقدر دیو اصرار ایتیمه جگنی
یقینا بیلورز دیدی » .

ماجزانه اخطار ایدلم که اصل اسلا .
مک دین حق اولق اوزره حکم ایلدکری
دین جلیل مسیحی عن اصل توحید باری
اوزرینه مؤسس ایکن تثلیث کی بطلانی
جمهور عقلا عندنده مسلم اولان بر دین غریب
ایشته مؤخرأ بو مثللو تحریف اتله وقوعه
ککشد .

دیانت اخیره نصرانیه ده تحریف
چاره سنه توسل ایتیمکسزین هیچ برکسه بی
قاندیر مق قابل اولدیغندن غیر تکاران نصارا
تحریفه اول قدر الشمسدر که تحریر نفسز



ممکن دکل هیچ برشی یاپه منزل • رحمة الله
افندی حضرتلری بونلرک بر جبلت ثانیه
حکیمنی المش اولان شو عاتلرینی پک کوزل
شرح ایتمش اولدیغی کی بز دخی کندی
لفردیلر مزى بيله بزه بعد التحریف قبول
ایتدیرمکه چالشمش اولمندن پک چوق
شکایت ایتشیدک • هله فاضل مشار الیه
رحمة الله افندی حضرتلری میلادک ایلاک
عصرندن بشنجی عصرینه قدر دکل بشنجی
عصرندن اون بشنجی عصرینه قدرده
دکل اندن صکره یعنی ازمنه جدیده ده
ضایت مهم وضایت پارلاق برتحریف حکایه
ایلیورکه بونی ده قارئلرملرک نظرینه عرض
ایلمکدن بردرلو هوسمزى منع ایده مدک •
دیورکه :

معلوم اوله که پورتستان فرقه سنک
مقتدای اعظم و ملت مسیحیه مصلحینک
رئیس اقدمی اولان لوطر ملت مز بوره نك
اصلاح حال و دیانتنه مباشرت ایلدکده اول
کندوسنه تابع اولنلرک استفاده سی ضمنده
کتب مقدسه بی المانیا لساننه ترجمه ایلدیکی
حالده عبارت مذکوره یعنی « زیرا سماءه
شهادت ایدنلر اوچدر و بونلر اب و کلمه
و روح القدسدر و بونلرک اوچی بردر »
آیه سیله « زیرا برده شهادت ایدن اوچدر
وانلر روح و صو و قاندر . و بونلرک اوچی
برذاتده اتحاد ایدرلر » عبارت سی ترجمه یه
ادخال ایلدیکی کبی مومی الیهک حین حیا -
تنده دفعاتله طبع و نشر ایدیلان نسخه متر -
جه سنه دخی درج اولنماشدر مترجم مومی

اليه سني كماله ايرد كده يادكار اولمق اوزره
 بيك بشيوز قرق التي سنه عيسويه سنده
 ترجمه سنك بر كره دها طبع و نشر يني مراد
 ايدوب اهل كتاب و با خصوص خريستيانلر
 تحريفه تهالك اولدقلر ينه واقف اولديغندن
 ترجمه سنك تحريفه تصدى اولنماسي تمنياتي
 متضمن مقدمه سنده و صاايا و اخطارات
 لازمه يي ثبت و تحرير اللمش ايسه ده و صاياي
 مذ كوره اهل كتابك عادات مستمره لر ينك
 مغايري اولديغندن چوق كچمكسز ين و متر-
 جك و فاتندن او توز سنه بيله مرور ايتكمسز ين
 بيك بشيوز يتمش درت سنه سنده (فرانق
 فورت) و بيك بشيوز طقسان التي سنه سييله
 بيك بشيوز طقسان سنه لرنده (ورتنبورغ)
 و بيك بشيوز طقسان التي سنه سنده (ها-

مبورق (اها لیسى طرفلرندن ترجمه مذ کوره
 طبع اولندقدن عبارتہ جعلیه مذ کوره ترجمه -
 به ادخال ایدلمش و مؤخرأ (فرانق فورت)
 ایلہ (هامبورق) طرفندن یا طعن خلق و یا
 خوف حقندن ناشی جله مذ کوره اخراج
 ایدلمش ایسه ده اک صکره مترجم موهی الیه
 حقنده اعتقاد کاملی اولان اهل تثلیث بوکا
 راضی اولمیه رق و مقتداى اعظمینک
 وصیتی خارجنده حرکات ناشایسته اولد -
 یغنه باقیمه رق عموماً عبارتہ مذ کوره یی
 ترجمه به درج و الحاق ایلدیلر ارتق حال
 بومر کزده اولدیغی تبیین ایلد کدنصکره
 صنعت طباعتک ایجاد و اختر اعندن اول
 موجود اولان نسخ قلیله ده تحریفک وقوعه
 کلدیکنه کیم اینانه بیلور (هیهات هیهات)

فیلسوف مشهور اسحاق نیتونک الی صحیفه دن
 عبارت جمع و تألیف ایش اولدیغی رساله نك
 مندرجاتنه نظراً عبارتۀ مذکورہ اینله (طیمو
 طاوس اھالیسـنہ کوندرلمش اولان برنجی
 رسالہ نك) اجماع عظیمہ او اللہ تقوا سنك
 اسرارندن اولوب جسـدہ ظاہر اولمش
 وروحہ قوت بولمش و ملائکہ یہ کورنمش)
 مألندہ اولان اون التجی آیتی اھل تلیثہ
 فائدہ لی کورلدیکندن اثبات عقائد فاسدہ لری
 ضمنندہ ضم و علاوہ قلندیغی اکلاشلمشدر «
 (خاتمہ)

« مدافعہ » سرلوحہ سیلہ اولجہ
 چیقارمش اولدیغمز جلد اوزرینہ موسیو
 دوایت حضرتلری کندی « مقابله » لرینی
 کوندرمامش و بزی او « مقابله مدافعہ »

مجبور یتنه القایتماش اولسه لر ایدی
 « مدافعه یه مقابله و مقابله یه مدافعه » سر -
 لوحه سیله اشبو جلدی دخی تنظیمه هیچ
 مجبور اولمق سزین دیانت نصارانک مؤسس
 علیهایسی اولان عقائد اساسیه و بعض ارکا-
 نه دائر ینه کلیسا تار یخ لرندن و کتب
 اعتقادیه سندن الهرق قارئلرمزه برچوق
 معلومات و یره جک ایدک . انشا الله تعالی
 بو خدمته ینه موفق اولورز .

شم دیکی حالده قارئلرمزک نظر دقتلرینه
 عرض ایده جکمز شی شودرکه : مدافعه -
 مزه موسیو دوایت حضرتلرینک وصو -
 کلرنده اکا و کاله او ه دیس افندیکنک ایتدکاری
 مقابله نه قدر ضعیف اولدیغی و حتی بر
 چوق برلری مادتا اعترا فدن و تسلیمدن

عبارت بولندیغی کورلدی • بز ایسه
 بویله بر مقابله دن متأثر و متأسف اولمق شویله
 طورسون بالعکس غایت ممنون اولمغه
 دخی کندیمیزی حقلمی کورورز • زیرا
 قارئلر من مقابله مذ کوره یی سنجیده میزان
 تدقیق ایلمیه رک دیانت نصاریه دائر ویرمش
 اولدیغمز خبرلرک صدقی مناظرلر من نزدنده
 دخی مسلم اولدیغنی کورنجه ویردیکمز
 معلومات کندیلرینی الدائمق ایچون دکل
 حقیقه - احتیاجلری وار ایسه - ارشاد
 اولدیغنه شبهلری قالمز •

بزکه جداً ثم شکراً مسلمان و عثمانلیلر
 بز اورو پاده کوردیکمز آثار ترقی یه کمال
 حیرتله تحسین خوان اوله رق قدرتمز یتدیکی
 مرتبه ده ترقیات مذ کوره یی مملکت مزه ادخاله

دخی چالیس-ورز . فقط ترقیات مذکورہ
 خرسٹیانلغک محصول مادی ویا معنویسیدر
 دیہ بزی اغفال ایچون سو-یلنان سوزلرہ
 اصلا الدائمز . ز یرا دیانت موجودہ
 نصرانیہ دائر ایتدیگمز تدقیقات اودینده
 تشویقات ترقی پرورانہ دیہ دائر هیچ برشی
 بولمیدیغنه بزی اقناع ایلدیکی کبی تاریخ
 صحیفه لرنده ایتدیگمز تبعات دخی اورو پاده
 دینجه قیدسزلق میدان المدقچه شرف
 حکمت اوله مدیغنی دخی بزه کوستر .


اما کنجلمز اورو پاده دینجه قیدسز-
 لق وعاتا دینسزلک میدان المدقچه ترقی
 ممکن اوله مدیغنی حقنדה کی حقیقت تاریخیه یی
 بزه دخی تطبیق ممکن اوله بیلور کبی بر اعتقاد
 یاطل ایله کندیلرینی دوچار ضلالت ایما .


ملیدر لر . بالعکس دیانت جلیله اسلامیه
 ترقیات صحیحہ نك مانعی دکل مشوق تامی
 اولوب حکمای اسلامیه حکمیاتده نه درجه .
 لرده ایلرویه وارمشر ایسه عتیده اسلام .
 میه لرینی دخی اوقدر تقویه ایتمشر در .
 ترقیات ذهنیه ده دخی حکما مزه پیرو اوله .
 رق اوروپا ار باب ضلالتنك « دین ایله
 حکمت بریره صیغمز » سوزینی رد ایله
 « دین اولینجه حکمت دخی اولمز » ادعا سنده
 ثبات ایده لم . انلرک سوزلری کندی دیانت
 نصرانیه لرینه تطبیقاً صحیح ایسه بزم سو .
 زمز دخی کندی دیانت اسلامیه مزه تطبیقاً
 صحیح اولسون .


(انتهای)

10


2







UNIVERSITY OF TORONTO



3 1761 00052126 0